

武林梵志

吴之鲸

文硕阁

wenshuoge.com

目录

关于我们	3
提要	5
武林梵志卷一	6
武林梵志卷二	19
武林梵志卷三	32
武林梵志卷四	40
武林梵志卷五	59
武林梵志卷六	72
武林梵志卷七	91
武林梵志卷九	108
武林梵志卷十	127
武林梵志卷十一	147
武林梵志卷十二	161

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案武林梵志十二卷明呉之鯨撰之鯨字伯裔钱塘人与呉大山称江皋二俊万厯中举于乡数上春官不第谒选得浮梁知县卒于官是编以杭州梵刹盛于南宋至明而残废者多恐遗迹渐湮乃博考乘牒分城内城外南山北山及诸属县凡得寺院四百二十六所俱详志创置始末及其山川形胜后为天朝宠锡宰官防持古德机縁历代勲绩四门分纪名流胜迹高僧支派各编小传序録井然颇有条理其中采辑宋元人诗文如仙林崇先二寺记见曹勋松隠集智果寺记见徐一夔始兴集而志俱失载不免稍有漏脱又如宋张敦礼舍钟者非杭之法云寺而以名同误入又撰法相寺碑记者前作范楷后作沈楷亦为参错失检然搜剔幽隠无防不至实多武林旧事西湖遊覧志所未载如明遠堂诗次于苏轼诸作之后而东坡集无之张九成喻弥陀塔铭亦不见于横浦集张伯雨天池楼诗与本集互异可以参攷遗文轶事俱足为谈艺之资正不徒为伽蓝增故实也乾隆四十五年三月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

武林梵志卷一

城内梵刹

按旧志三种俱以仙林寺为首今仍之依次分派一自南至候潮门一自北至鳳山门以便观览

仙林慈恩普济教寺在安国坊宋绍兴三十二年洪济大师智卿建赐额隆兴元年孝宗改赐额曰隆兴万善戒坛淳祐三年理宗赐额曰飞天法轮宝藏又制钟铭赐之 铭曰大块噉嘘震薄盖輿眷此洪钟以实出虚栾铄其角十分其鼓岂有铸鼎收金遗禹博大阐释厚薄和均上开天阊下彻地垠乃警聋聩乃割昏晓咨尔有闻孰不心皎以为有声匪撞不鸣以为无声如雷如霆作镇梵宫法音无际巩我神皋万有千禩元至正间张士诚据为军器局洪武四年重建置僧纲司有司即其钟楼为郡城昏昕之节正德间徙其钟更铸置朝天门仁和县岁造土牛迎春于此

天长净心寺在仁和北壁后洋街晋天福四年钱氏建南渡后析其地为军寨咸淳元年兴复元季燬景防间重建 聂大年送僧日福听讲还山诗云归去深居遠俗哗莫教巢燕污袈裟从今悟了三生话高倚琼台看雨花 寺内有龙华宝阁宋理宗时卷 使许禎建宋亡禎挈三子居之学佛自晦名出尘庵元延祐元年有僧讲法华经天华纷降遂名龙华其时宝阁穹壮冠絕郡城归并于此者曰清修院正定庵保福院九曲法济院 宋高宗幸天长赐僧广宝诗云大界宜春赏禅门不掩关宸游双阙外僧引百花间车马喧长路烟云净遠山观空复观俗皇鉴此中闲

寿圣寺在虎林山上旧名长寿在东青门外淳祐间僧无住光隱重建永乐十三年潮壤徙建今所即壽圣院故址遂名寿圣山上古朴一株为风雨所掣内有大井银杏皆宋物也残碑龙凤御书之宝篆额尚存俗称祖山寺 虎林山在武林门内一里而近有小土阜高可三丈广不满百步宋太乙宫元大青莲寺在其下宋为杂造局局废山之阳旧有此长寿寺后易名今额

吉祥律寺在仁和县之安国坊宋干德三年睦州刺史薛温舍地为寺立今额治平二年改曰广福南渡初以其地为文思院军头司其寺界于两间仍扁以吉祥之额旧传其地多牡丹熙宁间名人巨公常赏之寺有观空阁 蔡端明吉祥寺赏牡丹对月诗花未全开月未圆看花赋月思依然明知花月无情物若使多情更可怜 苏东坡诗铭跋八首赏花人老簪花不自羞花应羞上老人头醉扶归路人争笑十里珠帘半上钩 花将落而述古期不至今岁东风巧剪裁含情只待使君来对花无语花应恨直恐明年便不开 述古期明日同至因用前韵仙衣不用剪刀裁国色初酣卯酒来太守问花花有语为君零落为君开 惜花吉祥寺中锦千堆前年赏花真盛哉道人劝我清明来腰鼓百面如春雷打彻凉州花自开沙河塘上插花回醉倒不觉吴儿哈岂知如今双髻摧城西古寺没蒿莱有僧闭门手自栽千枝万叶巧剪裁就中一丛何所似玛瑙盘盛金缕杯而我食菜方清斋对花不饮花应猜夜来雨雹如李梅红残綠暗吁可哀 自跋云钱塘吉祥寺花为第一壬子清明赏会最盛金盘防簋以献于座者五十三人夜归

沙河塘上观者如山尔后无复继也今年诸家园圃花亦极盛而龙兴僧房一丛亦奇但衰病牢落自无以发兴耳昨日雨霰如此花之存者有几可为叹惜也

冬至游寺诗井底防阳回未回萧萧寒雨湿枯菱何人更似苏夫子不是花时肯独来
后十余日复至东君意浅着寒梅千朵深红未暇裁安得道人殷七七不论时节遣花开
观空阁铭过眼荣枯电与风从长那得似花红上人宴坐观空阁观色观空色即空

大中祥符律寺在祥符桥畔梁大同二年邑人鲍侃舍宅为寺旧名发心唐贞观中改众善神龙初改中兴宋真宗时改大中祥符其广九里子院有千佛阁诸天阁戒坛院内有铁塔一石塔四钱王所凿九十九眼井实灵芝大智律师受经之地金人南防燬于兵南渡初斥为军器所元初仍建寺至正末燬洪武间重建其傍地尽为军民之居 苏子瞻祥符寺上元观灯诗纱笼擎烛迎门入银叶烧香见客邀金鼎转丹光吐夜寶珠穿蚁鬅连宵波翻焰里元相激鱼舞汤中不畏焦明日酒醒空想像清吟半逐梦魂销曾子固诗月明如昼露华浓锦帐明廊笑语同金地夜寒消美酒玉人春困倚东风红云灯火浮沧海碧水楼台浸遠空白髮蹉跎欢意少强顏犹入少年丛可从师上元诗门前灯火鬪分明一室清风冷欲

冰不把瑠璃闲照佛始知无尽本无灯

长寿庵 放生池记西湖古放生池也法从而敝实亡名存敝之从而安焉恒产乎水族并迷其名若罔闻者岁在乙未予演圆觉于佛国山之南屏南屏故有池当其三门一时主防诸名公捐资赎而出之植莲其中断渔业人由是知放生池为武林旧事既而予复凿池上方既而北门有园园有池复赎之园距上方南北相望者半拘庐舍而城之内有二放生池矣顷予碑上方谓以是为之兆兆且引而蔓延之顾予德防年衰不足以风未知继此而兴起者更几池也上方苦隘仅为池余少丛竹羽虫之获追其生者聊以依止兹颇闲旷池聯比扩之则濺然成浸水涵而土山垒之则 然成山循而界之则幽然成径相其宜而树之竹木则郁然防而成林将使嚶嚶洋洋乐而相忘虽无繇拟飞泳亭之万一而犹冀想像其遗踪则上方所不逮也园以东为兴福禅院旋而南为养济院又旋而西为得一道院养济昔号悲田圣主贤臣哀防民之颠连而无告者设也今之困矰餌伏质于刀砧必不可逃而待烹其无告尤甚贸而畜之池纵之林俾终保残寿慈孰加焉佛示三福云慈心不杀而五福千箕畴亦寿为其最濒杀而重寿之福孰加焉天地之大德曰生舜之德曰好生德一而已上清下宁侯王所以配两间之从长贞万物之寿命者恒于斯德孰加焉儒道释三圣人之伟迹鼎峙夫三方若环拱然而园介乎其中是曲阜之仁里摩竭之慈室西华长生葆真之灵宅天合而防隣也岂偶然之故欤夫救生之灭也而有生求其生而未尝生也而无生无生然后无生不生则生灭一生灭一则福兴于无相悲济于无缘福不可得悲不可得一亦不可得唯法性常住不断不续同于虚空彼梵网以放生为常住法常住者金刚身无量寿也廼庵其园曰长寿而园有荒庐数楹飭治之为供接导师及当来慈氏尊像盖津梁所放一切含灵先生安养息轮廻苦后于龙华而得授记也庐止是无增多以净戒僧守之守之之方具如上方记中语时里之父老闻予言前执予手歔然太息曰园之源吾弗知之矣吾犹及见二禅人居焉向稔其古为伽蓝而业已蔬圃莫返厥初吾何图重睹今日也是役也始其事者予与化卿宋君而诸上善人乐助而成斯美利者例得书碑左云祿宏记

青莲寺在车桥北宋隆德间钱氏建祥符中改净戒院先是宋元丰中吴处厚以皇嗣未立上书乞立程婴公孙杵臼庙诏封婴为成信侯杵臼为忠智侯庙食于绛后又以韩厥存赵孤三人皆以春秋祠于祚德庙绍兴二十年建祚德庙于院内以春秋二仲祭之至正末张氏据圣寿青莲二寺为府而庙亦废

崇福庵在平安坊石晋开运三年僧义宣教厚法师建宋元兵火因仍入国朝复兴嘉靖间僧苦徭役乞庇于总戎万鹿园称万氏宗祠几为所据万厯乙酉僧能惠等募赎鼎新殿刹宏伟缁侣云集称十方禅院冯梦祯沈梗虞淳熙为之记

法轮寺在观桥南五代长兴中 法师建于城东汤镇额曰观音后改安国宋大中祥符间改法轮洪武间立为丛林永乐十八年潮啮殿基僧至恂改建今所

栖禅雪洞院在平安坊吴越王建于艮山门外名观音院建炎间改栖禅院至正十二年僧时俊作雪洞于今处移请旧额为栖禅雪洞院今并慧云寺 僧泐季潭诗洞雪团团白飘来不自风恍疑云母室如在水晶宫大暑翻愁冷深春未觉融不须灯照夜定起月朦胧 祥止庵禅室虚生白居之最吉祥了经何待月上髻不知霜宿恐云来借寒愁火有妨老禅栖息稳无复梦华阳

兴福寺在斜桥南宋绍兴丁卯左丞薛昂以花药圃施僧慧观筑庵名曰择胜寻建佛刹请龙山废兴福院额表之国初定为丛林

止止庵在羲同安谷坊万厯三十年僧如玉重建广寿慧云禅寺在三拨营畔宋淳熙十四年张循王之孙鎡舍宅建寺绍熙元年赐额俗称张家寺有留云亭白莲池元至正间燬洪武十七年僧文副重建永乐九年永忠宣德间广睿 治元年福海相继重建万厯间旁地侵为赛西湖辛亥复原额

僧梵 留云亭诗云人家十万绣成堆未抵南湖一段奇象辇不来春草绿小亭云鎖紫珉碑僧德祥白莲池诗云念念西池道路赊东池今已种莲花他时若到西池上应念东池是故家吴用先重复慧云寺建宣义张公祠碑慧云者张宣义所舍南湖园宅绍熙间请于朝以为寺者也岁从渐湮狭少其额迤东稍稍入军营而所为南湖俗称白洋池者亦不知何时并入民居万厯间复有豪依大珰踞其寺之半并没其所失额于军营者即具宫室安处其上为年且二十有余余与右辖窦公力清故物尽反所侵并营房悉撤还寺俱复其租慧云已光复矣已与孙司理乔仁和杨钱塘谋修饰佛宇首建张公祠以酬其宏深之愿古今之舍宅为寺者多矣即右军东山辈皆慧业文人卒不闻亲勒文字建之金石慧云独有之模丰碑所手书预制发愿疏出自血诚读不能终篇泪潜潜下想见公之为人也史魏国与公同时称公闲居遶声色薄滋味屹屹诗文自处不异臞布考之史乘殊非实录魏国盖以是饰公焉夫公雄才大畧风流文雅人也玉津讨贼之举公实沈几制为文章灵心灿出笔彩纵横絶无书生笔墨之气盖非屹屹以此道见者自奉极侈园池声伎服玩之丽甲天下南湖园世所传凌霄亭玉照堂诸胜在焉即其排比十有二月之燕游各有次序而牡丹一防名伎且百数十人梅花之社一棹径穿十里岂齷齪小生为假令歌舞浓而感慨生杯酌酣而逸兴阑此亦称英雄回首大力

矣而考南湖舍寺之年顾即其经始之第二岁诸所赏心乐事之见于南园者乃更其假舍寓居于所舍之后是诚何心哉公之言曰光明藏中孰非游 若心常清净离诸取着于有差别境而能入无差别智则淫坊酒肆徧歷道 鼓乐声音皆谈般若倘情遮物隔境逐源移如鸟黏藕动伤性命又乌知所为說法度人然则公之舍寺也寺与家等舍与不舍等身后之舍与生前之假寓等赤洒白净不挂一丝真舍矣彼所为沧海桑田之感公实无当焉而图报福田之论犹浅之乎言公哉乃知真用世人真文人真受享人即能为舍其用世舍其文舍其受享而大展手眼于觉海无边中也斯寺一区公之自力实足以奠之发愿之文犹其诱人者耳寺迄今犹呼为张家寺公之真诚在人也慧云其旧所赐额踞杭北城艮山门之西南湖之上其中东西井各一原碑载地百亩今清得为亩者五十四有奇为弓者一千三百十七有奇周以界石东底营南界长和巷西许田北负睥睨后之人如有妄覬而搏取之者公之誓文可畏也公名鑑字功甫别号约斋循王之曾孙官宣义郎直秘阁判临安军歷右司郎为少卿云 张鑑自撰誓愿文云大乘菩萨戒弟子承事郎直秘阁新权通判临安军府事兼管内劝农事张鑑右鑑一心归命本师释迦牟尼佛当来下生弥勒尊佛西方极乐世界阿弥陀佛十方法界诸佛诸大菩萨緣觉声闻大梵天王帝释尊天四大天王韦防尊天守护正法天龙八部大权圣众五岳四渎名山大川祠庙神只伏望不离真际普赐证明鑑恭以欲导羣迷必阐扬于佛道将兴遗教宜建立于僧坊胜福难思契经具载鑑生佛灭后值法住时幸发无上心愿学第一义念真乘难逢于旷劫思慧命常续于未来助行欲妙于庄严随力当施于利益深心所在至愿方陈阎浮乃众生选佛之场震旦多大乘得道之器教法东渐而独此为盛祖师西来而其传不穷由是众多之伽蓝徧我清淨之国土或据名山胜地或居赤县神州皆古德之所兴实檀那之自创伏遇主上体佛心而治天下崇祖道而护宗门惟钱塘驻蹕之方乃寰宇观光之地昔相国曾闻十禅之建今在所未见一刹之隆如来演教于王城盖居精舍宗师接人于闍市可乏丛林都民胶扰而罕闻說法之音衲子往来而靡有息肩之处慨斯阙典从矣经懷昨倦处于旧庐遂更谋于别业园得百亩地占一隅幽当北郭之隣秀踞南湖之上虽混京尘而有山林之趣虽在人境而无车马之喧爰剪荆榛式营栋宇劳一心而经始歷二岁而落成念胜处可作精蓝而薄德岂宜于大厦顾栖身之尚赖姑假舍而寓居浮生自叹于艰虞幻质累萦于疾疚求佛祖之加被祈天龙之护持增长善根销除宿业年得逾于知命运获度于多灾必法尊经变秽坊而成淨域定依前哲舍居宅而为梵宫用分常产之田常作香厨之供愿主席者皆有道行使挂锡者咸悟心源为东方立光明幢与末世洒甘露雨挿草不离于当念布金何借于他緣言弗苟陈誓无终悔鑑切虑事有多障时不待人先期或至于报终异议恐纷于身后宗族长防朋友亲姻或称乱命之难从或谓名教之有害引屈到嗜芰之說谓王旦削髮之言壞我良因夺我素志以至恃势力而求据占由贿赂而请住持輒污招提妄譚般若是出佛身之要是断正法之轮死当墮于阿鼻生遂遭于奇祸特将此誓痛警若人俾革一时之狂心勿受歷劫之极苦盖念起立墮庙饭食沙门流通大事之緣成就圆机之善恭愿皇图巩固睿筭增延期永措于兵刑庶宏持于像教上荐祖先父母次及知识冤亲八难三涂四生九类悉资熏而获益总解脱以超轮广此愿心周乎法界作菩提之妙行为淨业之正因佛国俱空毕竟首登于极乐法身非有不妨面奉于弥陀普与有情同成此道谨疏其碑现存书法適媚酷似小米云间董太史其昌极珍之复有魏国公史浩撰记学士楼钥书俱存

七宝寺在盐桥东梁贞明七年钱王建名上方多福院宋大中祥符间改今额有六游堂临晖

阁郡守王钦若诗

普照院俗称报师庵在盐桥北晋天福八年钱氏建旧名报国千佛院祥符间改今额洪武十四年僧正宗重修嘉靖八年燬重建

潮鸣寺在庆春门北梁贞明元年建初名归德院高宗南渡驻蹕寺中闻江涛声赐今名寺北有回龙桥高宗尝作诗赐统制刘汉臣勒石寺中诗云野寺参差落涨痕疎林欹倒出霜根扁舟一棹向何处家在江南黄叶村兵燹重建洪武二十四年立为丛林

普慈寺在蒲巷内宋绍兴间僧思净建元至元间僧元忠修

水月庵在潮鸣寺东僧道拓地四亩构禅堂焚修其中旁有放生池

莲居庵在土桥东古延寿庵址燬于兵万历六年里人虞淳熙建懺室延绍觉法师安居而加拓之结禅讲期方伯吴公碑定额为莲居有记虞淳熙载钱塘志曰广承字绍觉潘氏子少颖悟师圆鑑勤三七懺精相宗云栖宏命之代讲于天台贤首教模象知形无师自防昼夜听众围绕戒铠甚坚后观佛面西而逝方伯浮渡居士吴用先碑记武林故称佛国古刹精蓝贲相望于山林城郭间然天下莫不重趺而走云栖者非独其刹胜也禅教律争取宗焉四十年来法嗣綦布区中其间绍明教律以一精蓝走天下者则无逾莲居云莲居为绍觉承上人庵院上人即云栖首座余既获叅请云栖谋以公余谒讲席而竟示寂往矣寒灰老衲飞锡莲居亟为余道其生平甚悉盖年未三十已从云栖大师应期吴越间所至輒命代讲俨然堪作人天范矣而犹不自满假遄归建懺室礼法华足不窥户外者六易寒暑严净毘尼研讨三藏于台宗尤宿契焉弱冠辩六即义时贤悉为逊席读法华籤会释过目即能防检其讹演唱垂二十年四方弟子日益进上人为之搜抉秘破难析疑尽形寿无几微倦色人率拟师智者后身上人欲然自视若未敢鴈行于四明荆溪间也既以声闻行律身又以菩萨行法视末世中滥据法王之席而缺篇犯聚空腹高心且哆口增结筭沙云者何啻在羣之鹤翔仞之凤乎以故崛起一隅竭蹶四众叅云栖而下即叅莲居城东咫尺地卓然为海内一时法窟云莲居当庆春清泰二门之间左负郭右亘土桥门绕清流竹树环列临其地者恍然有乐邦水树之思焉先是依大觉上人于万历六年始建二十四年上人复加拓之懺室则德园虞公所建庵名则古鄞屠长卿公所顔余更为酌定者也其徒大真三十五年佃地在庵师歿而真主庵事二三居士复为广室置产时共四方名宿结禅期讲其中宛如其师在时呜呼天下古迹名区半委之断崖衰草莲居以一泥丸驰誉二纪且使子若孙悠然承之可从可大岂非法席之兴以人不以地而行寡仪范学无师傅固难以虚声笼世也哉余故乐而志之使知莲居所以蔚为世宗者诚非偶然而云栖一滴水其沾溉固无涯也上人着有心经二解唯识因明观所縁縁论记若干卷方谋梓行世其懿行备载铭传暨钱塘志中弟子具辨才能升座者甚众兹不复详聊志庵居始末如此

华藏寺在横河桥东唐清泰二年吴越王建名报恩院大中祥符间改今额淳熙十五年重建僧济天岸诗清泰年间古道场门前驰陌几炎凉破除客梦憑吟草陪伴禅心有佛香宝地月

来清耿耿江城潮落夜铿锵叮咛细柳营头鼓莫放腾腾更防长

悟空寺在淳祐桥东晋天福七年僧齐教建名崇新院大中祥符改额淳祐六年法昌重修元末燬永乐元年德兼重建门有小溪茂树可防

长明寺在螺蛳门内晋天福间建宋开宝四年钱忠懿王改名法灯治平二年改长明佛印禅师开讲于此元季燬 治十五年僧如坝重建万厯庚戌葺治一新

相国寺在淳祐桥东北百步许北齐天保六年建名建国唐时燬为郑景宅园景云初僧慧购为寺值睿宗由相王即位赐名相国元末燬洪武初僧大云重建置僧纲司于内正德八年僧东明重修尚书洪钟为之铭 费宏诗舍卫结禅林幽栖一径深竹窓悬緑蔓莲座相黄金解脱身前业遥知去后心坐谈那忍别殊为涤烦 虞淳熙诗行到云深处云深故不飞钟声迟好月诗思转明玠入午藤花饭经冬薜叶衣那知人世里辛苦属轻肥

灵芝崇福律寺在东花园崇新巷俗称蜡烛庵唐贞观己酉年郡人施光庆舍宅建名实际院宋佛印禅师重兴元季燬元统间僧妙通重建洪武二十四年立为丛林永乐间徵僧能守纂修永乐大典宣德徵僧如真校修藏典正统徵僧智淳説戒开坛为天下传戒宗师乙亥年辞朝沐浴坐化皇上遣礼部赵昂谕祭智淳曰尔夙悟善縁坚持梵行迺膺荣命为释宗师方阐法音导人为善倏云示寂良可悼嗟灵其如存服兹谕祭赐勅谕祭碑额见存为律宗第一山钱塘县岁造土牛迎春于此 元时刘伯温以行省都事坐法宿庵中简俊上人诗云城外春江动客愁江边细草緑悠悠还将短髮临岐路畏向东风忆旧游斜日遠天归鴈急薄云孤馆落花稠青灯不放还家梦一夜腸回一万周万厯壬寅僧如尧重修

大慈庵在墓园巷宋淳祐四年僧德殊建洪武三十四年僧可观重修

金刚广福教寺在章家桥东晋天成间善果法师肩负金刚憩息于此夜放光明陈少师感异舍地为寺初名功德院宋寶佑年间理宗赐今额至正末燬洪武十八年重建有衍慧堂御史谢文昌记万厯辛亥寺僧常秀捐衣鉢募众重修

妙净庵即古妙净寺在香饼子园万厯甲寅沈宫詹防集善信重建延云栖僧大雯焚修于此

祇园寺在东花园狮子巷西北太平兴国间僧清照建旧在郊台侧南渡后造御马院移筑于此至正间燬重建

东冈寺在狮子巷西干德元年德法师建绍兴三十二年赐额永乐十八年僧松岩重建

惠林寺在蒲场巷绍兴初汴僧惠林禅师随驾来杭建兴国院于天庆坊嘉定四年移于荐桥门外报国寺基改名惠林元至正间展城围入寻燬洪武初僧昙芳重建

佛惠寺俗呼寿火星庵在仁和县之義和坊元大德间建后燬景泰间重建

崇宁万寿教寺俗呼姚园寺在高阳间巷宋初为姚氏花园绍兴初僧慈昌购园结庵乾道初赐额淳祐二年建膺福殿以奉理宗御容元季燬洪武初僧大云重建

慈云寺在高阳间巷周显德二年僧圆觉建名慈济大中祥符间改今额理宗书灵感道场四字洪武二十四年立为丛林沙门延礼重修嘉靖二十年燬僧圆鼎重建

水陆寺在狮子巷南宋太平兴国七年生法师建咸淳间僧师则重修内有银杏二株甚巨盖宋物也寺故在城外张氏展城围入 苏轼寄水陆寺清顺师诗草没河堤雨暗村寺藏修竹不知门拾薪煮药怜僧病扫地烧香净客魂农事未休侵小雪佛灯初上报黄昏年来渐识闲居味思与高人对榻论

白莲寺在仙林桥东晋开运元年吴越王建名华藏院宋治平间改妙惠院咸淳间僧祖显诵经持戒地产白莲因赐白莲妙惠寺额

下水陆寺在平安坊旧名无碍院宋嘉熙三年被潮水冲坍僧行椿于太平桥西南无碍院住宝佑二年奉礼部符据临安府四月给帖赐额重建改今名东有古栢轩

孝义庵在菜市桥西即古无碍庵故址万厯间禅师祿宏重建方伯吴公及郡邑长各助资给割名孝义无碍庵方伯郭子章匾曰超尘详司马宋应昌记 莲池禅师少与予同业夤校予登仕禅师出家为嘉靖乙丑禅师夙志方外以二尊人在不敢离既先后岁双失怙恃将力酬所愿而室人汤氏年才一十有九前儿殇亡忆子輿之规疑未决已而念风灯石火时不我延遂疾从薙染汤处室斋戒禅诵与其母偕母寻故子然防居宗人议后以三侄文彬无何汤亦脱簪珥为尼僧召文彬谓曰兹无所事后不后我固无害彼生而养死而服而殡而祭世法也吾学佛存资鉢衲歿归阇维耳夫何求哉因举所有田庐普给羣侄于文彬低昂之而别以居属文彬已从隣僦舍防枢蓬门夕灯晨香阒如也嘉禾朱公子衷纯追厥先大夫银台虞葑先生遗意首事搆庵而予与一时宰官居士比丘某某从防焉累百金买赵氏故宅宅苦隘水文学施傍屋一楹附益之又岁从頽圯几尽众相与施材缁侣之能匠石朽壤畚插者相与施工施力中为禅堂凿井于左庑余垣轩厨漏畧备而已予惟禅师无子无留貲无素所憑依故旧亲戚僚友汤以年少妇独御家政伶仃苦辛多歷年所如一朝及其分田割庐皆出本懷亦难矣诸上善人怜而庵之义举也举于义则十方常住业也后清信女展转相续焚修于此庵遂为二尊人庄严报土又孝思之道也按府志菜市桥西有古无碍庵其后渐没入于民家徙而北里之耆氓告予以斯地正庵之旧址从湮忽兴殆天意非人力而义以孝不虚孝以义不泯若交相成而不相悖乃防古证今合而顔之曰孝义无碍庵沈氏子孙尚其念之防之以无忘孝义永为人天福田流庆渊渊后必有昌大其门闾者汤法讳祿锦暨禅师同师关中南五台性天和尚遡禅师出家逾四十稔盖行年五十九而庵成

崇思延福院在盐桥下八界旧系西北流寓濠州钟离县孔雀妙明寺淳熙十四年嗣濮王请

为功德院赐今额

圣寿寺即永福寺在后洋街宋嘉定元年僧永明建淳祐间赐额永福以奉秀王香火元至元燬洪武初善祥重建宣德十年赐今额

觉苑寺在丰乐桥东宋尝徙三圣庙于此改赐额曰旌忠庙寺从废宣德中重建

千顷广化院在木子巷北开平元年吴越王建旧名千顷大中祥符九年改赐今额中兴后为临安府祝圣道场僧了性精于医善草书东坡尝为作六观堂老人草书歌赵清献公名其堂曰垂慈堂以着其疗疾济人之功东坡草书歌物生有象象乃滋梦幻无根成斯须方其梦时了非无泡影一失俯仰殊清露未晞电已徂此灭灭尽乃真吾云如死灰实不枯逢场作戏三昧俱化身为医忘其躯草书非学聊自娱落笔已唤周越奴苍鼠奋髯饮松腴剡藤玉版开雪肤游龙天飞外人呼莫作羞澁羊氏姝参寥子千顷庠院观司马才仲遗墨诗朦胧春雨湿村桥竹里禽啼婆饼焦度谷倦闻车轧轧穿林愁听马萧萧细窥陈迹僧房静默想风流鄙俗消浮魄浮魂今已矣无人为作楚词招

明庆寺在木子巷北唐大中二年建为灵隐下院大中祥符五年改今额宋中兴驻蹕视东京大相国寺凡朝廷祷雨赐宰执百官建散圣节道场咸在焉淳熙十四年六月嘉熙四年七月皆以祷雨车驾临幸理宗回銮撒盖甘雨随至平章乔肃公行简献诗贺上用韵以赐又御书明庆二大字淳祐六年重建法堂御书南山道为额嘉泰三年建阁藏御书扁曰宸奎万寿之阁有苏文忠书观音经碑及题识大智祖师书弥陀字碑又有法喜堂明碧轩王荆公为僧修广作法喜堂诗浮屠之法与世殊洗涤万事求空虚心思以此不挂物一堂收身自有余堂陰置石双嶓嶭石脚立竹青扶疎一来已觉心胆豁况乃宴坐穷朝晡初忆防时勇自许壮大看俗尤崎岖丰车肥马载豪杰少得志愿多忧虞始知进退各一理造次未可分贤愚防将筑室反耕钓相与此处吟山湖沈文通诗溷溷学佛者营营良足悲不知佛之乐谁使汝学为广师吾州秀智解乃天资既以法为喜万縁脱若遗高堂客满坐妙语破羣疑来者岂不辨辨此堂之题王荆公寄题明碧轩诗明碧轩南竹数丛别来江外几秋风道人无复人间世嗟我今为白髮翁赵忠简公明庆僧房夜坐诗月明窓竹冷横斜坐看风灯落烬花老眼病余嫌细字枯肠寒甚怯清茶囊空岂是人为客梦短其能飞到家但有流年寻髮髮萧萧蓬葆靖霜华

菩提律寺旧在钱塘门外宋太平兴国二年钱惟演舍宅为惠严寺七年赐额建炎间火绍兴中复建有堂二曰南漪堂迎薰堂东坡题南漪堂看杜鹃花诗勒于石至元末筑城徙寺于宪司巽方太学街东永乐间节庵守公被召修大典智淳修戒律别原修藏典约宗亦以高行被召四代入覲亦沙门荣遇云正统十一年丙寅七月丁卯朔初九日皇帝遣礼部郎中赵鼎赐祭宗师智淳曰尔夙悟善縁坚持梵行迺膺荣命为释宗师方阐法音导人为善俟云示寂良可悼嗟灵其如存服兹谕祭万厯二年重建后殿内奉旃檀白衣观音像苏轼题南漪堂看杜鹃诗南漪杜鹃天下无披香殿上红毵鹤林兵火真一梦不归阊苑归西湖菩提寺小轩晚晴诗杭颖雌雄本自殊淡妆浓抹是吾姝满倾涨玉千钟酒来看镕银百顷湖白鸟去边山泼黛緑蒲疎处雨跳珠不知能似王摩诘貌得西湖落照无

灵寿寺在曲阜桥东元至正二十一年浙江行省左丞相达实特穆尔建本辉和尔氏世族故称辉和尔寺俗讹为义乌寺洪武二十四年改今额

安国罗汉寺即相国寺俗称西井寺在井亭桥西甘泉坊内宋淳熙十一年开山显禅师请凤凰山已废安国罗汉寺额为额内有六井唐大历五年邺侯李相国所开六井之一寺屡燬以井故至今存

上方寺在溜水桥西僧祿宏重建内凿放生池 祿宏有记曰武林自宋蹕南驻环湖山禅讲律寺粲然棊布星列而郭以内称焉迨今多半沦没至不可考诸传志有上方寺者背倚城垣左右掖涌金钱塘二门前通西井官道盖肇建后梁贞明七年而国朝景泰四年僧以难事作散去寺随废渐蚕食为民居仅存者什一优婆塞沈善能者庐其中嘉靖二十三年尚宝卿六桥徐公得请于官佃为圃公无子以畀女遗命还寺女孝且贤持契归王氏遵父嘱以畀云栖遂复为僧地如初无何王谢世居士化卿宋君闻其义而高之化卿以世禄之裔砥德砺行乐善不厌迺输金赠二子更与之契予亦罄衣资偕善信旁赎其故址若干向明正位别为 廊旋所向面城而门取幽寂也期世世承事三宝因谄于众曰唯上方弹丸重兴伶仃衰防何修何营而俾从远或议辟草莱轮奐其殿堂羣之以僧僧多则常住予以为不然时丁未法塔寺靡坚试屈指而计凡三门乎闾闾者榷椎之庭不为罽毼之所能几僧虽多而行寡奚以多为顾兹地隣城城隣湖湖外高而城内卑随锄成流亢阳所不能涸因而池之良便以池放生以隙地之敝堂稍葺其庭楹守以二三诚信衲子蚤莫禅诵庶几上祝皇图下济含识得之一举矣或谓物如尘如沙池一勺耳容有限奈何而庸知夫凿斯池也为之兆也防引也引而伸之而又伸之汪然徧域中矣昔子产之畜鱼一勺也使郑之人若大夫若士若民皆然郑之与国若燕赵齐楚辈皆然则池无量所畜无量不然西湖古放生池也谓普容天壤间物宁有是乎哉化卿曰唯唯与其仲直卿诸贤士夫诸比丘净人有呈财者裹粮者疏其塋而锹者畚者耜者枯横泉之挠而辱者樵者埭者固隄防之浸淫崩頽而埤者堦者□者防者捍狸与獭而苏者闲其外侮而版筑者忧其寒暑而上为之□下为之窟者皇皇乎昼胼宵胝劳不知息兼工再阅月而池成于时在筌而释当釜而逸洋焉悠焉出而游焉一勺之内足其从容也予喜且惧稽首而告于十方如来主池神主伽蓝神愿以佛力法力贤圣力诸神誓愿力慈防而威临之从于今日尽未来际常为鳞介诸水族等栖止安宅又稽首而告于见住僧后住僧愿以戒力悲智力念流水之苦躬而泽焦□天台之抗章而断簷梁智觉之负辜成仁蹈白刃而不悔尚永持无戮以风四方敢有叛先盟师陶朱媒利于网罟或倍众而售之乎白衣是名违佛律犯波罗夷诸所称释子者鸣以羯磨遄摈絕之勿共住即朋比而阿神必陰繫其魂显僂其形无能逃者既免焉其报尽也堕泥犁中婴万苦无竟所以者何好生恶死天道也人情也前人捐难舍之货役所爱之身创五浊世不恒见之胜举以生必死之命置之安全后人忍不一深思之而惟便其私图于天道逆于人情不祥从逆凶不祥者灾逮鼓桴形影感应自然非危言怖之也化卿及诸大众踊跃欢喜叹未曾有作而曰善哉是缁与素之 镜也不可使无闻于末法也而碑上方颂曰始举为兴灭而兼得放生岂唯灭不灭生亦无生相生灭俱灭已寂灭何有方以明超于方无方中說上无方說西方其意亦如是作寺作池人愿共了斯防

妙心寺在涌金门内旧在西湖行春桥南元至正间徙今所

长生庵在溜水桥西城下为昭庆下院旧有冲静真人遗址万厯间寺僧智礼募金赎建正殿掩关六载装塑千佛罗汉 杨廉夫诗独坐清都鹤梦长碧天如水月苍苍云和有乐降王母霹雳无车唤阿香雪泛玉瓿茶吐沫花零金剪钵生光仙风不动庭前竹又送防钟到下方 赵孟頫诗流水桥西一径斜青衣相接到仙家香分橄防烧银叶酒泻松脂溢紫霞綠竹满堦初解箨碧桃几树正开花何时脱却尘凡累来叩丹房九转砂 聂大年诗葢宫琪树罢栖鸾空有都太古坛野老不寻餐玉诀山人自制切云冠杖龙化去秋池涸笙鹤归来夜月寒前渡刘郎偏好事种桃留与后人看

比胜庙司马宋应昌建云栖大师弟子真玉修净土其中

慈济院旧在西湖莲花桥北自牧牛孝公苦志精修事母至孝盖欲广慈利济托迹禅那士大夫咸敬慕之名因称焉实为开山第一代祖事闻于上赐号 慈普济大禅师即额慈济院元末兵燬洪武壬子年僧行德重辟于南壁积善坊傍有宝觉寺正德十四年僧宗恺重建尚书洪钟为之记

真教寺在文锦坊南元延祐间回回大师阿喇卜丹所建先是宋室徙蹕西域夷人安插中原者多从驾而南元时内附者又往往编管江浙闽广之间而杭州尤伙号色目种隆準深眸不啗豕肉婚姻丧 不与中国相通诵经持斋归于清静推其酋长统之号曰满剌经皆番书面壁膜拜不立佛像第以法号祝赞神只而已寺基高五六尺局鑄森固罕得防入者俗称礼拜寺

慈光寺俗称铁佛寺在钱塘芝松坊佑圣桥西晋开运初晤恩禅师建宋宝庆二年清河郡王张魏公割地扩充名张府功德庵元至正燬正统间重建万厯壬子撤圯殿新之方伯吴用先有记 重建慈光寺碑记武林有佑圣桥旁为慈光寺寺有弥勒尊佛以铁铸之俗称铁佛寺因以名桥晋天福间晤恩禅师卓锡于此迨开运初寺成师时登座讲贯弥年通達法华金光明经止观论咸洞 防寻施覆述门弟子相次角立宋雍熙三年八月朔日恩于中夜覩白光自井而出明灭不恒谓门人曰吾报龄极矣乃絶粒禁言一心念佛次梦拥衲沙门执金炉焚香三绕其室自言祖师灌顶来此相迎汝当长逝梦觉呼弟子至犹闻异香至廿五日弟子说止观指归及观心义辰时端坐面西而化其夜寺僧皆闻丝竹嘹亮渐从渐遠依稀西去迨九月九日茶毘获青白圆粒无筭建塲于玛瑙坡因以事闻上请额御书慈光普照四字顏其门法席之盛甲于通都后宋宝庆二年清河郡王张魏公复舍基廿四间拓而充之共计四亩余名张府功德庵元至正燬皇明正统立中成师重建而宝觉寺铜佛庵寺属焉寺有合抱银杏五株及放光古井皆宋物树为风雷掣去井甚甘冽给数百家大旱不涸咸称为慈光甘露泉云第阬阨鳞次湫隘嚣尘门难旋马殿亦渐圯寺僧慧皐年十九矢志鼎新闭关书莲经积三年缙绅士庶鉴其诚共为檀施不脛而驰盖发愿在万厯甲辰鸠工在丁未至壬子落成中建大雄宝殿高广逾旧制廊庑门檻委折合度殿左有古迳逶迤纡曲深藏大士居供古佛三尊左右诸天罗汉猊座莲台金碧耀射仍重铸弥勒以识其实约费二千余金灿然一新其间助成者僧智能防法宰官则中丞金学曾太守凌登名孝廉吴之鲸等赞襄则王介朱佐沈坤戴纶张永年而与防有俞普才者助义田供常住为大殿四时香灯之费噫一念坚持众緣俱到

信非诬矣余观武林梵宇之盛载在谱牒者什五沿灭大多因山水而存因人而废如慈光在市防中无山水之胜而古刹聿隆则皞志可述也余因书殿额为 而锡之以记

慧安寺在十三湾巷晋天福间吴越王为明律师建于草桥门外罗木营地元季燬洪武初僧得实移于钱塘保安坊东永乐乙未又移今所少保兵部尚书于谦为之记

宝梵寺在镇海楼北晋天福初建于崇新门外名崇寿院宋淳熙二年徙建今所崇宁元年赐额宝梵洪武二十四年并入慈云永乐元年重归原所尚书夏原吉为之记

海防寺吴越王建旧名石佛智果院宋大中祥符间改名积善海防寺嘉泰间燬至正间重建平章库子山书大海防寺额御史大夫庆通书观音宝殿额成化十年火逾年僧浩中重建

百法寺在石龟巷宋建炎初僧宝宁建有大佛半身依山凿石为之淳熙十四年赐额广润元时改额百法赵子昂书元末燬天顺元年僧道冲重建

宝奎寺在吴山之阳宋丞相乔行简故第奇石峭拔东望海门如在咫尺绍定间理宗幸其第书见沧二字又书双现楼孔山二轴五大字赐之勒之厓石遂舍宅为寺以宝奎请额诏从之元季燬 治间重建有月江和尚钦取和番化导留彼不回成化改元其徒道泽日持金刚经为课游天目重建昭明道 毕还山是时寺迹 分而寺所存者仅见沧石与殿基耳泽具奏恢复逮系藩司理问所狱仍日持金刚经不彻半年余岳伯忽梦感老僧觉而徧物色之有以泽言者即出狱见之宛然梦中僧也遽然惊异即师礼之成化二十三年重建尚书洪钟为之记

宝成寺晋天福中建名释迦院宋大中祥符间改今额岁从废为黎氏园万厯壬子方伯吴公清复捐资建大观楼开砌石径焕然一新壁间有唐宋时石观音罗汉像甚古有苏子瞻宝成院赏牡丹诗春风小院却来时壁间惟见使君诗应问使君何处去憑君說与春风知年年岁岁何穷已花似去年人老矣去年崔防若重来前度刘郎在千里诗镌石壁笔法甚遒其旁有岁寒松竹四字乃成化间吴东升题者 浙江叅政左赞诗吴山曲径入西南方丈云 僧两三艾纳吹风香细细葛藤冒日影氍毹泉分童子青衣洞尘断维摩白石庵画省若逢公事了海天送目再停

云居圣水寺旧名云居禅庵在七宝山元元贞间中峯禅师建山皆本府财赋地师请而得之芟荆棘夷岩堑搆殿宇不置恒产惟资檀施或持鉢化緣立为常规俾后嗣永守至大己酉传之中舟复增广之因辟殿基得古井浚之得三石佛首遂名三佛泉邓文肃公文原为之铭中峯常居之有云居八景诗赵子昂墨迹万厯间都阉某见井中有光掘得磁观音像莹然如玉建阁奉于寺旧有法华松数百株苍虬翠峙为住持历年损削殆尽又有中峯拂尘麻鞋复有小像一幅神气如生相传为中峯自写上有赞云幻人无此相此相非幻人若唤作中峯镜面添埃尘和甫双眼碧能辨疎与亲请挂向空壁日日生阳春 夏原吉诗谁辟云居境峩峩瞰古城西湖晴送碧上竺晓分青经镇千函妙钟鸣万户声此中真可乐何必访蓬瀛 沈梦麟圣水

寺诗白云长绕梵王居湖上诸山总不如客至每烦尘榻下诗成那问酒尊虚摩挲修竹三年别抖擞尘襟一旦舒更待牡丹庭下发重期来此赋元舆

上方庵为圣水下院与法华松接武峭石林立中有一滴泉极岩壑之胜昔东坡共佛印时过跌坐于此泉滴如注寺僧苦为游观累凿败而石现存

金波禅院即金波庙在金波桥宋淳熙元年建勅赐圣防二字东坡书扁见存万历癸卯慈光僧圆美慧峰重建归并慈光寺普照堂中丞金学曾有记

宝严院在七宝山唐清泰二年钱氏建名瑞隆宋治平二年改今额寺有垂云亭借竹轩淳祐间建佛阁理宗御书无量福海四字

陈古灵垂云亭诗小亭巉绝出云间万象升沉不得闲莫怪诗翁头白早时来向此写湖山东坡诗三首江山虽有余亭榭着难稳登临不得要万象各偃蹇惜哉垂云轩此地得何晚天功争向背诗眼巧增损路穷朱栏出山破石壁狠海门浸坤轴湖尾抱云巘葱葱城郭丽淡淡烟村远纷纷鸟鹊去一一渔樵返雄观快新获微景收昔遁道人真古人啸咏慕嵇阮空斋卧蒲褐芒鞋每自捆天怜诗人穷乞与供诗本我诗人不作荒澁旋锄垦从君覓佳句咀嚼废朝饮卧病弥月垂云亭花开顺闾黎以诗见招次韵答之曰道人心似水无碍照花妍燕坐春强半清阴月屡迁平生无起灭一念有陈鲜嫋嫋风枝举离离日萼蔫病吟终少味老醉不成颠何必遨头出湖中有散仙僧怡然以垂云新茶见饷报以大龙团仍戏云妙供来香积珍烹具大官拣芽分雀舌赐茗出龙团晓日云庵暖春风玉殿寒聊将试道眼莫作两般看

广严寺在七宝山清泰元年钱氏建旧名瑞隆宋治平二年改是额寺有双竹甚奇南渡后分寺基为御防营景定初重建王架阁应凤撰记又有司马文正公咏双竹诗并序草木类同而种异者竹为多杭州广严寺有双竹其状尤异于枯树腹中自其顶出森然并竦树如龙蛇相萦矫首呀然余游见之为赋诗曰双干根枯腹青青凡几霜龙腾双角直鲸喷两须长既欲寻支遁安能问辟疆屡来非别意未与此君忘苏东坡游七宝山并序去年秋游七宝山上方入

小院阒然无人有一僧隐几低头读书与之语漠然不对问其隣之僧曰此云闾黎也不出十五年矣今年六月自常润还复至其室则死葬数月矣作诗题其壁云云师来宝山一住十五秋读书常闭户客至不举头去年造其室清坐忘百忧我初无言说师亦无对酬今年复扣门空房但飕飕云已灭无余薪尽火不留却疑此室中常有斯人不所遇孰非梦事过吾何求

开元寺在凤山门内唐肃宗时建宋建炎间徙建于西湖元季兵燹复徙故址正統五年礼部尚书胡濙记刘士亨赠宁和尚诗清平山下古丛林主席如师

道行深菩萨每分香积饭伽蓝常防给孤金诵余千偈灯生晕坐断诸缘树转阴媿我未能修净业尘劳空役利名心

开宝仁王寺宋汴京开宝寺有仁王院高宗南渡僧慧照随驾卓锡于此遂建寺如汴京绍熙

二年赐额景定五年燬景泰间重建尚书孙原贞记 萨天锡登横山阁诗千尺青莲座烟霞拥地灵山川几两履日月两浮萍鸟渡天垂海龙归水在瓶深堂說法处应有石头听

定水寺宋乾道八年建于万松岭嘉定八年移清波门外元至元十三年筑城徙七宝山佛泉巴西邓文原为之铭曰我观大地积水所载孰疏凿是太虚无外掘地及泉视之紫带如履防涂破诸障碍其源渊谷其泻湍瀨不止不流以与井防瑞相见前示我三昧彼壞者石实相不壞是实相故遍恒沙界以一勺甘除世渴爱是相是水无在不在我作铭诗以警盲瞶

戒坛院在祥符桥内有铁塔基钱王井经畧宋应昌赎建延僧广泰住持

武林梵志卷一

武林梵志卷二

城外南山分脉

由鳳山候潮上至风水洞下至艮山

梅竹庵上中下各据其一在万松岭境路幽仄高可眺江

般若院在上梅竹左径旧废万厯甲午僧真诚定淳重建有普同骨塔

报先庵在孔家山万厯己亥僧普明建仁和令刘洪谟倡緣樊良枢有碑记并卓锡青松额 樊良枢鳳凰山报先庵记鳳凰山都防神皋也山之陰万松书院本报恩招提旧址 治中参知周公毀寺建院祀先师孔子配以四贤令孔氏子孙世守之号曰孔家山云山夹道多巨松蒼苔盘郁自万松坊迤邐入有半刹焉曰报先万厯己亥普明上人来自匡庐卓锡兹山吾乡刘公洪谟为邑宰于斯也邑人直指金公阶州牧孔公承士请复为庵庵环塔皆山也左薄湖濱右挹江涛拱城闔而负八蟠可尽兹山幽絕之胜山后有古松三株婆娑偃仰有干霄 风势则郡邑之阳所隐映也普明物后弟子庶胜能守其衣鉢胜亦吾乡人也所奉象教移自庐山歲以西江檀越饷米为伊蒲供惟饮兹山泉水尔泉皆自来从石罅中流淙淙足供茗碗诸比丘皈依胜上人漱风咽月讽诵不辍高足肃然予观虎林招提之在湖山者未有不以湖山累者也丛云香阁饰以丹璇碧涧竹林杂以金翠则中央浑沌凿矣市声喧豗车尘雾起歌舞杂遝壶觞交错遂令淨土化为火宅良可忤叹独兹山与市防辽邈幸不为人所居而庵踞长松修筠之间白云一坞流水一 伏鉢花香菩提树茂庶几清淨之 胜上人与诸比丘逍遥双树繙演三车惟闻空中山谷荅响而已上人句予一言为山灵防此山有灵后必有供养防法即如刘公与予不佞先后合揆虽使佛氏精舍与孔林并存可也

报国寺在鳳凰山麓即南宋垂拱殿基殿角银杏树有实无心杨载钱塘懷古诗云万年珠树落秋霜盖指此也至元十一年赐额禅宗大报国寺妙济禅师开山延祐六年燬僧大防重建元末燬于兵洪武二十四年立为丛林万厯丙午僧海音新葺旧有大雄殿大悲阁碧梧轩舞鳳轩皆宋制元废南宋大内为五寺而此独存

梵天讲寺宋干德中吴越王建名南塔治平中改今额元元统中燬永乐十五年重建有灵鰻井金井石塔二高五丈列门之左右先是四明阿育王山有灵鰻井吴越王迎阿育舍利归梵天寺奉之凿井南廊鰻忽见寺以苏东坡为伽蓝与玉岑山为二僧贊宁有记 王在晋重修梵天寺建观音阁碑记杭有鳳凰山唐以前建州故吴越为国治宋南渡以山为行宫山如翥鳳两翅翩然左薄湖右掠江碧流滌溯水光相映山之东麓环入宋都宫禁苑蒼翠华丽佳气郁葱经鳳山门折而南又南折而西为梵天讲寺宋干德三年吴越王所建也初名南塔治平中改今额燬于元元统间重剏于永乐十五年盖年久而倾圯矣僧成杉于嘉靖甲子建佛殿仁良于万厯甲辰建天王殿山门来纶于万厯壬子募乡绅洪给諫黄仪部等全建观音阁而梵天古刹焕然增饰焉又凿得水池泉窖题名 镜而南塔故墟俨然称胜焉夫自宋干德至今

为年六百五十寺经几燬燬而复兴无改于干德之旧法宫梵宇与江海湖山同兹永奠回视和宁祥曦集英崇德明堂郊祀翬飞翼拱变为绿莎苍芥金铺铁叶化为枳棘铜驼亭台圉圉践为瓠窰污邪两川晴霁万家烟火若明若灭如聚如散空中之色色成空而独最胜招提法身非相无假三轮常依无住之住盖皇王大业有而非有虽凌厉一世率归于无空门净缘无而非无即兴歇相寻仍归于有有归于无视循环之天命无归于有借不朽之人心人心常有则佛法如在佛以无相为体以不住为宗以妙有为用三涂法界总集诸天防持消磨劫煞佛説无尽法我愿世人结无尽缘吴越宋元偏全世界眼防一瞬法华圆满寂照堂前年复如是请观灵鳗井问四明阿育王三界浮沉倏忽变迁徙倚孰无孰有山头明月夜夜照人来去不似宋行宫凄凄冷冷也只今梵天无改诸达官标题具在其合掌以告之诸天是为记僧守诠诗落日寒蝉鸣独归林下寺柴扉夜未掩片月随行屨惟闻犬吠声又入青萝去苏子瞻和诗但闻烟外钟不见烟中寺幽人行未已草露湿芒屨惟应山头月夜夜照来去寒食游南塔寺寂照堂诗城南钟鼓鬪清新端为投荒洗瘴尘总是鉴空堂上客谁为寂照镜中人红芳归去风惊晓绿叶成阴雨洗春记取明年作寒食杏花曾与此翁隣

栖云庵由梵天中山居循径而上高树密篠彷彿观江涛幽闲可结禅习贯酸斋栖隐处贯之父楚国公贯济格 实遂以贯为氏号曰酸斋年十二三膂力絶人使健儿驱三恶马疾驱持槊立而待马至越二而跨三运槊生风观者辟易或挽强射生逐猛兽上下峻阪如飞稍长折节读书目五行下庵其脩藏之所也西可达龙华寺

胜果禅寺唐干宁间无着喜禅师建吴越王镌弥陀观音势至三佛及十八罗汉像于石壁宋庆历初郡守郑戡奏请额曰崇圣寺至正燬洪武初盩厔初敬公重建苗衷有记永乐燬嘉靖戊午僧正因复建寺门向有江山胜槩额蒋公晖题并书榜云入深松径开名利上尽云 见大江山形翔舞如凤江潮澎湃松径盘纡涧淙潺湲真伟观也殿旁为将军池钟楼钟本宋景阳旧物嘉靖间胡中丞取铸为军器壬子重铸仁和令樊良枢有钟楼记登颠为千佛阁废基上为三松顶侧为崇圣塔相传高七级二十余丈宋景祐建下为柳浦绿阴垂垂无异官堤桂洲夏公读书其问题曰天 孤啸笔势飞舞今在松涛阁有介亭祖无择建中 亭中 习禅定于此忠实亭高宗御书凤山二字宋洛王书金星洞晦夜放光石通明洞飞龙石飞云洞上天梯观微石许僧泉泉不盈握大旱如注卧醉石雾岩题石平如掌长江在枕上归云洞跃云石石侧为竹坞即懒耕禅师塔院僧洪恩书檀栾斋吴之鲸额乘鹭阁并榜云踈径曲穿藏异石紫萝深防吸天花盖竹与石交胜云循级而上即月岩规 削立有隙如镜中秋子夜相映如合璧题咏半多薜剥伏石如虎大中丞梅林胡公望海峰崇饮于此至今有去思碑最上为御校场宋殿前司营亲军防衛之所石笋队列名排牙石一名队石相传孝宗时登顶阅江操执铁杖六十舫许上下如飞以志恢复一称女校场至此则江湖俱在指掌而龔赭对峙海门一线尽入览观矣 唐僧处默诗路自中峰上盘迴出薜萝到江吴地尽隔岸越山多古木丛青靄遥天浸白波下方城郭近钟磬杂笙歌 王介甫诗登高见山水身在水中央下视楼台处空多树木苍浮云连海气落日动湖光偶坐吹横笛残声入富阳苏子瞻登介亭饯杨杰次公诗篮輿西出登山门

喜与我友寻仙村丹青明灭风篁岭环佩空响桃花源前朝欲上已蜡屐黑云白雨如倾盆今

晨积雾卷千里岂畏触热生病根在家头陀无为子久与青山为弟昆孤 尽处亦何有西湖
镜天江抹坤临高麾手谢好住清风万壑传其言风回响荅君听取我亦到处随君轩 圆法师
诗并叙云胜果名刹相望而高轩虚阁尽得江山之胜槩因谢宣城天际识归舟云中辨江树
之句颇类是景用以为韵成诗十章寄胜果 师开士虽不足发挥骚雅庶寫相懷之心耳江
色杳无极 渺接遥天归防带夕阳去鸟冲寒

烟幽景不同观遐想成斯篇

楼阁耸岿参差极云际高 晓色鲜晚景余霞丽寥寥羣动息冥心遠尘世
冷淡杳难羣幽趣惟吾识高情薄云汉清谈润金石不学浮世人奔名竞雕饰
惟静百虑忘轩开万象归空江荅夜钟高峽留残晖幽砌絕尘踪孤云自依依
顾恶如探汤触物类虚舟他人莫已知此道本吾求独坐时相懷斜阳下危楼
崔巍高山侧触石生片云自将霖雨期不与尘土羣杳杳游太虚对此几思君
高迹将谁亲幽栖白云中闲阶吐苍苔古木生清风时将西竺诗讲议训来蒙
静躁各所好是非安能辨声利如我仇云泉若牵挽寂寂深林中芳菲自堪翦 羣 耸危碧倒
影沉空江清景生晚晴冷色涵虚牕逍遥纵吟赏能使吾心降海日照吟轩江风动庭树此景
乐闲情何人识高趣登楼独南望杳杳空烟雾 王伯安诗江上但知山色好 始见寺门开
半空虚阁有云住六月深松无暑来病肺正思移枕簟洗心兼得遠尘埃富春咫尺烟涛外时
倚层霞望钓台 深林容鸟道古洞隐春萝天迴闻潮早江空得月多冰霜丛草木舟楫玩风波
岩下幽栖处时闻白石歌 豫章王孙朱多炆登胜果诗大内离宫已尽荒空余台殿锁医王诸
天欲雪藤萝紫净土非春草木香山到隔江排作鳳石眠当路叱为羊攀援削壁窥竒絕海月
先穿一线光萧一中诗秋月同看此夕圆坐中风景共悠然微

茫山色青天外隐见江涛绮席前蓬鬓渐因时节改壮懷徒为世情牵岩前高阁空寥阔莫惜
清樽酒尽添 郑继之御教塲诗万峰云木鬱苍苍故垒仍存阅武塲南渡关河双眼尽中原风
物百忧傍尚传草莽开黄屋想见龙蛇绕御牀往事只今俱洒泪两阶干羽意何长 仁和令樊
良枢钟楼记鳳凰山志称钟一郡王气而胜果寺居其翠微释处默诗云路自中峰上盘回出
薜萝遂为千古名胜上方钟磬与下方笙歌齐鸣荅响抑何盛耶自昔唐迄宋明歷千劫矣旧
有巨钟每晨鸣如鳳应朝阳岁从钟从楼圯寸莛不发道塲岑寂郡邑风防若或缺焉万厯庚
戌之夏樊子宰是邑防壑上人登猊座說楞严经予数过从因笑谓壑公渊明过虎溪乃不闻
钟故应不攢眉去耳于是吴伯霖为南郊檀越与壑公谋兴道塲首议三亟而鳧氏之钟为最
虞长孺先生感而防之谓予喜闻桐鱼之扣必能引七宝杵发此鲸音也夫引七宝杵者余则
安能壑公高座挝钟說法令三千大众尽开聋聵余亦能扣者耳若夫长孺以大觉证菩提伯
霖以大乘观声闻予尚不能闡解庶几闻此霹雳声醒我睡梦中人也华钟既铿鳳凰其鸣郊
雉皆雊蒲牢震吼政于是和地于是灵人文于是乎兴钟亦綦重矣钟楼成而后开薜萝之径
启松涛之阁举中峰归云二三室次第振飭此伯霖所谓素朴畧施防綴而昙林莲社共证胜
果者也 樊良枢游胜果寺一径青萝合逶迤白石桥天低吴苑树地坼浙江潮寒晚催僧腊春
云断野樵言寻无着子双涧落风瓢 月岩夜坐长林穿窈窕巨石劈豁碍转团风叶岩空结
雨花步檐窥月脇拂渚下星槎不记归时路春灯乱暝鸦 夜宿松涛阁古刹开幽径长松漱碧
谿卷帘江色近隐几石幢低林暝深巢鶻潮生遠应鸡独怜僧梦稳片月下窓西 鳳凰山懷古

满目山河似裂繒鳳凰峰勢鬪峻嶒百年霸氣迷秦望萬樹寒烟積宋陵江浦听鐘潮乍落海門凭檻月孤升登臨不下牛山泪林杪幢幢見佛灯

善應總持庵在尊勝巷宋開寶六年錢王建于西湖南山曰總持治平二年改寶林院有可賦軒景定間遷建于便門鐵箭巷改善應總持元至元三十一年復遷建今所
張孝祥可賦軒詩光明獵獵上烏巾不羨西湖爛漫春借我繩牀對脩竹為君一洗軟紅塵

圓通庵去總持可百武宋紹興間僧德厚建門有大井極甘冽通鳳山泉脉萬厯間僧德云圓曉重修【從此自東而北至艮山門】

福田慶壽寺在候潮門外普濟橋宋寶祐二年徐路鈴舍宅建寺請額曰福田以居白石皓禪師元至治間燬泰定間重修復請額加慶壽二字洪武二十四年立為丛林

延聖寺在候潮門外宋干德間吳越王建于清波門外名土宿院天聖二年超法師沿江施食以濟修堤之士詔移院于今所賜額延聖嘉定年間御帶陳玉節于寺側建天妃殿崇奉海神元元統乙亥重建洪武二十四年立為丛林

普濟寺在候潮門外普濟橋對宋太平興國元年建有理宗元命殿御書曰祈永度宗元命殿御書曰申祐皇太后元命殿御書曰順福有閣以奉觀音大士御書曰圓通寶閣石碑具存元初以祈永殿奉五顯之神元末燬國初重建周宣靈王祠

萬壽寺在江口寺內有鰲背觀音像甚古俗稱淨因羅漢萬壽觀音即此也門有江陽第一山扁

資教庵在候潮門外宋大中祥符元年僧堯道夫启初庭建名火星庵宋末燬元大德間生禪師重建請額曰火星資教院洪武二十四年归并延聖寺

潮音庵在候潮門外大郎巷元延祐間僧永暹建黑庵在跨浦橋

吉祥寺在楞木營左宋紹興間建于皋亭山咸淳九年移建今所洪武二十四年归并福田寺

寶華院在楞木營東灰团巷口伏虎廟側

聖壽禪寺在永昌門外灰团巷俗稱小新庵嘉隆間无尘禪師燃指供佛持戒精猛殿庑俱重新

鎮海禪院在永昌門外仁和县防保四畝瀕江為刹俗稱海潮寺萬厯三十一年僧如德性和海仁建地約五畝余郡邑給帖焚修接眾凡進香普陀者必聚足于此猶徑山之有接待院也與巽峰新塔相望

真如寺在永昌门外真如巷宋建炎三年僧普慧建洪武十三年僧俊堂重脩

正定庵在永昌门外陈铁巷元至正间建

普陀庵在永昌门外近江塘银杏树元至正间僧立宗建

永庆寺在清泰门外宋时杨节使香火开宝二年建绍定三年燬景定四年重建元大德至正间晓夫师重建

延寿白石寺在庆春门外宋建隆二年建于艮山白石村元至正间燬洪武三年重建二十四年立为丛林永乐十二年移建今所

崇福寺在艮山门外宋雍熙间建大中祥符元年改今额大观间燬绍兴间重建元末燬洪武十六年复建

因果寺在艮山门外晋开运二年钱忠懿王建名崇寿宋大中祥符元年改今额元末燬洪武二年重建

宝界寺在艮山门外梁贞明间建于城中名翠峰宋治平间改今额移建今所

定香寺在艮山门外宋干德四年建于西湖上今定香桥是也名香积院治平二年改今额宝庆间建旌德观移建今所

月塘寺在艮山门外何□店宋淳熙间建在月塘之北嘉熙三年潮壤徙今所元至正初潮水复壤徙高原寻燬洪武间重建月塘者沙田也土脉宜 宋有周姓者善种 号周家箒箒侧有中新院

正宗庵在山川坛北元至大间僧大方建【鳳山从此自西而南至五云山云栖寺】

大慈禅寺俗称包山寺宋乾道九年僧德殊建淳熙间赐额寺后石壁苍翠古树葱郁有泉甘冽不减中泠虎跑

下天真寺与包山联界齐高宗朝建武年普正大师建永乐元年洪演法师重建成化二十三年毒峰善禅师重建善师建十刹之一也

六湛庵在边家山其上为桃花关石壁有蒸霞二字桃花岭侧有福泉庵

善慧禅寺元延祐间建伏龙冈禅师道場有凉马池袁福征诗冈回壁障宅清池扈跸归林饮马孳胜地赖僧全据有为园须客小规随林端宰树无寻主窓下经钟伏讲师境絕通江泉窞

出青藜惟许校书知

真觉院洪武初徐一防有记

净因寺在和肃坊元延祐己未僧斯受建有铜佛三像铜塔一座桐木十八罗汉像元末燬洪武庚午僧法澜等重建 治壬子僧宗谧等万厯癸卯僧鸣奉明济等相继重修昔有道人窃铜佛一臂以去未几臂肿溃不可治哀悔投诚化金修臂而逝俗称新寺

普福庵在桃花岭下石井上

万寿庵僧智光智灯建

奉圣禅寺旧名广福院在鸿鴈池北宋开宝三年一真法师建大中祥符元年改今额正统十四年僧广仁住持重建岁久倾圯万厯丁酉僧圆松重建观音殿一真堂冯梦禎题无诤轩大雄殿殿前临池有弥勒殿后有大有全行中仁两法师塔辛亥落成 黄汝亨赠寄云行空原不碍出岫总无心汗漫人间世因依祇树林和风临翠盖倚日上高岑五色谁能拟峰峰托影深

普宁庵在鸿鴈池南宋孝宗隆兴元年道慧禅师开山请额宋末燬元仁宗皇庆二年僧了清重建洪武二十四年归并万寿寺万厯元年重建僧宗林字大章号朽庵 治八年钦宣到京提督五台山校正清凉通传入藏正德间钦赐紫衣玉带法王佛子大宗师后归北京西直门外大香山寺钦建宗师府赐祭嘉隆间坦然宁禅师解脱能文作偈掷笔而逝 朽庵诗新命传来墨未干栴风沐雨上长安低头懒进三公府洗足羞登万寿坛闻戒过多持戒少承恩虽易报恩难何如只向山中住松竹萧萧共岁寒 再拜下枫宸衣香御路新九门三月雨千里一归人马踏残花路莺啼细柳春因思头白母心火热如焚 坦然师自讚偈云开化住山活埋叟气弱神衰形貌丑惟耽眼底看拈心懒向人前闲论口自从学做个中人一步不曾圈外走虚名日午打三更假相面南观北斗徒众门人得许多冷债家钱俱没有留下一条拄杖子接振宗门须后手坦然用处活如龙后与儿孙龙未守何如得我本来真纸墨壤时渠不朽只在 心是遗嘱无羣野狂作狮吼呵呵痛棒痕消屈自伸莫问天长和地久

道林寺在普宁庵西广顺元年建额普济院大中祥符二年改额元祐七年庚申松岩法师重建至正初僧恩断江增广之且为化人坛至正末燬重建

龙华禅寺旧名龙华宝胜钱王以瑞萼园舍建有傅大士塔像拍板门槌今皆不存傅大士故渔人也遇嵩头陀语曰我昔与汝于毗婆尸佛前发愿度生汝今何时还兜率宫指令临水观影大士乃见圆光宝盖便悟前因夫妇双修顿通佛法梁武帝召见寿光殿共论真谛大士曰息而不灭帝又请讲金刚经大士挥案一拍而起帝不喻再请讲大士乃索拍板升座唱四十九颂颂终而去 苏子瞻大士像赞云善慧执板南泉作舞借我门槌为君打鼓宣德四年建傍有十景瑶华洞千官塔闻经台法华池落日崖四顾坪望海松片云石奇云洞白龙洞旧为贯云石别业有司马温公祠今废山麓有宋臣斋宿题各 书石刻今存

兜率庵在四顾坪右古壁有小石佛三尊乃傳大士宴坐处僧佛石结庵于此傍为奇云洞壁间诗有越山吴地半江分之句左又一洞内有石俨然观音像因名山顶有圆池相传有弥勒殿庵即理安寺下院庵傍有无尘禅师塔

永寿禅寺在慈云岭旧名资仁后改上石龙永寿院吴越王建石壁上刻宋仁宗佛牙讚一名石佛寺左江右湖大堪振衣奇岩黝洞荒葛蒙罍万厯间新筑石亭议依石建阁以收大江全湖之胜工未就

上天真寺在登云台梁龙德元年吴越王建成化年毒峰善禅师重建殿后石洞中即毒峰真身覆以缸瓮古色凜冽有毒峰语录十卷行于世板存寺中

天龙禅寺在慈云岭之阳唐真觉禅师建宋干德三年吴越王建以居镜清禅师大中祥符元年改名感业建炎三年大火唯木观音像独存绍兴十三年建園丘以净明院为斋宫以感业居从官从此僧徒渐散而寺亦圯元延祐间僧道平重建至正间南北两山诸刹或毁或頽惟天龙仅存寺有堂扁曰天龙赵子昂书曰天龙深处俞本书曰山舟贯云石书寺中有凝翠井寺外夹道植松王鼎书松关扁于谷口元泰定平大道贵无用两禅师重建嘉靖间燬明迪明寿重建万厯二十三年寂时普钰鼎新之有大雄天王观音三殿东西隐 余士吉诗龙飞鳳舞两峯回王气才销梵宇开卓锡地侵行輦地雨花台近拜郊台草分野色緣城去风引江声入寺来三百年过如昨日老僧犹說旧蓬萊 刘士亨山舟诗高僧住处屋如舟卧稳浑无夜壑忧篙櫓不施随地泊波涛已断乐天游香飘半入苍龙窟梦落多迷白鹭洲唤起酸斋狂学士虎溪溪上共夷犹

净明院郊坛斋宿有易安斋梅花岩高孝两朝御和诗满山皆防栢旧有江月庵筇寫亭

天华禅寺旧名千春龙册天龙禅师說法于此因散天花名說法台宋淳熙甲午镜清禅师有倾轩妙音楼化生池即禁蛙池說法时叱蛙不鸣故名嘉靖间里人夏素庵舍山僧德隆重建

胜相寺俗称五丈寺万厯间燬僧如准重建 程中书珉作寺记寺负钱塘就山唐开成四年建曰龙兴千佛寺后西竺僧曰转智冬夏一楮袍人呼纸衣道者走海南诸国至日本用五金铸千佛塔以五百遣使颁日本使者还智附舶归风鸣海涵舟且倾智诵如意轮呪俄见如意珠王相十首八臂度十丈风息遂济智谋揭高梁可容十丈胜相以荅佛施时千佛寺乃僧光主之有阁高八丈以阁为殿主五丈之像者二合为十丈治平中改赐今额宣和间灰于腊寇唯胜相一阁屹然云际不墮劫火绍兴初光之孙曰清中兴之清有孙性奕世经理乃克大备乾道间光尧皇帝圣子神孙三殿临幸颁赉甚渥由是声益振今师寿者性之法子清峻自厉壮耄一日架钟繚廊宿仆尽起增光畴昔东朝帑赐之风 遐迩而舍予日至且有施田以惠亡穷者嗟乎见十丈无影之形而夺海航之人于鱼龙之腹要为奇事至于动三殿之临幸感东朝之恩锡岂偶然哉绍定己丑仲夏记

妙因庵在妙因山有普同骨塔傍即吴越文穆王墓保和寺在龙山下阡有铁沙河水绕寺右

流出官河宋宝祐甲寅建至正元年重建嘉靖三十四年僧圆珍重修万历二十七年僧寂诚重修

九曜寺在担水巷俗称安家堂安家舍堂为寺故名相传宋曹彬下江南时建至今奉彬为土神宋绍兴中普明禅师开法席苦近地无水夜梦神从地见旦泉涌甚甘今称龙山泉亦称上井殿久圯嘉隆间僧上庵真定相继重建

广泽禅寺旧名甘露晋天福六年吴越王建有泉一 甘澄可爱若甘露然故以名寺宋治平二年改额广泽洪武九年僧东明建正统间毒峰善禅师重建嘉靖十五年僧天祥真重建有甘露桥入径度山课岭有引路松数百株

定慧禅寺俗称虎跑寺唐元和十四年僧寰中建宪宗赐额曰广福院大中八年改大慈禅寺僖宗干符间加定慧二字宋末燬元大德间重建又燬正德十四年宝掌禅师重建嘉靖十九年又燬二十四年山西僧永果重建 宋濂虎跑寺碑记虎跑泉在杭之西湖南山大慈定慧禅院距城十里而近唐元和十四年性空大师来游兹山乐其灵气郁盘栖禅其中寻以无水将他之忽有神人跪而告曰自师之来我等徼惠者甚大奈何弃去南岳童子泉当遣二虎移来师无忧也翌日果见二虎跑山出泉甘冽胜常大师因留止建立伽蓝宋苏文忠公守杭日为之赋诗有虎移泉眼趁行脚之句盖纪实也大师讳寰中蒲坂卢氏子得法于百丈海一时龙象如南泉愿临济 赵州谿岩头颯雪峯存无着喜钦山邃咸来咨叩道要则其德服 神彰灼灵异有不难致者于戏拔剑刺山水为之涌折腰拜井泉乃仰流武夫健将一诚之所格尚若此况大师心悟无际者乎洪武戊午冬十有一月濂朝京师道经山下今主僧定岩戒有道之士也要濂观泉且被法衣率其徒同举梵呪久之泉蹙沸而出若联珠然已而微作涌势濂心异之遂为作铭铭曰天一所形厥质乃凝潜行重渊与气俱升至人来居地不爱宝谁信清冷生于虎爪山后川君与道为谋肯私一勺不师之留师既留止作泉为雨式沛且滂润于千里幻此荒墟遂成宝坊羣生依之为正法幢命世大才犹龙类象来游来咨如山荅响代 虽邈声华弗亏至今草木尚被余辉我于世縁逢触輒碍泉特相知献万珠排尘扰征骖风埃渺弥有素者衣化而为缁愿挹寸波如习禅定洗涤尘根一时清浄 苏子瞻诗亭亭石塔东风上此老初来百神仰虎移泉眼趁行脚龙作浪花拱抚掌至今游人盥濯罢卧听空阶环玦响故知此老如此泉莫作人间去来想 紫李黄 村路香乌纱白葛道衣凉闭门野寺松陰转欹枕风轩客梦长因病得闲殊不恶安心是药更无方道人不惜堦前水借与匏樽自在尝 陈浩和诗良二千石昔清香虎跑泉头风露凉直将才华比贾傅徧歷山川如子长流传玉局播千古脉络银河来上方清秋拟到三天竺自裹香茶来煮尝 释来复和诗金沙泉涌雪涛香洒作醍醐大地凉倒浸九天河影白遥通百谷海声长僧来汲月归灵石人到寻源宿上方欲着茶经校奇品山瓢留待羽仙尝 王世贞和诗百草沾风蚕月香双鸠唤雨麦秋凉过桥已觉世情少到寺始知僧日长拂藓石留行脚偈挂瓢泉是洗心方良公更有茶 在禅悦能容取次尝 方九叙诗曲径同寻大士家林岚幽胜入烟霞清泉绕砌飞成雪红叶含霜望似花欲托醉乡凭鲁酒漫辞水厄试僧茶幽栖况对求羊偶且向山中阅岁华寺后有幻居即幻居禅师塔有御祭亭有像宣德庚戌杨复撰碑铭大化氤氲实生异人髻髭有志超拔莫羣谁当其师曷逾迦文矢出于世肯混于尘飞空则龙瑞世必麟壮逢宗匠迥脱迷津青水不忝师道仍殷权实兼

妙机用惟均幻见其居泓浮其身阐猷大慈廕物如云起废中竺嘉声四闻继登两街天子日亲坐承清问法要 陈化度无外尘刹垂勋晚主灵谷圣眷尤勤褒进慧济实惟德尊锡衣之金分膳之珍道价以倍寒堂亦春二公让席四夷归仁孰谓季运转此法轮涅槃为果般若为因见塔无缝乃知师真

袞庆禅寺俗呼真珠寺旧名荐福院在樵歌岭晋开运间吴越王建为清鉴禅师道场周显德间殿中宫震位忽泉涌成渠击磬则泉泛如贯珠宋景祐中名真珠泉至开庆元年赐额袞庆寺洪武壬申复建赐今额 治十五年重建万厯庚子僧德昭重修

六和塔在月轮峯傍宋开宝三年智觉禅师建先是梁开平五年吴越王于仁王废院掘地得大钱以为瑞应因建大钱寺设宝幢二座于寺门入宋寺废智觉禅师乃即钱氏南果园建塔以镇江潮高九级五十余丈撑空兀突跨陆俯川海船夜泛者以塔灯为指南焉宣和中燬于方腊之乱绍兴二十二年僧智昙募縁重建七级而止塔中有汤思退等彙寫佛說四十二章经李伯时石刻观音像嘉靖三年燬塔下为龙山渡鱼山渡隔岸剡中诸山歴歴可数塔之北为毛湫峪宋绍兴间塔成万厯间祿宏重修 曹勋记畧云浙江介于吴越一昼一夜涛头自海而上者再疾击而逺驰虎骇而龙怒猛如山立歟如电转掠隄突岸摧防田庐为临安患从矣防中若有神物典司其事钱氏有吴越时曾以万弩射潮头终不能却其势后有僧智觉禅师延寿同僧統賛宁创建斯塔用以为镇自是潮习故道居民德之宣和三禩塔寺俱燬赤地无遗而潮复为患绍兴壬申天子忧之思所以制其害者在廷之臣首以复兴斯塔为请诏赐可下有司计度庀工治材守臣择可主持斯事者得僧智昙谕以诏防县口诺心然愿以身任不烦官府乃勤渠化募而和义郡王杨存中居士董仲永首倡损貲于是莲社乐施云臻雾集虽遠在他路亦荷担而来自癸酉仲春鸠工至癸未之春五层告成是年岁晚则七级就绪巍然揭立光动山海环壁刻金刚经及塑杂花五十三善知识备尽庄严凡所以镇静山川防持法界调伏魔境者莫不阂而存焉塔兴之初土石未及百簣而潮势已杀既成之后化为安流而濒江之民恬不惊悸此则塔之为功而智昙之植福也 白廷玉同陈太博诸公登六和塔诗云龙山古化城浮屠峙其巔开殿生妙香扃壁森贝筵应真俨若生倒飞青金莲头陀紺林丛道我丹梯縁初犹借佛日闕境儻已 回头失谁何叫啸衣相牵且复忍须防当见快意天娇儿诧先登网戸相钩连炯若蚁在珠九曲随盘旋烂烂沧海开落落云气悬羣峰可俯拾背阅黄鹤騫竒观兴懦夫便欲凌飞仙絶顶按坤维始见南纪偏神京 何许王气停须 舟车集百蛮岛屿通人烟一为帝王州气压三大千刚风洒毛髮铎语空蝉聯红放杏园花媿乏慈恩篇 张仲举登塔诗江上浮屠快一登里中烟火是西兴日生沧海横流外人立青溟最上层潮落遠沙羣下鴈树欹高壁独巢鷹百年等是豪华尽怕听兴亡懒问僧 孙晋登塔诗阑檻倚云汉身疑出上方乾坤一指顾吴越两兴亡海接空江白山分落日黄伍胥遗恨在秋草隔沙长东坡六和寺送张吉甫赴闽曹诗羨君超然鸾鳳姿江湖欲下还飞去空使吴儿怨不留青山澶澶七闽路门前江水去掀天寺后清池碧玉环君如大江日千里我如此水千山底

开化寺即塔院也宋隆兴二年建嘉靖十二年与塔俱火傍有金鱼池喷月泉持正泉秀江亭铁井栏刻八卦以镇水怪 僧仲殊登秀江亭南柯子词云金梵蟠龙尾莲开舞鳳头凉生宫殿不因秋门外莫寻尘世卷地江流霁色澄千里潮声带两州月华清泛浪花浮今夜蓬萊归梦

十二琼楼左坞有月轮庵

朝阳庵在六和塔左进龙浦右近江小坞僧云天明证建内有大石佛禅定处

五云山真际院山最高约百丈许周十五里五峰森列驾轶云霞盘曲而上凡七十二湾俯视南北两峯若双锥朋立长江带绕西湖鉴开防牆隐见烟雾间若鸥鳬出没宋时每岁腊前寺僧捧雪表黎明入城中霰犹未集盖其地特高寒云周显德丙辰志逢禅师结茅开山师天台韶国嗣吴越王极尊礼之每携大扇乞钱买肉饲虎虎迎载还山大将凌超创华严道場名静虑庵延师主席宋干德间吴越王召赐紫衣赐额真际院諡普觉国初燬正德十二年僧法坚重建寺内伽蓝乃华光藏神杭人宰牲祈财无虚日有天井大旱不竭伏虎亭端敬亭五云端亭方伯范涑宪副陈经济建 钱思复登五云山诗普觉遗衣人不传五云故色尚苍然断崖萝薜三千丈乔木风霜四百年龙井雨 泉独响渔村潮上月初圆宝坊金碧红尘聚何似兹山更絶縁 林景初金日新防宿五云山诗山气清如水林扉夜不扃月明苔径白松暗水萤青幽蕙临风辨孤泉过石听何当凌絶顶万里极沧溟

云栖寺在梵村天柱寺旁禅师祿宏伐茅建庵于此为逺近宗仰后掘地有碑即古云栖寺也陶望龄董其昌有记 祿宏自为记云杭府治南连大江西引明圣二湖万山绕湖而络绎江浒溯江西上行三十余里山名五云先是山巔有五色瑞云盘旋其上因以名山已而五云飞集山西坞中经人不散时人异之号为云栖坞宋干德五年有僧结庵以居坞多虎僧至虎輒驯伏世称伏虎禅师者是也吴越王钱氏为之建寺而云栖于是创始矣禅师一号大扇和尚讳志逢初筑室五云之顶天禧中防勅赐真际院遂并辟云栖天池二院而成三刹后治平二年改号栖真今日云栖者复古也云栖居五云之西径曲林幽四山围合苍翠耸然东冈而上有壁观峯峯下有泉名青龙泉迤 下中峯之旁复出一泉名圣义泉又下而西岗之麓复出一泉名金液泉筑引涓涓洁冽甘芳汲灌不竭独以荒僻寥落人迹罕至非忘形死心者莫能居焉绍兴初有余知阁者扈跸南渡隐于寺侧后舍宅归寺圣朝 治七年霖雨发洪庐宇经像随水漂荡僧稍稍散去頽耄者僦居民房而故院遂蓁莽父老过之伤感垂涕卫将军玉溪杨公暨子念堂君雅向三宝时募僧重修而频苦虎患居无何即引去隆庆五年祿宏行脚南还爱其岑寂孤形只鉢趺坐圮壁间太学生陈如玉李绣等为之构静室三楹而宏昼与野鹿主賓夜与鸣泉倡和悠然若将终身村之民怪其能久居也环村四十里歲伤于虎者不下二十人而鸡犬不与焉宏乃发悲恳讽经千卷设瑜伽施食津济之自是虎不伤人适岁亢旱禱于山偶时雨霑村之民又大悦而庆其得安居也相与累累然肩材木而至曰兹吾祖所植也荷锄犂发其尘坌之础礫而指之曰兹云栖寺之故物也禅师福吾村吾愿鼎新寺之遗址以永吾一境之香火由是百日而成兰若外无崇门中无大殿惟禅堂处僧法堂以奉经律而已宏自惟迂疎陋劣寸长无称抱病入山分与草木同腐顷值幻縁兴此废坠恶容坐食不思所以上报佛恩而下酬檀信乎顾生平尚真实而贱浮夸甘穷约而羞名利因共二三同志相砥砺力行古道盟而后进犯而必退大都主之以净土而冬專坐禅余兼讲诵日有程月有稽岁有表凜凜乎使无赖者不得叅乎其间虽于法门无大裨益庶几勅末学之弊以俟后之知识云尔宏沈氏子字佛慧号莲池仁和人是为记 董其昌记并书杭之山自天目来带苕水挟圣湖南尽于江折而东是为鳳凰诸山宋之故宫在焉遡流而西二十里是为五云山循山麓而西

四五里是为云栖寺则今莲池禅师之道場也陂陀坻平岩谷幽密划然野处而不与湖山为羣境则变喧而幽土则去秽而净一似遗世者山当江之三折海门涛头雪涌而霆击者至此荡为平川洋洋弥弥怒气消尽一似忍辱者由东冈而上有壁观峯青龙泉出焉中峯之旁复出一泉名曰圣义泉西冈之下复出一泉名曰金液泉涓涓甘冽汲灌不竭一似利生者此非有道者莫能居而居之者亦于道力有助自宋伏虎禅师住山以至国朝虽天禧中稍辟为寺而逋兴逋废夷为藁莽久矣师以隆庆五年托鉢此村若有防契曰吾骨人得骨山可以老矣缚茆三楹经禅宴坐有终焉之志环村四十里数有虎依师以慈止杀虎不为 岁旱祷雨雨泽輒应魃不为灾居人异之争来作室度材于家山仍础于故址民大和防焉师曰毘卢宫殿偏界偏空草昧经营无勤檀施唯法堂奉经律禅堂以处僧兹所急也既落成而百年废刹遂复旧观矣此云栖之緣起也师之侍者以为古德破荒众信积力不可泯没请余记之余何知出世事而窃有感于法道盛衰之际也在昔唐宋时士惟薄将相不为者始去而为大僧以了百千亿劫之生死故其成行之严宗风之峻直可感 神驯异类或为道俗所皈依或为帝王所礼敬名蓝净刹于是繁兴矣盖其盛也近以经术收儒士士所不收者方自引而食于僧是以赤县神州列刹相望圆顶方袍聚庐而处者百十为辈即而求之所谓禅讲律师如古尊宿者有几假令大年削牍寂音操笔二百年来可应传灯僧宝之选者又有几则虽金碧土木之庄严崇之至于天而广之至于十由旬何益盖法道之衰相见矣师庠校名士始欲以禄养为孝既以 法报恩为孝麟骥壮盛而龙象超忽最初发念固已卓然名闻利养之外矣厯蕴罄百万而掷汉水僧绍冒三毒以开摄山岂足專美乎师自主法席以来既三纪行在梵网志在观经标净业则东村立清规则百丈析义防则玉泉辨宗乘则慧日摧陰魔则板度空排戏论则秀铁面云栖虽幽迥荒率无诸庄严有具眼通者必曰先师塔庙在矣有具耳通者必曰水鸟树林念佛法僧矣有具宿命通者必曰某古德再来矣毘岚偃岳而不波大浸稽天而不溺是云栖之兴法道大有赖也夫师所着有弥陀经防钞缙门崇行録禅关策进等书数十种浸行于世师俗姓沈名祿宏字佛慧仁和人 陶望龄记昔世尊以五时彰教隐显权实顺布而不忒若温縣凉簟随候异设凡以逗机宜适根茎而已正法东殫师资角立曰讲曰律曰禅并而为三然轨辙同归君臣通用斯亦一代时教之遗也天目中峯师有言密部如春慈恩如夏南山律宗如秋教外别传之防如冬自祖灯辉三家替法从生滥药疗权施虽离言絶迹之涂而言迹具焉大智剏规则律该圭峯詮经则教设至永明天衣而降多寄指莲邦默标心土持名净念殆庶几所谓密者然则少林一宗四序脩矣由是以观一气焕寒而岁成一音开遮而化阐莫不因宜而建之遇耳而通之离之以提宗合之以成务其致一也像季陵夷学者文言依通未尝有古先生研几极深之用在有以率情资空以防过而欲圆契法界密还心源此与兒嬉吃语何异嗟乎禅学盛而教律薄禅学衰而教律亡矣破器焦种道所不载犹謹于众曰吾宗固然仪范弛解观行灭裂而菩提達摩单传之教亦扫地尽澶漫流湏无甚兹时者昏衢积晦慧日乃升于是云栖大师应期运秉慈愿挺生于冠族飞藻于儒苑然后辞荣捐爱薙染登具荷包咨叩百城忘疲隆庆辛未岁始返锡武林五云山之西坞宋伏虎遗刹在焉础石就泐余堵才存而师防露戴星晏坐其下久之方刊灌莽成茆舍绳牀瓦鉢独寤弗援而已然薰之以戒德扇之以 化慈戢猛兽诚感霖雨于是遠近毗庶顺风争趋输材赴工如水投壑无何而役竣仍其始号曰云栖禅院殿门不设庖湏具体惟禅室法堂制稍崇敞以奉经像集徒侶盖大师夙志也大师之教革伪正讹贵绳检黜戏论一归于真履底于妙悟谓纲纪道俗者莫大于行是故有缙门崇行之録覆防羣动者莫尚乎慈是故有戒杀放生之文严净尸罗兼资

物我者莫广于梵网是故有戒防发隐之义顿超直指尅证靡滥者莫要于禅是故有禅关策进之篇于后后世为大津梁于诸方便中出胜方便普被羣机横絶三界者莫径于净土是故有弥陀经防钞之作尝称曰阿伽已疾如意雨宝总羣涂而一贯者其维持名一心乎其进为行净为律契为法究为禅以故师之唱演靡所不备而宗趣有在缁素之徒咸望大师为善导云坞为极乐交广庸蜀幽并冀朔之远莫不茧足皈礼延颈向化与于筹室者不可胜数而师尤隐解显行防谦不居痛抑狂澜躬为之隄岸终身退然处于学地虽凡衲单士通谒而至者咸与之均礼于戏非盛德何以臻此乎而昧者谓院以禅名宜杜塞岐径独蹈大方绍明从上以来单传直截之防若以是为师少者夫治水者撤堰而防之筑防而居之乳儿者涂苦而禁之洗涤而养之惟其宜适也世降习偷邪师谬解如波如驰苟务泯相毁教等持犯均净秽决窵于旱秋絶哺于饥子岂大士匡时应防起极 振将絶之道哉俗善画龙见龙而惊涂羹杂陈而笑耕稼者不亦舛乎是山形胜泊创建縁起详载大师所撰记及董太史其昌碑中故不具具言师所以应化拯时有功宗乘者勒石讲堂诏于无穷

天柱寺在云栖三聚亭里许即常乐寺宋开宝建妙山庵在妙山僧如寔建

白沙庵在白沙坞通黄山天竺

栖真寺在定北四畝有贊宁塔

定安寺在定北二畝

定明寺在定北三畝

金莲寺在定北一畝

妙静寺在钱塘县定山北二畝宋元祐中投子义青禅师开山赐额明阳寺建炎四年法成禅师重建山门两廊僧堂更名妙静有偈曰选佛場开妙静山直教千佛笑开顔圆成屋里诸功德只在当人防首间庆元六年庚申歲绍隆禅师修元至正二十五年海悟禅师重修洪武六年太古義禅师重修寺有古井

定南寺在公馆侧

慈岩院在杨村风水洞侧旧名恩德洞洞中石子红防如丹持出即隐置于旧如故 白乐天诗并序予到郡周岁方来入寺半日复去俯视朱绶仰睇白云有媿于心遂留絶句云水埋藏恩德洞簪裾束缚使君身暂来不宿归州去应被山呼作俗人 苏东坡诗并序往富阳新城李节推先行三日留风水洞见待诗云春山礚礚鸣春禽此间不可无我吟路长漫漫傍江浦此间不可无君语金鲫池边不见君追君直过定山村路人皆言君未遽骑马少年清且婉风崖水穴旧闻名只隔山溪夜不行溪桥晓溜浮梅萼知君系马岩花落出城三日尚逶迟妻孥怪骂归何时世上小儿夸疾走如君相待今安有

龙门庵在龙门山顶四面石壁路屈曲而上如盘谷有僧结庵于此

光明寺在定山北唐显庆元年高宗勅赐光明禅寺明善导和尚說法开山师念佛一声即有一道毫光从口出自十至百光亦如之勅赐寺额正統十一年惠辨初重建万厯间寺产俱为豪猾侵渔寻复故地有龙池古井 王勃题光明寺南池幽景诗云笑倚雕防瞰碧流漾花天气渐和柔日行东陆春偏早人在西园景自幽出水蒲芽才短茁牵风荇带欲轻浮綠波涵育羣鱼乐不识江湖有钓钩

武林梵志卷二

武林梵志卷三

城外南山分脉【由涌金清波至十八涧】

灵芝寺在涌金门外宋有浮碧依光堂为孝宗临御之所 朱静佳诗黄金匝地小桥通四面清平纳远空云气常扶天子座日光浮动梵王宫残碑几字莓苔雨清磬一声杨柳风沙鸟不知行乐事背人飞过夕阳东

褒亲崇寿教寺俗称刘娘子寺宋绍兴十八年刘贵妃建贵妃临安人入宫为红霞帔得幸累迁才人婕妤婉容寻进贵妃专掌御前文字工书画画上用奉华堂印然恃宠骄侈常盛夏以水晶饰脚 高宗见之取以为枕妃惧自此少戢父懋恩金人南侵献钱三万缗以助军费高宗嘉之遂令建寺以为功德有泉自凤凰山而下注为方池命为凤凰泉于湖张孝祥书额内有松雪亭观音洞笔架池偃松交枝桧壁间旧有陈公储画龙甚奇弁阳翁诗翟羽鸾绡事已空奉华遗寺对高松宫欹凤去无人见且防门前粉壁龙
秦少游诗匹马骄嘶石路斜观音洞口踏烟霞普陀风景差相似只欠潮音小白花 周瑞臣诗万竹苍寒拥寺门寺碑金字御书存荣华肯信当年事仪制空留后世恩影阁有声尘网暗宾馆无月玉花昏见梅不敢轻攀折恐是春风水际魂

观音庵有观音洞在慈云岭北

头陀庵在慈云岭下华津洞侧本宋赵冀王园叠巧石为之者水石奇胜花竹蕃鲜有仙人棋台旁为梯云岭石磴峻绝旧有水月寺元末燬有水月池灵固石苏子瞻诗千尺长松挂薜萝梯云岭上一声歌湖

山深秀有何处水月池中桂影多

香圆庵在梯云岭西上有石洞出泉

净慈寺在南山周显德元年建名慧日永明院太师改建赐寿宁院属岁旱湖涸寺西甘泉出焉因凿为井名曰圆照南渡时僧道容鸠工塑五百阿罗汉以田字殿贮之内有宗镜堂为永明寿禅师造宗镜录后新建永明禅师舍利塔黄汝亨为记方伯吴用先为碑铭下有万工池金鳗井神运井法华台懺堂竹阁藏石刻金刚经罗汉松欢喜岩居然亭莲花洞閼胜甲湖中后有文昌阁创于葛寅亮而仁和令吴光义成之寅亮为记净慈自有志不尽载 苏轼诗卧闻禅老入南山净扫清风五百间我与世疎宜独往君縁诗好不容攀自知乐事年年减难得高人日日闲欲问云公覓心地要知何处是无还 黄省曾诗隠才抗贞步绕履存同调琴瑟心既开登扃与兹掉浼浼北潮属窃窃南山眺双情交远襟晟论皆清诏兰阳佐胜羽翠阜延兴笑灵纪倏攀仰表刹在瞻造金躯俨峩容宝宇廓层峤五药悬采掇八正期精邵云林琅法鼓苔水鸣芳翮遨衷未云已盘廻尽西照孙一元卜居诗石上藤萝对夕曛解衣长日坐来频挽回沧海真无计领畧青山合有人养鹤似嫌双口累为渔又过一生身相逢惟是南屏老独树柴

门许卜邻 王守仁诗溪风漠漠南屏路春服初成病眼开花竹日新僧已老湖山如旧我重来
层楼雨急青林迴古殿云晴碧嶂回独有幽禽解相信双飞时下读书台 王世贞诗拥刹芙蓉
欹欲翔岫云双结吐寒香十千干闼婆天药五百阿罗汉道場未必应真超劫火还因胜地属
空王南园实傍珍珠墅指防烟踪并渺茫

丰道生诗千岩万壑玉层层夜半山腰见佛灯竹影扫牕尘不到满牀风雪定中僧 屠隆诗西
湖尽处是南山长日幽人昼掩关宝界门通霄汉外香台路接水云间不闻朝市风尘急自爱
僧寮岁月闲防得三明诨四谛茶烟初断鹤飞还

雷峯塔在净慈寺前址宋郡人雷氏居焉钱氏妃于此建塔故又名黄妃俗以其地尝植黄皮
又曰黄皮塔吴越国王钱俶黄妃塔记曰敬天修德人所当行

之矧俶忝嗣丕图承平兹久虽未致全盛可不上体祖宗师仰瞿昙氏慈忍力所沾溉耶凡于
万几之暇口不辍诵释氏之书手不停披释氏之典者盖有深旨焉诸宫监尊礼佛螺髻发犹
佛生存不敢私秘宫禁中恭率珎具创窳堵坡于西湖之浒以奉安之规樞宏丽极所未见极
所未闻宫监宏愿之始以千尺十三层为卒爰以事力未充姑从七级梯旻初志未满为歉计
甄灰土水油钱瓦石与夫工艺像设金碧之严通缙钱六百万视防稽之应天塔所谓许一
度者出没人间凡三世然后圆满愿心宫监等合力于弹指顷幻出珎坊信多宝如来分身应现
使之然耳顾一度有所不逮塔成之日又镌华严诸经围绕八面真成不思议劫数大精进幢
于是合十指爪以赞叹之塔曰黄妃云吴越国王钱俶拜手谨书于经之尾俗称塔镇青鱼白
蛇读吴越王记知所供惟佛螺髻发耳

湖心寺在湖中今亭即其遗址三塔俱在外湖三坻鼎立并系湖心寺皇明一治间僉事阴子
淑者秉宪甚厉时寺僧倚怙镇守中官杜门不容官长以酒肴入阴公大怒廉其奸事立毁之
并去其塔相传湖中有三潭深不可测故建三塔以镇之南宋旧图从南数湖中对第三桥之
左为一塔对第四桥之左为一塔第五桥之右为一塔塔形如瓶浮漾水中三潭印月诗有云
塔边分与宿湖船又云塔影亭亭引碧流俱实境也万厯间开葑田数顷筑隄植柳为放生池

惠因讲寺后唐天成二年吴越王建宋元丰八年高丽国王子僧统义天入贡因请净源法师
学贤首教元祐三年以金书晋译华严经三百部入寺施金建华严大阁藏塔以崇之元祐四
年统义天以祭奠净源为名兼进金塔二所适苏子瞻守杭上疏云自熙宁来高丽屡入朝贡
两浙骚然皆因奸民徐戩等交通诱引妄谈庸僧净源通晓佛法以致义天羡慕来朝从源讲
解净源既死其徒复持真影舍利违禁过海以致义天差人祭奠兼进金塔探瞰朝廷受之则
以贪示外夷计搆纷然朝贡踵接夷使所至图画山川购买书籍不惟中国受疲而边防亦疎
乞却金塔勿受絶其来意神宗从之宁宗书华严经阁理宗书易庵元延祐四年高丽沈王奉
诏进香繙经于此至正末燬国初重葺俗称高丽寺中有转轮藏后奉放光大士陆树声题曰
妙应门伽蓝殿设苏文忠公像万厯壬子建準提阁方伯吴公塑準提圣像右有华严阁楞伽
室文昌阁后为唐清凉国师塔铭唐定慧禅师传法碑俱裴休译寺外玉岑山理宗御书玉岑
二字一刻石一题匾山上玉岑二字许采书绕寺为慧因涧笱箕泉鐵牕櫺洞口高数尺旧有
蛟龙出入人畏焉铸鐵牕櫺嵌于石槽以拒之水自牕櫺中出六月如冰过慧因寺前折西湖

不竭秦淮海题名记濯足于惠因涧是也

六通律寺旧名六通慈德院吳越王建延彦求法师演律法其中有辟尘炉非木非石扣之铮然纖尘不染嘉靖间垂废僧 公乞虞吏部为记募施寻亦弃去壬子方伯浮渡吴公清复召僧性瑛给劄焚修瑛矢志恢复建山门二座六通律寺方伯题慧日重光钱塘令杨万里题法地重开葛寅亮题圆通胜境钱养廉题 虞淳熙旧记略曰武林繇王鏐众建仁祠两邑湖山间梵呗刹光六通四辟矣顾临水者迷于西子依山者压于防魑踞形胜者邻于伏尸之宅惟兹六通律寺魔恼秽累所不侵王鏐倚为神通胜因者也幽淙灵石掩映精庐宝鼎辟尘踪竟絕禅者每持律证通也度长耳和尚于此咫尺袈裟地定多趺憩所证无漏留蜕千秋有由致矣日月迈往渐以芜圯波旬侵疆四履不得通至魔恼秽累倍于众祠然金身在宫犹照彻无碍也犯者七日韦杵殒始竦然稍归侵地而僧 公视布金长者多在晋陵松陵数千里内便往诣乞长者不惜有漏财于是崇宫恢土复往六通矣

法相寺俗称长耳相宋范楷记碑渐蚀明王谷祥记甚核寺内有宗慧堂竹阁云壑禅栖穎秀山房青莲居种石轩梦化石近寺里许高竹青森非复尘界督抚甘士价平湖陆长庚倡緣筑石逵甚整治坞而上为定光庵古佛修证处陆长庚有记菖蒲缸锡杖泉听泉亭苏轼题又上为西生筑镜花阁古梅参差湖波掩映亦佳境也 明王谷祥记法相寺宗慧大师碑杭州西湖之南山最胜处为南高峯其阳则岩峦洞壑奇絕诡丽其阴则羣山纡回壁石嶮峭逶迤入径深水茂窅如与世隔为法相寺五代石晋时建故名长耳院宋易今名寺有宗慧大师真身崇奉焉祈嗣者往祷辄应四方人士多于皈礼吾蕪郡侯平阳颐斋徐公节尝与谷祥述其严君月岩翁中岁举子不育因过杭乞灵于法相果符灌顶之祥遂生公公既贵翁嘱云若官于南尚无防拜酬祠下自公为郡有事于杭凡再谒焉因访大师事迹本末寺故有碑刻宋翰林侍讲范楷所撰记也元季燬仅录其文读之亦失次矣公谓大师妙觉普应功出思议之表遗蜕宛具实系瞻仰苟不详厥所自则传逺易譌可乎哉乃命谷祥重为譌述按大师姓陈氏名行修号性真泉南人也大唐景福元年正月六日母梦吞日惊寤而生长耳垂肩异香满室家人已讶其非凡相迨七歲犹不言或问之汝非哑乎忽应声曰不遇作家徒撞破烟楼耳人益奇之比长昭朗中涵湛寂无垢读书过目成诵旁及内典竟契夙心徧阅三藏卓悟指归乃幡然欲游方外脱屣尘俗躋躋名山至金陵瓦棺顾而乐焉遂祝发受具戒品圆明律议精晓去叅雪峯存禅师得心印所谓髻珠衣宝已获充牣再游天台国清寺用苦行力以广资施蒔茗弥山谷从人采择日岩畔猛兽巨蛇往来左右驯扰不去后梁开平间至四明山独栖松下說法则天花纷雨又趺坐龙尾岩结茅为盖百鸟啣花飞绕经岁以为常所坐碧蒲当膝处成防其迹犹在后唐同光二年至杭之西湖南山喜其后坞依石为室禅定其中乏水给饮乃卓锡岳际清泉迸出水源不涸山人至今赖之大师功行具足崇事景赴凡旱潦疾疫以及求嗣者咸趋之即說偈应副靡不灵验人或问师如何有是长耳即以手曳耳示之不发一语有僧来叩曰南峯顶难到麼师答云只为他防不过僧云到后如何师曰孤峯独宿其开迷了义类如此后汉干祐三年十一月二日吳越王以诞辰饭僧有永明禅师者亦异人也王问永明今有真僧降否永明曰长耳和尚乃定光古佛应身也王 驾防礼称师为定光出世师默然但云永明饶舌少选跣趺而化其状如生久之益肤革津泽爪发复长月必三净时有舍利后值金兵侵境刃伤之流血白色兵惧而退自是肌理失润恐愈久而毁也乃以髹涂骸体南宋咸宁

三年僧司以事闻赐之法号曰宗慧大师云 刘士亨诗湖上招提信少双翠微楼阁白云牕耳闻古佛遗真像眼见真如豎大幢衲挂紫藤惊鼠窜鉢分沧海毒龙降怀香欲叩毘尼藏寸筵临钟不易撞 沈懋学竹枝歌平生性爱竹竹深无尔何凌霄一千寻比肩十万个摇摇森佩环 戛戛鸣玉珂晴梢上摩天灵根下穷河一碧寒侵衣寸阴淡澄波时坐清尘骨再坐除烦痾怪来成久坐清虚荡天和最如风生凉恰似明月多月明风亦佳仙人忽相过授我餐霞方赠我采芝歌旁有洞箫使吹彻双青娥娟娟捧霞觞灼灼顔微酡夜深山转幽晨光动岩阿高峯一片云催雨成滂沱阴晴倏异态况彼日月梭忆我昔来止足力犹自番经今逾九秋如愿几蹉跎依然对修竹凭将只眼摩 徐渭游法相诗莲花不在水绿叶簇青山径折虽能入峯迷不可还拂蒲防石活剗竹引溪潺莫怪淹余日明朝恐未闲 屠隆诗长耳原非相防形始悟心一灯悬普照万竹散清阴云卧僧衣薄泉飞锡杖深未能蠲世事聊尔涤尘襟 豫章樊良枢已酉人日邀张鲁叟聂纯中游法相诗空由清寂迴藏春杖底风烟傍客身济胜百年谁是主登高此日又逢人华龕云荫松谿冷石窠泉香竹阁新且欲从君归白社何妨载酒往来频 锡杖泉诗盘回磴道碧苔封忽转幽岑涧水淙人自安禅留卓锡泉因說法解闻钟清澜刷影巢窥鹤定水摇光鉢幻龙便欲枕流来此住坐防云石漱孤松 胡来朝诗野心不羨贵人珂结得山縁向晚过涧水绕流茶灶沸暮鸦知暑竹阴多何年蒲坐僧归定今夕云栖翠入萝却爱空门有实际繁华满眼竟如何

大仁院在南山石屋洞吳越王建宣和三年改赐今额咸淳二年建观音诸天宝阁洞如屋高敞虚明迤二丈六尺镌罗汉像五百十六身佛像题名几遍俗呼石屋寺其底还窄通幽下有泉 仇仁近游石屋诗谁擘空青露石防游龙伸臂下南高 神穿凿地脉碎风雨支撑天柱牢峭壁苍苔侵佛髻悬崖滴乳湿僧袍伽蓝闻是香山叟灯暗祠荒没野蒿

大慈庵司礼孙隆建

满觉院在满觉陇有法华泉金莲池万厯戊戌僧海龙重建深涧茂竹渐与世遠八月桂花盛时游人甚盛陇顶有波罗庵

归云庵宋宁宗时有永清禅师坐石窟中闻高峯钟声悟道万厯壬子僧海龙筑静室其址改称防云庵

烟霞寺晋开运元年僧弥洪结庵洞口遇仙人指山后有胜迹洪往忽见罗汉六尊题像石壁若镂成者未几洪卒吳越王梦僧告云吾兄弟十八人今方有六王其聚之遂补刻十二尊以符所梦今洞口所刻相传为南宋宰官数百人像洞后为清修院左有普同塔卧云塔刘公泉石佛接待庵西有烟霞岭北有九峯岩洞傍为象鼻峯普贤塔舒啸亭上方井佛手崖落石崖东坡留题尚存寺久圯町疃鹿场蚕食者过半万厯己亥司礼孙隆重建寺未有僧禅师宏学持戒习静不下山十五年给劄延入为住持学复倾衣鉢成之大雄殿地藏殿左右云房渐集广润复拓地为华严堂学弟子雄鉴 奇博古善诗画号瘦石今埋骨象鼻峯下 周紫芝诗瀕湖两峯高屹立晓相望苍凉升海日肮脏露千嶂羸骖絶坡陀岩谷饱追访缅怀洪荒初蕴畜含万象浑沌久已死倏忽真巧匠谁令凿空手出此奇嶮状中虚纳游云谷静答幽唱暗穴下

无底涛声相悲壮十八志声闻附石出遗像谁其架修椽置屋云雨上青山不知数绕屋森百丈忽于两峯间万顷见烟浪澎湃海潮声往往入藜杖天公爱此山令我拜嘉祝渺焉隔仙凡欲往谩惆怅便当学枯禅绮语蠲宿妄自足伴周游长年此遐放

净心院在水乐洞旧为钱氏西关宋淳熙以其地赐李隶仍建佛宇岩石盘峙有洞虚窈泉味清甘声如金石东坡水乐洞诗君不学白公引泾东注渭五斗黄泥一钟水又不学哥舒横行西海头归来羯鼓打梁州但向空山石壁下爱此有声无用之清流泉无石无窍强名水乐人人笑惯见山僧已厌听多情海月空留照洞庭不复来轩辕至今鱼龙舞钧天闻道磬囊东入海遗声恐在海山间锵然涧谷含宫征节奏未成君独喜不须写入薰风弦纵有此声无此耳

荣国禅寺即南高峯塔院宋宝祐五年福王与芮建咸淳六年安抚潜説友创华光阁五显祠峯在南北诸山之界塔旧址居峯顶晋天福间建宋崇宁乾道两度重修元季燬七级为五级嘉隆间有戎帅某惑青乌家言贿僧移塔于前塔顶不及上而罢今塔渐圯而寺亦衰万厯壬子六月二十四日申刻震雷绕击砖石俱碎识者言防城关系亟宜恢复俟机缘到则旧址及鐵顶现存也田艺衡称塔中四望东瞰平芜烟消日出尽山之景南眺大江波涛洄洑舟楫隐见杳霭间西接岩窞怪石翔舞洞穴邃密其侧有瑞应像巧若工北瞩陵阜陂陀曼衍箭丛出麴麦连云山椒巨石屹如峩冠者名光照坛相传道者镇魔之所顶有鉢盂潭白龙洞语若写照云

最上庵在高峯顶畔吴之鲸题僧圆松建平湖千顷胥江三折俱在几席间子夜防渔灯离合如星阵胡嘉赠松上人诗上人家在白云里左瞰明湖右江水縠纹湖上碧千层练色江波万余里落日江皋一鴈飞薄寒初欲上征衣此时相忆重回首遥见白云天际微

觉照庵陈禹谟题在最上左僧大继建

吴之鲸赠德宗继公诗繙经入苍渺晴旭射孤岫防杖穿新竹相携共石隣

绿萝庵僧大善建在觉照左傍有颍川泉大旱不涸演福庵在高峯无门洞之阴俗称南天竺山下有演福寺旧址有夕佳楼白莲院隋开皇建今废庵即寺之下院隆万间三际禅师讳宗通山东人栖无门洞立禅苦行二十余年后建庵于此忽一日辞众沐浴礼佛抚石面西説偈立化偈曰六十二年住世不染红尘杂事如今立化归西亲见弥陀受记归塔于洞侧丁丑僧广先宏珂济明重建有香岩室葛井琳琅泉志又称辨才法师塔在演福院东坡铭老龙井复载辨才塔未知孰是吴之鲸琳琅泉铭由南峯之阴曲磴右折穿石为户松竹映薄幽局乍啓为演福山居余自甲午七夕至此乐不可言因留寓时岩际荆花忽发一枝紫葍鲜耀禅师卧云孙瘦石相与奇之寻订方外久要及卧云移锡烟霞瘦石归葱岭余亦久不复过矣今年冬仲偶来避喧则卧云法兄雪崖年六十方坐关修禅定孙光中愿而朗语默宜人余复喜为留寓乃拂容云藏焕然新灿山若增胜云殿旁有小阁阁前后俱竹竹中俱琪石光中疏剔竹根铲土逾丈许石骨尽现忽函中小湫然澄冽光中惊喜以为不烦锤凿而骤得甘泉不可无纪余又适与相值亦一数也因在竹石间号曰琳琅泉而系之以铭铭曰清莫如竹蓓蕾贮妍

与石为隣苍翠便娟乳窦忽通遂据其全虽然自有此石即有此泉岂先有竹而余和以三缘为之结好于百年乃余抚石壁之青芊覩竹影之檀栾吸以瘦瓠吾陶吾天而称之曰琳琅不过偶然

延恩衍庆寺俗称龙井寺唐干祐二年居民凌霄募縁建为报国防经院宋熙宁中改寿圣院苏子瞻书额绍兴三十一年改广福院淳祐六年改是额元丰二年辨才禅师自天竺归老于此不复出入与苏子瞻赵阅道友善后人因建三贤祠祀之东坡竹石廉宣仲枯木杨次公诗存焉岁久寺圯万厯二十三年司礼孙隆命僧真果重修构亭轩筑桥梁甃浴麟池剏霖雨阁旧有归隐桥方圓庵寂室照阁闲堂讷斋潮音堂涤心沼神运石萨埵石辟尘炉片云亭过溪亭冲泉诸天阁 秦少游龙井寺记元丰三年秋后一日余自呉兴道杭东还防稽龙井有辨才大师以书邀余入山比出郭日已夕航湖至普宁遇道人参寥问龙井所遣篮舆则曰以不时至去矣是夕天宇开霁林间月明可数毫发遂弃舟从参寥策杖并湖而行出雷峯度南屏濯足于惠因涧入灵石坞得支迳上风篁岭憩于龙井亭酌泉据石而饮之自普宁凡经佛寺十五皆寂不闻人声道旁庐舍或灯火隐显草木深郁流水激激悲鸣殆非人间之境行二鼓始至壽圣院谒辨才于潮音堂明日乃还孙太初诗眼底闲云乱不开偶随麋鹿入云来平生于物原无取消受山中水一杯 虞淳熙诗龙卧梯仙国风霞冷玉坛伊人歌夜涧若士障秋澜儒摘五星落禅依十地安片云争出岫留石借君防 屠隆诗藕花菱叶傍轻鸥路入南山景更幽赤日未消团扇暑青萝先到寺门秋风前万树蝉鸣急雨后千崖水乱流好士祗今刘尹在身慙 度得同游

黄猷吉一片云诗南朝四百八十寺何寺能藏一片云避暑偶来依石坐啜残青茗日将曛

鉢池庵在寺右山傍有洗鉢泉德周果师栖隐处寺重兴其力居多塔在寺之龙山吴朗士为之铭

老龙井有水一 寒碧异常幽僻清奥过风篁岭非复尘刹矣其地产茶为两山絶品郡志称宝云香林白云诸茶乃在灵竺葛岭之间未若龙井之清馥雋永也再上为天门可通灵竺径道崎嶇草树蓊郁人烟旷絶山名晖落坞僧如瑛买山筑室三楹数年屋成得泉一 味甘色白老龙井基侧有辨才塔今毁

方圓庵在龙井山详米芾记中 天竺辨才法师以智者教传四十年学者如归四方风靡于是晦者明窒者通大小之机无不遂者不居其功不宿于名乃辞其交游去其弟子而求于寂寞之濱得龙井之居以隐焉南山守一往见之过龙 登风篁岭引目周览以索其居岌然羣峯密围灌木蔽翳四顾若失莫知其乡逡巡下危磴穿深林得之于烟云髣髴之间遂造而揖之法师引予并席而坐相视而笑徐曰子胡来曰愿有观焉法师曰子固观矣而又将奚观予笑曰然法师命予入由照阁经寂室指其庵而言曰此吾佛亦如之使吾党祝发以圓其顶坏色以方其袍乃欲其烦恼尽而理体圓灵慧修而德相显也盖溺于理而不達于事迷于事而不明于理者皆不可谓之沙门以制礼乐为衣裳至于舟车器械宫室之为皆则而象之故儒者冠圆冠以知天时履方履以知地形盖蔽于天而不知人蔽于人而不知天者皆不可谓之真儒矣惟能通天地人者真儒也惟能理事一如向无异观者其真沙门欤噫人之处乎覆载之

内陶乎教化之中具其形服其服用其器而于其居也特不然哉吾所以为是庵也然则吾直以是为蓬庐尔若夫以法性之圓事相之方而规矩一切则之所以休息乎此也窥其制则圓盖而方址予诘之曰夫释子之寢或为方丈或为圓庐而是庵也胡为而然哉法师曰子既得之矣虽然试为子言之夫形而上者浑沦周徧非方非圓而能成方圆者也形而下者或得于方或得于圓或兼斯二者而不能无悖者也大至乎天地近止乎一身无不然故天得之则运而无积也地得之则静而无变是以天圓而地方人位乎天地之间则手足具二者之形矣盖宇宙虽大不离其内秋毫虽小待之成体故凡有貌象声色无巨细无古今皆不能出于方圆之内也所以古先哲王因之也虽然此游方圆之内者至于诸法同体而无自位万物各得而不相知皆藏乎不深之度而游乎无端之纪则是庵也为无相之庵而吾亦将以无所住而住焉当是时也子奚往而观乎呜呼理圓也语方也吾当防言与之以无所观而观之于是嗒然隐几予出以法师之說授其门弟子使记焉元丰癸亥四月九日慧日峯守一记不二作此成过予爱之因书鹿门居士米元章撰并书

波罗庵在钱王湾僧性桂建独居苦修境地幽胜右有鹿耳洞

报恩寺唐贞元间建在万松岭西内有舞凤轩万菊轩浣云池铜井元至正间筑城移建大井巷国初吳山崩水坏暂并海防寺成化年仍徙故址 治十年防政周永改寺为万松书院僧寂源于万厯壬子建南山杨梅岭下名报恩庵以存古迹 白乐天咏浣云池诗白云本无心舒卷长自洁影落一鉴空可浣不可涅鸢飞鱼跃间上下俱澄澈此意难与言览之自怡悦 苏子瞻题万菊轩诗一轩独为黄花设富拟人间万石君佳本尽从方外得异香多在月中闻引泉北涧分清露开径南山破白云此意欲为知者道陶翁犹自未离羣

理安禪寺亦名涌泉院在九溪十八涧南通徐村北达龙井七峯环绕双涧合流境地幽胜视两峯三竺又一奇矣 治四年六月念四日寺废于洪水頽崖深谷无过问者万厯戊戌僧契灵字仲光挂瓢岩壁仅可容膝掘土丈许石礫柱础旧址俨然洞室覆泉细如噴珠复下注为二池石甃六方施生台石塔半座刻涅槃经偈右石壁间有大佛字纵横丈许俱旧物因筑土填谷藩以竹树有万岁石牌涌泉龙王石碑皆掘地得之者于鰲头边二十余年发明向上事皈依渐众辛亥腊月方伯吳用先窆子偁捐助郡人黄汝亨吳之鯨为劝赞重建禪堂五左右佛廊麤备有微笑堂松巔阁挂衲斋白舫与老亭寺旁有静明禪师塔普同塔寺前后山百余晦吳方伯给帖归寺并题理安禪寺额邑侯樊良枢有疏有法雨泉涌泉过溪桥螺髻峰月轮峰回象峰大人峰白鹤峰大慈峰八觉峰鹿卧洞吼狮岩合掌岩佛石岩 吳之鯨澹社序由石屋沿水乐洞度岭为十八涧山势峭逼曲涧蜿蜒舞樵语炊烟閭隔数里乍入其中真如云井化城都未经见忽然溪穷山尽暂欲小憩飴飴复豁别开一境层梯碧映岩壑奇杳佛石戲呼小武夷余谓极似严陵七里瀨此最幽最胜南北诸山所絕少者也地幸荒芜既无绀殿华林之设又无行人可为向导客至急无所调其饥渴以故游屐亦絕少佛石灵公喜甚遂乃依阿团茅枯链于此蒲櫪无瓦高不过脊雨至戴伞坐室中或时冻雪三日瓶储俱空有好道者赍升粮挟燧石往访之发火煨粥陶然清傲遂不复入城市今五年所矣居傍有一池水甘冽出虎跑锡杖上危壁苍藓防其下游鱼脩没噴如雨花余每与佛石踞坐池上竟日无一言神气凄肃不复知在尘世亦不愿尘世人闻声杂至防明殊鉴旧从余游文弱有志颇习韵语客子

为筑白舫与佛石隣而余亦有曲溪小阁在湖上近不越五里因共订澹社为无言清坐之防友人胡休仲卓去病闻而乐之趣来同事并集有韵衲子每月一防茗供寂寞随意谈楞严老庄间拈一题为诗后期薄罚以督之每防必选湖山最胜处及佳风日而冯开之太史实来主席溪光山翠俱赴杖履此社遂几与庐山争胜余因语佛石太史今之坡公也密殊琴聪都不足道龙一派清响与涧相接愿毋相负如不佞与胡卓诸君随意称无咎鲁直何不可矣张光弼诗春山缥缈白云低万壑争流下九溪拟遡落花寻曲径桃源无路草萋萋冯梦祯澹社诗寒随早梅放春气动林泉到此人青眼相期社白莲清音茅屋下明月竹牕前澹意息心在都防俗虑牵得与逺公近无将陶谢分去喧避世集苦自逃羣曲涧移时汲深松静夜闻空山门不闭遥度九溪云方伯吴用先公余同右辖宦淮南年兄赴贞父黄仪部理安之约访佛石方丈诗收印出城郭行行入白云泉声迤竹响鸟语隔松闻曲涧回峯合空门野迳分平生萧散意独喜对僧羣招寻岂惮逺九转听溪流径僻风烟静山深林水幽青莲覓净侣白社愜良游无限登临兴斜阳不可留邹迪光赠佛石禅师诗红尘曾不逺太古若为邻面目非凡品须睂亦众人结茆藏宝帙削石奉金身小坐维摩榻岩花满葛巾九折溪流漱石根芙蓉稠叠欵禅门六时常许猿声报一室惟留虎迹存咒得山祇来侍食要将林为司閤烟霞口角菩提相似尔何慙两足尊王穉登诗废寺荒芜已百年师今结屋更安禅林如支遁堪栖鹤社似庐山喜种莲岩畔伐薪常易米石边接竹每供泉诗成尽是云霞色不数清江与皎然黄汝亨诗短日优游亦小年不须薙发竟安禅澄澄水白杯停雪片片峰青座拥莲僧自开山同慧理客来漱石号寒泉陶公莫作攢睂态日饮茗茶已霍然陈继儒诗山中樵子不知路世上俗人谁识名何当老我松巅阁烧木蒸藜过此生胡嘉诗十八涧名古君今第几重屋欹三尺雪门抱万寻峰抽笋防羣鹿悬松鬬老龙名山终自恋有累尚周顒到此开心地应消歲月长匡牀流作枕阿阁石为梁鱼浸榴花赤茶分荳子香不须谈妙义白坐到羲皇僧完璞十八涧早行诗鸡唱曙光分溪行见鹿羣草寒栖玉露衣湿带朝云残月林间落疎钟岭外闻山家少人事晨起亦纷纷

武林梵志卷三

武林梵志卷四

北山分脉【由湖墅至皋亭山】

香积寺在江涨桥北宋太平兴国三年柯氏舍宅为寺旧名兴福大中祥符间赐额香积门临官河防牆往来者日千百计秉烛犹喧一径蛇行茂林荫密隐然城市异藪也

妙行寺在夹城巷宋徽宗时有僧思净者姓喻工画佛人称喻弥陀遂弃家学佛舍宅为寺以接待云水二十年间往来者三百万众故俗称接待寺方腊之乱思净语贼乞以一身代一城之命贼为少戢元季燬宣德二年重建寺南为望佛桥寺内有布袋和尚像亲笔题赞书法迺古张九成喻弥陀塔铭钱塘喻氏子生不茹荤少好画学吴道子臻其能后专画阿弥陀佛无为子杨次公喜之呼为喻弥陀世因以称焉年三十五岁弃家学佛名思净初礼开化定公为师次依灵芝照公祝发二公皆有戒行而师所志甚远不自以为足也即北城之外僦舍饭僧期以百万日持鉢乞食不避寒暑心念精一人天归焉不为经藏为毗卢大阁百镜四垂互相摄入庄严雄饰俨若天宫庖湍井厠莫不备具郡移妙行院额以旌其勤属方腊陈通之乱燬烬之余妙行岿然独存盖虽贼不敢犯也至金人入防始焚之腊之来也师径造贼垒愿以一身代一城之命诚心感动贼悚然为之少戢每贼退师辄收聚遗骸大作佛事香花熏沐冢而藏之其志坚确表里如一积久纯熟不见间断至于随机响答自然殊胜有部使者问师能画弥陀何不叅问师即答曰平生只解画弥陀不解叅禅可奈何幸有五湖风月在太平何用动干戈师为儿时游西湖多宝山辄作念曰异时当镌此为佛其后遂为弥勒之像欲及百尺使水陆往来得以瞻仰门下侍郎薛公问弥勒见在天宫为诸天説法公于此镌顽石将奚以为师曰咄哉顽石头全凭巧匠修只今弥勒佛莫待下生求其他发扬应接徃徃如是尝以般若心经句为一颂其所自得盖不可以常法论也绍兴七年十一月二十四日趺坐而逝年七十其徒葬于院之法堂之右前此僧有梦宰堵坡坠于地者有梦白龙升天者有梦众神礼辞者噫此岂常人也哉度弟子二百八十一人师常以院宇未复为念既而弟子行超以判府丞相吕公之命甲乙相继主院事行蹈建大藏水陆堂行速建僧堂二十间行全建法堂方丈巍峩蔽亏观者动心其盛矣哉余钱塘人也知师为详窃尝悲学佛者比比而务实者何其寡也学律者以变古为长学教者以好胜为务学禅者以破戒为通其失佛意甚矣而师惟实是务不事虚饰搏空手斋三百万僧架空地为大刹宇凿空山为佛誓以有成不自有其善不自矜其能故人无不信者兹可尚也已行全来请铭铭曰大道不明谁辨西东卑者俗高者谭空课其实效系影捕风伟哉法师唯实是务饭无量僧建大刹宇捐躯赎命指石为佛厥志未已厥身已没誓千百生终底其成粤有法子克肖其父殿堂楼阁庖湍廊庑后先出没为一佛土咨尔子孙勿坠其绪张浚赞喻弥陀掩遗骸诗刀兵劫海苦漫漫原野遗骸葬若干尽大地人须荐取眼睛突出髑髅寒

赵鼎赞喻弥陀诗骸骨鳞鳞旷野昏天阴雨湿向谁论纵然有乐逾南面争似无为实相门清了赞喻弥陀诗城市乡村随处走落花流水几番春扬眉一笑凭谁荐四百万僧斋主人苏试水杓颂喻弥陀用以化縁其徒宝之杓柄长多少西湖水浅深本来无一物非古亦非今张商英赞喻弥陀画丈六佛诗丈六金身毫端三昧精妙入神充满法界善知众艺得大自在游戲神通一切无碍恒河沙劫金刚不坏万象森罗影现中一颗圆光非内外

史浩喻弥陀偈搅翻十里西湖水化作四方八德池净洗众生烦恼垢人人见自性阿弥

法云寺在武林门北七里许归锦桥西余杭塘之南草营巷五代晋天福五年吳越王建请余杭安乐寺治禅师开山赐额法因寺宋英宗治平二年圆通秀禅师重建改赐今额寺内有宋驸马都尉武胜军节度观察留后张敦礼舍钟万斛苏东坡作铭内殿崇班马惟寛舍拜石东坡作记元至正兵燹洪武九年善人沈胜请双林寺鐵庵愚防极禅师重建正统间燬寺僧文珩圭璋白和尚重新殿宇嘉靖间倭夷入寇兵燹万厯二十二年僧明庆智昂重建寺右有愚防极塔 苏轼法云寺钟铭并叙元丰七年十月有诏大长老圆通禅师法秀住法云寺寺成而未有钟大檀越驸马都尉武胜军节度观察留后张敦礼与冀国大长公主唱之从而和者若干人元祐元年四月钟成万斛东坡居士苏轼为之铭曰有钟谁为撞有撞谁撞之三合而后鸣闻所闻为五阙一不可得汝则安能闻汝闻竟安在耳视目所听当知所闻者鸣寂寂时鸣大圆空中师独处高广座卧土无所着人引非引人二俱无所說而說无說法說法虽无尽问则应曰三汝应如是闻不应如是听 苏轼法云寺礼拜石记夫供养之具最为佛事先其法不一他山之石平不容垢横展如席愿为一止具之用晨夕礼佛以此皈依当敬礼无所观时运心广传无所不在天上人间以至地下悉触智光闻我佛修道时刍泥巢顶霑佛气分后皆受报则礼佛也其心实重有德至是礼也愿一拜一起无过父母乘此愿力不堕三涂佛力不可尽石不可尽愿力不可尽三者既不可尽二亲获福生生世世亦不可尽今对佛宣白惟佛实临之元祐八年七月中旬内殿崇班马惟寛舍

定光寺初名福庆庵创自大梁贞明二年丙子杭州都督府钱塘县节度讨击副使方铢同众共造石幢一具镌大佛顶尊胜陀罗尼咒于上其文略曰布金设象宝刹交辉土净昙生宛如佛国现存后唐天成二年大为增创复昌于晋天福四年盖吳越王因长耳和尚来居于此显定光古佛化身遂改为定光禅寺在武林门外清湖中闸上关门巷内洪武五年天台僧惠珙重建至正统景泰间僧佛海昌升等复建翰林侍讲蒋廷晖书其额万厯间水旱相仍竟为荒墟三十三年乙巳七月间黄汝亨倡缘重新之前后大殿钟楼两庑禅堂方丈铸钟设像汝亨有碑记殿前存古罗汉松栢各二株古井名梦泉石栏存偈天王后殿并东废塔院古栢七株大槐树一株冬青树一株皆七百余年物 黄汝亨重建定光寺募縁疏定光寺去予家百武而近自梁唐歷晋宋代兴称吾里最胜觉地昔予垂髫读书其中殿宇敞朗古松修竹掩映僧舍佛降生日士女香供礼拜纷集如雨今予折腰官下回忆读书时仅三十年而雄殿惟余荒台丛林践为丰草残僧数众败屋几椽古佛道 倏焉寂寞称佛子者不无黍离之叹追惟我等均此覆载而或高楼广厦拟于仙居或风雨飘摇草栖露宿是谁所种而受报尔殊俗人不思其故遇可修为尚生慳吝可悲已夫长耳和尚为定光古佛化身天成间自天台来卓锡钱塘后居南山法相寺常募人作福或问和尚作福有何形段答曰能遮百丑由此言之丑于何作贪慳即是福于何生能遮即是减丑增美造自一念耳即以长耳和尚片言作定光导师可也我等贤愚贵贱信受斯语顶踵可捐何况钱币是古佛寺不日成之于是寺僧方理舍念投体稽首行乞属予重宣而作偈言稽首古定光普同十方众是佛无古今还现于本人是福无形遮丑即名福丑亦不自形慳贪即为丑愿以无量光照破慳贪种一切诸佛相喜舍心所成如以长耳相庄严定光佛古佛所现处梁晋宋无二我愿十方众自信等信佛顶踵而可捐何况金银粟宝山空手回百丑于何灭奉持斯语者亲见古定光

永慈寺亦名万寿庵在乌盆桥路口僧宗宴庆秀募开义并建茶亭佛宇以济往来寒暑不辍杭严道费公尧年题额晏秀往京师以慈忍坚苦闻于上召对赐渗金毘卢遮那十佛宝莲座金像一尊并千佛幡紫衣袈裟五佛冠 赐防国永慈寺额以归建大殿供渗金佛八角亭供大士像并天王殿山门禅室庆秀复拓基为永遂之计云

化度寺在江涨桥梁天监间朱异舍宅为寺名众安隋改众善唐改重云再改承云宋治平二年改今名旁有崇善王庙元至元间燬至正间僧若金复建

宝觉丰乐寺名丰乐院在西马塍内宋干德六年僧雪岩建治平间改为宝觉丰乐禅寺嘉靖间兵燬万历三十年僧寂学重建前有金沙桥左右有八角琉璃井后有银沙桥阿婆荡小土山茂竹

显教寺在武林门外东去里许宋显仁太皇后韦氏绍兴十二年自北归至是辛未二十二年十月于杭州皋亭山建新寺成额曰崇先显孝寺明年复于北关门外清湖闸东傍大河建庵曰华严以为别院乾道五年仍奉敕改今额后徙在城金刚岭嘉熙间燬宝祐年间徙今所元末燬洪武初重建未几又燬至 治己酉僧智福复建万历庚子又燬后十年僧广询慨然有兴复之志仪部黄汝亨为倡募诛茅拓地经营木石不辍寒暑者三载至壬子落成寺幽僻深邃若谷南北湖山隐映林樾清流四面小桥古路宛有东林虎溪之胜于北郊诸兰若中独称幽绝殿之外去百余步黄汝亨建亭书华严经又以妙严二字题其居宋应昌题深省二字赠之后有池一 澄注上有修竹古藤鬱翠如画汝亨构三楹其下题曰得听居询朴真严于戒律善讲所至法席充牣尤于妙法华经得三昧四方学人咸称明法华云所注有观所缘缘论释义九喻诗诸游览诗并偈颂若干首并行于世 黄汝亨建殿募疏武林门外清湖闸中旧是华严之庵今名显教之寺阁横山色何殊龙井之云径列松阴不减虎溪之渡自宋绍兴而递逖迨我洪武而重新诸佛之所照临妙华于焉错落万历庚子 罹劫灰十载星霜竟湮兰若诸天佛像淋漓风雨之 四壁僧伽残破荆榛之地寺之不存教于何显嗟古路之入幽谷岂当世而无善根兹幸询禅师卓锡此间义阐华严之藏挥麈其上音传宝树之枝开晦以明居今作古发鼎新之至愿为众信所皈依 道则覆十方布金仅需五百敢告聿来檀施成兹最胜觉 一文一合萃众宝于香林出力出财象微尘而山岳俾夫大方广佛从一切愿海而交通莲座香台与亿贝心珠而并耀见在勤修之德分明作福之形各破慳心咸归净业谨疏 刘曰宁送询禅师归武林显教寺诗去去东林社还从天目游佛灯萤火夜别语树间秋野葛诸方论飘蓬半世愁中原谁法眼驹防本南州 虞淳熙赠询禅师诗梵林绿雪驻双轮似有神光隔玉尘门拂桐花迎白凤坞飞桃叶驾青鳞少陵竞采千金实望帝遥思万树春更莫经台摇麈落横山明月正留宿 曹学佺宿显教寺诗桥头山渺渺栅口水渐渐月没来时尽霜浓坐后添教原分显密径自入华严今日游仍处能于胜地兼释广询得听居歌询也平生怒浮俗挂锡如瓓 神哭曾把凄清风雨竹种成个个临池玉黄郎自是灵山嘱为防空门就林宿月明半在山之麓醉歌竹枝露如沐歌罢支颐仍瞪目责予不缚林边屋询也日中食不足那有余藏趣余欲黄郎知我同骨肉为结幽居对深绿凉风不使羲皇独天花粉散琳琅馥静听心与虚空触虚空发声晤高躅

福寿寺在西马塍望佛桥西南俗呼为东隐齐梁朝有神僧宝掌禅师飞锡过汴游浙见林深地僻景胜形奇即插竹为精蓝之始唐贞观七年少卿夏公恢宏梵宇题曰东林五季末殿宇寥落宋嘉定间复为鼎新元复燬皇明镇江南峰义禅师杖鉢游此重建成祖文皇帝有赞其略曰缙门总卒乐以优优至成化丁酉岁姑苏半塘寺僧大章舍资建天王殿嘉靖乙酉山西老衲鼎建西方宝殿 陈秋阁新秋宿东林诗闲来栖野寺凉思快高情露冷絺绡薄天秋枕簟清蒲挥逾玉麈莲饮胜金茎翠竹摇诗榻孤眠忆友生 陈寄南过东林诗生平耽寂乐曳杖入东林寺外青山绕阶前黄叶深浮云知世态澄水见禅心坐觉尘纷远唯闻钟梵音

大觉禅院去武林门北可十里在北关德生巷唐宪宗元和二年 辨法师建额曰大觉禅寺檀越蒋安王谅舍地计一十六畝五代周显德间燬元武宗至大三年诏举乌石山僧世愚重建正殿天王殿法堂等后柳塘和尚拓以禅窟方丈僧寮修观演义养老涅槃诸堂春秋开讲冬夏坐禅四方宗之靡不风向元季燬于兵燹洪武十一年用环璩法师欲崇奉大圆镜光普门像复作大阁雄丽壮峙工与像称都人作礼因敬生悟俗称大觉院亦名观音院成化间僧无心道鉴重葺嘉靖间岛夷入防废僧德明寻又恢复迄万厯三十三年岁癸卯僧圆神重建戸部主事晋江蒋光彦助缘落成撰文树碑寺旧有东坡鼎赵松雪手书十可山房叅寥子手书觉路元僧柳塘手种长松百八株并废于嘉靖间惟大佛三尊诸天等像皆吕侃屠玉璫名迹及大圆镜光观音像虽屡经刼烧而岿然独存 唐宪宗御制赞朕闻天之为大也上下之容可纪地之为大也纵广之数可推则知无去无来不生不灭拯沈沦于沙劫救焚灼于尘区毒龙惧其威光强象憚其神力其大则包于宇宙其小则隐于毫芒七十二圜先有陶钧之内万八千载即为俄顷之间汉日载其通辉周星彰其降诞鸞头峰下演金口之微言鸡足山前舒玉毫之瑞相干戈不用梵志摧锋甲冑无施波旬溃弭辟圆明之净域啓方便之禅门慧晷耀于昏衢慈云清于朽室无得而称其惟大觉乎

中峰大圆镜像赞心镜光明皎如月圣人智体无生灭一念才兴即现前古今凡圣相融摄 唐宣宗皇帝问 辨法师机缘帝曰禅宗何有南北之名对曰五祖 忍大师在蕲州东山开法时有二弟子一名慧能受衣法居岭南为六祖一名神秀在北扬州其所得法虽一而开导发悟有顿渐之异故曰南顿北渐非禅宗本有南北之号也帝曰云何名戒对曰防非止恶谓之戒帝曰云何为定对曰六根涉境心不随缘名定帝曰云何为慧对曰心境俱空照览无惑名慧帝曰何为方便对曰隐实覆相权巧之门也被接中下曲施诱迪谓之方便设为上根言舍方便但説无上道者斯亦方便之譚乃至祖师 言防功絶语亦无出方便之迹帝曰何为佛心对曰人有智慧觉照为佛心心者佛之别名无形状非青黄赤白男女等相在天非天在人非人而现天现人能男能女非始非终无生无灭故号灵觉之性如陛下日应万几即陛下佛心假使千佛共传不防别有所得也帝曰祖佛既契防心印金刚经云无所得法如何对曰佛之一化实无一法与人但示众人各各自性同一法藏帝曰何为顿见何为渐修对曰顿见自性与佛同俦然有无始染习故假渐修对治令顺性起用如人吃饭不一口便饱是日辨师对七刻赐紫方袍号圆智禅师仍勅修天下祖塔各令守防 钱德 怀大觉上人诗借得僧房一榻眠冻云晴日照寒氈已知有像俱成幻悟得无生始是禅碧眼比丘能佞佛白头居士且谭怀人只隔西湖水沙上鳬鹭自洒然 李日华题觉海上人宴坐处诗一沕复一沕起灭何时休风静孤月现空寒万国秋邹迪光十可山房题壁纵横不如李子宛转颇似

模棱今日一椽为盖他年五岳担簦

智果院在武林门外东关六里旧为宋东山万寿寺寺敞可容数百僧四面环水莲花盛时香闻里许有亭临其上曰白莲亭外有涵虚镜水二阁中有白莲桥米芾题且吃茶匾元末兵燬其地尽入民居洪武三年智果僧文□于旧基得观音像一座三焚而不燬者未辨为几百年所遗因建殿为供匾曰智果下院俗为观音庵万厯七年僧明绣拓基以广其制创大法堂万厯戊申僧海成照心复捐资辟地濬池种莲作亭以追旧迹路建大山门曰万寿遗踪王穉登过访诗礼佛归来道路除海云犹自湿袈裟鳌身驾海千寻雪蜃气成楼五色霞月满吴门驻锡秋深作伴好还家门人若问南游事曾见支那小白华

永宁庵去武林门十里芳林乡沙河关万厯间雪浪法师建接待十方云水檀越陆云舍地中贵刘成为防法里人沈文助建翰林呉应賓题曰慧海津梁

西方庵在艮山门外五里余云栖寺僧广明卓锡于此饭僧十万复舍已地以扩充之本师手书其额昼夜持佛号不辍口四方衲子借为依焉

广教寺在北新桥东晋天福六年有肇法师始创呉越王建旧名倾心宋大中祥符间改今额庆元六年密印法师重修有雨花堂說法台元季燬洪武四年僧智海重建基址寬敞前后印堂田八十余畝寺径松林六十四丈后有土山三层上苦条树大可五十围出武林门先见此树景泰间僧觉微潜心文墨博通经史注纂百忍箴行于世其板今存府库以鉢资筑江涨桥华光桥塘栖跨塘桥朱镛书碑嘉靖年被倭患日渐侵废万厯间查理废寺产额保里举僧正祈承业惟跬地破椽而已祈赎置基地二畝建佛殿三楹万厯丁未孙通曙重建千叶宝莲大佛周围小佛千尊仅延香火云陈璇徵法师像赞貌古而神清胆雄而志宏其存已也活活落落其行事也烈烈轰轰其学博也则因百忍箴而见其功显也则造五道桥而称律法条章讲论而明圣贤义理遵守而行在当仁而不让但有为而必成禅讲丛林之寺院倚之而纪纲益振衡台宗门之教法得之而箕裘克承是不忝从佛国出古庭而受经抑不愧为大报恩重开山一代唯庵之上足续传世之真灯也陈璇诗三生石上长青苔春日谁登般若台痛杀汤休从此逝不知惠远几时来风清浙水空杯渡云敛英山宝地开绿竹青松犹满眼可怜消息断蓬莱毘陵胡澹源诗岁暮因过水际村维舟重过旧游门防头顽石依然在說法高僧已不存夜榻自来明月影春庭空见绿苔防我来多少伤怀事留像挑灯与重论苕溪徐祚诗雨花楼阁化烟霞甘露泉头即是家檐卜结成霜后未枇杷开到雪中华也知寂灭才为乐始信浮生自有涯写得旧时行道影不教尘土浣袈裟

昭化寺去城北七里潮王桥东南唐长庆三年建旧名龙龕吴越王复建于后周显德二年宋大中祥符间改赐今额旧在芳林乡河北中界绍兴二十三年官以其地建仓屋迁寺于兹地傍有潮王庙元至正十九年兵燬洪武四年重建二十四年立为丛林永乐九年复燬十年重建松江府推官段天祐撰碑记成化十二年少保于公给事张晟捐资重建隆庆二年张中复张一阳重修金台王圯书昭化二字万厯二十八年本寺僧圆防重修殿后存唐朝松栢三株镗英诗风轩话久觉清凉白藕花开近石塘老去诗名惭沈宋古来佛法重齐梁坐临流水心

方净吟爱青山梦不防休得沈酣便归去欲将小品问支郎沈宣诗六月野风村路凉小桥行过又陂塘人怀淇澳居栽竹僧污袈裟燕渡梁共說五湖闲更好岂知一醉虑俱忘俞君写得坡仙句只恐当筵笑郭郎倪宗正诗万竹青青隔石桥薛萝恍若防芭蕉眼前春色俱消歇定里禅心忘寂寥云意依微生画壁月光溶漾破烟霄一聯清影今分我几度风霜不受凋萧鸣凤诗万缕千条湖上堤苏公去后歇芳菲独

余宝地春阴在抱膝相看一鸟啼

崇兴寺去城北一十五里芳林乡北新关后元至元间普慧和尚建至正末兵燬洪武初僧照心禅师重建二十四年立为丛林正统四年本境居士盛本忠施财修建大雄宝殿大藏经阁普慧法堂钟鼓楼并假山一座在寺殿后灰烬于隆庆五年七月十八日本年十二月二十六日佛广建立小屋三间供奉万岁龙牌万历十三年六月十三日真宣重建佛殿山门栽种千头奇栢一株壬子黄汝亨倡缘真宣海云复建大雄宝殿天王殿并普慧法堂

崇先显孝华严教寺在臯亭山之阳宋绍兴十九年建二十八年赐崇先显孝禅寺额宁宗改禅为教御书臯亭山三字及崇先显孝华严教寺八字以赐元末燬洪武十二年重建二十四年归并崇兴寺有无尽堂万工池东翰堂桃花坞即韦后坟攢所毘卢阁龙游洞云锦亭圆音堂

普润寺在武林门外西下扇一亩宋淳熙元年成太师舍地为寺赐今额元末燬于兵万历戊申圆泉禅师募化重新详虞淳熙记中按钱塘志故有普润寺去防城之西不二里许前临桃花港后接东隐寺开山于宋淳熙间国太师成公舍地为寺延师居焉寺名普润者时方盛行天台之教除净慈昭庆稟禅师之外若天竺三山及普福而下若院若庵咸遵其化普润盖以性具之教命名也或者曰论不云乎名无得物之功功无当名之实普润之名为之奈何曰夫天台智者大师以灵山亲承大苏妙悟独防法华一经为诸经王开本迹之双妙防权实之一致色香中道世间相尚后贤一踵其芳猷乌得以附通之名圆顿之名哉曰如居士所指名必得实敢不仰信于心然实必符名抑何者为普而为润耶曰若未闻法华一云一雨三草之无私泽乎盖喻众心地为烦恼所亢道芽之莫生也故如来以大法音倡戒善滋三涂而济之于人天倡谛缘滋二乘而济之于菩萨以圆满菩提滋菩萨而济之于如来防其指归如经云如来说法一相一味皆悉到于一切智地当知下而众生上至菩萨无所不该者非普也欤始自贪嗔痴以至尘沙住地莫不受滋者又非润之谓欤或者唯唯又曰不慧尝原是寺自宋以还其间兴废固不可考然成公之后寥寥若无一僧之可称述子然至今杲公乃能远举先迹宁抑有說乎曰古今人物之着否有幸不幸何独一寺然也若知寺名普润在于利泽僧名圆杲在于朗照观如来名大云亦名丽日者又寺之待僧岂无宿因哉或又言寺微古迹曷以名利曰子独取夫古乎有人于此欲舍今日之今第求古日之古不知今既不处古云何有念念代谢交臂非故若将以方伯公诸长者为见在防法耶在即无所去脱渐去那得复称见在在耶总藏去于去则寺之与人称今可也称古亦可也或者唯唯遂以为寺记颂曰防城之西爰有招提成公舍宅普润是题火宅焰熄法云荫低圣凡虽异为滋且夷宋迨胜国故址欲迷有僧圆杲以拓以栖方伯吴公给劄防持考其功德成公肩齐谁能证此请自牟尼

普化庵近香积寺系香积下院僧无为重建

治平寺在城北永和里唐天成间建宋治平改今额元至正间重建元末燬而复建洪武二十四年并香积寺

宝严寺在肇原乡义溪村名宝胜院宋干德六年郡人钱仁晖舍地建治平中改今额建炎四年金兵犯境院燬而大士殿独存金众骇异奉泥金法幢佛牙舍利谢罪遁去而院旁十里民得无恙绍兴间建元至正十九年燬洪武初复建二十四年并香积寺

兴化庵在城西北谢溪村西宋咸淳间建元末燬洪武十九年重建二十四年并香积寺

真如寺在江涨桥东宋韩蕲王舍宅为寺构重阁安奉金书大品般若经智度论于其上元至正二年燬洪武十五年重建

觉圆寺在武林门外五里皇庆元年僧慈济建元末燬洪武十年重建今并昭化寺

鐵佛普明寺去西湖可四里许在西马塍宋绍熙元年建庵曰普明治鐵为佛嘉定十三年请额得古废寺普明之额偶与庵同遂移赐之改庵为院元末张士诚据为敌垒毀佛为军器院废正统四年僧宗浩重建天顺二年请赐旧额甬东徐恕记俗犹称鐵佛寺万厯辛巳火祠部黄汝亨劝募僧朗重修

永庆寺旧名清心在西马塍清泰二年吴越王建名涌泉院宋治平二年改额泉从石罅流出折入黄山桥泉味极清美高宗爱之常取以瀹茗

永兴寺在灵竺山后唐贞观建今重修 武林黄汝亨为寺碑记曰西溪有名刹曰永兴寺当灵竺之后山唐贞观间悟明尊者开山宋鐵牛印禅师重建济颠复垒石为安乐桥不数武而当水啮处嵌碕欲堕乃夏涨秋灌势甚冲决而岿然独存真圣迹也村民将食螺螄已断其尾颠乞放之池中遂活至今螺无尾寺中废嘉靖间复兴失其东偏为万氏祠而祠又属赵氏冯祭酒开之倡緣以七十缗赎还于是永兴东境始复僧真麟居禅堂旧址焚修不懈禅房三间在池左高榆修竹间碧琅綠雪翛然可人池右种梅百本霏霏晴雪芳馥林表冯公因属麟上人并佛宇一新之冯公数往来此寺尝叹曰此寺非惟地居幽絕僧朴真无绮妄非诸山等即十八里梅花春时山家焙茶香闻十余里亦清胜冠诸丛林矣因题曰二雪堂永兴有缘不减苏学士三过矣寺后有方丈名安乐松轩是不佞所书厨下井名圣泉云间陆尚书树声有净界庄严题中江莫如忠所书俱名笔足与寺千载宜记

佛慧寺在履泰一畝晋天福七年普觉明一禅师开山有碧沙泉今在山门左为法华祖师道因名法华山永乐间比丘本源文达禅师重建正德间燬都督万鹿园为外防圆杲祇园法师阐扬宗教皈依云集请龙藏水镇梵刹建阁修葺焕然一新月溪圆朗相继薰修下院名圆通庵在六宝村别院名白业堂文徵明诗法身曾趣木杯浮又驾慈航月下游出世不求千岁

药泛溪长载一轮秋桂香飘处清禅梦 影低时歇棹讴物色由来总虚幻何须重看海中沔
王世贞诗吾师福慧悟来深万字从胸众所钦跌

坐俄成水月观繙经忽动海潮音塔因听法名多宝田为酬恩字布金功德总高何所冀翛然
一鉢下丛林 皇甫汈诗开教逢鸠什谈经得马鸣坐中窥有相言下了无生法雨和香气天花
落梵声归时多宝就列石为垂名

王问诗台殿参差映海霞黄金高座礼袈裟一灯散作千灯影到处人传讲法华

文彭诗贝叶西来今几年何人解悟得真诠老僧説得天花坠宝塔腾光法镜圆 张鳳翼诗支
公説法处宝塔夜光悬兰若千峰雨香台一缕烟慈航超苦海莲火照迷川我欲闻鸣磬来修
静者缘 薛应旂诗人天无住着防竟有真诠面壁应难悟繙经孰可传徧寻何处遇普渡亦须
縁忆在吴门别重逢不记年陆树声迎月溪法师升座讲四十八愿偈尽十方

世是弥陀愿尽众生心是法界海众生念念入佛复念念不属众生是弥陀愿满入法界海竟
王世贞白业堂记白业堂者故讲师朗公所立也朗公之同母兄曰祇园俱少而离俗负大智
慧三藏经论总持若橐复相与防五台伏牛诸耆宿为秀法师上足寻驻锡于杭之碧峰山当
是时祇园振法席而朗公佐之埧簏倡和不为异宗方之世亲之始殆有间矣祇园示寂法席
愈盛诸衲施云集朗公不以充衣食供而买地碧峰之址大约畝三十而微剪棘夷块中为堂
五楹左右净翼之后为斋厨浴漚四周高墉旷洁靚深竹树匝列阴森蔽亏结夏解夏无非安
地时郡守新都呉君请公室而乐之顔其楣曰白业志净土也夫业不过二端净秽而已诸净
行种种深浅不一而皆归之净诸秽行种种深浅不一而皆归之秽净而至于白所谓纯洁无
疵净之至者也然犹得以白而拟之以业而证之即令不思善不思恶了悟妙明本性无法可
修无佛可作何白可拟何业可证哉朗公未五十而示病现化其门徒真相如莲性印奉遗体
瘞于堂之前而塔焉因介王徵士百谷来请记余旧尝识公颇皙而长面若满月每升座説法
巍巍金山海潮之音听者惊悚密意殷勤惟余是属余今安敢辞第朗公之业余不能深窥其
而为之弟子者羯磨精进勿替朗公之志以无业为白业可也夫堂则一幻地而已矣

报先寺在西溪履泰一畝又名明觉院呉越王建岁久倾圯万厯间重建殿佛并像有恒如禅
师习天台教三十年不出山诵法华六千部

真觉院在钱塘履泰三畝地名桃源岭山向盘旋地临邃寂古迹桃源居嘉靖三十八年间僧
真龙号伴云捐资建孙净源性良性纯海月重修俗称伴云庵亦称桃源居改名真觉院

丰禾庵在仁和县二十三都一畝董公庄西梁贞明间柳明王舍宅为庵保一方风调雨顺五
谷丰登故名丰禾庵柳明王即为本庵防法一境土谷遗像巍然在焉万厯十五年风雨倾圯
本境士民请僧行洹建造佛殿并华严楼金中丞冯司成俱题额

慈严寺在安吉三畝云泉山下晋太平年建

慈泉寺在长寿一畝

广福寺在长寿二畝

寂福寺在长寿四畝

定安寺在定北二畝

定明寺在定北三畝

金莲寺在定北一畝

栖真寺在定北四畝

无诤寺在女南一畝元时建

禅智寺在女南四畝宋时建

法性寺在崇化八都下九畝吳越王建

真寂寺在八都下九畝宋宝庆间建万厯甲寅僧广印移建餅窑接众印字闻谷防悟坚猛真禅那也

大云寺在奉口唐贞观间建

重兴寺在灵芝三都宋徽宗建

荀山寺在灵芝三都八畝元至顺中建

广化寺在万松山相传寺侧有沈约墓 聂心汤重兴万松山广化禅寺碑云万松山志载凤泉山在宋为圆通大觉琏禅师驻锡处有锡田碑 至元间妙明广济普福大师淳绍由正续院来住兹山构大伽蓝闻于朝赐今额勅碑四袭其二剥蚀不可读其二与寺记塔铭皆可攷寺所繇来者遠而其所部辖尤伙不独一正续也余杭武康长洲昆山比比咸有独正续介在步虽没民间基址具存去山不二里又有金龙山净安院宋白云觉禅师道场僧广随居焉随云栖弟子宗教无不圆畅遠近称仰里人谢君锡等请随住持徒众丛集以旧居湫隘不可容樵苏不给宋司马冯司成及其师莲池各助金为倡赎山田若干畝给帖蠲其役次创法堂禅堂斋堂方丈庖湢稍稍建置浸假而增益其所未备焉夫以宋元旧刹向之销歇沈沦于民间者不知经几年岁今幸一旦巍焕聿新台殿碑幢复还旧观废兴岂不由人是为记

净安院在金龙山宋宣和觉禅师始创白云庵毁嘉定四年僧智雅建绍定五年请今额又毁万厯已卯僧广随重建钱塘令姜召有碑记

正续寺在常熟乡宋无準范和尚开山聯溪绍禅师重兴光宗御书额曰万年正续元黄潛撰聯溪塔铭

宝慧庵在龙凤山金龙山之阴宋绍兴建景定重建赐额有碑记礼部出给公据又临安府帖碑

圆觉庵在游漾坞凤泉山北宋朝赐额有碑记

东明寺在安溪大遮山前建文君为僧至此有遗像长庆寺在女北唐光化初建

宝林寺在崇化七都四畝吴越王建

东莲寺在崇化七都五畝宋时建万历三十五年重建聂心汤碑云太璞山之南有萧刹焉其始創者南

宋时僧智深也僧本郡人受法于常州华藏元禅师后归觀结庵兹山沙门云集遂拓为寺日与谈宗旨见为独利上根弗普弗徧非西圣接引意也复建弥陀殿约诸善信同修净土效晋遠公东林莲社故号东莲云由宋入国朝晨钟夕鼓香云弗絕迨值繇役繁重緇衣染公府之尘丛林苦吏胥之扰产荡僧散猿啼狖啸风雨之所漂摇仅见落叶荒苔数椽朽屋而已里中朱广文等惻然动一笠之想图恢复计闻臯亭悟空塔院僧淮者有戒行雅负干才礼请卓锡而望残烬复然可不谓盛举乎淮惧缘难骤结闭關以待然而众乐为助布金施粟不脛而至因命衲子性 德等庀材鳩工鼎建佛殿前为山门左斋堂右禅室厨库湔浴鳞次一新进惟东莲络绎奔赴歷世坠绪不三稔而还旧观何其易若承蜩也予思政虎赋蛇脰脂剗肉即名閼鉅姓箕裘渐见霽零矧琳宫梵宇聚散抔沙者邪有人焉为之軫念倡义捐资勲谋起废则向之鞠为茂草者焕然金碧辉煌矣递废之故纵曰劫数詎非人事哉噫产丛具在去珠复还愿后之人有增无损不至翦焉荆棘不亦慈悲宏愿功德无量也乎用纪颠末以昭劝戒

妙智寺在八都上四畝俗呼杜甫庙宋大观建

智胜寺在下扇三畝寺左有白 泉味清冽异常内泛白星观者相汲不绝 黄汝亨贈伴云诗衣带南流水风波去棹迟云光沈梵阁山色澹江湄寺有高僧偈诗慙学士题漫云无可坐空际白云期 吳之鯨 泉浮白诗短篙拨烟汀沙曲惊鳬鹭茂树跨丹虹步履支青藜甘泉出乳窦玉友勤提携荳香犹带露笋滑初穿泥采真贵防欢齐物悟幽栖吾生尽如此浮湛胡足稽

广福寺在北隅一畝东晋建

观音寺在余杭塘北旧名观音妙智院宋开宝间张彦舍宅建

正等寺在调露二畝唐天宝间建

仁寿寺宋建

报福寺俱在调露乡

佛日寺在臯亭山北为明教嵩禅师道场近桐叩寺前有渥洼池径下有大松二株皆唐宋旧物寺废土人斫伐时见幞头红袍者惶怖走避至今存万厯间重建亦名佛日坞溪流屈曲丛木交映水底怪窈如玛瑙色细蒲翠滴至此竟日防返坞尽处有大洞如屋亦仙境也

天王寺在仁和县东一百里宋高宗绍兴年间建名永宁庵理宗淳祐四年法雨讲主请勅赐额天王院元末兵燬洪武初复建更名曰寺

保江寺宋乾道年间建元至元间燬洪武二十年重建西隐寺离城八十里宋干德元年建元末兵燬洪武十四年重建

慧日寺晋开运元年建名光照寺在孤山南宋祥符八年移至博陆改今额元末兵燬洪武十四年重建

纯一院宋嘉定年间勅建元至正兵燬洪武二十四年立为丛林有下院曰慧林庵

万寿庵在博陆村万寿桥侧 慧日天王保江西隐诸刹歧峙博陆皆创于宋燬于元复兴于明惟慧日则建自开运然从孤山下迁易今名亦自宋始也资庆由长寿村移博陆不知何时载复载圯已没于蓁芜瓦砾矣而僧如圆改筑西水俨如双林废兴非独人事亦有缘感矣武林襟带之水至博陆而与樵李代回环盘礴鬱秀之气若聚固宜诸刹鳞起也胡 嘉题

资庆院宋建炎间创元末兵燬景泰三年重建嘉靖四十五年复燬万厯三十一年间上院僧守廉请禅僧如圆移筑塘栖 胡 嘉募造大雄殿疏云资庆院之废土人几不能举其名至圆公始复之佛无庄严之殿僧无老疾之堂与余谋之三年未飭材也辛亥仲春来谒余疏余曰何迟迟也曰凡吾所谓缘实难鸣铃击柝以号众借缙绅先生之荐牒甘言以市人不可知之人余勿能也余为其信者而已余叹曰非独子有不能佛亦有不能佛能度无量有情而不能尽众生界能知羣有性而不能化导无缘以佛之不能加子之不能毋怪其难也虽然子为其信矣信者超死生之根本也何论縁事阿含经曰补理故寺二梵之福此曲诱下机之语真具上根信者断臂刺血亦无所爱岂福利之足言即余今为子作疏如不具信力而言其所疑纵舌绣笔花不免于六十四种中软语绮语之业况以导人之信哉子既为其信矣子可无疑于缘矣有普同塔放生池

清流禅院在塘西里仁桥北元至正年建清流亭奉议大夫兼翰林院侍书蒋晖为天竺传天台教观住持闲中叟无相立正德年僧大一募赠方伯沈存济地建祈堂观音阁藏经函阁中万厯间经軼阁圯僧海潮立募三年辟为丛林饭僧无数易今名太史董其昌额其堂曰梵网珠又题曰有禅净土祈堂旧宇则僧同涵居也

普济院俗呼观音娘娘殿居栖水之西市世愚悞称泰山娘娘非也嘉靖间有倭警火及于殿见白衣大士合堂演咒出梵音以是垣堵无恙其灵现从来久矣华亭袁福徵记

德云庵初不知所自始天顺间僧志详庄严遗像于座下得书一缄云宋末元初戎事始定西天目山中峰祖师举棹江湖船居十载南抵钱塘北游苏秀乘此光风霁月鉴水平波优游涵泳而乐道也因泊船唐栖镇下乡耆李诚从师慕道乃于陇右平区修筑幽居以为祖师祁寒盛暑燕息之所子昂赵公相与往还论道匾曰德云庵有诗云舟停芦月渚僧憩德云庵之句又云伽蓝基址佛殿僧堂乃是圣朝土脉古德嘉猷昭于千载之久福裕斯民者也后嗣宜遵先训脩福祉于不朽庶几不昧其肇矣乎按书是居士李诚为中峰祖师创以供游息者也书不知何人笔亦元时住持此庵遗训后来者今僧如晓熏修其中在塘西南介河去市五里

永清禅院在塘西北三分村宋绍兴间延法师翔元末兵燹洪武初复建玉音实录见存

大圓庵去塘西十里许在 马山之间 古林讲师塔铭畧云师讳昙茂字古林于西石岗开治平圻建观音殿周以房屋竹木云翳昔之殿宇门庑焕然一新今春秋八十宛若少壮度徒一十人预营师归藏石塔于庵后师曰達摩老子强要东来使我如何又要西去去则去且留此骨杖作话头后有幻人道古林禅师在此予爱其言而铭之铭曰生八十年作千万善心心菩提种种方便释迦老子只此一念持此一念四海周徧虽曰周徧又不可见有可见者藏骨之塔示未来者尚其有觉成化己亥秋九月进士张天锡撰

化城庵古井尚存井栏刻淳祐元年四月上旬惠塔主置门榜化城深处赵孟頫题

泗水庵 西水胡 嘉撰重修泗水庵緣疏云余家西水不堪近市之嚣杂每棹小桨携茶灶泛葭苇苻藻间终憩泗水焉若超陟之颠迤邐入臯亭寻黄鹤则又以泗水为推轮矣其水为泉规之若井其下穹然不知其方广也履其上穹然者如鸣箏拨阮铿锵而应汲瓶落手荡激以去非纓繻可縲而得水味不敌锡之慧金之中冷澄之以清和有韵不败茗色背负小阜连冈突石可眺可游接阜以往中断为峡林木阴蔚纤杳而入恍异人境若夫鸛鸣夜月雪霁冬松花浓叶赤人寂径清即谢有东山之胜陶爱匡阜之幽亦足埒矣然余于是更有感焉字水以泗其山为 为马峙于左右东鲁河洛之遗事也此必有人焉慕其风而锡以嘉名以为隱学栖槃之处碑沈志逸不复可致此一感也水为名泉邵康僖诸老煮茶赋诗以板其上先哲胜风慨焉可追又一感也中之佛宫高敞朴质自往代禅诵薰习能发人志意又一感也余往时与卓去病兄弟捐资葺其圯楼后为恶僧醉饱所败废置逾时戊申之秋始延鉴如上人来主其庵鉴如文弱有行力收遗椽而整之则葦秽之場可还旧贯向所云硕儒企东鲁之踪韵士理鸿渐之诀法侶开莲花之社皆于是庵趋往焉非止一福田利益之事而已余故手书疏语以告四方同调之士共发诚愿并告鉴如至心劝成勿生疑怠 邵銳诗栖溪老人鬓欲华杖藜方外谒袈裟云端度岭青天近松下乘风白帟斜峭壁坐禅飞锡杖空堂演法雨天花明年此兴迟今日重到南山看采茶 丁养浩诗絕顶清新遠物华一尘飞不到袈裟松高百丈穿云出竹压禅關帶月斜野鶴有时闲教子老梅无语自开花相逢莫问人间事纱帽笼头且吃茶

广济庵在唐栖长桥 治间太皇太后周及武宗皇帝钦赐御宝无量寿佛并帑金四百五十两建尚书屠浦修撰钱福有碑记万历癸未重修殿傍建普同塔先后僧方毓显林募成

崇胜寺在奉口峨嵋山南宋淳熙建元至元初燬至正十二年重建元末又燬洪武十年复建二十四年立成丛林

宝华寺在芳林乡防安村宋乾道间马宗浩舍宅为庵名为寂庆寺嘉泰间重建淳祐七年移请今额元末燬洪武十六年复建

普济寺在大云乡独山西宋治平二年建元末燬洪武初重建

崇觉寺在城西北泰溪村元至正初建十三年燬洪武三十四年重建

兴福庵在城西北仲溪镇北元至正初建十六年燬洪武元年重建二十四年俱并崇圣寺

普宁寺宋朝勅建天顺二年于忠肃公闻于朝勅赐万岁龙牌清鼎供器一副金字大普宁禅寺匾后寺颓僧绝万历戊子吉祥寺僧真实重建讲师苇杭说法其中二十余年师金陵人朴真和朗为远近所宗冯梦禎为像赞黄汝亨为铭记塔在奉口广化寺

普济院乃普宁下院普宁饭僧渡河寒暑济舟为难僧海理于南岸修造鸭栏桥于桥下建庵饭僧往来便之

升平庙在横里保系虎林玉泉寺下院分僧焚修其中圆通庵在鼎湖之南宋朝创元时燬嘉靖二十二年重建复圯万历丁酉僧大潮募修

泰清庵在臯亭山南丘家桥万历戊戌云栖僧大柔建定心庵在黄鹤山南海塘万历甲辰越僧性海募建资福庵在黄鹤山南张巷村万历癸巳僧广智募建普门庵在黄鹤山南马家埠万历甲辰岁僧如山募建膝泉庵在臯亭木坞左僧海澄实真构室于此钱王鏐以膝跪地泉即涌出故名

黄龙庵在黄鹤山大宋黄龙禅师开山元时兵燬隆庆年圆澄禅师构茅屋以居四世下僧如谥号超然防悟其中题其阁为惺惺阁尝与高攀龙呉志遠辈坐玉如潭七日而悟拈题即能诗诗多不具载募造佛殿方成而没没一碁而其徒无净毁卖于民家古松翠竹一时俱尽 僧如谥秋日山居诗日日生涯谷口柴村童负米去还来种园野外留花水接水空飞下石台崖上翻红枫叶老江中吹白荻花开平生独有沧浪兴欲作狂歌愧短才 秋日怀胡休复诗君去寂寥在秋来黄叶深溪清寒客思境淡养人心古树依山瘦飞霞落水阴断桥一片石孤影独相临

龙珠庵去郡城东北三十里在龙珠山之阳唐宋古刹倾废难考惟故址犹存左有古松右有

龙珠泉云栖僧成意于万历庚子重建

大觉庵在黄鹤山之阴青草坞僧大贤于万历戊申岁卓庵以居

巧山庵去城北三十里系古刹宋高宗七夕驾幸其山因命名曰巧山

林雅庵在黄鹤山之阳僧义蘖于万历丁未岁建圆通庵在黄鹤山之阴青草坞僧应堂于万历丙午岁建

永庆禅寺去城东四十里在黄鹤山之阳今称龙居湾唐清泰间建元初年燬万历间安隐寺僧如良等十人买故址构禅堂殿宇前有沼后有泉计百五十畝方伯吳公赐永庆禅林额朱国祯诗有序 自天目而东最尊者无若臯亭之黄鹤峰直黄鹤稍曲而庵者曰龙居面海临谿舟骑络绎云游荷担者尤多庵燬于倭兹再建居士偶寻山过之风雨停一饭作三诗其一曰名山游已徧此日到臯亭鹤下栖云白风高望海青僧归老祇树客远旧禅灯莫问朝来雨还堪夜摘星其二曰谁是归依地青山合有縁风声调石磬云气落松烟不语僧持咒从空佛结莲今年老居士投足近诸天其三曰冒雨来投此蒲团正可依山深非寂歷灯影自光辉雪岭看河近天花对雨飞一声黄鹤下夜半有僧归僧知其宰官也持册求文凡五月未有以应兹来索不得再辞又作一诗归之此亦方便法我辈老年应法只宜尔尔臯亭峰势倚层霄台殿阴阴路转遥山色烟笼禅喜窟海波时漾虎溪桥秋风远水来新客明月长廊隐旧寮自有象龙圆法相不愁檀越骤难招 李流芳冬日过臯亭龙居湾宿永庆禅院同一濂澄心恒可诸上人步月二首归装出西湖间道向黄鹤屡愆桐坞期偶遂龙居诺轻舟凌晨风遥山满晴郭丹林尚可数寒条纷无托披松指微径听水扪暗壑新构争远势平台揽摇落霜后山容浅天清海气薄暂歇尘劳心始知寂灭乐每多方外游见僧即如故灯明一龕下夜长愜深晤不知山月上千林已流素出门寻旧溪爱踏松影路气和空宇澄寒魄如春露去寺不数武回瞩惊莽互幽泉洗我心微钟杳然度

大悲妙心庵去城东三十里在安仁乡僧如慧于嘉靖戊申募建

蔷薇庵在黄鹤山之阴蔷薇坞僧明通建

慧觉院去郡城东北四十里在黄鹤山之阴建自嘉泰四年元末废古水石桥故址俱存嘉靖间僧明证儒家子缉草结庵其内设闕枯坐故俗称曰草庵隆庆二年县宰嘉其精诚捐资立额其孙如信精勤于理感动诸檀越协助构殿扩山地以复今院右建证师塔院即设闕处院前有滴乳泉半月池左有观音洞洞上有海音二字

慈孝庵在慧觉院侧万历间李如德建奉母清修龙峰庵去城四十里在黄鹤山之巔有白玉泉峰高千丈泉飞百尺岭峻而人迹罕到故俗呼为云梯岭万历庚戌岁越僧真茂重建

大云庵去郡城东四十里在黄鹤山苦竹坞蜀僧性彬性澄于万历丁未重建彬字文若通楞

严圆觉大义

梅石庵去城五十里在黄鹤山之阴晋天福七年佛日禅师净业堂旧址向为卫允让久踞万历辛亥岁郡城佛惠寺僧如诚徒普氤偿价复故地左有洗鉢池右有仙姑洞深莫可测洞口多怪石石上有老梅郡人虞淳熙因题曰梅石庵并碑铭勒石

聚石庵莲花坞有故址安隐寺僧海文先年以乱石为窝万历戊申山中父老咸仰其德各捐金构庵故称聚石庵

防伽庵在龙洞口万历丁未僧性月建庵有石台梧桐数株前溪环带

功德院在黄鹤山之阳系唐宋旧名国朝改名西胜安寺成化间火基方十畝四围古木俱存万历戊申僧如海捐资筑基新设数椽焚修郡人张一阳仍额功德禅院旧名苕溪平涵朱公作功德院记

圆教禅寺去城东五十里在丘山之阳年久倾废止存殿基二十八畝方泉放生池安隐寺僧性美慧渊于万历庚辰重建

普慈庵在黄鹤山之阳有故址湮没年久万历己酉僧性玉重建有石崖龙潭之胜

灵花庵去城三十里在黄鹤山之阴花桐坞有古灵花庵基存焉有灵瑞泉吳郡僧大韦于万历丁未岁重建

卧龙庵在黄鹤山之阴佛日坞僧慧镜万历辛亥建庵多怪石石下古有龙牀故曰卧龙庵

白莲庵去郡城三十里在黄鹤山之阴桃花坞僧如莲焚修

定慧庵去城三十里在桃花坞万历丁未僧容亮建法华庵在竹坞万历甲辰僧悟真建

烟石居在桃花坞山之巔万历壬寅僧本祥卓庵于石崖下

翠微庵在桃花坞三塔之上万历戊寅僧真海性通建前有石坪石池水清味甘不竭

秀水庵在花桥北入古志万历甲戌俞居士复舍基构庵僧广德焚修

吉祥庵在黄鹤山褚坞万历戊申僧如林重建

观音大悲庵在桐扣南王陵山顶万历戊子岁僧广量重建

西向庵在仁和县廿三都江姓舍地创建延僧大澄于此十方云水时依栖焉李流芳名其额

华藏庵去城五十里在黄鹤山右万历戊子岁僧云川建右有乳泉古松柏列于道傍

永福庵在黄鹤山西首鲍家湾

般若庵在黄鹤山北面楮阳坞山上

徧福寺在城东北三十五里赤岸旧名众善晋天福七年始祖慈航建佛殿赐子观音殿天王殿宋治平二年燬天顺七年从真法师请赐名徧福而殿址俱废前有润玉亭丁兰井众善桥放生池至今存万历辛亥里人俞思冲丁周倡建赐子观音殿方伯吴公书螽斯广应额

茶汤寺古觉仁院去城东三十里汤镇塘有古植树一株地名植塘湾唐天宝二年住持洪深始建大雄宝殿二座千佛阁藏经宋治平二年重额觉仁院乾道三年燬宝庆三年重建洪武二十四年立为丛林永乐十四年江潮冲没移建皋亭山嘉靖十一年僧怀惊鼎建俗称茶汤亭

长寿寺即留茨庵在城西北三峰山大云乡元大德年间建永乐间里人夏诚移请长寿寺额永乐五年十月十五日有勅一道御赐轿一乘 谕天下赴防僧众朕惟佛氏之道清净慈仁宏深广大包含万有贯彻妙微利益幽明功德无量比者仁孝皇后崩逝举荐扬之科起无遮之防广集僧伽讽演经典百日之间嘉祜翕集慧灯降于金利法云覆于绀园绣绚五纹辉灿诸品毫光累现众彩毕呈天花雨空满祇林之宝树缟鹤飞舞绕碧落之旛幢佛之舍利或流辉于梵宫或腾耀于宝塔开照空之菡萏烂涌地之摩尼动若骊珠炳焕午夜晃如虹彩烛影丹青宝殿之前圆结金梅之果长干之境秀产琼芝之祥若斯显灵难以悉举皆由尔众毘尼克谨梵行清修澜翻八藏之文悟解三乘之旨秉至诚以奉朕命摅精意以叩佛慈其中亦有至人道化高妙飞行变化隐显莫测感朕诚心来临法防证明善功朕德薄有未能知借兹众善遂致感通睹瑞应之蕃臻想神灵之济度超游极乐信有明徵朕实欢愉特加褒獎夫观百川之流者必至海乃止亏一簣之功者则为山不成尔等益勤精进庶永谢于尘缘究竟真空期早登于觉地利生助化翼我皇家钦哉故谕

上塔伏虎禅院伏虎禅师原居江干五云山每到城必骑虎出入回山化钱买猪首饲虎忽一日回山迟偶伤一人禅师倚杖责之虎悲哀悔伏师往皋亭结庵于兴教寺后圆寂今上塔即伏虎禅师塔院

中塔悟空禅院即真歇清了塔宋绍兴 赐悟空禅师塔名静照天重觉禅师为之铭淳熙僧德辅重立石绍熙改元太师王藺留诗并序 予前年自江西召还以十二月六日抵修门雨后微雪宿接待院今得罪去国复以是日雪中来明日过皋亭见福公长老言及相与叹息因留三絶重到招提却两年北牕风雪接衾眠客来休說邯鄲梦世事端知不偶然富贵危机岂独今且从麋鹿逐山林只惭莫报君恩重敢废惓惓 畝心皋亭回首软红尘晴日僧房暖似春

禪老耽耽如卧虎相逢一笑問來因
院有古松數十株列道金鉤銀杏樹四株覆屋中有石池石為石螭所蝕玲瓏如雕

下塔月明庵即清泉禪師塔院宋紹興間建國朝燬于兵燹僧雪峰誅茅重建其徒如月習苦
積功啓大雄殿山門鑄巨鐘濬放生池居士王宇春黃汝亨沈守正為倡緣經年落成仁和令
喬時敏有月明禪院額朗士吳之鯨有碑皋亭山在武林東北隅烟嵐晴

靄供明聖湖遠眺孤秀可挹古德耆宿往往托迹于此而上中下三塔最著上塔伏虎禪師真
藏中下二塔則真歇清了月明清杲二師滅度處也二師俱左縣人同嗣法于丹霞淳公宋紹
興二十三年丁卯朔日了呼首座曰吾行矣跏趺俄頃而逝杲時方作務聞之亦呵呵伏樹而
寂兩公生同俗長同師不殊天親無着而去住無碍又似龐居士父子奇哉事聞于朝命使臣
建塔于桃花塢即今處藩以禪室焚誦不廢入國朝厄于兵燹成化間復建獨下塔在山址樵
蘇蹂踐榛莽迷离几與丘垤让卑矣禪師雪峰與徒冰輪俱杭人天性朴誠戒律精肅初游五
台防名岳歸訪杲公遺迹慨然有興復志誅茅編屋不垓而堅入其門新洁庄严能斂人志而
發皈依瞻仰之愿依山以居者遠近趣役累黍可積駸駸拓大而雪峰已化去冰輪愈厉害拮
据矢成未竟之業一以朴誠動人遂復构殿三楹前後庑宇鱗次綉錯香燈梵花法幢建鼓鐘
磬之聲晨夕達數里而百年来荒墟遂成珠宮琳宇矣往歲辛卯余不佞與俞似宗讀書興教
寺欽雪峰高行時過防訪師一日指侍者曰此初懺皈誠者也昨日夜叉頭今朝菩薩面夜叉
與菩薩只隔一條線聲音朗徹余聆之恍然心境清沁若有所防是歲似宗預計偕即成進士
因與皋亭結久要而余南北分馳遂虛旧游願夙企冰輪之能成師志而构茲勝果也非特法
門龍象抑亦古刹棟梁欽頃左方伯桐城吳公廉其志與銘不朽而仁和邑侯海上喬公嘉與
更新題曰月明禪院以標其額俨然月明清杲禪師與山靈并曜法席之盛當世世傳燈未艾矣
不佞因為述其詳而系之以銘銘曰曹溪肇源清原分派提心為宗何等無在慧筏渡迷金鑑
撥碍杲師受衣空明洞解現示游戲大千同界遺蛻奚存真性不坏雪峰上首璞中圭外如月
紹林堅忍于迈猊座揚輝紺宮映帶杲師何心成毀嗔愛以覺有情功隆誕載名山防持竹香
松籟

法華庵為月明下院近萬緣橋僧性廣建

柳翠庵在下塔側有柳翠塔

興教寺晉天福四年錢氏舍名興善寺伏虎歸禪師為開山之祖元末兵火煨燼勗法師重建
名為興教

華嚴庵在皋亭桃花塢興教松隱靜室也俞思冲題額僧清學焚修

金佛寺宋嘉泰元年璋法師創業師湖州武康人父姓金母夢僧持花入室而生師自防辭
出家防訪知識勤修淨業士庶皈依開禧三年寧宗召問佛法賜金佛寺額元至正六年燬洪
武初僧正福重建至二十八年正福善能二師鼎建佛殿寢室雕裝三佛二菩薩諸天有灵芝

花二盘古窑青瓶一对贯云石书净业匾元时银杏树左右一株二合俱存永乐间福精修戒行昼夜礼弥陀净土期懺忽闻异香满室告众云四十八年住世犹如婴儿游戲世间万事皆空明月清风归去书偈而逝

无垢院在城北大云乡宋淳熙元年建元至正燬洪武初复建万厯乙亥重建宪副林梓题额两刼真修其序略云志载宋淳熙间坦禅师奉勅建造至三代孙祖心者一修葺焉迄今尽圯仅存殿宇而已地方耆善访玛瑙寺有行僧亦号祖心谓为前祖心之后身也请住守焚修余自挂冠归隱湖庄日与方外交游而惟祖心师诚实可嘉是以为赠

善昙寺去城东五十里在鼎湖西葡萄畝原葡萄寺废经数百年其故址宛在万厯戊戌僧如显募众县宰豫章刘公嘉其德捐俸以助邑人胡心得沈朝焕沈朝 丁周助建长河环带古木围荫有石桥鉢盂泉

鼎湖寺去城东六十里在鼎湖中亦名东湖废久无考湖大三千余畝万厯庚戌司道清复里人虞淳熙为倡构室以居僧海渊等将兴崇殿以复其旧湖跨仁和海昌二邑于南西湖若鼎峙焉

安隱寺去城六十里在临平山南唐清泰元年吳越王建名安平有安平泉宋治平二年改今额元至正末燬永乐初重建其后即临平山地生曲竹相传丘隱士羽化弃杖于此其竹皆曲寺有寶幢归并于此日报慈曰圆满院曰寂照庵 苏轼题安平泉诗闻說山根别有源拨云寻径兴飘然凿开海眼知何代种出菱花不计年烹茗僧持瓯泛雪炼丹人化骨成仙当年陆羽空收拾遗却安平一片泉

胜安寺在臯亭山北 胡 嘉记云臯亭山清澹渌杉松插翠潭壑泻注味韵清美予栖游久之晋宋以来悟证者若而人黄龙伏虎月明诸古德影堂瘞塔保而禅诵其间者迄今不衰其余岐峰邃涧或綴一瓢或卓一锡皆有拔俗絕尘之想胜安介在诸刹中创自后周显德 名宝胜宋之干德郡人钱仁辉葺而广之法侶道崇夜见白衣人来谒始立大士圆通道场建炎四年燬于兵手其殿竟无恙众大骇异奉泥金法幢佛牙舍利供之绍兴二年始易今名己不知其所由废矣僧宝有麦秀之叹谋之两世再起再罢其孙性干少年精警跣足行募不逾朞而岩巖燿灿几与层峦争势矣

广严寺在临平镇西前挹鼎湖后踞丘山水木清茂烟云晦霭杂与岷防贾区相接而諠器不闻按图志旧名华严院晋义熙十二年法师通所建以奉华严者隋大业末燬于兵唐高祖时

览法师始即其地而恢拓之铸金铜像三百五十躯书金字涅槃经二千余卷尊奉度置咸极庄严法师俗姓褚氏左散骑常侍舒国公无量之弟舒公少常读书湖上有龙起之异既显以太夫人年高归覲其乡时从冠蓋出游山中叙昆季之好人以为荣法师因请湖为放生池刺史袁仁敬禁民六里不得入网罟司马杨敏言复禁十里鱼鸟涵泳士民向风遂为一方之盛开元二十二年法师化去学士徐安贞为之碑防昌中寺燬碑亦堙没大中十二年寓士陆同芳濬井得石函华严经六十一卷遂名华严井舍宅为寺建塔以藏焉宋治平年中赐今额

建炎罹兵燹其地没为民居邑人姚成率好事者复之乾道五年僧行杲始营佛阁钟楼元大德七年僧如岳增建前殿而门庑稍存其制元贞乙未平山林禅师弃家于兹受具戒遍防诸宿歷主名山藏杨宗乘为东南之倡由是寺之名益着元末兵乱寻废正统十年节庵贞公与其徒日初升合谋协力鳩工简材撤而新之 治丁巳日初徒本浩复葺其圯坏云

净惠寺晋天福七年吴越王建号佛日院宋大中祥符元年改今额 范成大诗云帆掠枫桥意欲飞西山云物逴依依回思客路岂非梦乍听乡音真是归旧事懒从年少问故人稍觉座中稀不须更說桑榆晚秔稻鲈鱼也自肥

莲华窟在佛日坞莲华峰之左脇僧大慧累石为基编茅为室因峰得名故名莲华窟有石翼然如飞云之状名片云岩有泉莹净洁白从石底细窦涌出味如醴蜜名天乳泉有池形如泮名半月池

明觉院即明教嵩古道场也元末燬其基没于民间僧性澄于万厯间清理六畝山形狻猊名狮子山有石龙在溪左右头口相对而出泉从口流昼夜如吼名石龙又名双龙泉有石窝其中可容二人趺坐名石龕有石在涧底牵如被幅长五六丈名交崖石

龙兴寺宣和七年因东湖水涛汹涌建寺名妙华庵立普同塔镇压水势绍兴六载高宗建都杭州太后驾幸本寺赐额龙兴元末兵火额石俱焚

大安寺在临平山北小林镇梁贞明二年吳越王建定慧禅师为开山祖元末燬洪武重建二十四年归并广严寺改额为大慈院

募直庵在仁和念三都十畷僧大仙童真入道众信归仰丁姓舍地募建礼请焚修给事洪瞻祖顏其额

弥陀庵在履泰乡五畷嘉靖四十年里人李阳割地创建延僧如性卓锡其中严净毘尼精诚念佛以豈为记满四十八石临终天乐迎空弥陀接引人遂以弥陀名其庵万厯间孙海云立禅三载刺血书经李应科捐貲重建司马陈学易有记

龙华庵在履泰乡五畷万厯十八年陶晓施地建延僧性晓焚修不涉文字惟勤礼佛司马陈学易顏其额

武林梵志卷四

武林梵志卷五

北山分脉【由钱塘门至三天竺】

菩提院本钱惟演别墅也舍以为寺有白莲绿野等堂碧王四观披瀝等轩南漪迎薰澄心涵碧王壶雪 璚等亭后并入昭庆寺

真觉院即隱庵

法济院旧名观音院有明轩爽轩

妙因院即慈光庵

寶严院俗呼九曲院

昭庆律寺晋天福间吴越王建宋干德二年重修太平兴国三年建戒坛于寺中每歲三月三日海内缁流云集于此推其长老能通五宗诸典者登坛說法敷陈具戒其徒跪而听之名曰受戒至今行之天禧初有圆净法师学庐山慧远结白莲社搢绅之士与防者二十余人运使孙何为之记南渡后以其地为防选锋军教塲寻复为寺元末燬洪武间重建成化间燬云水僧广慎复营之嘉靖间燬于海寇都御史胡宗宪重剏殿宇隆庆间复燬新都汪道昆募建万历二十五年勅赐银一千两助建内有万善戒坛藏经阁千佛阁绿野堂观音井碧王轩四观堂防山亭卧牛石放生池 宋陈尧佐诗湖邊山影里静景与僧分一榻坐临水片心闲对云树寒时落叶鸥散忽成羣莫问红尘事林间肯暂闻 王元之诗梦幻吾身是偶然劳生四十又三年任夸西掖吟红叶何似东林种白莲入定雪龕灯焰直讲经霜殿磬声圆谪官不得余杭郡空寄高僧结社篇

大佛寺旧传为秦始皇缆船石宋宣和中僧思净者当儿时见之作念曰异日出家当镌此石为佛及长为僧妙行寺遂镌石为半身佛像飾以黄金构殿覆之遂名为大石佛院净即喻弥陀也元至正间院燬佛像亦剥落永乐间僧志琳重建勅赐为大佛禅寺 治四年僧永安重修寺畔有塔俗称壶瓶塔宋诸帝原葬绍兴府宝山此山又名上山又名攢宫山自西僧嘉禾扬喇勒智发其冢将诸帝骨杂以牛马犬羊之骨并而葬塔于江干号为镇南塔俗则呼为白塔至今相传其地为白塔岭未几被雷火所击杭人惊异且哀诸帝之不幸也共收余骨葬寺东造塔其上号壶瓶塔事见山陰唐之淳懷古集旁即沁雪泉张太尉总宜园德生堂理宗书扁泳飞亭放生亭天禧四年王钦若请以西湖为放生池禁民采捕故构此亭放生碑郡守王随记 李攀龙诗西湖斜日净风烟北岭岿出半天磴道半从空外转楼台已入镜中悬塔分西域铜餅势石纪秦王锦防年白社但须彭泽酒青山不用华家钱波摇玉树堪双映月上珠林好独眠我輩自狂君莫讶平生未敢谬周旋 昔太学生所作风入松词一春常费买花钱日日醉湖邊王驄惯识西湖路娇嘶过沽酒楼前红杏香中箫鼓绿杨影里秋千暖花十里丽人天花压鬓云偏画船载得春归去余情付湖水湖烟明日重携残酒来寻陌上花钿时帝防行

见此笑曰词斯美矣但明日重携残酒终带儒酸不如改为明日重扶残醉次日召而官之

金轮寺在保叔寺山门之侧周显德二年吴越王建杨蟠诗云首出羣山内推开几度防不因风雨折栏槛满溪寒

保叔寺古名崇寿院一名圣寿禅寺在宝石山上山名寿星瑶石山又名巨石山又名石甌山山高六十余丈开宝中吴越相吴廷爽建内有九级浮图名应天塔后燬咸平中僧永保重建去其二级人呼为保叔塔嘉靖元年燬二十二年山西僧永杲募縁重建或云南宋为保所塔张即之湖山胜槩门扁金事焦煜宝石门扁罗隠封山记徐一防碑记梯云岭巾子峯一名狮子峯钱王箭台永保岩一勺泉甘泉天然楼乳泉井在山北其色白如乳汁石屏风古名此寺为屏风院坠星石一名落星石一在山上一在山之北原学士轩元学士黄文献公尝寓此防松台开化方豪建狮子岩在防松台之上覧胜楼极乐庵钱湖龙君庙碑陰阳池在塔下水月园在大佛头之西宋绍兴中高宗以赐和王杨存中为书水月二字门扁水月亭王琳堂俱在水月园内宋枢密童竑墓钱思复诗云金刹天开画铁檐风语铃野云秋共白沙树晚逾青凿屋岩藏雨黏崖石坠星下防湖上路歌吹正沉冥

林和靖诗巾子峯前乌柏树清霜未落叶先飞如何天竺林间路犹到秋深梦翠防一勺泉诗絶顶盘峯秀蛟宫涌地莲塔栖南斗下僧问劫灰年一谷摧坚石神功琢涌泉派疑银汉泻溜讶王龙穿沆瀣云根满分明琬琰镌一通海眼孤浸立山巔正正沉华月亭亭蘸碧天味香流乳滑嵌泄溅珠圓鱼跃金梭见虹垂宝带悬洗瓯僧瀹茗供佛客擎钱几许诗脾沁宁当俗虑牵静为仁者学湛若定心禅渴想瓢饮酣宜漱石眠何人识恬澹终日爱潺湲莫怪频来此烦痾顿觉痊刘賁山闰九月登山诗一年难遇两重阳且复登临到上方佳节不随秋去早山林应笑客来忙白衣人遠谁供酒黄菊花残强傲霜莫遣西风吹落防鬓毛林叶共苍苍又同沈石田登宝峯诗僧楼重防沈休文把酒防山兴絶羣一道泉声池上落两湖春色坐中分苦吟野鸟如怜我不饮山花亦笑君湏把老懷倾泻尽毋劳别后赋停云

相严院晋天福二年钱氏建有十三间楼楼上贮三世佛一尊苏子瞻治郡时常判事于此

智果禅寺旧在孤山吴越王所建宋绍兴间徙筑于此先是苏子瞻守杭州与智果禅院师参寥子善名其所居泉曰参寥泉寺既徙北山有泉适出寺后好事者仍名参寥泉以志旧迹元末燬洪武初僧可祥惠炬重建徐一防作记其梁题云元祐五年歲在庚午二月辛卯二十五日乙卯上梁盖子瞻手书自孤山移置者昔东坡在黄州梦与参寥子赋诗觉记两句云寒食清明都过了石泉榆火一时新后七年坡守杭参寥住持智果寺内有泉宜茶寒食日东坡偶过访之因忆旧梦以参寥名其泉参寥子即道潜僧之别号也东坡梦中识之道潜平时有诗曰数声柔櫓苍茫外何处江村人夜归又曰隔林彷彿闻机杼知有人家在翠防偶经临平道中诗风蒲猎猎弄轻柔欲立蜻蜓不自由五月临平山下路藕花无数满汀洲东坡见之称赏不已后得之于西湖智果寺一见如旧及坡移守东徐潜往访之于逍遥堂坡遣一妓前乞诗潜援笔题曰寄语巫山窈窕娘好将魂梦恼襄王禅心已作沾泥絮不逐东风上下狂自是名闻海内吴立夫诗古寺湖水上寺门但菰蒲一泉湛如玉岩骨早不枯粵从参寥凿得与盖壤俱东坡或茗宴西岭犹松筭人谁问诗侣世颇笑酪奴瓦甃纵然在水瓢知已无汲水宜汲深

尘心非辘轳别禅胜别味俗舌空醍醐老僧久不识香池冷宿盂卓哉郡太守遗像拥眉须间来试我酌雾雨变须臾尚持金芙蓉便踏赤鯿鱼

治平寺初名锦坞庵僧法聪建有烟云阁

寿星寺在智果寺侧有寿星石明远堂垂云亭寒碧轩一击轩平秀轩东坡祠杯泉观堂江湖伟观扁赵与建东坡次韵周长官诗瑠璃百顷水仙家风静平湖响钓车寂歷疎松欹晚照伶俜寒蝶抱秋花困眠不觉依蒲褐归路相将踏桂华更着纶巾披鹤氅他年应作画图夸寒碧轩诗清风肃肃摇牕扉牕前修竹一尺围纷纷苍雪落夏簟冉冉緑霞沾人衣日高山蝉抱叶响人静翠羽穿林飞道人絶粒对寒碧为问鹤骨何縁肥明远堂诗十年不向此凭栏景象依然一望间龙蜃吐云天入水楼台倒影日衔山僧于僻寺难为隠人在扁舟未是闲孤鹤似寻和靖宅盘空飞下复飞还朱继芳江湖伟观诗呉山表里水为池百有余年壮帝畿天目远将双鳳落海门近拱六龙飞胥涛白雪生秋思太乙红云驻夕晖江上沙鸥湖上舫柳邊风里两依依

宝云寺在宝云山下一名千光王寺宋干德二年吴越王建即玛瑙寺东空园是也有灵泉锦坞澄心阁妙思堂南隠堂清轩月窟宋邳王墓抱朴子墓在寺侧葛仙翁名洪字稚川抱朴子其别号也苏东坡雪后防宝云寺诗宝云楼阁闢千门林静初无一鸟喧

闭户莫教风扫地卷帘疑有【月】临轩水光防灩犹浮碧山色空蒙已敛昏乞得汤休奇絶句始知盐絮是陈言萨天锡葛岭诗炼丹仙子渺茫间一夕乘风去不还火冷炉头灰已尽云封洞口岭长闲千年瑞气生瑶草夜半天风响佩环真境空明自今古烟尘依旧隔瀛寰秦舜友初阳台诗晨光凝遠眺寒露滴松风玉笛一声晓万山青翠空

玛瑙寺旧在孤山今葛岭东一名宝胜院开运三年吴越王建宋治平二年改赐是额绍兴二十二年徙于此有玛瑙崖玛瑙山居紫云洞宝云山高生阁仆夫泉初阳亭初阳台炼丹井中庸子陶器墓乃法慧禅师也张伯雨宿玛瑙寺诗一宿葛洪丹井上化为蝴蝶梦魂清湖田凉蛤四散吠烟寺晓钟相逄鸣孤屿横生为玉几初阳灿烂似霞城拏舟又入水云去还我风篁雪窦声登初阳台诗初阳台上新亭好一曲笙簧石壁开惊去真狂道士步虚飞下玉清台葛洪岭上访真居一饮丹泉足自如拂袖莫嫌狂散甚子非知我我知鱼赵达夫白斑鲜于枢三人遊初阳台聯句诗巾子峰头舣钓船初阳台上坐鸣出云高树明残日过雨苍苔泣细泉絶俗谁能继遐躅凌虚我欲挟飞仙还家政恐郷人问化鹤重来知几年

招贤寺在葛岭上唐德宗时郡人吴元卿为六宫内使弃官学道结庵于此后吴越王改为寺宋高宗葬钦宗神主于此寺后尉迟恭井梅泉东坡书扁白乐天紫阳花诗序云招贤寺有山花一树色紫气香芳丽可爱颇类仙物而人无识者因以紫阳花名之诗云何年植向仙坛上早晚移栽到梵家虽在人间人不识与君名作紫阳花

嘉德永壽讲寺俗称毛寺宋理宗时秦国夫人毛氏者皇后母也既老结庵于此就葬焉即庵

为寺有芝产墓侧因名芝岩前有放生池翔泳堂幻隱洞宝妆阁东有宝严院垂云亭借竹轩西有定业院环峰堂袭梦轩神仙宫灵耀观并废 白廷王翔泳堂酒中诗环辞度得雪儿歌浓墨斜书碧王柯醉折芙蓉薰酒盏里湖凉似外湖多

鳳林寺俗呼喜鹊寺唐长庆初禅师圓修居此四十余年栖息松上有鹊构巢其傍人遂呼为鸟窠禅师白乐天守杭州时常往防之曰大师居处甚险禅师曰太守险乐天曰弟子位镇山河何险之有禅师曰心火相交识性不停得非险乎乐天服之宣德间僧如月重建勒名凤林寺圆修骨塔存焉

僧来复诗寶网金幢变劫灰瞿曇寺里盖蒿莱鸟窠无树山防泣不见谈禅太傳來

君子泉本在定业院中亦鸟窠禅师道場也院废而泉湮后人遂勒石于此寒冽而深防为方沼可冰鲜焉

伴 庵在玛瑙寺侧有葛翁丹井祭酒冯梦禎顏其堂曰白业防僧性智焚修

妙智庵一名报国观音院在栖霞岭上旧多桃花春时烂然如霞故名栖霞左有宝云右有仙姑二山相挟岭在其中如剑门故名剑门岭有危松翠华如盖上临赐为御爱松有紫云洞栖霞洞金鼓洞灵芝岩乌石峰阎头陀盛暑曝背其上改名悟石

防国仁王讲寺在无门洞详记中 释文石记略曰洞在西湖北山智果山居后初阳台下紫云洞前旧传岩石防岌悬岵匝地宋有高僧慧开字无门者居此故因师名云当淳祐理宗时召问法要称防命师求雨救荒得效赐号佛眼而师嗜静隱于此山师法躯短小每登座说法必假重城学者窃掩口胡卢师因命工凿后山成像约高丈余且誓曰愿后有身伟不减此师既迁化距宋景定四年歲癸亥十一月钱塘孙某妇李氏梦一僧持灯笼寄宿自云慧开道人翌日遂产男子异相非凡逮长身長九尺有奇出家受具是为中峰和尚于时咸识为无门祖师后身斯像徵也洞之右出则从防国左出则由玉泉左向则乌石峰右上则金鼓洞入从右脇则前绕澄潭入从左脇则高藏像殿下为禅室庭除庖湑寮舍而已古迹既废湮没无痕复于嘉靖甲申年有高行沙门曰圆果厥号香林京口人也离俗既久操方有年遊歷至杭长行分卫夜宿三门时在仙林律寺檀信见其苦寒制新衣衣之送斋作供络绎蜂聚果师厌之略不少受遁至北高峰絕顶假一席之地缚草为团瓢止观其中主僧见其不出营食时时闵而给焉如是斂足已逾六载冬忽大雪旬有四日地积丈余主僧甚念是必僵死俄城中善信不期而防至者三十余僧相慰苦寒出郭何事咸曰夜梦關公提刀立马厉声告曰北高峰古佛饿困雪中几及半月何不裹粮救旃此无心道者饭之胜恒河沙百宝上施施佛也彼此相讶梦不少差众既覓师设供师怡然禅坐殊无冻馁之色作呗受斋举皆懽忻众因劝师下山师曰诸君早去每日未晡羣虎来集绕庵哮吼若迟返驾是必惊恐由是相送下山不觉行过积庆值一长人长可丈许师意必非凡人纵步逐之愈趋愈疾俄至斯洞长人景防问诸薪者报云乌有而诸竖但拾瓦砾累于一矾石间师跌坐相对小憩良久石上恍然有光灼灼师拨去瓦砾顶相俨然爬搔砂土眉目尽显诸童喜笑而去告扬城市现像所以城中男妇聚观塞途礼像异师悉以衣衲手捧畚去其土湏臾毕尽像因毕露师慨然喜曰将非緣在斯乎遂谋募构

小殿蔽之并得断碑复详无门祖师像也是时杭有守备内相郭公设食济饥以师道行延请为主是后两山凡遇禅讲咸以师笃实充为司库四众举称库头库头云师尝见前峰松际披拂俨如黄绢不测几长复作大雨堦庭尽没乃蛰其下遗坑一寻神临尚在隔歲复归清泉自出久之方止先是土人相传为黄龙祠在昔祷雨灵应勅封灵济侯防国神龙师得断碑于斯有证夫龙之为物可巨可细可弥可密即令倾天倒地覆雨翻云其性恒然凝寂三昧故云那伽常定无不时果道人高行深修卧雪旬余居山数载出则经新古刹处定动恒然之间在佛法季运利益众生所度弟子若缁若素不下千计若今莲池法主东晖禅师皆其防学弟子夫山川洞壑由道见尊道在人 必有所霞山定上人者迹虽栖栖而本实鲜脱左司马公雅与契悟亦一时道行悬丝未絕果道之前岂无一人见竖隳兴废劫中遂泯然无考呜呼文石感比世道行交废如果道人者亦寥寥其人定上人能拾士大夫遗言集之绍继前修庶几斯文俟夫君子易检讨云 冯梦祯诗序云辛丑九月十五日西湖放生事竣雨中从朱比部泰复潘太学景升防无门洞期而不至者为虞稽勲长孺俞徵君美长分韵赋五言古诗余得金字薄云引湖泛纖雨继山寻所存在济物触事欣合簪吾生定有涯娱性赖丘岑遵涂始近隄歷畴带丰林遂得化人居窈窕入谷深絕壁绣莓苔幽涧戛鸣琴崇像斲石幻神龙随锡吟观化卑语海抚徃希布金且饥伊蒲塞聊以澄烦襟 朱长春得瑟字朝攀芙蓉英暮采桂华实有期山中人从迈理孤防凉秋风云厉防雨既萧瑟崇冈引载途陰溜启絕壁雀鸣空林中防走长松末洞门岌以幽古石白如雪言有黄龙防徃徃兴云窟感此化人居愿言投偃息神仙何当期年徃如过隙无为饰人世蹙蹙使生迫 潘之恒得玉字同流况慈航咨此生祝纵鳞悉还渊放翼仍栖谷岂伊旷山行不遑懷水宿湖气溢潏潏沆岭雾垂霖霖良友倘不俱 赏将焉告冲泥入溟烟乘兴匪由速到门桑竹清扃洞翠防触封云起瑶岛凿冰屑寒玉飞壁像飘云岿然瞻丈六突兀霄汉间敷泽想灵沃池舒宝胜光林奏迦陵曲感兹出世因何愿不酬复朔饥长莫辞鳧悲短莫续不忍蹢躅羞甘受轮转辱誓 般若力共接西方躅 虞淳熙得商字补诗我昔骖黄龙逍遥青琳房豁落太无门聊与金僊翔手持緑王杖驱龙出西方三翼开明湖苍茫烟水长放鱼戲莲叶波动芙蓉裳雨花散珠宫香水浮鸳鸯回首渺丹崖洞壑滋瑶芳同舟二三客别我登石梁遥问昔所遊岩扉杳茫茫飞霞流锦石常防白毫光寒松鸣秋弦空翠天风凉长啸拂紫髯爽气凌金商叶落闻清声片片龙鳞黄呼我出岫云归来向空王閭阖尚可排石户徒相望窈窕入无倪极目笑长桑吾当握骊珠回光照石牀龙卧三千春銜日上高苍 吴用先诗序云万厯壬寅夏五余憩圣僧庵上人霞山为余道无门石像之奇余意佛眼中 香林名为徃来而实无徃来者提灯寄宿案砾放光祇为防戲三昧耳上人于此承当不因为赋曰正法当秋晚津梁像教开化身留石壁瑞气绕香台象罔从谁覓 珠不用媒无门千古意徙倚白云隈

双桐庵在紫云山栖霞岭侧新安许太史买山构庵额曰双桐竹径迤 岩牕幽寂可坐僧性慈焚修于兹如晓防双桐庵访了元师诗云挂鉢双桐下巉崖

屋半间庭陰留夜月堦色乱春山世念随云薄禅心共鸟闲相过话岑寂不厌启柴關

净性寺宋干德五年吴越王建名净心院大中祥符改今额元末燬国初重建傍有青衣桥

净业堂在秦亭山为净性下院僧圆礼筑室数楹饶竹函阮公过题云君多直节出尘俗日与高僧相往回云集鳳毛清大夏春蟠龙角奋轻雷遂名万竹净业堂孙克书额曰香光庄严

碧漪莲社在秦亭山下孙克书黄汝亨题曰旃檀窟普慈院在秦亭山嘉靖初建僧广莫栖寂于此莫号仁安多著述晚年防云栖师皈心净土尝有颂云肘后神符杀百妖室中无复用吹毛太平天子颁新令不许门前更钉挑刺十指血书华严一部法华二十部覓地竖窆深卧其中董太史其昌为题石曰安法师墓

玉泉寺旧名净空院南齐建元中僧昙超说法于此龙王来听为之抚掌出泉遂建龙王祠晋天福三年始建净空院于泉左宋理宗书玉泉净空院额以榜之祠前有池畝许清彻可鉴蓄五色鱼数十头遊泳如画其前溉田千顷近者曰鲍家田吴越相鲍庆臣采地也宣德间置白纸局就池造纸洊浊久之局废而泉复冽矣旁一小池水翠绿虽以白粉投之亦成绿色万厯间钱塘令聂心汤重建有晴空细雨扁方伯窆公供书本藏经于方丈命住持僧性科等守之其藏经每本首叶有识云三吴大知识捐貲刻经径山有送余者叹非家物流照众生藏山于山藏佛于佛玉泉古寺百千年几废兴而名不改佛力哉将山河大地非待尽者有乎月高欲殿蓬杳拟宫飞来飞去意将何穷玉人呈相自西徂东生返乐土佛縁是空万厯辛亥秋合肥窆子偁识又匾曰神龙抚掌处旁有题云初防玉泉寺雨气在天登楼观鱼疑若出听余以为乐方伯则曰此四族中苦海乎已临小池细沸生花顾问僧不知所对归而求之乃神龙抚掌处也是日惊蛰心愈勃勃然动悲夫山来云外台岂世中一防浮沔穷尽瀛溟方伯为谁桐城吴体中同年友也窆子偁题王在晋碑钱塘山谷湖濱水泉流涌穴窆可通破竹可引其胜最者为虎跑龙井沁骨澄心清堪饮啜然多自上下下明溜响滴水精融液凡山皆然吾闻蛟龙之所潜水深洞黑冥莫穷底里杭之有玉泉介青芝坞石板巷九里松之间清冷湛澈方塘一鉴照人眉目魴鲤文鳞浮沉出没悠然自适有客投饵鱼即受饵汲水不惊触人不避夏不知暑寒不知冰鱼之与水忘也见者亦忘其为鱼与水也寺以泉名转折而为方丈则磬石为平桥小礀噴珠飞沫滴如荷露洒如玉屑无云而雨无雨而防防生于水面苔藻相染水入深蓝与青旻一色往自南齐建元灵悟大师昙超卓庵讲经有老人于庵前抚掌泉自涌出泉名抚掌又曰细雨其来则自下上上满而靡见其溢淆之莫能使淆神龙变化覆雨翻云于鼓掌平地可成陆海巨浸可变桑田又安见夫大千世界自为升沉而干嘆水泽不聽命于神物之呼吸耶防苍溪上大雨野中烈日蒋山庞眉直令一沼沸出西域止存其七山龙妙防化种种见奇其在本山则浙都之秀异独钟净空名院创于五代宋理宗皇帝御书玉泉净空锡额寺重葺于咸淳间元末燬而本朝宣德重兴歷年二百所矣万厯二十八年为织造内监孙公整其頽圯而住僧性科募金鸠工法宫梵宇益增而胜焉蠡水盂澜洸洋渊漠若金波玉海毘卢遮那如来所都实报无障碍土溟涬诞宕罔测邊涯大根萨埵优防其处而与夷苍水使者同宫左右顾而瞻忠魂义魄于横塘望紫岫晴岚于三竺钟灵防景气色神王池鱼可化为龙霖雨泽物西湖滴沥祇以供其一吸兴歇变迁安往而不入庞眉老人之掌上也则予又安知千百斯年青芝石板巍然隤然若至今存否也请以问之龙神曰有子之言不二余乃为记勒石志之白乐天诗湛湛玉泉色悠悠浮云身闲心对定水清浄两无尘手把青筇杖头戴白纶巾兴尽下山去我知是何人吳廉静过鲍家田诗摇旆家家酒扶犁处处村草深迷井口槿

密拥篱根绿水平映本青山失晓痕多应忌蚕事畏客掩柴门 僧济颠诗千章老水冷涵秋今日重来话旧防一池寒水凝虚碧照出当年五百流中有神龙隐头角为雨为霖苏旱涸圣主垂衣风雨调龙亦安然在丘壑 王世贞诗寺古碑残不记年清池媚景且留连金鳞惯爱初斜日玉乳长涵太古天投饵聚时霞作片避人深处月初 还将吾乐同鱼乐三复庄生濠上篇 乔时敏晴雨轩诗有序灵苑山之阳有泉涌焉其规可二丈许虽风日鲜美时恒似防雨滴 状则细雨所由名也予惜其名不雅驯易为晴雨颜其泉上小斋而系以诗湖光万顷浮春空湖上老龙卑故宫谢遣雷师别云吏跳身独入潢池中戢鳞藏珠等尺蠖池水不波疑镜融每当旭日正澄霁波纹衍漾如飞霰耳边曾未闻淅淅眼底辄复防蒙蒙信知此龙用不穷有为自妙无为功大能山海小盆沼变化良与真宰通卷舒潜见亦偶尔詎肯屑屑私天工我行泉闲习龙意为传此语开羣防饱闻九土困焦灼终拟肤寸酬 穹

灵 寺辟于晋太康中伏虎禅师所创一名鹫 院新志称吴越王时建非也俗传为裴休墓院亦非也万厯初僧散寺败仅存殿宇邑人左布政陈善延僧通慧居之寺旧有眠云堂今废翠防阁洗鉢池妙高台台已废址或云在背山之顶或云即右偏山椒今法禅居是也嘉靖末年有邑诸生张少岳万言者隐于寺中四十年不入城市为诗文有幽致通政周诗相与倡和为筑聴泉亭于寺侧居之诗有记今在亭中山人往而泉石转属他姓荒僻岑寂防人罕至天陰月黑时闻低啸寒泉喷薄尚无恙云

苏轼妙高台诗灵峰山上宝陀寺白髮东坡又到来前世德云今我是依稀犹记妙高台 许应元灵峰寺诗空门传不二令节届重阳防取莲花净无烦菊蕊芳沙虚喧候鴈露冷咽寒蛩幽赏岂终已请防山月光 周诗早春入灵峰诗杪秋经月社门幽猷歳方为鹫岭遊梅萼已防迎腊吐涧泉犹自带水流云萝行乐风尘隔江海初衣歲月遒闻道山人思削迹尚嫌城市还丹丘 周诗聴泉亭记杭郡西湖诸山以二高峰为望北高峰蜿蜒东行鬱起岩岵灵峰为奇峰左右泉源胥委禅林之南雨成瀑而晴如珠聴泉石为胜少岳山人栖迹灵峰披荆棘开防翳始得兹泉已又汰沙砾决污滓而得兹所谓听泉石者蓋旧物也石厚盈尺方广几丈乃举之层崖之下而置之悬流之上为命今名云山人于石西偏构草阁一楹日吟哦其中未几余以病告来归于山人月率三四过过率登石箕踞竟日忘去则谓山人曰峰以泉胜泉以石胜兹石之上可琴可奕可樽可茗可憑可眺可吟可啸顾不当亭耶山人韪余言方是时郡中人士雅有丘壑之尚者多从山人遊石上闻余言则争捐貲为山人命材鳩工之助甫浹旬亭遂告成诸君子则又载酒赋诗落之而请余记其事余惟山川灵秘在在而有其彰显也必系之人灵峰之有泉石其来旧矣顾自胜国以前无从考者迨入国朝兹峰彰彰郡人耳目而泉石之胜尚湮防无闻乃垂二百年得山人发之山人之栖是峰也又垂三十年然后亭之则岂偶然之故耶顾曩未亭也宜亭而辄虚迨其既亭无论士 即山樵野衲咸相视色喜以为若天造地设不可无此亭者夫往者与山人遊凡几曾未有及兹举者乃余发之诸君子适乐成之则又岂偶然之故耶山人于世味殊淡而于世故一切不营乃兹亭之构则经营区画靡所遗虑诸君子者不竞心于纷华绮靡之区而独于枯槁寂寞之地用情若此其雅致高韵胥足尚矣继自今酒食徵逐之流城市腥艳之论其尚毋辱兹亭哉少岳山人张姓万言名记之者则与鹿周生诗也

普福讲寺在九里松一名十方天台教院宋咸淳间天台僧明砺募贵戚鲍氏建凡八年始成

穹殿杰阁诸刹罕伦饭僧至三千人易之巽为记有魏国公大普福扁赵子昂芝云堂额国初犹盛今寥落将灭矣寺有十景芝云台绿雪坡药涧桥思忆观音葛翁泉辟支塔锡杖山瑞冈坞玉莲池仙芝泉 邓文原寄住持无公诗净土谈 屡歎扉平生我亦悟毘尼天台道在毘陵记庐阜神交惠逵师度岭白云飞锡处散花清昼说经时西南峰下龙 路曾记山房旧赋诗

圆觉天台教寺自唐开山为修证了义法师塔院宋南渡后重建高宗书天中万寿圆觉寺额以赐时有僧守璋能诗所着有柿园集高宗尝书其晚春一绝云草深烟景重林茂夕阳防不雨花犹落无风絮自飞复亲书圆觉经及制二诗赐之诗云古寺春山青更妍长松修竹翠含烟汲泉拟欲增茶兴暂就僧房借榻眠久坐方知春昼长静心地自清凉人言圆觉何曾觉但见尘劳尽日忙寺有归云堂三昧正阁清凉觉地皆理宗御书元至正燬宋吴宝镬诗梵室飘香隔竹闻壁间旧赐宝奎文山深翠辇经行处犹卧从龙数片云

黑观音堂在集庆寺东俗传 治间太监张庆登山至此见青衣女子冲过匿入此庵索之不得见座中黑漆观音礼拜而去香火遂盛此蒙瞽之说也观音岂真女子哉 白玉蟾观音像赞云柳絮多头绪桃花好面皮夫是之谓谁东海比丘尼又云顶戴弥陀呈丑拙手持杨柳惹尘埃纵饶人得三摩地当甚街头破草鞋亦防戏语

集庆讲寺宋理宗淳祐十二年贵妃阎氏建为功德院阎氏鄞县人明艳绝伦后宫为之夺宠寺额皆御书巧丽冠于诸刹经始之辰内司分市材木于郡县旁缘为奸望青采斫鞭笞追逮鸡犬不宁虽勲臣旧辅墓皆不得自保或作诗讽之曰合抱长材卧壑深于今惟恨不空林谁知广厦千斤斧斲尽人间孝子心其后恩数渐隆虽御前五山亦所不逮一日忽于法堂鼓上得大字一联云净慈灵隐三天竺不及阎妃好面皮于是行天下缉捕其人终不得有三池九井月桂亭金波池善法堂并废犹存理宗御容一幅燕游图一幅后改额显慈集庆讲寺列天台讲院第一刹正统间废嘉靖年中贵邓文镇召僧焚修至今仇仁近诗半生三宿此招提眼底交防更有谁顾恺漫留金粟影杜陵忍赋玉华诗旋烹紫笋犹含箬自摘青茶未展旗听彻洞箫清不寐月明正照古松枝

灵隐禅寺晋咸和元年僧慧理建山门扁曰绝胜觉场相传葛洪书或云宋之问书寺有石塔四皆吴越王建宋景德四年改景德灵隐禅寺元至大元年僧慈照重修觉皇殿至正间燬国初重建改灵隐寺宣德间僧昙缜建三门面壁轩良玠建佛殿殿中有拜石长丈余有花卉鳞甲之文工巧如画正统间琰理建直指堂堂扁张即之书旧有百尺弥勒阁莲峰堂千佛殿延宾水阁望海阁巢云亭见山亭白云庵松源庵及宋理宗御书觉王宝殿妙庄严域并废隆庆己巳罹祝融煨废殆尽万历壬午寺僧德明圆辅圆宁延法师易庵通公主席太宰张瀚为之防法倡缘建殿宇廊庑凡百楹塑诸佛圣像铸钟竖钟楼重建慧理永安普同等塔悉就辛亥僧性证重建禅堂方丈廻龙桥方伯浮渡吴公复捐俸百余金建桥亭题曰觉路津梁上供奉提佛题曰密因阁又为复阁曲轩以对溪流扁枕石漱流及云松巢额壬子延介如石公讲楞严义海于寺寻葺方等懺堂集三学精通禅者修方等懺法寺门原有五亭今止存冷泉由冷泉亭而上为翠防亭韩蕲王布袍跨驴日夕行防其中口不言兵今尚有故址 宋之问游灵隐寺诗鹫岭郁岧峣龙宫锁寂寥楼观沧海日门对浙江潮桂子月中落天香云外飘扃萝登塔

遠剝水取泉遙霜薄花更发冰轻叶互凋夙齡尚遐异搜对涤烦囂待入天台路防余度石桥
张祐飞来 诗西南山最胜一境是诸天上路穿岩竹分流入寺泉蹑云丹井畔望月石桥边
洞壑江声遠楼台海气连塔明春岭雪钟散暮松烟何处去犹恨更防 顶莲 白居易题冷泉
寄唐林夫诗灵隱前天竺后两涧春淙一灵鷲不知水从何处来跳波赴壑如奔雷无情有意
两莫测背向冷泉亭下相萦迴我在钱塘百六日山中暂来不暖席君今欲依灵隱居葛衣草
履随僧蔬肯与冷泉作主一百日不用二十四考书中书 贾岛灵隱寺诗峰前峰后寺新秋絕
顶高 见沃州人在定中闻蟋蟀鹤于栖处挂猕猴山钟夜渡空江水汀月寒生古石楼心欲
悬帆身未遂谢公此地昔曾遊苏子瞻遊灵隱寺诗君不见钱塘湖钱王壮观今已无屋堆黄
金斗量珠运尽不劳折简呼四方宦遊散其孥宫阙留与闲人娱盛衰哀乐两湏臾何用多忧
心鬱紆溪山处处皆可庐最爱灵隱飞来孤乔松百丈苍髯须扰扰下笑柳与蒲高堂防食罗
千夫撞钟击鼓喧朝晡凝香方丈眠 稔絕胜絮被缝海图清风徐来惊睡余遂超羲皇傲几
簷归时栖鸦正毕逋孤烟落日不可摹 林逋同运使陈学士遊灵隱寺诗山壑气相合旦暮生
秋陰松门韵虚籟铮若鸣瑶琴举目羣状动倾耳百虑沉按部既优防时此振衣襟 澄冷泉
色泻我清旷心飘飘白猿声荅我雅正吟经台复丹井扞萝尝徧临鹤盖青霞映玉趾苍苔侵
温顏煦槁木真性訝幽禽所以仁惠政及物一一深洒翰嶙峋壁返驾旃檀林回睨翠堵峰天
半千万寻 陆务观冷泉放闸诗泉声飞出闸透 綠云间此地原无暑多时不入山草欹疑石
坠水定见鱼还谁得同 鹤遊吟半日闲 僧契嵩冷泉独赏寄冲晦诗南风掠波溪水满山中
遊人来洗浣独立溪傍清兴 更爱泉流芳草短平生幽计贵萧散世道纷纭何足算人间五
月夏云烦相约归来君莫缓 张商英见山亭诗 卷疎烟醉眼开浮云飞尽见崔嵬苦嗟霖雨
遮藏久深谢清风引致来丹桂有时明月满旧山无路白猿哀禅师指我真空理心火茫茫一
夜灰 王守仁遊灵隱寺诗灵鷲高林暑气清竺天石壁雨痕晴客来湖上逢云起僧住峰头话
月明世路久知难直道此身那得尚虚名移家早定孤山计种果诛茆却易成 张瀚遊飞来峰
诗长松十里昼陰重引入飞来第一峰洞里紫霞明日月天边青靄插芙蓉小桥不断横溪路
古寺先闻隔树钟恋赏顿忘城市遠归途几处暮云封 夏言遊灵隱和杨邃老诗扞萝诘曲歷
崔嵬玉削芙蓉面面开白日老僧初出定仲春有客到山来林深祗树云霞绕地迴诸天日月
回世上宰官元是佛洞门猿鹤莫惊猜 补乐天诗在郡六十日入山十二回宿因月桂落醉为
海榴开黄纸除书到青宫诏命催僧徒多怅望賓从亦徘徊寺暗烟埋竹林香雨落梅别桥怜
白石辞洞恋青苔渐出松间路犹飞马上杯谁教冷泉水送我下山来 李攀龙诗武林台殿敞
诸天建自咸和第几年才到上方双涧合飞来何处一峰悬梵音动杂江潮转灯影常含海日
传所以龙宫称絕胜骊珠交映使君前 乔时敏邀萧太史 圃防灵隱期尽韬光诸胜雨阻有
赋禅林遥上翠防重檻外苍茫遠寺钟雨色飞来双鷲鷲云光忽落秀芙蓉人如白雪吟偏壮
座有青山汔未通自到龙门曾作赋肯教仙吏不相从

石佛庵在灵鷲山直指堂后梁简文帝所造迦叶维卫石佛二尊万厯间僧如□持準提呪梦
披荒莽中见石佛像身如芒刺募貲建庵庵后建準提阁前后皆竹汤煥书竹林精舍 觉迟居
士沈防疏石佛从名山涌出千载胜緣準提湏宝阁庄成一时善现良以众生业重每苔斑蘚
剥埋金剛不壞之身而佛母行深正鸟语花飞破铁桶无明之相咒心性印多臂相严独对山
前朗朗不起于坐手援天下事事了自当身无垢无净而摠持密因不二乘时乘人而建立胜
果必圆况乎鷲岭香飘下临无地狮林风遠直指余堂惊回澹士前生从此中来此中覩露暎

醒伽蓝幽梦应如是住如是布施三千界印证尔时十八咒传持兹土篝灯夜读茂才数月之縁着屐朝来居士片言之诺凡此有感有应有建立总之非因非縁非自然为是乐阿兰那奉劝檀波罗密殿黒业造白业皈依无量光中办信心印佛心供养穷未来际谨疏□以石佛未了因縁微辞于灵山乞士复传意于圣水矜人呉之鲸而为之偈曰马祖面壁坐九年即成道石佛背壁坐百年未成庵云何未成庵是庵非道故道成五叶芦庵成五株防若人金作土会见土成庵寻亦庵成道普愿世间人共成石佛愿庵成刹那顷石佛依然坐 陈继儒偈曰石佛出世準提又来若人弹指楼阁顿开效尼上人梦石佛得石佛今复欲建準提阁于庵后题偈倡之 西湖长豫章樊良枢疏效尼上人梦佛得佛澹防居士求子得子实相耶幻泡耶金刚经云不可见三十二相见如来凡所有相即是非相若见相非相即见如来上人建準提阁于庵后是谓信心清净即生实相矣呉朗士陈眉公发三菩提心成是无量福德余不能以七宝大施喜其成而讃之上人但信是心不取于相如是不动荷担如来如是庄严佛土布满黄金将八百四千万亿众生共来顶礼咸瞻实相上人为説準提神咒一遍散诸华香雨诸天花此阁成率地光明藏矣

崧山房郡人李居士因寺寮为栖隠处即墓其上遗诫并祭田俱归寺僧供祀事子孙不得干预万厯间僧鬻田且欲售屋矣司理丁公启濬断归寺判词古典可诵第歳久荒圯辛亥方伯呉公割令祇树僧清茂焚修其中茂捐貲百余金重葺

韬光庵韬光禅师建师蜀人当唐代宗时辞师出遊师嘱之曰遇天可前逢巢即止师遊灵隠山巢沟坞值白乐天守郡悟曰此吾师命我也遂卓锡焉乐天闻之遂与为友题其堂曰法安尝以诗招之云白屋炊香饭羶羶不入家滤泉澄葛粉洗手摘藤花青芥除黄叶红姜带紫芽命师相伴食斋罢一瓯茶韬光不赴报之诗云山僧野性好林泉每向岩阿倚石眠不解栽松陪玉勒惟能引水种金莲白云乍可来青嶂明月难教下碧天城市不能飞锡去恐妨莺啭翠楼前内有金莲池烹茗井壁间有赵阅道蘓子瞻题名

永福禅院在天圣寺侧与呼猿洞相对晋有上下永福寺剏自慧理法师前莲花 后形胜山左香林亭右幽雅轩中有雨华亭金砂池诸胜 空谷禅师诗云声名累动帝王家曾挽春风上海槎永福门开最胜处江山一望不为賒厯代久废国初高僧宗诂建大防宝殿寻燬万厯癸卯苕溪潘龙翰捐貲买永福故地延讲师耶溪若公修持其中若复建佛阁三楹禅堂香积十余楹方伯呉公扁曰古永福禅院给帖永防

无着禅师塔旧有无垢院因韩侂胄取以为壽地故迁院于灵石山下止存此塔后杨郡王复取为壽地遂起此塔乃陶龕也禅师容色如初髮垂至肩指爪绕身舍利无数留三日犹不壞竟荼毘之

僧肇淮海有诗云一定空山五百年不须惆怅启顚瓢路邊多少麒麟冢过眼无人赠纸钱

邨公庵杭守祖无择爱此山之胜结庵于此以公所封名之自咏云松下门开入翠微草香花气袭春衣山中深僻无人到自有闲云共鹤飞 形胜山前感物华却乘清兴过僧家楼台消废无人问今古传闻只自嗟云拥断崖埋石笋泉冲凉雨落金沙憑君识得寻幽趣只管高谭至

日斜

白衲庵在灵隱西坞 僧明殊过白衲诗衲僧深隱处麋鹿自成羣曲迳依山转鸣禽隔竹闻涧
飞晴日雨岚散霁时云坐久不知去长歌逗夕曛

大桐庵在大桐坞万厯间僧彻堂重建

荐福寺晋咸和中建于下天竺基宋绍兴间迁于此为徽宗吴太后塋所高宗书额太后手书
金刚经置塔中有宜对亭通云亭天池楼双珠亭万玉轩湖山至此幽邃极矣元至正末燬国
初重建复燬墓前有二石马琢刻如生旧传夜輒驰骤秋簪光莹如玉 张伯雨天池楼诗天池
一楼小如架擎出半天天雨华山围丈石狮子座寺属三朝母后家时呼白猿聽奇句亦许飞
仙浪紫霞我来把断朗风口只留牀角置袈裟

下天竺寺坐灵鷲山麓亦晋僧慧理建隋开皇十五年有僧真观者钱塘人操行高洁掌有仙
文与禅师道安头陀石室檀越陈仲宝拓而修之号南天竺寺五代时号五百罗汉院宋大中
祥符初改灵山寺天禧四年复改天竺寺天圣中僧遵式重修有蒼卜堂庆元三年改天竺灵
隱寺三竺之胜周回数十里而岩壑尤美者廻聚兹区自飞来峰转至寺后岩洞玲珑莹防清
朗如伏虬飞鳳层花叅萼皱縠叠浪妍态怪状不可缕陈其材木皆自岩骨擢起苍翠葱鬱不
土而茂传言兹山产玉故腴润育物如此旧有御书阁藏仁宗中兴五朝御书七宝普贤阁僧
善照以七宝塑普贤像 张仲举遊寺诗石梁溅水湿苍苔陰洞傍穿涧底回殿阁金银从地涌
山林图画自天开龙随僧到分云住猿认人呼下树来遊兴未防斜日尽马头呼酒尚徘徊 白
乐天题香林洞诗西湖之西天竺深天香满风多桂林老猿引子下高树流水与云来逦岑上
方已变劫灰黑古洞长带秋岚陰清辉娱人且归去后夜月明重来寻 白廷玉诗山转龙 一
径深岚烟吹润扑衣巾松萝掩映似无路猿鸟往来如有人讲石尚存天宝字御梅尝识建炎
春城中遮日空西望自与长安隔两尘 唐圆泽和尚居慧林与洛京守李源为友约往蜀峨嵋
礼普贤大士师欲行斜谷道源欲泝峡师不可源强之乃行舟次南浦见妇人锦裆负甕汲水
师见而泣曰吾始不欲行此道者为是也彼孕我已三年今见之不可逃矣三日浴儿时愿公
临门我以一笑为信十二年后钱塘天竺寺外当与公相见言讫而化妇既乳儿源往视之果
笑寻即回舟如期至天竺当中秋月下闻葛洪井畔有牧儿扣角而歌曰三生石上旧精魂赏
月吟风不用论慚愧情人遠相访此身虽异性常存源知是师乃趋前曰泽公健否儿曰李公
真信士也我与君殊途切勿相近唯以勤修勉之又歌曰身前身后事茫茫欲话因緣恐断肠
吴越江山寻已遍却回烟棹上瞿塘遂去莫知所之贊曰京洛有约哉 是行机先一语洞達
三生汲甕事异扣角诗清永懷陈迹山空月明

三生庵在三生石侧方伯吴公捐貲赎地属戒僧广昆守之钱塘令杨万里助貲建庵 姚 题
繡经台诗康乐悟 机端坐此中息经繡贝叶文台近莲花石江元禧登谢康乐繡经台诗竺
国来灵詮震旦

教典贝梵传方言辞隱义莫辯隔以悬解通昧为慧心显寻究理事融研对文字善澄虑憩静

区屏迹就曾岷莲萼翫烟霏虬姿娱仰俛今古晨昏迁何泽竟独衍抚兹停白云终然峙苍藓
道胜据必超倦深树无剪凌遡钦緬踪容貌俨在眼人自永 情岂伊石难转

中天竺寺在稽留峰北隋开皇十七年僧宝掌以唐高宗显庆二年住浦江化去自称度世一
千七十二年故兹山中尚有千岁岩吴越王改崇寿院政和四年改曰天宁万寿永祚禅寺南
渡初有摩利支天菩萨像淳熙间建华严阁元天厯间有僧大忻得幸于文宗改天厯永祚禅
寺洪武初赐号中天竺寺山门三字为魏国公署额正德间燬嘉靖二十五年僧惠镛清琦清
琳等募建殿刹圣像并建白衣观音堂 千岁宝掌诗偶居天竺经年久惟有山灵称野情皓月
徘徊庵内烛青山围绕枕边屏又云户外白猿时献菓堦前桂子落纷纷他年吾道重兴日枯
木生花别是春 白乐天诗杂芳涧草合繁绿岩树新山深景候晚四月有余春竹寺过防雨石
迳无纤尘白衣一居士方袍四道人境是佛国土人非俗交亲城中山内客来往亦殷勤 参寥
子诗夕阳山气霭葱葱路转松阴覆几重行过石桥人未见数声先听寺楼钟稽留峰北好林
泉珍重幽栖得所便栢子香中能宴坐想无余习可攀绿霜压 枕雪 一条银河初转斗垂杓
清言共失三更梦错恨芙蓉漏易消 王元章送僧归天竺诗天香阁上风如水千岁岩前云似
苔明月不期穿树出老夫曾此听猿来相逢五载无书寄却忆三生有梦回乡曲故人频问信
孤山梅树几番开永清坞之背即为龙井正德中陈氏建庵坞中名永清庵心庵正德间宝珠
禅师建有白云岩玉液泉

上天竺寺晋天福间僧道翊结庵山中一夕见瑞光发于前涧就视之得奇石刻画观音大士
像后汉干祐间有僧从勲自洛阳持古佛舍利来置顶中妙相咸备昼放白光士民崇信吴越
主尝梦白衣人求葺其居寤而有感遂建天竺观音防经院宋咸平中浙西久旱郡守张去华
率僚属具幡盖鼓吹迎观音而祷霪雨濡足自是有祷辄应苏子瞻雨中游观音院诗云蚕欲
老兮麦欲黄山前山后雨浪浪农夫辄耒女停筐白衣仙人坐高堂盖有望于祈晴也南渡时
舍施珍宝有日月珠 谷珠猫睛等虽大内亦以为罕见嘉祐中沈通治郡谓观音以声音宣
佛力非禅那所居乃以教易禅命僧辩才元净主之凿山筑室几至万础治平中郡守蔡襄奏
赐灵感观音殿额元净乃益凿前山辟地二十有五寻殿加重檐建炎四年乌珠入临安高宗
逊于海乌珠谒天竺问知观音本始乃举之舆中与大藏经并徙而北时有比丘智完者率其
徒以从至燕舍于都城之西南五里曰玉河乡建寺以奉天竺之僧乃重以他石刻肖前像诡
曰藏之井中而出之至今称观音出现井其实非故物也乾道三年建十六观堂七年改院为
寺门扁皆御书庆元三年改天台教寺元末燬国初重建累朝代有宣赐金帛及宝旛之属正
德时圣母张进古铜塔一座渗金观音像并供后殿钱塘戴文进画罗汉一十八轴万厯癸丑
冬东宫进渗金大士一尊并金吼金念珠一串现存大悲阁大学士商辂钟楼碑记学士黄缙
观音殿碑记寺有白云峯乳窠峯中印峯狮子峯双桧峯白云堂两峯堂中印堂云汉阁应真
阁延桂阁秋香阁伴云阁双桂轩清华轩静处斋植杖亭谢屐亭梦泉亭流虹涧金佛桥琮老
桥凝翠泉观音泉水月池西方殿有撒骨池以镇火灾云液池池上有辨才手植山茶花并废
唯白云堂尚存 宋孝宗观音像赞猗欤大士本自圆通示言有说为世之宗明环无二等观以
熙随感即应妙不可思 理宗观音像赞神道至妙兮隐显莫测功德无边兮感应甚速时和岁
丰兮祐我生民兵寝刑措兮康此王国 李太白与从侄良防天竺寺诗挂席凌蓬丘观涛憩樟
楼三山动逸兴五马同遨游天竺森在眼松风飒惊秋览云测变化弄水穷清幽叠嶂隔遥响

当轩写归流转成傲云月佳趣满吴洲 白乐天诗一山门作两山门两寺原从一寺分东涧水流西涧水南峯云接北峯云前台花发后台见上界钟清下界闻遥想吾师行道处天香桂子落纷纷 李纲由上竺赴洞霄宫诗山谷投闲日乾坤版荡时秦庭徒痛哭漆室竟谁知欲仗空王力潜开圣主疑奸防俱扫尽谈笑定华夷 岳飞过上竺寺偶题强胡犯京阙驻驂大江南二帝双魂香孤臣百战酣兵威空朔漠法力仗瞿昙恢复山河日捐躯分亦甘 朱熹春日过上竺诗竺国古招提飞甍碧瓦齐林深忘日午山迴觉天低琪树殊方色珍禽别样啼沙门有文畅啜茗漫留题张栻诗上竺诸天近中林万水低迴超尘世外恍

入雪山西忽漫防龙象行将混鹿麕何年释簪绂于此独幽栖 真德秀诗世事不可了还須是入山遥寻黄叶路迴出白云间瀹茗止烦渴谈空得笑闲飘飘有余兴归去掩柴关 魏了翁诗风波满平地世路绕羊肠急欲逃尘网遥登选佛场云深午犹暝竹密夏生凉兴逸忘归去高眠借石牀 东坡苏轼闻辨才再住天竺诗道人出山去山色如死灰白云不解笑青松有余哀忽闻道人归鸟语山容开神光出宝髻法雨洗浮埃寄声问道人借禅以为诙何所闻而去何所见而回道入笑不答此意安在哉昔年本不住今者亦无来此语竟非是且食白杨梅 倪云林秋夜宿上竺诗禅月湛高秋金天夜色幽珠林星彩动碧殿露华浮莲漏忙催酒松涛怒撼楼清凉彻毛骨吾欲唤貂裘 大士鸳鸯殿前楹僧道福如渊重建后殿僧平涧重修钟鼓楼如涑如渊重修天王殿祖玉重修香山殿道福建圆通门道律建张仙祠德洪建伽蓝殿道霑建普门圆迳建弥陀殿道霑建普同塔方志为首鼎建心安两山居德霖建白云峯山居海坚建上天竺三门圆逸重修 武林外史邵常生撰上天竺寺静庵让法师拟号正定塔行述师禹杭人俗王姓十五出家上竺礼进公为师防时性喜合掌人以天香童子目之既祝髮和平擗节既四十慨然以家事付徒如贵曰余世事毕矣因受戒云栖寺寄名广行持戒精切认真毫不肯苟平日伤末法陵夷每兴善业必躬必倡慨寺风不振直谅必归正持身其肫肫树教之意可方遠録公其恳恳公廉之心无媿都僧正者万曆辛亥七月二十五日示疾令具薰沐更衣见目下有红光端趺西坐两手高擎十指作掐数状忽有醉僧来叫哭师不悦遂不瞑次早小子与诀见其身倚而掌合亦常视与合掌中间劳苦之者或强抑就枕稍知道者或劝逸吉祥时师幻身既展转非已而灵台能主宰惟示不豫色然既瞑而禅僧贯如来诚求其故曰师得无欲坐乎忽发声曰诺众始惊扶起坐既坐足蹠蹠而已僧又曰师得无欲趺乎顾而笑因与结始欣然首谢众遂以弥陀为饭含梵呗当众临围绕跽踊達旦甲子正午而寂僧性田与沐顶暖如火年五十甫一法腊三十有五莲池师闻之让窑龕使瘞于是敛帟藏金避水韬钉蒲圖置褥白茅废衾涂香末香既洁且匀塞蛭蘊之小大式均懷其幽隙苴其寬深几不灭顶及肩而盈既不使其金锁之机亦不碍其爪髮之生凡此见山中之创见惟贯如之力存焉小子见山之僧欲借跏趺为重往往痛楚绸缪业縁局促虽夹辅以多方奈四大之倾仆盖欲坐而不能师乃能坐而不欲可叹也亦可喜也向使师出世熏习之場则不必加年自有金台宝池之兆向使寓身寒苦之地则清明在躬必有谢三縁见道之辞今虽止乎此又向使当弥留口乱而奄忽于情见之中则与六十年小子见闻扰扰者何以异哉经所谓无诸痛苦一心不乱斯其人矣因请之莲池师及世之有菩萨行者拟以正定名其塔焉是辛亥十月朔日小子时年七十有五书

武林梵志卷六

外七县梵刹

海宁县

太平广福寺在县东五十里黄冈市唐齐安寺基宋建隆中有僧结茅栖止歷四十年干德二年额曰太平庵熙宁元年赐今额归并于此曰庆壽永宁寺【在县东二十四里】曰南观音院【在县东二十一里新江塘南】僧 道太平广福寺诗招提古意饶谁复记前朝五季重开拓三灾不动摇珠林花气合紺殿藓痕消更上危楼望当门见海潮

崇教寺在县东六十里妙果山之前旧图经五代成夫人舍园为寺名妙果宋季废弛元至顺四年重建归并于此曰圆明庵【在县东六十里游佛墩】曰东林庵【在县东六十里】

真如寺在县东七十里黄湾菩提山东晋干宝公舍宅为寺周显德二年建轮藏宋治平二年赐今额归并于此曰宝严寺【在县东六十里】曰接济院【在县东北三十六里】曰延圣妙智院【在县东北六十里】曰閤济院【在县东北六十里】曰北永宁院【在县北四里】曰上方延寿院【在县北十里】曰接待朱何庵【在县西一里】曰积宝庵【在县西北十五里】曰西观音庵【在县西北二十五里】曰雪峰双桂庵【在县北十八里】曰惠照庵正觉庵【并在县东北六十里】张谔真如寺诗旗鼓初从海上回天风吹我上雄台甲披双水关西将马骤羣峰冀北材尘世俯窥飞鸟去军声俄逐晚潮来谁人为我书岩石他日重遊扫緑苔

真相寺在县东北六里横塘北宋宝祐二年建元末燬洪武六年重建归并于此曰雪峯广福院【在县东北七里】曰净信院【在县东北一十八里】

崇惠寺在县东北六十里硖石紫防山东麓元至正间建洪武十八年重建归并于此曰四果华严院【在县东北七十里】曰胜果院曰圆觉庵【并在县东北六十里】

西山广福院在县东北六十里硖石紫防山顶宋天禧五年邑人宋坦舍宅建熙宁元年赐壽圣额隆兴元年改今额兵燬元大德间重建归并于此曰崇福寺【在县东北六十里】曰瑞应观音院【在县东北三十里】曰东山广福院【在县东北六十里】曰黄坡庵【在县东北三十里】曰永平庵【在县东北五十二里】曰兴壽庵【在县东北六十里】章孝标西山广福院诗野寺孤峯上危楼耸翠防卷帘沧海近洗鉢白云飞竹影临经案松花防衲衣日斜登望处湖畔一僧归 杨璿崇福寺诗舣棹青山下来寻苏子家人鱼皆静乐水亦清华树老欲成盖菊寒殊未花何须覓勾漏此处有丹砂

顾况崇福寺诗家在双峯兰若邊数声清磬发孤烟山连极浦鸟飞尽月上青林人未眠

永隆广福寺在县西一十里马牧塘北宋绍兴十八年建兴废不一归并于此曰水陆院【在

县西南四十里】日出尘庵【在县西北二十五里】

金佛寺在县西一十二里松林铺东宋绍兴年间名上乘院乾道间改今额元末燬重建归并于此曰超王院曰净居院【并在县西五里】曰惠明院【在县西八里】曰戒坛院【在县西南三里】

永宁寺在县西二十里宋嘉泰间建归并于此曰寿昌院【在县西北五十里】

荐福寺在县西三十六里萧齐永明二年建名安善唐会昌五年废大中十三年重建宋大中祥符元年改今额元末兵燬洪武初重建归并于此曰开福寺【在县西三十五里】曰观音圣果寺【在县西北四十五里】

安国寺在县西北二百五十步唐开元元年建名镇国海昌院防昌五年废大中四年复置名齐丰宋大中祥符元年改今额寺有大悲阁宋理宗御书妙智之阁赐之元至正二年重建归并于此曰兴庆寺【在县北十五里】宋苏轼大悲阁记羊豕以为羞五味以为和粳稻以为酒麴蘖以作之天下之所同也其材同其水火之齐均其寒燥湿之一候也而二人为之则美恶不齐岂其所以美者不可以数取欤然古之为方者未尝遗数也能者即数以得其妙不能者循数以得其略其出一也有能有不能而精麓见焉人见其二也则求精于数外而弃迹以逐妙曰我知酒食之所美也而略其分剂舍其度数以为不在是也而一以意造则其不为人之所呕弃者寡矣今学者之病亦然天文地理音乐律厯宫庙服器冠婚丧祀之法春秋之所去取礼之所可刑之所禁歷代之所以废兴与其人贤不肖此学者之所宜尽力也曰是皆不足学学其不可传于书而载于口者子夏曰日知其所亡月无忘其所能可谓好学也已古之学者其所亡与其所能皆可以一二数而日月见也如今世之学者所亡者果何物而所能者果何事耶孔子曰吾尝终日不食终夜不寝以思无益不如学也由是观之废学而徒思者孔子之所禁而今世之所尚也岂惟吾学者至于为佛者亦然斋戒持律讲诵其书而崇饰塔庙此佛之所以日夜教人者也而其徒或者以为斋戒持律不如无心讲诵其书不如无言崇饰塔庙不如无为其中无心其口无言其身无为则饱食游嬉而已矣是为大言以欺佛者也杭州盐官安国寺僧居则自九歲出家十年而得恶疾垂死自誓于佛愿持律终身且造千手眼观世音像而诵其名千万声病已而力不给则缩衣节口三十余年铢积寸累以迄于成其高数仞为大屋四重以居之而求文以为记余尝以斯语告东南之士矣盖仅有从者独喜则之勤苦从事于有为笃志守节老而不衰异夫为大言以欺佛者故为之记且以风吾党之士云

延恩寺在县西北二百六十步旧安国寺藏院宋元祐四年赐今额归并于此曰庆善寺【县西南二百步】曰常乐寺【县西南二里】曰佛牙寺【县北一里】曰净明院【县西南八十步】曰正法壽宁院【县西北十五里】曰观音庵【县东北一百五十步】

东冈广福寺在县西北二十五里东晋德法师开山后燬宋干德元年重建绍兴三十二年赐是额永乐十四年潮坍无存十五年移额于四都观音庵归并于此曰圆明院【在县西北三

十五里】

觉王寺在县西北二十五里长安镇西唐长兴四年建名正觉宋治平二年改今额元末兵燬洪武初重建归并于此曰定香寺【在县西北二十五里】曰南禅福严院【在县西北四十里】曰真如庵【在县西北十五里】

净妙寺在县西北三十里宋嘉熙间建元末兵燬洪武初重建归并于此曰旌忠寺【在县西北二十五里】曰云龙寺【在县西十五里】曰惠泉院【在县西北二十五里】曰吉庆庵常乐庵双林庵【并在县北十五里】

兴福寺在县西北三十里骆家铺北宋开宝二年建三年赐额归并于此曰弥陀院【在县西北十五里】曰惠明庵【在县西北十五里】

资胜寺在县西北四十里晋天福七年建名资壽宋治平二年改今额归并于此曰报国寺【在县西北四十八里】曰资福院【在县西北四十里】曰海云庵【在县西北四十六里】

吉祥寺在县西北四十八里许村铺北名齐明宋建隆二年改名迎祥治平二年改今额元末兵燬归并于此曰普安寺【在县西四十里】

菩提寺在县北内有张子韶读书台基存

惠力寺在县东北六十里硖石紫防山下晋宁康中尚书张延光舍宅构寺赐额曰志愿唐乾元元年勅支本县税钱修饰唐季兵燬宋干德间重建大中祥符二年赐今额宋季兵燬元至正二十年重建 僧 道遐观楼诗紫硖山前百尺楼憑高悬象入防搜沧江直到水穷处白鸟忽飞天尽头一气鸿蒙开禹甸两峯缥缈接瀛洲胡牀坐对银河近拟欲乘槎上斗牛

净信寺在县西南六十里晋天福二年僧净建元末兵燬洪武初复建 类列 定惠寺【在县东北十三里】宝林寺【在县西二十里】瑞像院【在县北门外二十里】白莲花院【在县东十五里】普信院【在县北二里】尹墅广福院【在县西北二十五里】西庵【在县西门内】大通庵【在县西三里】

富阳县

法相寺在县东南三十里丽景村名报恩唐咸通十二年符禅师开山宋大中祥符元年赐额归并于此曰灵岩院【在县东南三十里】曰泗洲庵【在县东南五十里】叶士彦题法相寺虚舟亭诗道人亭子号虚舟身与乾坤日夜浮高檻倚空山叠浪小池承溜雨生沕渔歌响荅穿蓬戸晚饭经行忆舵楼茶灶笔牀安榻畔江湖长任散人遊 姜文渭灵岩院诗轩在灵岩第几峯笏筇绕屋翠重重僧窗滴露全疑雨诗榻生凉半是风四座緑陰侵戸暗一 爽气扑衣浓信知石上苍苔合多为遊人去后封

净居寺在县南四十里大源村石晋天福八年名净福宋治平二年改今额宋末燬元至顺间重建归并于此曰崇善院【在县南四十里】曰真如院【在县东南一百二十里】曰禅寂院【在县南八十里】

偃松寺在县西南十里驯雉村宋嘉泰四年建前有大松盘防因名元末燬惟殿宇及法堂存归并于此曰永乐吉祥寺【在县东北小隱山】曰净土院【在县西南三十里】曰灵岩宝山院【在县西十里】曰大智院【在县西二十五里】曰法云院【在县西二十五里】曰普惠院【在县西三十里】曰真寂院【在县西南三十五里】姚愈题净土院竹轩诗劲节摩云歲月深冰霜不改旧时陰静浮香篆度幽迳冷滴翠光生茂林明月满窓横妙墨清风入指按黄金个中领取西方意梦落人间何处寻

能仁寺在县西南十里太平村唐天成元年建名云霄宋咸淳元年请今额元至正丙申兵燹洪武初重建归并于此曰法门寺【在县东一十五里】曰三学院真如院【并在县西南三十里】曰宝林院【在县西南三十五里】曰崇福庵【在县西南二十里】李鞬三学院诗遠岫朝来更爽孤云徙倚长闲飞出偶成霖雨归来依旧青山宝林院岩香阁诗花到清明际随春渡虎溪勾牵水芍药流落古招提独喜孤芳在何妨众草齐定知妃子意不解谪仙题

宝相寺在县西南三十五里庆防村洪武初创庵曰浦西十三年请移防潮村宝相寺额归并于此曰寂光普照禅寺【在县西四十五里】曰报恩禅院【在县西南八十五里】

妙智寺在县西南五十里善政村永安山之阳唐太和元年僧防遇建旧名彌峰钱武肃时改名永安宋大中祥符元年改今额宣和间方腊之乱燬建炎四年邑人提刑李鞬施财新之归并于此曰妙岩院【在县西南三十五里】曰万春院【在县西八十里】杨廉夫赠妙智寺仁一初诗一初閣黎诸法解吹得道人双劒箫大道不如宗北秀防山直欲尽南条探官时着杨梅防劝客醉倾椰子瓢轻拂鞭稍踏春雨紫骝嘶过圣安桥

慈修防圣禅寺在县西五十步唐大中间建名保宁元至顺间改今额元末兵燬洪武元年重建归并于此曰西岩寺【在县北三十里】曰淨明院【在县北五里】曰莲堂庵【在县东南四十里】曰普润庵【在县西南五十里】曰通济庵【在县南五里】曰悟空庵【在县东北十五里】曰大明院【在县西北四里】曰净觉院【在县西五十步】白居易西岩寺诗千古仙居物象饶道成丹熟昼升霄岩前宝镜传松韵洞口灵池应海潮崖折百花迟日晚鹤归清夜唳声遥登临渐到希夷境平拂行云度石桥杨廉夫西岩寺诗何代仙人跨鹤归至今丹灶倚柴扉黄金布地开华藏白石撑空障翠防海内甲兵民厌久山中车马客来稀僧窗转午浑无事晴雪风鏖水叶飞李白淨明院诗天台国清寺天下为四絕今到普照遊到来复何别桺水白云飞高僧顶残雪门前一条水几回流歲月苏轼淨明院诗富春真古邑此寺亦唐余鹤老依乔木龙归防赐书连筒春水遠出谷晓钟疎欲继江潮韵何人为起予大明院诗长松吟风晚雨细东庵半掩西庵闭山行尽日不逢人裊裊野梅香入袂居僧笑我恋清景自厌山深出无计我虽爱山亦自笑独往神伤后难继不如西湖饮美酒红杏碧桃香覆髻作诗寄谢采薇翁本不避人那避世

永宁寺在县西一百五十步坊郭梁大同三年建名荣国宋大中祥符元年改今额嘉定壬申县令程珙新之元末兵燹洪武九年重建归并于此曰真觉院【在县东五十步】曰净因院【在县东二十里】曰净土院【在县西二十里】曰长福罗汉院【在县北十二里】曰大安院瑞相院【并在县西北十八里】曰庆恩院【在县北十八里】曰资圣院【在县北十八里】曰慈云院【在县北二十五里】曰华盖仙山院【在县东北十二里】杨廉夫真觉院诗禹陵云气近松翠防禅闕只有客常到不如僧最闲春风浙江水夜雨富春山爱此清居趣长歌日暮还

苏轼净因院竹轩诗前轩有竹百余竿节节浑如玳瑁斑雨过风清谈般若琅玕声撼半空寒杨廉夫诗香岩一击忘所知我无所知安可击独爱轩中可避暑万竿瘦玉拥寒碧切莫伐作仙人杖亦莫剪作渔子笛准拟重来倚小窗细听龙吟风雨急

龙景寺在县东十八里春明村唐大中元年建元末兵燹洪武十五年重建

真寂寺在县东南四十里灵峰村宋绍兴六年建元末燬于兵洪武初重建俞膺诗平地涌招提诸峯自廻防石壁聽泉流溪桥见僧度松桧千年姿不受冰雪妬花卉四时春疑有神灵助景物良可嘉徘徊屡忘暮贤哉支许俦因之重懷慕

大佛寺在县西南五十里屠山村唐长庆三年吳越相国许明舍宅为寺遂即其人为名宋治平二年改今额元末兵燹洪武初重建 类列 惠出延壽院【在县西五里】永壽院【在县北二十里】惠济院【在县东十二里】瑞峯院【在县西十五里】接待延壽院【在县北一里】瑞像院【在县北十五里】无碍庵【在北门外一里】圣僧庵【在县西南九十里】

华盖仙山寺在县东北十二里旧名福庆院晋天福四年建洪武二十四年并永宁寺旧为民侵占独伽蓝神数百人舁之不能动独存万厯十三年僧真德重建置田三十余畝地二十九畝余山七十四畝余塘五分寺有大觉琰禅师遗墨有印空禅师塔师里人俗姓童氏有德行称其徒一庵忠禅师塔在侧陶望龄忠禅师塔铭余尝临淞江憩西陵之茶亭衲子东渡者曳踵而至解包坐则主人具茗饮斋时供蔬夕则敷具而卧如行者之诣家方春月日不下万指前后无阙供衲子渡江率为舟子所苦至是寄载往来如其家私渡余异焉讯之曰此一庵禅师所为余谒焉师自稠人出衣垢敝体逴陋朴古语不出诸口余请焉曰师之所以能若是何也师徐曰此十方檀施德于贫衲何有退而讯诸其徒曰吾师之始末自虎跑愿毕其髓脑供十方贤圣至则剖半菽而茹之展半席而休之诸师未食弗敢食未息弗敢息也溢而弗能居则已出而露处居无何仁风翔于吴越施者如胥溥之殷江也而师缚体束腹犹故师何心哉意其所以能若是者以此余闻而肃然于是每至輒造之后数年师出而于圃余亦从圃从容语佛法大防了如也尝为恶人所窘罄鉢囊授之乃免俄其人事败所司引师证之师曰无有楚毒备至师怡然顺受而已去而东又饭僧百官渡之廻龙庵规櫺视西陵于是衲子渡娥江复有安次久之示寂焉世壽六十有三僧腊四十六其门人奉遗蜕归于富春仙山福庆院院古废址今规复之师曰吾亦将归老于此弗克而化犹称曰福庆院一庵禅师者师志也孙性昊述遗事请铭累年乃愈恳余感其意又服膺师德久其可弗许乃为次其本末而铭之师讳真忠孙氏子杭之仁和人年十七投天目山出家为印空禅师法嗣实宝峯师嫡孙也既受

具勤苦防学礼诵法华昼夜弗辍凡六载遍礼名山归灌园于虎跑寺凡三年乃舍去鉢僧两江萧山之新林天台之防墅岭虎林之崇福庵皆有迹余习师鉢僧事故于两江独详铭曰南海大士天台应真僧之来殷其如云师弗茆之投荒榛匪从师鉢虚朝昏师云化矣德渠泯眇澍与娥两江津

净土庵即净土寺下院去县十八里春明二畝东黄石公小隱处万厯二十八年朱文元舍地僧德祺建

天钟院旧名崇福庵在太平里至正间僧道信开山嘉靖间僧明清建万厯间僧如桂性美复增殿宇 吴之鲸碑记俶从富春登观山望江以南峯阜蔚起若有宝云卿霭笼防其上诧谓神器仙的是宜建名利为古德胜场而余门人周瞿父曰此天钟山也有龙潭瀑布之奇不可不防逡巡未果偶友人俞似宗作令德化二三兄弟祖送桐君山时风日晴好余谈及天钟似宗欣然命棹抵岸可半里平畴懷新借草唤觴又里许泉出自乳窠滴 堪写渐上渐窄若鸟道而龙潭喷沫恍十二珠帘照映青壁寒气濺人衣带似宗与余各据峭石飞大白数斗不忍舍去及登殿暮矣展礼大士毕即促登舟寺僧供茗椀不及低徊而别恨未尽此地之胜今年秋在佛石涧中因识桂上人师弟则天钟住持也亟询建刹緣始山旧有古天钟院废为榛莽狐豹之区久矣嘉靖间高僧明清戒行精严焚修无间寒暑初结茅潭上仅一袈裟地耳忽猛虎夜午蹲其前清语曰若有宿业任尔一食如来防法当为指防住处虎连嘯数声若先导者乃得旧基岿然古佛道 也遂移庵于此而归附者日益众逡迤云集清稍拓地建大士殿设左右长廊香灯法幢灿宵旦有所禱其应如响而于祈子尤有奇驗于是江南北檀信重趼星驰咸称为小天竺国而古迹遂俨若灵山矣其徒如桂孙性美倜傥有志悉心協助禅诵声振林木为居民敬礼续置田地山塘约一百三十余畝用以供十方常住僧有遇饭一食树下一宿者流水膳供不絕薰修日进福施日广而名亦日益振清师之法力伟哉先后令兹邑者徐公张公嘉其行给匾批照为久远计昕夕祝延圣壽严净毘尼佛日方升山魑永遁昔慧遠澄心而龙泉立现朗公防杖而古像倏新精庐肇衍于三摩鹿苑骤开于十笏古刹之兴实繇人造信非诬也不佞乐为宣敷不自知不律之芜拙矣寺之祖山为天钟而鉢盂山为对左狮踞右象伏峯曰观音曰慧曰法云曰三台曰北极泉之最著者曰龙潭曰碧云曰马迹隱然马迹现石上曰晶液曰玉音从山谷洞中出非但皈礼黄昙即探奇选胜安可不拈瓣香一徃哉

余杭县

永安寺在县东南二里元至元元年建至正二十四年燬洪武元年重建归并于此曰法喜寺【在县东半里】曰广福禅寺【在县西十里】曰天真寺【在县南二十里】曰般若寺吉祥寺无相寺【并在县北三十里】曰静林寺【在县东南十五里】曰金仙寺【在县东南十五里】曰显圣院【去县治二里】曰兴道院【在县南二十五里】曰福严院【在县东南十八里】曰善应院【在县西南三十里】曰胜福庵【在县南十二里】王安石法喜寺诗门前白道自萦廻门外青莎间緑苔杂树绕花莺引去壞檐无幕燕归来寂寥谁共樽前酒牢落空留案上杯我忆故乡归未得可怜鷓鴣重相催 范仲淹显圣院诗登临溪上寺迁客独依依遠水欲无际孤舟曾未归乱峰藏好处幽鹭得闲飞多少天真趣遥心结翠防

南山普宁禅寺在县东北三十里常熟乡宋白云通教大师荆庵以居隆兴间改庵为院曰传灯又改普安淳熙七年改今额元至正末燬洪武三年重建归并于此曰慧照塔院【在县东北三十里】曰定一院【在县东北三十五里】曰松隐庵【在县北七十五里】

慈圣寺在县东北四十里常熟乡名灵岳肇于唐五代天成元年复建宋治平二年改今额元至正末燬洪武间重建归并于此曰永寿寺【在县东北三十五里】曰安众寺【在县东北四十里】曰西教庵【在县北三十里】 欧阳询慈圣寺记畧杭州余杭县西北有镇曰曹桥镇走北十里得精舍曰灵岳后汉建武二年有周闽越王无诸十二代孙摇氏舍宅之所建也

光孝寺在县闲林东扇一亩 陶望龄光孝寺碑记光孝寺唐蒋山太平兴国禅师建太宗勅额迄宋而寺貌几灰矣端平二年住持法薰德力不减于初彬彬称盛左右丞相咸为篆石迄我皇明而寺貌又几灰矣幸正德元年无尽和尚祷雨龙门之山太白龙王献白蛇于鉢内而大雨灌溉万民繇是寺貌复兴宝寿其别号也左通西溪胜槩右达赤松名林前有龙门峻岭后有闲林幽村内不见寺外惟见云古井甘泉诗脾可沁万厯间如清真聽重修建天王殿树钟楼置山赎田为永逮计诚大福地也

径山兴圣万寿禅寺在县西北五十里唐代宗时僧法钦结庵于此永泰中有白衣士来求法度为沙弥钦指坐后石屏谓曰能开此乎曰可遂叱之分为三片今号喝石岩遂即剃度名崇慧如长安与方士竞法既胜代宗问其师承对曰臣师径山僧法钦召赴阙赐号曰国一禅师逾年辞归诏杭州即其庵建寺曰径山僖宗干符六年改为干符镇国院宋大中祥符元年改赐承天禅院政和七年改径山能仁禅寺开禧年间孝宗御书额赐径山兴圣万寿禅寺由宋迄元为禅林之冠元末兵燬洪武间重建归并于此曰广化禅寺【在县西十里】曰顺庆禅寺【在县北三十里】曰妙济禅寺【在县西北四十里】曰实际禅寺【在县北二十里】曰云福禅院【在县东北四十里】曰圆觉庵圆修庵【并在县东北十五里】 吳泳撰兴圣万寿禅寺记国家驻蹕临安自西天目龙翔鳳舞舒冈布麓盘结而为帝王之都者钱塘也自东天目熊腾马奔凌深拔峭发越而为梵释之宫者径山也山以径名乃天目之径路其地尊故 神不敢宅其境胜故凡庶不得居必也以大法力建大道 然后能储精防秀覽光景而纳于其中国一禅师卓锡于此兴废迨今盖四百余年矣先是庆元己未冬龙王殿灾精庐佛宇一夕而烬僧元聰治故而复新之后三十五年夏再燬无準范师慨然曰曩在育王时曾夢一神人伟衣冠盛仪卫驰骑而前迎畴昔之夜又梦前神人者持念一宝珠以相授曰谨勿訝或谓夢中之人龙珠之数则火之日也岂住止成壞皆数耶师于是以精进心转不退轮以勇健力挝无畏鼓披榛塞窍度材于山视昔所植可以为榎为梁为桷为桷者适饱厥用则鳩工聚粮命干力之僧相其役一念才起诸天响合上方颁赉甚渥公卿士大夫乐施舍南国之好善者不祈而助货不命而助力越三年考成曰殿曰堂曰门曰廊曰楼观栖客之庐斋庖之所庠庾井廐靡不毕具最是龙防阁居翠峰之顶画拱璇题承云绚日而虚栏之外曰凌霄之阁天空宇迥若与灝气者游循而下曰宝殿曰宝所曰灵泽殿曰妙庄严阁宸奎丽榜殿宝镇此山寔振古所未有旧两僧堂防学者居外久习者居内殆非不二法门今则统而为一楹七而间九席七十有四而衲千焉翼五鳳而阅离门之虚建万佛而补艮山之阙皆以大用胜服之若夫乘金相水西秦异僧所云更不道也 王在晋游径山记武林之属多佳山水而余杭之有

径山称最胜东西两天目山高插天水因山曲折浸为巨源若两目然故曰天目入两日以是山为径路山遂以径名余雅慕径山而未有企及也歲在辛亥南湖告成功监司往阅视余以鞅掌三路不得从诸大夫后防八月逾望三日往吴兴谒台使者毕归由苕溪苕溪一带天目诸山众流环合遡流可达乃从吴兴泛舟 德清渡双溪双溪之流一出天目一出高陆至双溪桥合流入径山港舟不得通舍舟登陆过化城接待寺化城为故宋佛日禅师宣公所剏踞径山东麓宋时栋宇宏丽钦锡化城二字上创重屋尊而阁之殿寝门厢庖廩浥浴靡不备具载郎官杨汝明记中我朝香火犹盛渐次废弃寺田转佃间左豪右踞之然化城巷之名不泯冯司成开之创刻经之緣始于清凉之妙德庵地峻远役匠转输工力费倍乃迁之径山径山云雾罩笼藏板其中易朽腐始议复化城化城地坦无云气润湿便藏板而易输工力乃为屋十间以安经板处工匠而大士金身以草殿居之海内宰官居士布金恢复化城旧域捐资赎地而有子衿鼓众跋扈必欲与沙门相角事闻当道属予讯其事郡邑勘明予按法治其尤割地归僧封畛不失而其间有墓塚者聽之以宁其窆佛处蘧庐中得重开法地以须十方大檀越之力予过化城而一二野衲邀入和南佛前称善事周遭故址枳棘蓁芜辟草莱而重新法王之宇西来白马兹其为繙经演法之 乎过化城折而西北抵径山山去县五十里防据干位挺然为东目正干宴坐朝阳天显堆珠鹏抃凌霄御爱七峯攢拥草木蓊蔭树古而苍地僻而野山门幽寂有老松婆娑可防十畝与木兰交枝薄青旻翳白日松为数千年植而木兰亦森发离奇匪深山无此异种参差白塔同虬水横斜巢云归鹤竹松间杂景色清饶葱翠交睫入山而路转深地转奥无数笕筍霏烟蒙蒙新芋雄防妬母高凌排岗直上各高十里层峦峻岭长蹇伟观盘跚逶迤尽在竹间行路箬龙透地蹶屐峻嶒一头陀引导美箭蒙茸萝葛纠缠时摩僧顶羣峯蔕蔕拱防灵岳中豁平区坦壑去险而夷重岩滴水有洞空沕头陀指为明月池其间小井为龙湫龙歲一来顾雷雨噫 过洞行少许路绕屋后登嵯防大慧禅师塔明堂窒塞方伯吴公言塔前当介然辟之而成路僧苦去屋未果辟由塔嵯而东为喝石岩唐时僧法钦结庵有白衣士求法度为沙弥钦指坐后石屏谓曰能开此乎叱之分为三片代宗召法钦赴阙赐号国一禅师辞归杭即其庵建寺曰径山宋开禧间孝宗赐额兴圣万壽禅寺东南胜道 无逾此者行过复岭崇隆隐天有斐棖猗坎窞为池方塘一鉴湛洁如澄鲜漾碧僧曰放生池池边刻经工匠排列鴈行伏迎道左已访澹居上人所寓静室治蔬为供清话移时片言防悟此不殊钦公三片石恨不如白衣士立度为沙弥耳别而登楼同余杭令戴君进饭夕阳西沉遂促从者亟行余时有天目之兴径山直传舍视之竭蹶而趋至无垢寺而宿焉是夜惺惺不寐取唐崔元翰碑籀文摩拟不能属草乃读东坡径山诗击节高吟与松涛林籁相为荅和残月半窗莽烟伴榻无何而山鸟鸣鸣不觉东方之既白矣 吳之鲸径山纪游庚戌浴佛日久雨乍霁与俞似宗佛石宿禹杭文昌坝亟呼笋輿沿溪行宿雾渐消山顶次第现如新妆出罗幌行可二十里饮溪边酒家遥望舟枕巍然独峙秀鬱可挹又三十里林渐深地渐高将逼双径循趾攀巘委折数百重涧花飞洒俱成白练山形周环复叠如入饌中上下篠簜檀栾万晦一色余随輿偃仰觉日光澹射风细云疏非若高峰轶云苍榦蔽景作鞞鞞之声防磬之状也岭甫半輿人告疲余顾佛石隔山小浮图非即歇足处耶佛石指曲磴数坂曰此须绕而上耳既上岭如马脊左右悬削忽白云覆他山飞防于鸟细雨随至余振袂度数盘沐佛圣水杉松环立平台俯瞰则三山门岿然列矣视小浮图又在足下逵峰嵒防近峰峽岷含泽吐霓倏忽殊态武林两高龛赭一线俱在靉靆中余嗒然宴坐云海荡吾心胸觉生平寥廓之气呼吸相应昔陶贞白志在冲举每云指白日覩青天去此不遠独于尔时有防已投松源山房

古杉防茸方沼沉碧高楼十五楹邃洁可居僧冲宇供笋蕨煨浆不减白堕似宗纠以觴政甚洽月光初灿仅于密樾中作掩映观耳晨起谒新殿制度宏伟未餽丹垚过妙喜庵礼大慧禅师塔眎龙湫旧迹循左级而上观放生池池圆如珪广可盈晦惜无游鳞泼刺再上为寂照庵刻藏经处镌工麤集室后供达观甚肃令人转思密藏忽缙衣箴冠过谒余询知为门人通州崔叔锦为诸生不得意刳心大典栖遯于此两月矣余携之出过喝石巘石防为三昔中子山人乞国一师剃度以呪力防佛法赐号性空大师大历中代宗遣内侍迎国一入京径山之兴实由于此访鸡 二冢至今在岩下三白驹或寝或讹乃载经板出山者俨然雪山梵从也是日陰翳多廉濊久益密叔锦别去返松源山楼饭后稍有霁色命輿从右级而上旋转竹径菖蒲田新秧离离涧水澄泻石磴梳洁如镜高冈苍密遥见炊烟一缕从修篁中出即知为云房杳然无覓径处余喜忘返翛然缙山烟客飡沆瀣佩九节灵苗不复知有人世既过传衣庵为万松禅师传衣处蹊白云庵攀萝而上为凌霄峰浩淼如大瀛海何减泰岱新殿枕鵬 山势拱卫余谓此山幽旷非通都大邑而宸章御辔后先辉焕故楼名五鳳阁建龙防南朝四百八十寺未有其比今山水依然未知八十一代传灯何人耳返流止亭輿人告息各曳杖寻东坡放生池坡公防径山二诗如欲防细字销残年灵水先除眼界花俱颂水德今浊甚亭碑幸无剥蚀及读楼钥百万杉松双径杳三千楼阁五峰寒自是实境语矣似宗探藏録许为刻高僧传灯下各繙一编间拈以问佛石佛石各为宣説吐防 畅因曰宗门不立文字而防言奥义终古不磨猛志精求防悟非遠今人根力未坚而遽称文喜游戲彷彿而妄冀丰干正恐慧菴乍枯慈筏罔济耳相与嗟叹久之余夙知有闻谷住径山急欲一晤而闻其坐不语禅殊悵悵佛石为通信闻谷慨然曰吾素所愿见者也晓访之观音阁时禅习者三十余人而阁户闐寂鸟雀不喧入左扉若无人者执事防嘿惟谨闻谷坐余辈小阁色静而气融神理 上发语简遠真禅定士也余为肃容而别防闻谷几虚径山一防矣 苏辙诗去年渡江爱呉山忽忘蜀道轻秦川钱塘后到山最胜下枕湖水相萦旋坐疑呉防无复有扁舟屡到凌深渊今秋复入径山寺势压众岭皆迷巔连峰杳嶂不知数重重相挹如青莲散为云雾翳星斗聚作潭洞藏蛇蜿蜒欽公未到人迹絶千里受记来安禅荒榛野草置茅舍坐令海贾投金钱至今传法破烦恼饱食遇客宜安眠解装投锡不复去纷纷四合投乌鸢或言处此犹未遠海上人少无烦煎天台鴈荡最深处水秀石瘦尤清便青山独往无不可论説好丑徒纷然终当直去无遠近藤鞋竹杖聊穷年 方九叙诗云里五峰环紫翠空中一径转防茫黄花渐报重阳节白社遥寻古道场精舍更宜留谢客 都何必讶刘郎高僧趺化千秋寺独有灵鸡塚树苍 汤賔尹访澹居诗覓友寻师度防稽含情千载不能啼闲从国一堂头过一片香儿吊塚鸡防天跳地穿黄岳抱月廻风隐径山着处尽成香国土单肩赤脚恣周还半月东山水上行薰风南逗晚凉生从君防得黄杨木大好随縁断佛情格物何当物格殊子韶妙喜两模糊而今賸有关西首剑击凭谁落画图 吴用先雨中登径山与澹居上人夜坐诗喝石开山意若何灵巘千载鬱嵯峨几盘翠袖穿云度十里青松带雨过宝界烟萝香气裛珠林钟磬梵音和清霄喜对支公话把臂中峰一浩譌

化城寺在余杭县北四十里双溪之上 冯梦禎议复化城防引刻经之縁始于清凉之妙德庵地寒而峻遠役南匠转输工力费倍功半不得已而有径山之迁径山为东天目正干五峰攢廻中间佛界我东南胜道 无逾此而云雾笼罩十日而九藏板其中最易朽腐又不得已而有化城之议化城踞径山之东麓去双溪数里地坦平无云雾即便藏板而输工力事事皆宜

因故址而新之先为十间屋令足以安经板处工匠而他役徐侯其后似无甚难举今约同志以十縁倡之縁五十缙祲虽贫勉任一縁夫刻经大役自北而南而其南也又自径山而化城三徙而后定而任事之人始于密藏继予后予而终之者又未卜何人也因縁时节惟佛与佛乃能究尽而自刱縁以至未来凡于此事曾舍一钱半铢及一手一足之力已上福不唐捐直至成佛而吾等与焉岂不幸甚方伯呉用先重兴化城接待寺疏余从紫栢尊者游逾二十载所承钳锤锥剗罔所不至通身热汗不知透出几番矣末后以流通佛法付嘱不佞唯唯徼天之幸承乏越中即悉心殫力求终刻藏之役兹功已过半縁成或有日矣乃谋藏板善地卜及化城化城故宋佛日禅师宣公所刱接待寺郎官杨汝明记之甚详见径山集中及我朝而香火犹盛渐次凌夷僧徒凋落遂以寺田转佃于方姓者辗转相侵尽为居邻所剥蚀矣然其径尚存化城巷之名至今在人口今年澹居上人图恢复之而乡绅王中泉公首倡义举愿以其地归寺于是左右闻风者响应乃澹居犹运慈心量其多寡各给其直余与呉下诸君子協济之虽未尽复旧址从此诛茅建刹亦庶几可观矣然此非今日创议也盖自冯开之司成始矣而余又不知司成之原有此议也一日澹公过予持开之手卷见示谓偶从密藏弃篋中检得之余展阅疏引即向时与藏公所谋卜化城以厝经板者也噫竒哉司成往矣谋于十数载之前而余与澹公成于十数载之后不约而合无心而成九原可作当为鼓掌第胜地既复梵宇鼎新向后更有许多商量不无借十方大檀之力余小子亦不敢不贾勇从事使道化重兴法轮常转誓头目脑髓之不恤而遑恤其他时万厯辛亥歲浴佛日

大祿寺在县西北九十里长安乡晋永康年间建元大德年间重建元末燬洪武二年重建归并于此曰光教寺【在县北八十里】曰灵石院【在县北六十里】曰慈相院【在县北一百里】

灵源院在县东南十二里安乐乡旧名龙泉唐咸通七年僧善本建宋治平二年改今额元末燬洪武二年重建归并于此曰普济寺【在县东十五里】曰宝轮寺【在县东南三里】曰澄鉴院【在县东十五里】曰光福院【在县东南十五里】

悟真院在县西北三十里长安乡唐咸通八年僧法显刱宋治平二年改今额元末燬洪武年间重建归并于此曰石泉寺【在县北八十里】曰大智寺【在县东北三十五里】曰法华寺【在县西北四十里】曰宝幢寺【在县西北六十五里】曰宝严院【在县北一百二十里】曰迎恩院【在县西北四十里】曰大安院瑞相院【并在县西北五十里】王安石悟真院诗野水纵横漱屋除午窗残梦鸟

相呼春风日日吹花草山北山南路欲无

洞霄宫在县西南十八里汉元封三年建宫坛于大涤洞前唐 道元年有潘先生者于洞下建天柱观南向四维壁封三步禁樵采为长生林中宗时赐观庄一所后有米法师改观为北向干宁二年钱武肃王与闾丘方远相度山势复改南向未纳土时尝改天柱宫宋祥符八年陈尧叟奏改今名赐仁和县田一十五顷并赐钟磬法具等歳度行童一人应天庆节设醮以祝圣壽天圣四年详定天下名山洞府凡二十处洞霄大涤洞为第五政和二年都监何士昭

陈乞赐度牒三百道方腊之乱宫燬绍兴二十五年重建仍建昊天殿于东庑后殿左阳通明馆乾道二年三月壽皇泊显仁皇太后临幸尝以军士守御后奏罢以山麓民充佃夫防御淳祐七年灵济通真先生孙处道奏请赐钱益市恒产规制愈崇政和间援天柱观例经尚书礼部给洞霄宫印记庆元二年以歲久漫防重给宋初天圣节道场应本县文武官僚入山建散诸山僧咸至立班自南渡后惟道士就官建散而县官止于普救寺行事凡诸宰执大臣丐闲去位者以提举洞霄宫系銜咸淳甲戌冬宫燬一空元至元甲申后再新宫宇元末兵燬洪武二十三年重建歷二十余年而后修垣钜殿门庑室庖庾坛□皆次第用完无改旧观矣王達记晋许迈称余杭山是洞庭西门潜通五岳山陰至临安名有金堂玉室仙人芝草左元放之徒汉末诸得道者咸在夫古者采真之士往往于名区奥壤穹崖邃壑留连忘返者何哉盖老氏之学贵清静非名区奥壤穹崖邃壑不足以养其高致故名山大川瓌诡之观人迹所罕至者必为其徒得之余尝因迈之言而稽焉余杭之西有山曰天柱自汉元封三年建天柱观宋祥符间改称洞霄宫仙吏谓之福地而天目诸峯遐迩罗列光灵势气与造化相为流通蓄奇孕秀莫可殫纪当云行鸟飞之际一柱中立屹然摩空羣山四面俯拱自列而宫正踞其幽深峻絕之境丹台绀殿琼楼璇室烜赫心目为民禴禴动輒有应元步日窘四海鼎沸所谓丹台绀殿琼楼璇室一燬无遗大明升天九有宁谧洪武庚午提防贾公力以恢复自任夙夜劬勩罄橐是营不三载贾化去副知宫事资深吴公暨希然龚公克绍厥职繇以修垣构以钜殿至乙未门庑室庖庾坛壝次第用完丹台绀殿琼楼璇室视昔不异许迈所谓金堂玉室仙人芝草者宛然可徵汉末诸得道者其骨虽朽其神不死安知不与兹山之光灵势气相与盘旋于防漠之间耶夫置荣悴于两忘齐天地为一指为道家之常事然数百年之规矱一旦而复之非惟其徒以乐清静无为之教且俾一方萃向慕之诚致水旱禴禴之福明灵歆顾祥庆骈臻詎不密裨皇化为邦氓之利也哉其嗣法弟子周应常刘宗显虑乎久而泯其绩也来京师求余记余喜诸君子能翼其教也姑书此庸刻诸石后有记者尚考于斯

陈尧佐诗娟娟红树碧峯前为爱桃花入洞天偶逐霓旌才百步却忧人世已经年

谷口停骖上翠防五云宫阙辟金扉不知何处朝元防却是龙鸾队仗归

一帆高挂出红尘万仞长歌入紫云莫道仙游无别侣玉清冠盖许同羣 林逋诗大涤山相向华阳路暗通风霜唐碣久草木汉祠空剑石 花碧丹池水气红幽人天柱侧茅屋洒松风 赵抃诗龙穴藏身隐源泉抚掌清红尘人絕虑白日世长生我分谙冲寂谁能顾利名梦中休指笑又作洞霄行

苏轼诗前生我已到杭州到处常如到旧游更欲洞霄为吏隱一庵闲地且相留 赵公硕诗里服萧萧入翠防虚亭高敞纳晴晖仙归洞府云烟冷春入名山笋蕨肥缓引壶觞聊自适暂捐朱墨便忘归防当结屋山中住始悟人间万事非 旧时曾此覓仙緣一别于今四十年白髮重来嗟老矣青山九锁故依然肩輿直入松间路洗耳还聽涧底泉幽兴未防吟未就半峰斜日下平川 潘良玉诗石坛风冷露华凝羣玉峥嵘簇画屏水赤久传丹作井山高时借翠为亭鹤迎仙驭迷三岛云入洞天朝百灵回首武陵归去路碧桃零落晚风清 赵汝谈诗好闲谢尘事来作名山游杖防西涧曲乞浆东家丘大涤古洞天仙人此藏修至今翠箬下半夜丹光浮山中旧相识置酒为淹留日移云窻午水滴空林秋授我长生方挥麈谈 幽我髮亦已白赤霄莽何求业緣苦未断一笑风引舟回首青天长身名两悠悠 曹元翰诗马归清晓破蓝田一出红尘骨已仙任锁九重山下路终寻五处洞中天泉流碧砌常鸣玉迹隱苍崖久蛻蟬人世归时知变否樵夫犹记烂柯年白驹任诗桃花流水隔尘寰玉树琼林九锁关飞阁太虚开紫府

卷帘终日见青山无为自觉心源净学道方知色界闲政满不湏瞻使节蹇驴潇洒聽潺湲张
輿诗登临直到翠防巔晚向蓬山共醉眠雪后

梅花溪影淡月中瑶草露华鲜千年石室琅函秘万丈天峰玉柱悬此行不为长生诀要续游
仙第二篇赵居仁诗十里溪声逐涧湾马蹄聽入洞霄间左

旋右折不知路九锁一开都是山紫极宫高云絶顶翠蛟亭压水当关山中止說吴仙子独抱
真心鍊九还【此系三十六洞天之一故附载】

类列慈济禅寺【在县北六十里】善法禅寺【在县东三里】安乐塔【在县东三里】

临安县

海防寺在县西二里南北乡梁大同年间赐额竹林寺防昌五年燬大中五年重建天福二年
钱氏拓旧址建奇石浮图二座宋大中祥符元年改今额天禧五年燬重建元至正十二年复
燬洪武十六年重建归并于此曰殊胜寺【在县东十里】曰灵峰院【在县东十五里】曰
宝林院【在县东三十里】曰法华院【在县西二里】曰梵安院【在县西二十里】曰精
进院【在县西二十里】曰胜因院【在县西南三里】曰宝积寺【在县西北十里】蔡襄
海防寺记临安县海防寺梁大同中始作号竹林及五代贞明之初吴越王又新之王县人也
少尝往来里中困甚已而跨有全吴名贵地大私念所从来岂非有陰相者邪竹林最得山水
佳处因大治之益广前制当是时吴中浮屠居虽百千数无是伦者宋大中祥符间例易天下
寺名遂赐今额天禧五年冬十月大通夕而墟其徒散去僧有明顾思恍然以兴废为已务每
說于众曰吾师之法或资于塔庙福报之来称其所出今殿适谋始而大家力饶不能厚施异
时名氏不齿篆载反索气于后人其可乎于是盛仁俊张从实先输而倡之从而和者数十百
人度林苍石壁茨陞级之役积费钱三千万役一十年而后已既成列像其下鼓钟其中防而
落之墟者复芘而散者复集钱氏以一国之资基之于前有明以一已之志继之于后可谓能
且勤矣苏轼诗篮輿三口山中行山中信美少旷平下投黄泉上青 线路每与猿猱争重楼
束缚遭涧坑两股酸痛饥肠鸣北渡飞桥踏彭铿繚垣百步如古城大钟横撞千指迎高堂延
客夜不扃杉槽漆斛江河倾本来无垢洗更轻倒牀鼻息四邻惊統如五鼓天未明水鱼呼粥
亮且清不闻人声闻履声

净土禅寺在县南二里南北乡五代梁干化二年吴越王舍基为寺请额光孝明因宋大中祥
符元年改今额元末兵燬洪武十五年重建归并于此曰防法院【在县西二十五里】曰昭
明院【在县西四十五里】曰开化禅院【在县南二里】曰善住院【在县南五里】苏轼
净土寺诗鸡鸣发余杭到寺已亭午防禅固未暇饱食良先务平生睡不足急扫清风宇闭门
羣动息香篆起烟缕觉来烹石泉紫笋发轻乳晚凉沐浴罢衰髮稀可数浩歌出门去暮色入
村坞防月半隱山圆荷净泻露相携石桥上夜与故人语明朝入山房石镜炯当路昔照熊虎
姿今为猿鸟顾兴废何足吊万世一仰俯 又开化禅院诗落日岸葛巾晚风吹羽扇松间野步
稳竹外飞桥转神功凿横岭岩石得巨片直度千人沟下有防流 岗峦蔚回合金碧烂明绚
懷异姓王负担此乡县逢跨下辱屡乞桑间饭谁谓山石顽识此希世彦凜然陰气逼屹

起犹耸战他年万骑归父老恣欢宴锦绣被原野金珠散贫贱窳融既入朝吴芮空记面荣华
坐销歇阅世如邮传惟有长明灯依然照金殿方九叙昭明院诗胜地传浮玉前朝此布金龙
湫悬雨急鸟路入云深万仞钟灵炁三秋愜赏心尘缘促归驾回首恋东林

太平万壽禪院在县东二十里灵鳳乡唐天宝三年钦禅师卓锡于此天祐元年吴越王建赐
额小径山太平禪院宋天圣七年改赐今额崇宁元年重建元至正十九年兵燬洪武九年重
建归并于此曰普庆福田寺【在县东北三十里】曰蟠龙禪庵【在县西十里】曰法海院
【在县西二十里】陈度径山下院太平万壽禪寺庄田记临安县东二十里灵鳳山之腰乔
木刺天修竹成林中有万壽禪院者故吴越国武肃王钱氏所建太平寺也宋天祐二年更为
禪居天圣七年始赐今额初县人高君保与其子瞻自景德以来大新栋宇造殿塑像藏经铸
钟百用具修又以田百有二畝与常住供僧君保瞻卒其子弟分财产欲夺前所予出交诉于
县县没入之平其估许其市崇宁元年住持等觉大师募檀越百余人得钱三十七万有奇诣
县请如本估市宰君嘉其请而归之等觉刻檀越姓名于石以传不朽属无住居士序其事居
士谓临安地寡人繁富官田今日示价明日争者盈庭高氏沃野膏壤竟四十年莫有市者岂
神物防之乎抑亦有待乎且善恶一念至防细也长劫受苦乐报秋毫不差况予夺罪福之明
著者等觉与十方来众当其食时升堂展鉢上味妙供不念自至何用区区营此一顷田为盖
欲与高氏子弟悔罪与诸人植无穷之福也当知是田本无去住于彼于此何得何丧彼此得
丧两忘则罪福安在哉故此山可倾此地可移此石可磨此福无有穷也他日大获仓箱充溢
禪子终朝饱满元不曾破一粒米始知居士前语不绮宰君者雪上姚祐伯受以学行知名施
于政事人安乐之等觉者法号慧源大通禪师之法嗣不惟道行高洁抑且才力过人无住居
士者丹阳人陈度崇宁元年秋七月中元日方伯呉用先重复太平万壽寺田碑记太平寺在
临安县治东灵鳳山间擅风林云壑之胜肇基于吴越王至宋天禧中改为万壽禪院邑有擅
信高君保者父子相踵而防持殿宇像器各极庄严捐田百畝以充香积供四海苾刍当时丛
林亦云盛矣及君保逝而后裔之为阐提者谋夺之讼成田没入官欲购者聴越四十年而竟
无购者岂非韦防力耶至崇宁间有慧源为住持募钱数千缗自白于县请得赎之然世代遞
更渐次凌夷田复为比邻所吞并矣寺僧零落三五辈无恢复志迄今有澹居者为達观禪师
高足以刻藏因縁来主径山之席一日至其地徘徊久之追寻古迹偶见石壁有小径山三字
知为径山下院抚然叹曰是梵释龙宫地有神呵防焉百畝之丘乃高檀所捐鉢十方僧者若
辈踞为已有入泥犁如矢迅耳曷若直而归之为众赎愆于是聚吴中善信货仅赎其半半仍
归比隣盖运以慈心也邑令黄君寔佐成之噫此区区一弹丸土檀化为魔魔化为檀来而复
往往而复来亦何常之有总惟心所造耳心縁于般若则为喜舍为庄严是高君保之父子也
是慧源澹居之恢复也心縁于无明则为慳贪为侵并是高君保后裔之反汗也是左右比邻
诸人之蚕食也争让祇縁识心人我了无实义谈性则空有之不立论相则因果之难逃福縁
瑞事随善萌芽异类幽沦乘恶滋蔓夫人生如掣电飘风七尺躯殼受享几何胡为乎贪执不
舍甚至彊吞甘以有尽之身而酿无穷之业哉吾愿后之人勿复垂涎此地自招业报也

玲珑山大防殿从华石山径过流霞桥登石门拙曲而上为三休亭九折岩风雨骤至屐下皆
作小瀑醉眠石为坡公书字势飞舞寺内设东坡山谷佛印像寺傍有琴操墓苏轼诗何年僵
立两苍龙瘦脊盘盘上倚空翠浪舞翻红防防白云穿破碧玲珑三休亭上工延月九折岩前

巧贮风脚力尽时山更好莫将有限趣无穷

化城院在县东北一里南北乡唐武德二年赐额罗汉院在县城内会昌五年燬光啓二年赐额法华院后里人钱尚父重建五代唐同光二年迁于县东北以钟尚书府地建立宋治平二年改赐今额元至正十九年兵燬洪武六年重建归并于此曰西明庵【在县北三十里】曰慈圣院【在县东南北乡】曰观音院【在县东北二里】曰普净院【在县东北三十里】曰无量院【在县西十里】曰净梵院【在县南十五里】曰兴善院【在县南四十里】

兴教院在县东一十二里灵奉乡唐天宝中赐额兴善会昌五年废天祐元年吴越王重建宋治平二年改赐今额元末兵燬洪武元年重建归并于此曰瑞隆院妙严院【并在县东二十五里】曰普泽院【在县东南十五里】曰不二院禅定院【并在县东南二十五里】曰吉祥院【在县东南二十五里】曰真君院【在余杭县西南二十五里并于此】

净应院在县西三十里金岫乡五代晋天福四年赐额应祈里人钱尚文建宋治平二年改今额归并于此曰无垢院【在县西北二十五里】曰长清院西化城院普信院梵行院【并在县西北三十里】曰等慈院【在县西北四十五里】

双林院在县西北一十五里谷昌乡名宝林唐天成元年径山寺僧景文望南山有祥气遂庐于山巅大理评事俞壽因舍山为寺于土中得金铜佛像三尊殿屋摧毀僧冲新之宋治平二年改赐今额元至正十六年兵燬洪武三年重建归并于此曰真觉院【在县东十五里】曰定安院【在县东二十五里】

福胜院在县北二十里高陆乡宋干德四年赐额福全治平二年改今额元至正十六年兵燬洪武元年重建归并于此曰圆明庵清辉庵【并在县北二十里】曰极乐院【在县东北十五里】曰惠民院【县东北二十里】曰永昌院【在县北二十里】曰大仁院【在县北二十五里】曰崇觉院【在县北三十里】赵仲藏福胜院诗千骑踏清霜东游古道塲云笼山骨秀风引水声长晓日依稀暖寒花取次香后随吹管急空谷答宫商 类别
辟支塔【在县东北三十里】

东天目山昭明禅寺去临安西四十里逾岭即见若天镜然其形蜿蜒下蟠于麓分二道左为龙王堂以水梁涧涧中多奇石进为白鹤坡则水石相激以成游者每不能至其上数里即所称平溪苕之源也右峡入深三里许茂林鬱然曰昭明庵颇整治有径可斜通山中由中麓上躡其脊憩且止亭望武林诸邑历历可指顾有瀑如白龙伏起多态抵垂虹桥则逼凌飞瀑溅珠衣袂间上磴多塔松大六七围者数株历三桥而抵昭明寺寺久废黄毓新创未竣有千佛阁以经火不燬为灵穴其背出度岭诘曲而下至径密处得黑驴庵宋希都禅师叱虎处径左为平溪庵溪流至此忽平上有献珠墩下有白龙池飞桥跨之四面壁立真若飞渡者其溪与白鹤坡近而径险絶不通此东目最幽胜处由阁之右过廻光庵洗眼池在其后庵所由名出西磴见悟道松顶平如茵下可隠数乘上为白云窝左转为分经台即昭明分金刚经处旧有三古松皆为雷火摧枯葛稚川曾修炼于此傍有小池可掬攀萝分翠而上至二顶有石累

如青莲华又上数里为大仙峯巨石如板筑者数丈则山之絶顶与西目相望云
老子説云欲度南极避水灾天目海陵最为第一 太平寰宇记云山高三千九百丈广五百五十里水因山曲折东西巨源若目故云天目东出临安为大溪溢东流而为苕溪西趋于潜为紫溪合桐庐之水以滙于浙江 委巷丛谈云杭州山脉发自天目有东有西东目之脉萃于余杭结局于径山西目之脉萃于钱塘结局于西湖故天目者杭之主山也王气鬱葱帝王奠宅而钱氏偏霸宋室南迁兆不诬矣 陶潜问来使诗尔从山中来早晚发天目我屋南窗下今生几丛菊蔷薇叶已抽秋兰气犹馥归去来山中山中酒应熟 张羽登天目山诗东西峰对峙麋鹿日成羣四月犹飞雪半山长是云洞香仙药遍天黑圣灯分千古钱塘胜登临愜素闻 王在晋秋日登天目诗莽气飞扬不见山翠磐高耸水流潺湲将青白云和碧防就红黄叶作斑江海襟期开地局昊天眉宇出尘寰 穹咫尺开阊阖吾亦翘瞻望玉顔 章嘉桢谒昭明庵诗禅林天下称萧寺惟有兹庵真姓萧地以分经成净土池开洗眼在清霄层岚叠嶂围寒翠竹韵松风共寂寥见説读书台几处离离荒草野烟飘

西天目山狮子正宗禅寺今称狮子林去于潜北三十里而双清庄居其麓庄右出太子庵掬泉洗目漱之而甘沿涧登响水岩初得奇壁前望巨石如覆舟至则如削成而方绣萝盖之名观音岩左通活埋道循右穿眠牛亭古水盘鬱逾半山桥有宝树三株与东目垂虹堪颉颃上真际亭则高丽王问法中峰所自署者登狮子岩藏蛻在口吻间秉烛始见复阁飞楼若凌虚而灭其趾曰舫室曰死關高峰所自命右抱象鼻水淙淙下者曰千丈崖越阁道行万松间得玉柱峯中立夷旷高不及十丈而磊砢轮囷苍古异常上覆两松如拥华盖东为巾峰断崖二塔一杉五枝一杉双榦俱大五六围而五枝者在断崖塔凌高阜尚埋其根而双榦修挺入云居然娑罗双树其下平行地即为正宗禅寺榜曰狮子林旁为幻住庵中云庵稍上为贝林禅师华严庵绕屏风石逾金仙顶观怪石断者截者反者防者若片片解而度积于筑室之场计其高与东目肩齐下瞰惟西南莲华峰幽胜返幻住防石壁为西方庵过天关为立玉亭危道如线趾半垂在外委蛇以行真若羊肠从立玉望西方半没云岚中由西方庵峭壁中裂如隧道曰龙门从龙门下若竇虚山中之奇无以加此分径北行美陰曲折渐露幻居之崖层构翼接观益奇憩活埋庵陟香鑪峯顶下防观音石凡所经高峰铜鉢茧衲如熏优鉢罗花开及中峯自题画像皆世所未有烟云万变必身至始能领略云 白居易新妇石诗堂堂不语望夫君四畔无居石作隣蟬鬢不梳千载髻蛾眉长扫万年春雪为鉛粉凭风傳霞作胭脂仗日匀莫道岩前无宝镜月明依旧照夫人

僧灵一天池诗昨夜云生天井东春山一雨几回风林花迸逐溪流去欲上龙山道不通
苏轼雷神宅诗已外浮名更外身区区雷雨若为神山头只作婴儿语无限人间失箸人 高峯禅师题鹤山诗一山高突兀百里去城闌老翠挂清晓华滋积富春江空潮势远云破月痕新对此忘情者林间有几人 中峰禅师真际亭诗高亭结构标真际体共云林一樣闲山势倚天忘突兀水声投涧自潺湲伽陀迴出言词外海印高悬宇宙间伫防凭栏人独醒又添公案入禅关 幻住庵歌幻住庵中藏幻质诸幻因縁皆幻入幻衣幻食资幻命幻觉幻禅消幻识六窓含裏幻法界幻有幻空依幻立幻住主人行复坐静防幻华生幻果放还收控勒幻绳幻骑牛时或住入万幻尘俱捏聚时或眠一觉宁梦居四禅有时动幻海波翻幻山耸有时静幻化光中消幻影可中时有幻菩萨来叩幻人询幻法我幻汝幻幻无端幻生幻死幻涅槃净名室内毛拂龙女掌中泥弹丸更有一则幻公案幻证幻修须了辨莫言了辨幻云无只此无无名

亦幻学人未达真幻输动辄身心自相反幻心瞥尔生幻魔幻翳忽然遮幻眼阳焰空华干辟城天堂地狱菩提名有问此幻从何起云月溪山自相委要见庵中幻主人认着依前还不是吴用先赠贝林上人诗絕顶空山寂惟将贝叶翻梵书穷本末密呪演朝昏世法了无染禅心终不言孤云时独往流水防柴门王在晋乘夜登法云塔诗翠屏团裹势嶙峋薄暮登临不待晨树杪飞泉分雨露峰头明炬动星辰中峯塔下钟初动立玉亭前酒一巡归路已迷荒草合云房深迴漏声频乔云将天目志成呈徐明府并序夫鋤刀不与霄影争铍弩马不与黄驄方驾矧章缝之下士当冠剑之钜公徐使君威鳳祥麟白眉先喆牛溲马勃青眼后生分璧潜州已最书屏之业探竒禹穴雅意名山之藏因天目之防峰成公余之新志涔蹄末学谬分编检之荣琬琰宏词不数巴渝之响聊抒短什奉和雄篇平生不识天目山平生不识使君顔山耶君耶兩争胜使我夢寐青岩间越中千嶂紫江碧兹山独高八千尺日暖花飞古院红雨晴泉扫陰崖白无峰不幻作蛟螭云月烟霞纷绘竒客度松坛皆馭鲤僧归瑶殿总驯狮怜予三载西湖客三载何曾理山屐终年鎖阁拥寒纱一杯湖水如环璧使君新记来飞鸿开槭翠巘如龍嵒依稀海蜃吐朝阁彷彿江猿唼夜风此时矫首情无已坐卷云萝落窻几试令兼诵使君诗龙宫网割 瑚紫世间好事争纭纭携杖思穿麋鹿羣囊中但宝一编在只此见山兼见君潘之恒两天目论曰两天目祖黄山而表三吴如县鉴在上故称天目或举江南全体黄山为首天目为目五湖为臟腑金焦为足语虽太竒亦颇足据旧志言两山絕顶俱有池一如天之两目此学究训解何所从来即昭明洗眼池亦出俗谚其池不盈二尺东在廻光庵西在太子庵各祠昭明具王者冕服张崔两相翼之皆能锡福于民者标以双清庄近似若据此为天目何鄙如之又西顶有石如青莲开敷东西二顶累石累累亦状青莲楞严经谓青莲花目亦在佛面则宁以此受名犹嫌着相安有他説可易此者也其两顶蓋石如板可谓竒迹至傳防仙人造梁无乃河汉而浅于鵲桥乎如果上真遨游两峯间呼吸可通帝座无烦五丁为伐持地为平此可勿论矣

天台传教庵在瓶窑妙峰真觉法师阅天台教观处师苦心台教三十余年所注经甚多塔于天台高明寺侧

新城县

普照院在县东十五里晋天福七年建名普光院宋治平二年改今额归并于此曰多福院【在县治东半里】曰总持院【在县北十里】曰净严院【在县西三十五里】曰明寂院【在县西七十里】曰万寿庵【在县南七里】

李浙普照院诗青山绕屋岚光重流水冲阶碧藓滋独坐午窻谁晤语鷓鴣声里竹陰移

东白院距县一里许在鸡鸣山昔为唐给事中昭諫罗隱公宅溪流绕前山峦环后邑人共建为东白禅院江西益王赐额院前溪水一带向为放生池久废万厯间邑令王巨槐命僧海金立石刻禁仍复其旧一时士民赎生至纷纷中有大士堂福民侯王祠祠之左为昭諫公遗像乡民歲时伏腊于此每东顾上流又有许忠烈祠耿然并峙东安弹丸区也如罗之文章许之忠烈并可昭垂不朽题咏几遍独东海冒愈昌抚吊凄楚堪为二公击节今録之云千载人传昭諫名空山无处覓先生已知雾豹南山隱恍聽天鸡半夜鸣绕砌薜萝堪制服近檐花柳共

为情睢阳祠宇还邻近忠义何当共一楹

凌志题云题山咏水遍天涯谁识东安是旧家半畝荒基山寂寂夜深风雨落梅花 许广渊诗云废宅百年后荒基一畝平独怜新桧栢谁识旧轩楹间里清风在溪山秀色明当时苦吟夜应使 神惊

黑山蟠龙庵山在平地中陡然奋起仰视奇絶逶迤而上数百步许有崖两石峰相对径甚狭且迅再数十武复开见平地田地塘井可数十畝四逼山岗廻绕上见青天中有龙池半畝许大旱不涸有祷辄应常有祥云覆其上远方望气者往往登陟观阅皆以为瑞谓小麻姑洞也有大石二一名伏虎石在洞口俨然虎踞扣之有声每天将雨辄润登据俯眺可阅百里山水尽环绕拜舞于下一名棋枰石在前岗寛广平直相傳葛仙翁与客对局在此腊月山花尽开至今惟此山巔有兰花映山红十二月即开中有泉水一孔冬夏不涸清冽异常昔有异僧来此跏趺数月不食烟火去之时曾题壁间有俊毫千管秀翰墨一 香松篁间竹韵另是一乾坤之句元时燬国朝僧智果募邑人潘樞鼎建有观音堂文昌祠怡性轩外有亭名最高处人皆称为真佛地昔苏文忠姚次庵游厯有韵明邑令林剑台以棹楔题赠至鄞入高明洲粤人张兢余西吴蔡五岳各有题咏其上

咽水洞距县三十里为广陵村平坂中一山突出皆顽石前有一小洞洞口可容十数人站立人不问洞内外寂如也惟人向洞揖曰某来此要求仙官恩泽其洞内即闐闐作声须臾水即向洞口瀆出虾鱼亦随水而出跳跃水中直俟伊人再揖曰水足矣洞内即划然有声其水与虾鱼复返洞口儗再请如前洞之出纳亦如前虽百请亦百应也乡人每歲致祭洞外田畴千畝皆頼此灌溉无旱涸之虞昔有县令范君者曾往观鸣锣放炮至洞口作礼水不时出范留宿次早复请复不出范怒毆里胥言诬夜复宿中堂寺梦数老人皓髮黄衣行止翩翩叩门请见范与之坐问曰公何人斯老人曰予秦人也避乱于此向不习汉官威仪畏闻车马拥呼声长官何必恚报者倘不信姑试之次早屏骑从至洞口感驗如常范乃惊异为之题记刻石而返夫桃源记人疑其幻兹洞以水为吞吐自秦至今灵应不絶无能测其从来亦奇哉惜在深山盘谷中不获标名字内然观邑令一梦又以无名为贵矣

宝胜院唐天宝间建为鱼池寺宋祥符元年改今额有葛仙翁炼丹井曰乳泉其白如乳 许仲蔚诗青云路在天炼鼎亦徒然九转果何物一 空旧泉竟知丹可煮不悟骨非仙汲引殊无状翻嗤葛稚川 许广渊诗葛公高隠处凿井碧山前链就长生药空余白乳泉鼎藏今去水气吐旧成烟午夜风雷作人疑羽佩旋

宝乘寺唐上元二年建为灵遠寺初梓州刺史罗石朔掘地得铜铸佛像俄失所在而新城人获之野因建寺焉今有佛岭由此也防昌中废大中十三年复置为圣像寺吴越王迎其像入城宋大中祥符元年改今额有脱龙洞跃龙池嘘云亭妙香堂深静堂大唐开山祖师名休粮白居易赠诗云三十余年坐对山只将无事化人间斋时往往闻钟笑一食何如不食闲司马慆游脱龙洞诗云雷雨何如起蛰龙苍痕夭矫石岩空不縁嗜好寻刘累定向人间试叶公钱朝隱镌脱龙洞诗云凡骨何年脱洞岩真龙肯向此中蟠料应夜半凌空去雷震千山风雨寒李处全题深静堂诗云鼎来朱墨苦难逃两夕山中暂释劳野岫拥檐青巖 塘足雨緑周

遭緇经深院心宜静远迹红尘意自高漫把新篇供写物么麼那敢說诗豪 叶衡题妙香堂诗云巍巍画栋插晴空时有芳馨四面通好为高禅叅鼻观未应公子鬪熏笼帘前一炷沉檀韵窗外数番兰蕙风信道杜陵佳句在心清浑赋此堂中

宁国寺在县南七里青峦山晋郭文举常隱于此夜有虎为一金 梗喉俯地作求救状郭探手去之虎摇尾 拜再三次早啓扉则有一死麋乃虎所啣置门外者咸和二年人为立祠祷祈必应晋天福八年吴越王因碧沼清澈遂命额曰碧沼寺 潘阆诗五峯高插云居胜览景留题趣味长碧树叶陰山骨润白莲花馥水池香鹤寻巢径松千盖僧卧溪流石一牀闲翫不知西日落马蹄归去带斜阳 王圻诗高僧居处足清虚泉绕堦庭树绕庐鬱密青峦垂薜荔渟湛碧沼映芙蕖客来尚喜红尘隔僧住应知与世殊犹感支郎碧云句使人繁虑顿然除 牛仙客诗步步穿萝入径幽栢高松老几人游花开花落非僧事自有清流对碧流 裴极诗一沼光涵四座寒夕阳回首更凭栏憑师蚤把香莲种他日期来结社防 杜荀鹤诗山半一山寺野人秋日登就中偏爱日独上最高层有果猿摇树无斋鸽防僧僧门日多事来此复何能 方干诗深僻孤高无四邻白云明月自相亲海中日出山先晓世上寒轻谷未春窻逼野溪闻唳鹤林通村径见樵人此时惟有雷居士不厌篮舆去住频 林杜诗幽谷泉声冷鸟啼僧定深好花丛古砌寒瀑发高岑游者陆鸿渐居人支道林欲辞青嶂去临去复成吟 释智圆诗一到无尘境相留静话长秋声归古水月色满空廊岚气侵衣润溪泉漱齿凉终期整瓶锡来此掩闲房 邵輶诗地胜千崑秀名高万古存丹崖纪灵躅紺宇蔽祇园树老垂藤影池幽浸藓痕会心多兴趣随意坐林樊 刘大纲诗夜色清无滓虚凉月满亭萤飞时度竹鱼跃乍翻萍冉冉云归尽霏霏露欲零剧谈浑得趣相对两忘形 类列 福光寺【在县北十五里】多福禅院【在县西七十县】安隱院【在县西三十里】瑞相院【在县西七十里】通灵塔【在县北二里】多宝塔【在县西五十里】笔峰塔【在狮子山】

于潜县

狮子正宗禅寺去县北四十五里嘉德后乡天目山有狮子岩林洞幽深松石竒怪元至元十六年建延祐七年赐额后燬洪武九年重建归并于此曰大觉正宗禅寺【在县北四十里】曰善法禅寺【在余杭县东南三里】

寂照教寺去县南二里丰谷乡旧名吴兴唐大中五年改今额宋隆兴初邑令叶衡重建宝庆初避御名改为此君轩元末燬洪武初重建归并于此曰明智寺【在县西十八里】曰治平寺【在县北十里】曰常乐寺【在县南五十里】曰布金院【在县东二十里】曰广觉院【在县东二十五里】曰三学院【在县南十五里】曰悟真院【在县南三十里】曰净胜院【在县南六十里】曰妙乐院【在县北七里】曰广慈院【在县北四十里】曰褒忠院【在县北四十里】曰崇法院【在县西南三十里】

昌化县

治平寺在县西一里旧名忻平唐大中二年建开平二年改今额元末兵燬洪武十五年重建

归并于此曰法防寺【在县南三十里】曰大明慧照寺【在县西八十里】曰普济寺【在县西七十里】曰千顷龙兴寺【在县西北六十里】曰普向院【在县南五十里】曰百丈广福院【在县西二十里】曰法兴院【在县西四十里】曰鹫峰院【在县西五十三里】
吴玠法会寺诗地占金山胜泉分银汉流杉篁能防翠猿鹤似惊秋祇忆登临晚宁辞取次游
列峯饶逺秀不惜上高楼 苏子由送无畏还慧照寺诗身老与世疎但有世外縁五年客江西
归帆谢往还依依二三老示我马祖禅身心忽明广不受垢污纒偶成江东游欲别空凄然縁
散众亦去飘若风中烟华阳本荒邑缙素明星悬偶然得老尉旧依育王仙璉公善知识不见
十九年我昔未闻道问所以入门告我从信入授我青眼篇冉冉百尺松起自一寸根南归髮
尽白尺书今始传不知邻邑中乃有门人贤百里走相访触热汗雨翻懷中出诗卷清絶如断
我适病寒热气力才绵绵空斋默相向欲语不能宣未暇答佳意归锡锵金环空有维摩病
媿无维摩言 类列 明因院【在县东三十里】福全院【在县东北五里】清修院【在县南
四里】澄寂院【在县南二十八里】南塔【在县东南青山之麓今院燬而塔犹存】

武林梵志卷六

武林梵志卷七

天朝宠锡

夫覆载之中浩荡均洽帝力何有王仁无私而纶綍所及日月光华神 拥防士受一命且由泥蟠倏升层霄矧车书大同之日梵教章明礼乐刑政兼收并用而非借简命之隆何以宣敷休美又况歷劫兵燹沧桑几变 王台殿岿然独存豪举无所施谋骈胁莫由展力则天朝之重奕世不磨者也详攷武林梵刹大多肇于石晋盛于吴越王父子至南宋极矣元季渐蚀入皇朝次第重建其锡赉之大者如创寶刹赐庄田赐帑金赐鏐金如来像铜迦毘罗神铜深沙神金铜罗汉像紫衣玉袂金斓袈裟水晶数珠金澡瓶费或千百计而文字翰墨之宠则藏序偈説号謚铭讚赐额赐碑以及飞白罗扇一字一画比于赤刀天球召对礼遇之宠则命坐赐茶諏访温谕以及御祭赐觥为存为歿不减庄严七寶志中所载大畧因寺以存复举则骈枝详列则褻积窃亦有𡵚见焉吴越擅鱼盐之饶建国都于斥鹵物力充牣金碧耀射多名功德院以侈一时之盛至今著称鼻祖斯以隆矣南宋移鼎自汴龙凤协祥然自太宗真宗仁宗神宗咸有 额歌颂则契嵩宗本诸公实能感之高孝以下皆縁见闻作佛事若理宗为一宠嫔制七十二殿九井十三池何异阿房宫耶惟我圣祖普赐天下丛林各有额録僧司正副督其事容光必照正明等觉始无偏无侧矣成祖召有行耆宿纂脩大典预其盛者俱防异数以及列宗颁赉金藏葺寺铸像所至顶礼发诸善心皆列本寺以彰隆遇不复析纪敬録皇上宠锡

赐瑞莲观音大士像一轴上有广运之寶及御制赞一首惟我圣母慈以格天感斯嘉兆阙产瑞莲加大士像图寫流传延国福民霄壤同坚

万歷二十八年防经藏 谕杭州府净慈寺住持及僧众人等朕发诚心印造佛大藏经典颁施在京及天下名山寺院供奉经首防 已谕其由尔住持及僧众人等务要防洁供安朝夕礼诵保安眇躬康泰宫壶肃清懺已往愆尤祈无疆壽福民安国泰天下太平俾四海八方同归仁慈善教朕成恭已无为之治道焉各宜仰体知悉钦哉故谕

万歷十六年皇上賜上天竺寺千佛旛二挂大士像一轴

武林 志卷七

钦定四库全书

武林梵志卷八

明 吴之鲸 撰

宰官防持

昔世尊以佛法付国王大臣而宰官居士名硕钜工能文章着经济者无不究心内典皈礼香林夙业往因根叶自应非特若房次律苏子瞻之以梦以徵表表着见也武林山水既胜车辙不虚先喆翰藻为禅林雍树者尽唐宋以来诸公什且八九列之尺幅尽堪仰止而愚尝谓前代有其人不善其事善而必不可废者王钦若赵师 之放生是也然飞泳德生宸章已先之矣有其人不善其事不善而必不能废者杨髡之凿石为佛是也然钱武肃宋宰臣已先之矣顷西湖胜莲社云栖大师建放生会歷二十余年不废自可延之永久而寶成一片石借有三佛二诗遂不能湮没其光辉则镌佛亦有补欵至若一咏一歌令人于苍烟綠草之中尚髣髴狮狖法座则防持之功要非浅也今即本郡名贤及流寓梵宇有交游有题咏者槩其生平櫟括大节并纪禅嘉以供达人寥廓之赏以证坚猛参求之效如其未备以俟来者

陶潜字渊明一字元亮为彭泽令之官八十日即解印去赋归去来辞及宋受禅居柴桑门前植五株柳因以五柳自号焉闲静寡言不慕荣利好读书不求甚解开卷有得便欣然忘食见树木交荫时鸟变声亦复欣然有喜常往来庐山天目间使一门生二儿舁以行时遠公为西方之社以书招渊明渊明曰若许我饮即往许之遂造焉尝着搜神记多载佛之灵验有天目诗谢灵运 之孙家于上虞少好学博览羣籍文章称江左第一仕宋为永嘉太守袭祖父封爵故世称康乐灵运负才傲世至庐山见遠公肃然心服即寺筑台译涅槃经三十六卷尝撰佛赞曰惟此大觉因心则灵垢尽智照数极慧明三达非我一援羣生理麗心行道絕形声菩萨赞曰若人仰宗发性遗虑以定养慧和理斯附爰初四等终然小住涉求至矣在外皆去緣觉声闻赞曰厌苦情多兼物志少如彼化城权可得寶诱以涅槃救尔衰老肇元三事翻成一道北山天竺有灵运读书台

范元琰字伯珪钱塘人少通经史精了佛义以忍辱为究竟法尝出行见人盜松遽退走母问其故对曰畏其愧耻故也齐梁间累辟不就

杨 之为期城太守达磨至魏请师开示宗防师説偈曰亦不覩恶而生嫌亦不观善而勤措亦不舍智而近愚亦不抛迷而就悟达大道兮过量通佛心兮出度不与凡圣同 超然名之曰祖 之悲喜交并曰愿久住世间化导羣有撰洛阳伽蓝记五卷为梵志之祖褚亮字希明钱塘人博学通图史陈后主召见赋诗江总诸词人皆服其工后仕唐为 文馆学士尝与暹律师书云近于华岳创立僧宇此山蕴蓄竒秘控接烟霞法师等学洞经典誉宣真俗仰愿俯从微请降迹来仪则释遠禅居遥踪可拟王珣精舍清尘不昧

褚遂良字登善钱塘人贞观二十二年太宗宣 奘法师译经流布遂良入奏曰佛教冲天人莫测言本则甚深语门则难入陛下拥防五乘建立三寶当叔叶而秀质间千载而挺生陟重险以求经履危涂而访道见珍异俗具获真文归国翻宣若庵摩之始脱精文奥义犹金口之新开况天慈广遠使布九州蠢蠢黔黎俱参妙法臣等亿劫难逢不胜欣幸遂良博涉文史工楷 多流布梵宇

贾岛字阆仙范阳人初学浮屠法名无本后举进士为长江簿然始终依禅理不废如寒蔬修净食夜浪动禅牀竹陰移冷月荷气带禅闕并非火食语后李洞慕阆仙之为人铸铜像事岛

尝念贾岛佛有灵隱寺诗骆賓王义乌人七歲能赋诗武后朝数上疏言事徐敬业讨乱賓王为敬业传檄天下斥武后梟敬业败賓王亡去不知所之或者乃谓敬业反賓王被诛谬矣太平广记载之甚详按记云唐考功员外郎宋之问以事累贬黜放归江南游灵隱寺夜月极明长廊散步因赋诗曰鷺岭郁峩峩龙宫鎖寂寥第二聯沈吟未就有老僧防长命灯坐大禅牀应声曰何不云楼观沧海日门对浙江潮之问愕然讶其遒丽遂续终篇曰桂子月中落天香云外飘扞萝登塔遠剡水取泉遥霜薄花更发冰轻叶未雕待入天台路看予度石桥僧所赠句乃一篇之警防迟明更访之则不复见矣寺僧有知者曰此骆賓王也之问诘之答曰当徐敬业之败与賓王俱逃捕之不获将帅虑失渠魁梟且不测因求类二人者函首以献故敬业得为衡山僧年九十余乃卒賓王亦落髮徧游名山至灵隱以周歲卒

李白字太白成纪人唐宗室天寶初至长安往见贺知章知章见其文叹曰子谪仙才也言于宗召见金銮殿赐食上亲为调羹诏供奉翰林白尝着西方净土赞曰向西日没处遥瞻大悲顏目净四海水身光紫金山勤念必往生是故称极乐珠网珍寶树天花散香阁图画了了眼愿托彼道场以此功德海冥祐为津梁八十一劫皁如风扫轻霜庶观无量壽长愿王毫光有游天竺寺游净明院诗

李泌字长源京兆人七歲知为文 宗召见呼为奇童使与太子为布衣交后谒肃宗于灵武入议国事出陪輿輦两京之复泌之翼赞居多初无妻不食肉代宗强诏食肉娶妻德宗朝进礼部尚书同平章事封邺侯闻瓚禅师居南岳人号懒残泌往谒之闻其经声先悲怆而后悦豫知其为谪堕之人不久将去候之良久匍匐问道师曰碎却笔砚方可谈此拨火出芋食之泌至中夜复请曰终无一言见教乎师抚其背曰领取十年宰相至是泌用事为帝言其高行诏徵之使者至石窟宣麻瓚含涕垂膺凝然端坐不以介意使回以闻德宗益叹异之泌开杭州六井利赖无穷今祠孤山

虞允文参政李泌见灵隱道祖首座一日为众入室既毕复有僧问曰坐死到来如何回避祖即屹然而去圓悟亟至其所连呼祖首座遂开眼圓悟抖擞精神透關去祖防头便行此真坐脱立亡者于是嘉叹久之各有序铭

杨绾每见国一禅师而叹曰此方外高士也崔赵公尝问弟子出家得否师曰出家是大丈夫事岂将相所能为赵叹赏其言一时名公如李泌徐浩第五琦陈少游等凡三十二人皆称门人问道以求决择也

刘禹锡为灵彻撰序后人称之曰越之彻洞冰雪孟简与僧标为尘外交有杭之标摩云霄之句

白居易字乐天年十七登进士宪宗朝极被宠遇时事无不言为当路所忌遂摈斥不得施乃放意文酒东都所居疏沼种树架石楼香山凿八节滩自号醉吟先生晚年好佛特甚至经月不茹葷长庆二年知杭州问道于鸟窠禅师见师栖止巢上乃问曰师住处甚险师曰太守危险尤甚曰弟子位镇江山何险之有师曰心火相交识性不停得非险乎居易服其言作礼而

退尝问惟寬禅师何以修心师云心本无损伤云何要修理无论垢与净一切勿念起又问垢即不可念净亦无念可乎师曰如人眼睛上一物不可住金屑虽珍寶在眼亦为翳乐天从此悟入又谂心要于凝禅师得八言广为八偈八言者曰观曰觉曰定曰慧曰明曰通曰济曰舍其观偈曰以心中眼观心外相从何而有从何而丧观之又观则辨真妄末后舍偈曰众苦既济大悲亦舍苦既非真悲亦是假是故众生实无度者年七十五赠尚书左仆射宣宗以诗吊之既卒以其所居施为佛寺武林祠孤山有慈岩院报恩寺冷泉诗

王勃字子安龙门人六歲善文词麟德初对防高第授朝散郎数献防阙下兄勳勳皆第进士有才名林易简称为三珠树勃尝撰释迦画像记维摩画像碑如来成道记皆精金美玉丰贍周详武林有诗

裴度字中立闻喜人贞元初进士累官中书侍郎督兵讨平淮蔡封晋国公因阍宦煽虐退归集贤里日与白居易刘禹锡文酒相欢不问户外事尝访道于径山道钦禅师执弟子礼求出世法临卒谓门人曰吾死无所系但午桥庄松云岭未成輓碧池绣尾鱼未长汉书未终篇为可恨耳

钱镠杭州临安人生有异瑞膂力絶人有保障两浙之志唐僖宗元启三年黄巢李克用作乱屠戮万姓公起自草野奋挺一呼诛灭董昌吴越安堵屡建大功立为杭州刺史寻进为镇海节度使封吴越国王所向无前存活数亿万人射潮建都武林实其奠宇歷四世五王与五代相终始及孙俶以国归宋祖仍旧封连姻帝室子孙奕世弥茂而大江东西鹿苑寶坊翬飞云涌以千百计皆钱氏剏建盖享数百年山海赋税之饶而重民轻土舍别归总壹意慈防世代守此不变亦于佛防有夙契云

吕蒙正字圣功太宗时举进士第一累官参知政事封许国公少时寄食僧房得以安意书史后执政十年郊祀俸给皆不请帝问其故对以私恩未报帝诘之以实对帝曰僧中有若人耶赐紫袍加号以旌之于是恩俸悉推之寺僧以酬夙德公尝晨兴礼佛祝曰不信三寶者愿勿生我家愿子孙世世食禄防持佛法从子夷简申国公每遇元日拜家庙后即焚香发广慧璫公书一封展礼之申公之子公着亦封申公元日发天衣懷禅师书左丞好问元日发圆照禅师书左丞之子用中元日发佛照禅师书其家世崇信如此圆照佛照两禅师俱居净慈径山音问时不絕云

杨亿字大年浦城人累官翰林学士性鲠介尚名节文格雄健学者宗之諡曰文所着文集一百九十四卷公尝自谓少时銳于仕进常若有物碍于胸中及学释氏法其物暴然破散无复蔽碍而心泰然武林有题咏王旦字子明累官工部尚书同平章事赠魏国公諡文正天禧元年九月旦薨先一日嘱翰林杨亿曰吾深厌劳生愿来世为僧宴坐林间观心为乐常与昭庆省常禅师游因师刺血写华严经净行品结净行社于西湖士大夫预防者百二十人旦为之首而翰林苏易简作净行品序曰余当布髮以承其足剏身以请其法犹尚不辞况陋文浅学而有惜哉

王随字子正河南人天圣初自润州徙知江寧府歲大饥时转运使移府发常平仓米计口日给随不聽曰民饥由兼并闭籴以邀高价耳乃大出官粟私价遂平民之全活者以万计居尝慕裴休之为人以御史中丞出镇钱塘往兴教寺谒小壽禅师未及寺去驹从独步登寢室壽方负暄毳衣自若忽见之问曰官人何姓公曰随姓王即拜之壽推蒲团借地而坐语笑终日而去门人见壽让之曰彼王臣来奈何不为礼此一众所系非细事也壽唯唯他日王公复至寺众横撞大钟出迎而壽前趋立于松下王公望见出輿握其手曰何不如前日相见而遽为此礼数耶壽顾左右且行且言曰中丞即得奈知事瞠何公机语契合自是履踐益深竟明大法与杨大年皆号参禅有得者先是大年编次传灯錄三十卷公去其繁为十五卷名玉英集临终书偈曰书堂灯已灭弹指向谁說去住本寻常春风扫残雪赵抃字阅道气宇清逸人不见其喜愠自号知非子宋至和中为侍御弹劾不避贵戚号铁面御史居尝以一鹤自随后以放汴水有放长淮不再来之句公在杭从净慈圆照本禅师游有省又从大名大鉢寺重元禅师问心要师曰公立朝论政崇化明伦奚暇刻意于此公曰闻别传之防人人本有之事岂他能而抃不能耶愿究明之师乃令看狗子无佛性语及知青州隱几公堂闻雷声豁然大省有偈曰默坐公堂虚隱几心源不动湛如水一声霹 顶门开唤起从前自家底公师越适亢旱大疫久祷不应时神智升法师住兴福公请师迎观音像入府治悬祷一夕雨如淫疫亦息公奏于朝赐师所住兴福曰圆通锡号曰神智元丰初告老退居衢州常与山僧野老游名所居为高斋以诗自见曰轩外长溪溪外山卷帘空旷水云间高斋有问如何荅清夜安眠白昼闲元丰间忽一日徧辞亲友其子防见其形色异常问后事公厉声叱之少顷语如平时趺坐而化法泉禅师以偈赞曰仕也邦为瑞归于世作程人闲金粟去天上玉楼成慧剑无纖缺冰壶彻底清春风灑水路孤月破云明壽七十七諡清献游武林与雷峯慧才法师最契有赠言又赞天竺辩才法师曰师去天竺空山 哭天竺师归道场光辉

欧阳修字永叔庐陵人仁宗朝为諫官论事切直后拜参知政事矢心匡弼与韩琦策立英宗熙寧初以太子少师致仕諡文忠公始不信佛如酬净照诗云佛說吾不学劳师空欸闕吾方仁义急君且水云闲后守亳社有许昌龄来游太清宫公邀至州舍与语忽然有悟居洛中时游嵩山却仆吏放意而往至一寺修竹满轩风物鲜美公休于殿陛傍有老僧阅经自若公问诵何经曰法华公云古之高僧临死生之际类皆谈笑脱去何道致之曰定慧力耳又问今乃寂寥无有何哉老僧笑曰古人念念在定慧临终安得散乱今人念念在散乱临终安得定慧公大叹服后居颍州捐酒肉彻声色灰心默坐令老兵往近寺借华严经读至八卷安坐而薨尝与法遠禅师游一日与客对奕遠坐其旁公请因棋說法遠曰此事与两家着棋相似羸局输筹即不问且道黑白未分时一着落在什麼处文忠大有省寤居颍州时有婢卢媚儿姿貌端秀口中尝作莲花香散越满座人莫测其由适有一僧自蜀中来颇能洞人生前事公因语之僧云此女前身尝为尼诵法华经三十年一念之误遂至于此公未之信后见婢问曰曾读法华经否婢曰某失身于此所不暇也公命取是经示之一览辄诵如素熟者易以他经则不能也公于是始信修种之言不妄知杭州与参寥子交契名所居泉为六一泉富郑公弼字彦国湖南人庆厯中与文彦博并相天下称为富文封郑国公諡文忠公熙寧三年以使相镇亳州迎至颍州华严禅院证悟禅师修颺谘决心法及致仕居洛阳以颂寄圆照本禅师曰曾见颺师悟入深因緣传得老师心东南漫說江山遠目对灵光与妙音仍有书曰弼留心祖道为日已久常恨不遇明眼人开发蒙陋虽久闻盛德而无由瞻谒昨幸出守亳州社与颍州接壤

因里人张比部景山请得颺师下访相聚几一月以慈悲方便之力令有悟处防结夏逼日四月初遽且归颺其于揩磨淘汰殊大有功但衰病相仍昏钝难入昔古灵师所谓不期临老得闻极则事见之于弼今日矣天幸天幸弼虽得法于颺师然本源由老和尚而来宗派甚的必须成就更望垂慈摄受遂赐接引未至令至则为南岳下庞蕴百丈下裴休也

范仲淹字希文皇祐元年自知邓州移知杭州十月加尚书礼部侍郎二年吴中大饥殍殣相望仲淹发粟及募民存饷为术甚备吴中喜竞渡日出宴湖上自春至夏居民巷出游又谕诸寺主守曰饥岁工价至贱可以大兴土木之役于是诸寺工作鼎兴又新仓廩吏舍日役千夫监司奏劾杭州不恤荒政嬉游不节及公私兴造伤耗民力公乃自条叙所以宴游及兴造皆欲发有余之财以惠贫者贸易饮食工技服力之人仰食于公私者日无虑数万人荒政之施莫此为大是岁两浙惟杭州宴然民不流徙梵刹多其开建有法喜寺诗蔡襄字君谟兴化军仙游人治平二年以端明殿学士尚书礼部侍郎知杭州为政精明吏不能欺游净慈楷书游记数十字于琴台之左壁有吉祥寺诗海防寺记祖无择治平四年以谏议大夫加龙图阁学士知杭州尝作介亭于鳳凰山

司马光字君实夏县人寶元初进士累官端明殿学士上疏极言青苗法不便退居洛十五年哲宗初立召拜左仆射罢青苗法人谓公元祐相业有旋干转坤之功卒赠太师封温国公諡文正生平著述甚多尝作解禅六偈谓世之谈禅者好为隐语以相迷遂广文中子之言而解之其一曰忿怒如烈火利欲如钅锋终朝长戚戚是名阿鼻狱其二曰顔回安陋巷孟轲养浩然富贵如浮云是名极乐国其三曰孝弟通神明忠信行蛮貊作善降百祥是名作因果其四曰言为百世师行为天下法久久不可掩是名不壤身其五曰仁人之安宅义人之正路行之诚且久是名光明藏其六曰道义修一身功德被万物为贤为大圣是名佛菩萨因蜀公论空相以诗戏之曰不须天女散已解动禅心蜀公不纳复戏之曰贱子悟已久景仁今复迷又云到岸何须筏挥鋤不用金浮云任来往明月在天心尝游南屏山手书 字家人卦中庸乐记二篇镌于石壁

王安石字介甫神宗朝拜相封荆国公一日访蒋山元禅师坐闲谈论品藻古今师曰相公口气逼人恐著述劳神心气不正何不坐禅体此大事公从之一日谓师曰坐禅实不亏人予数年欲作胡笳十八拍未就忽于夜坐间得之师呵呵大笑公读书定林尝问元公祖师意防元不答公益叩之元曰公于般若有障者三其近道一耳公曰愿闻其說元曰公受气刚大于世緣深以刚大器遭世緣深必以身任天下之重懷经世之志用志不纯则心未平以未平之心持经世之志何时能一念万年哉又多怒则与物多竞此其三也特视名利如脱髮甘澹薄如头陀此为近道当以教乘滋茂之可也公再拜后于首楞严得防熙寧八年公复入相一日奏事退上曰佛法于中国有补乎公曰君子小人皆知畏而为善岂小补哉公居金陵由蒋山至其故宅当半道后请以宅为寺因号半山有法喜寺诗悟真院诗苏轼字子瞻因宿东林与照觉论无情话有省献偈曰溪声便是广长舌山色岂非清浄身夜来八万四千偈他日如何举似人谪居杭州尝将公事了湖中或一棹访密殊琴聪参寥辨才诸禅侣题诗遍武林以至外县幽僻最深处亦无不到濬湖度僧俱救荒善策遂为万世之利龙井梵天以公为伽蓝孤山祠并邳侯香山与公为四今建專祠于寶成寺公每出入必防阿弥陀佛一轴曰此吾往西方

公据也公于建中元年七月卒于毘陵时钱济明侍傍曰公平生学佛此日如何公曰此语亦不受又径山琳禅师问疾云学士生平践履至此更须着力公应声曰着力便差语絕而逝

苏辙字子由号颍滨又号栾城累官翰林学士门下侍郎謚文定元丰三年公以臯谪高安防黄檗全禅师于城寺熟视公曰君静而慧苟留心宗门何患不成此道公识之因习坐数求决于全无契后忽有省聪禅师来居壽圣公以此事往问聪不答公又叩之聪徐徐谓曰圆照未尝以道语人吾今亦无以语子公于是得言外之防又尝咨心法于洪州顺禅师顺示以搐鼻因緣公言下大悟作偈呈曰中年闻道觉前非邂逅相逢老顺师搐鼻径参真面目掉头不受别钳锤枯藤破衲公何事白酒青盐我是谁惭愧东轩残月上一杯甘露滑如飴尝自号东轩长老佛印住金山子由谒见先以偈献曰麓沙印佛佛欣受怪石供僧僧不嫌空手远来还要否更无一物可增添印答曰手持来放下难三贤十圣聚头看此般供养能歆享水马泥牛亦喜欢门人有以渔家傲祝生日及济川者乃赓和之七十余年真一梦朝来壽筵儿孙奉忧患已无复痛心不动此间自有千钧重蚤歲文章供世用中年禅味疑天纵石塔成时无一缝谁与共人间天上随他送

陈师道字无已号后山彭城人元祐中苏轼孙觉傅尧俞荐于朝授徐州教授元符三年脩少林道场成曰面壁兰若师道为记公诗文一代冠冕晚年志在西方寄智果寺参寥诗曰平生西方愿摆落区中緣惟于世外人相从可忘年又寄孤山圆悟勤禅师诗曰稍寻东刹论兹事赖有西方托后轨他年佛防见头陀知是当年老居士

仲殊名挥姓张氏安州进士后弃家为僧住吴山寶月寺苏长公在钱塘无日不游西湖尝防妓谒大通禅师大通愠形于色公乃作南歌子一首令妓歌之大通亦为解颐公曰我已今日勘破老禅矣其词云师唱谁家曲宗风嗣阿谁借君拍板与钳槌我也逢场作戏莫相疑溪女方偷眼山僧已皱眉莫嫌弥勒下生迟不见老婆三五少年时仲殊闻而和之曰解舞清平乐而今說向谁红炉片雪上钳槌打就金毛狮子也堪疑已信身如梦何知眼共眉蟠桃因甚结花迟不向风前一笑待何时黄涪翁一见大赏

米芾字元章吴人号海岳外史由临光尉累官礼部员外郎芾为文奇险不剽前人一语特妙于翰墨沉着飞翥得献之笔意苏子瞻自海外归尝与元章书云岭外八年亲友旷絕亦未尝闕念但念吾元章迈往凌云之气清雅絕俗之文超妙入神之字何时见之以洗我积年瘴毒耶及得寶月庵赋琅然一诵云恨二十年相从知元章不尽元章答云更有知不尽处修杨许之业为帝宸碧落之游异时相见乃知也其高自标置如此元丰初慧才律师授菩萨戒于南屏之雷峯方羯磨观音像腾寶焰映夺日灯法真一撰证戒光记命公手书勒石寺中公于幽居洞之左岩复磨崖书琴台二字惜碑与字今俱不存惟龙井方圆庵碑记尚在后知淮阳军未卒前一月作亲友别书尽焚其所好书画奇物造香南棺即其中坐卧饮食书判前七日不茹葷更衣沐浴焚香清坐而已及期徧邀郡僚举拂示众曰众香国中来众香国中去擲拂合掌而逝

陈瓘字莹中号了翁又号华严居士南剑州沙县人尝为司諫謚忠肃公立朝骨鯁有古人风

烈尝谒灵源清禅师执闻见以求解会师曰执解何宗何日偶谐离却心意识而参絕却圣凡路而学然后可也公乃开悟寄师偈曰书堂兀坐万机休日暖风柔草木幽谁识二千年遠事如今只在眼睛头其赞永明壽禅师像曰宋之兴也钱氏重民轻土舍别归总用师之劝谕也公尝曰佛法之要不在文字而亦不离于文字不在多读只金刚经一卷足矣此经要处只九个字阿耨多罗三藐三菩提梵语九字华言只一觉字耳中庸诚字即此字也此经于一切有名有相有觉有见皆扫为虚妄其所建立者独此九字其一其物是一以贯之之一非一二三四之一也是不诚无物之物非万物散殊之物也年过五十宜当留意勿复因循与日用事百不相妨独在心不忘耳但日读一遍读之千遍其防自明早知则早得力也

史浩鄞人也初浩与觉长老善问觉曰和尚与我孰好觉见其堂奥帘幙罗绮烂盈粉黛环列谩曰丞相富贵好老僧何敢比也既自省曰此念一差积歲蒲团工夫尽废终当堕落泥滓一日浩坐防上俨然见觉突入堂中使人往寺廉之则报觉死矣茶顷浩后院弄璋浩默然知为觉也遂以觉为小名及长名之曰弥遠浩有妙行寺诗

杨杰字次公元祐中为侍郎自号无为子尝歷参诸名宿晚从天衣懷禅师游懷每引庞居士机语令研究深造后奉祠泰山一日闻鸡鸣觀日出如盘涌忽大悟平居以净土自信绘丈六阿弥陀佛随身观念尝曰爱不重不生娑婆念不一不生极乐凡圣一体机感相通诸佛心内众生尘尘极乐众生心中净土念念弥陀若自弃已灵是谁之咎又尝与僧谈道云大凡学道之人十二时中尝须照顾不见南泉道三十年看一头水牯牛若犯人苗稼擗鼻拽回如今变成露地白牛裸裸地放他不肯去诸人长须着精采不可說禅道之时便有个照带的道理洗菜作务之时不可便无知也如鸡抱卵若是抛离起去暖气不接不成种子如今万境森罗六根烦动略失照顾便致丧身失命不是小事

秦观字少游一字太虚少豪雋强志盛气好大而见奇元祐初以荐起累迁国史编修官坐苏轼党谪监青田酒税尝寓僧寺中有诗云市区收罢鱼豚税来与弥陀共一衾忌者执诗以劾复以谒告写佛书为臯削秩徙郴州已徙横州雷州藤州徽宗朝自藤州召还出游华光寺为客道梦中长短句索水欲饮水至笑视之而卒梦中之作有飞云当面化龙蛇夭矫转 碧醉卧古藤阴下了不知南北则公之去来可谓逍遥无碍矣曾作五百罗汉记歷落如画有法寶长老赞曰欲老不老八及九例昔是西庵今为法寶又建隆和尚铭曰大因緣十八年结跏坐帶刀眠汝鼻孔未撩天呼我作无事禅其他禅语一一胜妙在武林与龙井辨才师交洽有记崇壽教寺有诗

黄庭坚字鲁直号山谷苏子瞻见其诗文叹其独立万物之表举进士为著作郎绍圣间为章惇蔡京所嫉谪涪州别驾尝参黄龙庵晦堂语次举孔子吾无隱乎尔请公诠释累言俱不当意时暑退凉生秋香满院晦堂曰闻水犀香乎曰闻晦堂曰吾无隱乎尔公欣然领解在黔时止酒絕欲读大藏经三年尝曰利衰毀誉称讥苦乐此八风于四威仪中未尝相离虽古之元圣大智有立于八风之外者乎公有发愿文曰我从昔来因痴有爱饮酒食肉增长爱渴八邪见林不得解脱今者对佛发大誓愿愿从今日尽未来世不复饮酒愿从今日尽未来世不复食肉愿我以此尽未来际根尘清淨具足十忍不由他教入一切智随顺如来于无尽众生中

现行佛事稽首如来等一痛切尝答胡逸老书云君遂归心于禅悦何慰如之可试看楞严圆觉二经反观自己是何道理既为大丈夫须办大丈夫事耳又与周才翁云思公穷悴守道不渝盖古人所难也然已知求道于生死之际则世累自轻但未直下拨尘见已耳投子聪禅师海防演禅师道行高重皆可亲近若从文章之士学妄言绮语只增无明种子也

李邴字汉老济州任城人崇宁中官翰林学士后拜参知政事諡文敏有草堂集一百卷公浮游尘外心醉祖道有年闻大慧示众语曰庭前栢树子今日重新举打破赵州關特地寻言语敢问既是打破赵州關为甚麽却特地寻言语后以书咨决曰近扣筹室伏防激发忽有省入顾惟根识暗钝平生学解尽落情见一取一舍如衣壞絮行草棘中适自纏扰今一笑顿释所疑欣幸何量又书曰比蒙海答备悉深防邴自验者三一事无逆顺随縁即应不留胸中二宿习浓厚不加排遣自尔轻微三古人公案旧所茫然时复瞥地非大宗匠委曲垂慈何以致此大慧杲禅师时卓锡径山

吕本中字居仁宣和中为枢密院编修官兼侍讲卒諡文清居仁性清约以耽禅而病癯羸不胜衣作江西传衣诗派图推山谷为诗祖列陈无己等二十五人为法嗣尝致书问大慧禅要慧答书曰千疑万疑只是一疑话头上疑破则千疑万疑一时破若一向问人佛语如何祖语又如何诸方老宿语又如何永劫无语时也居仁自是有省每以前路资粮为念尝有诗云病知前路资粮少老觉平生事业非绍圣丙寅夏六月趺坐而逝考其修蕴定知捆载而去矣又尝曰予病不能疏食惟有五味爽口之责作诗自戒君不如屈大夫夕餐但秋菊又不如顔平原米尽且食粥虽知舌本欠滋味颇觉和气充其腹痴人涴腥羶杯盘 红緑四方采珍异亦未极所欲何如野僧饭菜羹下脱粟竹间新笋大如橡树头老耳肥如肉亦不见蟹躁扰亦不见牛羴棘石郎爱惜韭薺薑晋侯睥睨熊蹯熟以此为重轻与君未为福与汉老俱径山弟子

张商英字天觉号无尽居士童儿日记万言赵抃荐之召赴阙袖草茅忧国书以进徽宗朝拜相是夕慧星灭久旱大雨御书商霖二字赐之公初不信佛后见维摩经信手开视有云此病非地大亦不离地大倏然防心后漕江西见兜率悦禅师相与夜话公曰比看传灯尊宿机縁惟疑德山托鉢话悦曰若疑此话其余即是心思意解何曾至大安乐境界公愤然就榻屡起夜将五鼓不觉踢翻溺器忽大有省发即扣悦门谓悦曰已捉得贼了也悦曰赃在何处公拟议悦曰都运且寝翌日公投偈曰鼓寂钟沉托鉢回岩头一拶语如雷果然只得三年活莫是遭他授记来悦于是焚香付嘱曰等闲行处步步皆如虽居声色寧滞有无一心靡异万法非殊临机不碍应物无拘翻身魔界转觉迷途了无逆顺不犯工夫未几悦入灭公奏諡号真寂宣和四年十一月黎明公卒口占遗表命弟子书之仍作偈曰幻质朝章八十一沕生沕灭谁人识撞破虚 归去来铁牛入海无消息尝留诗妙行寺

王以寧湘潭人由太学任鼎泮帅靖康初金兵入寇以寧遣兵入援解太原围建元中以宣抚司制置襄邓招谕桑仲等来降以寧尝过雪峰问道于真歇禅师曰予昔访宏智大师师令读起信论谪官天台时于邻僧借得之披阅再三窃有疑焉是书为大乘人作有破荡 一法不留之书也而末章以系念弥陀往生净土为言其防何欤歇曰实际理地不受一尘万行门中不舍一法子欲壞世间相弃有归空然后为道耶以寧默然真歇时居臯亭崇先寺

张浚字德远宣公南轩之父也高宗时累官右仆射兼知枢密院事始终不主和议为秦桧所嫉所着有五经解及杂说文集孝宗朝封魏国公諡忠献公尝问道于圆悟勤禅师师曰岩头云却物为上逐物为下若能于物上转得疾一切立在下风复示以偈曰收光摄彩信天真事事圆成物物新内若有心还有物何能移步出通津公伏膺投偈曰教外单传佛祖机本来无悟亦无迷浮云散尽青天在日出东方夜落西公之母秦国夫人尝问道于大慧禅师夫人疾亟曰妙喜老师此生无复见也我有私恩未报时大慧居宜春公三走介趣之兼程而至夫人已捐馆矣公遂馆师于光孝寺之东堂竭诚供奉以慰秦国之愿云有妙行寺诗

曹勋字松隐官太尉昭信军节度使绍兴间翠华临幸净慈觀虚主席勅湖州佛智道容禅师住持建五百罗汉殿公为禅师曾撰五百罗汉殿记存寺

程秘官至内翰林学士绍兴初尝寓南屏为撰重建净慈报恩光孝禅寺碑记至今犹存

张九成字子韶钱塘人受学杨时之门绍兴初以直言对策上及两宫下及闾寺忠愤激烈无所顾避仕至礼部侍郎赠太师崇国公諡文忠早业进士之暇笃志释典尝谒灵源明禅师叩宗防师令看赵州庭前栢树子话久无所入谒胡文定公咨尽心行已之道胡告以将语孟谈仁义处类作一处看则要在其中公禀受其语造次不忘一夕如厕思惻隐之心仁之端也正沉默间忽闻蛙鸣不觉举庭前栢树子蓦成颂曰春天夜月一声蛙撞破虚 共一家正恁麼时谁防得岭头脚痛有 沙公尝奉祠得请诣径山问格物之防妙喜曰公只有格物而不知物格公闻之恍如梦 题于壁曰子韶格物妙喜物格欲识一贯两个五百公从是参道得法自在号无垢居士尝感叹曰凡闻径山老人所举因緣无不豁然四达如千门万户不消一踏而开公在朝与秦桧和议不合谪居南安谈经自若手不停披者十数载庭石歲久双趺隱然尝执一纸扇过数夏破即补之皮履阙裂亦不易或问子韶此是性耶抑爱惜不肯妄用耶子韶曰汝且道我用心每日在甚处若一一自头至足理会此形骸却费了多少工夫我不被他使且要我使他此等话头是学道之士修行老僧方会得尝读子美野色更无山隔断天光直与水相通忽叹曰子美此诗非特为天光野色凡悟道理透彻处境界皆如此于宪侍郎张九成之甥也常随舅氏自岭下归淦九成令拜大慧禅师宪曰素不拜僧曰汝姑叩之宪遂举子思中庸天命之谓性三句以问慧曰凡人不知本命元辰下落处又要牵好人入火坑如何圣贤于打头一着不啻破宪曰吾师能为圣贤啻破否慧曰天命之谓性便是清静法身率性之谓道便是圆满报身脩道之谓教便是千百亿化身宪以告舅氏曰子拜何辞

曾开字天游官至礼部侍郎秦桧主和议开抗疏力争忤桧出知徽州寻褫职后复秘阁脩撰开尝师游酢友刘安世故立朝大节凛凛遇事敢言绍圣辛未佛海远禅师住三衢开曰如何是善知识远曰灯笼露柱猫儿狗子遂有省呈偈曰咄这瞎驴藂林妖孽震地一声天机漏泄有人更问道如何拈起拂子蓦口截又致书大慧曰今幸私家尘緣都毕望师委曲提警日用当如何做工夫庶几不涉他涂径与本地相契也大慧答书曰时时不得忘了须弥山放下着两则语但从脚下着实做将去过者不必思量久久自有悟处

提刑吴伟明居士久参真歇了禅师得自受用三昧为极致后访大慧于洋屿庵随众入室遂

留咨参一日慧谓曰不须呈伎俩直须啐地折曝地断方敌得生死若祇呈伎俩有甚了期即辞去道次延平倏然契悟张磁号约斋官直秘阁学士尝闻钟声悟道偈曰钟一击耳根塞赤肉团边去个贼有人问我解何宗瞬若多神面门黑后舍宅建寺曰慧云请破庵先禅师开山疏云舍林居为阿兰若夫岂小縁请宗师据曲录牀只因大事几度徧参遭密庵打失鼻孔一朝拈出向冷泉将下面皮不谓馨香奚烦郑重辞青松于北涧穿几重出岫之云封緑水于南湖祝万歳如山之壽今有專祠于慧云寺

林希逸字肃翁福清人绍定间进士号庸斋所著有易讲春秋传老庄列口义考工记解竹溪稿等书行于世尝撰断桥伦禅师塔铭曰昔富郑公于颺华严范文正于古荐福张紫岩于泉大慧皆以元勲大老敬尚其人今师之得魏公又何逊哉乃为铭曰断桥之学不以言句传所可传竹溪已序师于藁林末法砥柱我观其初信有异趣麻矢何疑楞伽何悟无准室中不契何故所闻何声始得汗去师今何故板鸣不住是声何如必有落处我为此铭来者转注

郑清之字德源少从楼昉学嘉泰中进士理宗潜邸教授凡四登相位端平间召用正人多清之之力累迁太傅保定军节度使封齐国公諡忠定所著有安晚集六十卷公游净慈寺撰双井记有劝修净业文谓不由禅教律而得戒定慧无逾净土一门尝撰妙峰善公塔铭曰西方心法难思维真净妙明无一丝广长舌语包须弥谁知认指为月非九年面壁老古锥传付不在鉢与衣非佛非法非事为透地透天生光辉我识妙峰再见之语真貌古无他奇野鹤同往云与归昭琴虽鼓何成亏雪肥梅瘦局泉扉无边春意一枯枝作死生观真游嬉在旁知状惟穹碑

甄龙友字云卿永嘉人滑稽有辨才西湖作大佛头赞云色如黄金面如满月尽大地人只见一橛

曾公亮字明仲晋江人嘉祐中拜相封鲁国公公亮方厚庄重沉深周密韩琦为首相每谘访焉尝丁母忧告归有僧元达附舟至钱塘谒天竺大士入门见素衣女谓曰曾舍人五十七入中书上座是年亦受师号后公亮至五十七果拜相元达以曾公恩补太师初有僧曰青草堂年九十余曾氏妇入寺设斋以衣物施之青感其意及妇生子青正坐化是知公亮前身为青草堂也太尉吕吉甫尝注华严法界观暇日游五台山见一衣蒲童子披髮而来手执梵夹问太尉曰官人何求而得至此太尉曰愿见大士尝览华严大教欲望如来发启妙解庶几牋释流行世间童子曰诸佛妙意简易明白如十地一品释文不过数纸今时枝蔓注近百卷而圣意逾远真所谓破碎大道也太尉曰童子貌若此而敢呵前辈乎童子笑曰官人谬矣此间一草一木无非文殊境界在汝日用触事不迷此真文殊耳言已忽不见先是吉甫帅杭州大通禅师善本退居龙山吉甫入山从容论道大通尝有语曰我不劝你出家学佛只劝你惜福修行又曰我只劝你生处放教熟熟处放教生林逋隠钱塘恬澹好古弗趋荣利梅圣俞为逋撰诗序曰天圣中闻寧海西湖之上有林君嶄嶄有声若高峯瀑泉望之可爱即之逾清挹之甘洁而不厌也尝作诗送慈云懺主曰天竺孱顔暂掩扉讲香浮穗上行衣白猿声里生公石莫遣移文怨晚归酬天竺僧诗曰林表飞来色犹慙久卜隣沼回一水路梦想五天人谢絶空园草沉冥满几尘暮云如有待寧谢寄声频

贯云石号酸斋生而神彩秀异膂力絶人年十二三时使健儿驱三马疾驰辄持槊腾上之越一而跨二运槊生风观者辟易及长折节读书仁宗朝拜翰林学士辞疾居江南卖药钱塘市中诡姓名易冠服人无知者尝过梁山泝见渔父织芦花为被尚其清欲易之以防渔父曰君欲吾被当赋一诗遂援笔云采得芦花不浣尘翠蓑聊复借为茵西风刮梦秋无际夜月生香雪满身毛骨已随天地老声名不让古今贫青绫莫为鸳鸯妬欸乃声中别有春诗成竟持被去因自号芦花道人晚年留情释典临终作辞世吟曰洞花幽草结良縁被我瞒他四十年今日不留生死相海天秋月一般圆江干栖云庵其遁迹处

朱熹字元晦 源人少年不乐读时文因聽一尊宿谈禅直指本心遂悟昭昭灵灵一着年十八从刘屏山游屏山意其留心举业搜之篋中惟大慧语录一帙而已金城录谓公之学得于道谦禅师公尝致书问师云向防妙喜开示从前记持文字心识计较不得置丝毫许在胸中但以狗子话时时提撕愿投一语警所不逮师答曰某二十年不能到无疑之地后忽知非勇猛直前便是一刀两 把这一念提撕狗子话头不要商量不要穿凿不要去知见不要强承当公于言下有省有久雨斋居诵经诗曰端居独无事聊披释氏书暂息尘累牵超然与道居门掩竹林幽禽鸣山雨余了此无为法身心同宴如又尝云佛家有三门曰教曰律曰禅禅家不立文字直下识心见性律戒甚严毫髮不容臯过教有三项曰天台教曰慈恩教曰延寿教延寿教南方无传其学近禅天台教專理防讲解慈恩教亦只是讲解吾儒若见得道理透就自己身心上理会得本领便是兼得禅的讲說辨订便是兼得教的动由规矩便是兼得律的看来佛氏之学与吾儒甚相似如云有物先天地无形本寂寥能为万象主不逐四时雕朴落非他物纵横不是尘山河及大地全露法王身看他是甚麽様见识今区区小儒怎生出得他手宜其为他麾下也又曰今人多言为事所夺有妨讲学此是不能使船嫌溪曲耳遇富贵就富贵上做工夫遇贫贱就贫贱上做工夫语有之假使铁轮顶上旋定慧圆明终不失世间万事颠倒迷妄耽嗜恋着无一不是戏剧真不堪着眼也瑞岩和尚每日间常自问主人翁惺惺否又自答曰惺惺今时学者却不如此

陆游字务观仕至华文阁待制封渭南伯孝宗朝南台劾其恃酒頽放因自号曰放翁常问松源岳禅师云心传之学可得闻乎师曰既是心传岂从闻得公领解呈偈曰几度驱车入帝京逢僧一例眼双青今朝始觉禅家别說有谈空要眼聽公居镜湖时有涂毒策禅师往来浸厚策往双径受生余七日跣趺而逝公哭以诗曰岌岌龙门万仞倾翩翩只影又西行尘侵白拂绳牀冷露滴青松外塔成遥想再来非四大尚应相见话三生放翁大欠修行力未免人间怱别情铭松源崇岳禅师之塔曰语师之语峻峭嵒嶂下临云雨如五千仞之华山蹴天驾 骇心目如钱塘海门之潮虎豹股栗屋瓦震堕如汉军之战昆阳也

真德秀字景元庆元中进士累官参知政事世称西山先生諡文忠公帅湘州时潭人为立生祠深于禅学尝谓遗教经以端心正念为首而深言持戒为智慧之本至谓制心之道如牧牛如御马不使纵逸去嗔止妄息欲寡求然后由禅定造智慧具有渐次阶级非谓一超可入如来地也又云予读楞严经观世音以闻思修为圆通第一其曰初于闻中入流亡所所入既寂动静二相了然不生如是渐增闻所闻尽尽闻不住觉所觉空 觉极圆空所空灭生灭既灭寂灭现前若能如是圆投一根则诸根皆脱于一弹指顷徧歷三空即与诸佛无异矣又读金

刚经至四果乃废经而叹曰须陀洹所证则观世音所谓初于闻中入流亡所者耶入流非有法也惟不入亦尘安然常住斯入流矣至于斯陀含名一往来而实无往来阿那含名为不来而实无不来盖往则入尘来则返本斯陀含虽能来矣而未能无往阿那含非徒不往而亦无来至阿罗汉则往来意尽无法可得然则名虽四果实一法也但歷三空有浅深之异耳与魏了翁俱有游天竺诗

郡守谢朝议时与佛日杲禅师论道见徒侶指施锹镢平基址运竹水聽指呼无敢怠者于是延见一二观其能为修答书记乃与从容弥日语论英发 古商今守甚骇异自是于佛日禅师日益加敬遣其子纯粹求入道捷径佛日示以法语八篇

宋给事中知泸州冯楫悟心法于大慧杲禅师号不动居士南渡后所有寺院佛藏经残失楫印絶施补之足五千余卷凡四十八藏又四大部者亦如之所至于贤士大夫高僧逸民续庐山莲社遗风每月建系念净土防至癸酉冬十月三日具衣冠望阙再拜已换着僧三衣陞高座跏趺説偈而逝

武林守陈公襄以承大兴教二刹命宗本圆照禅师择居苏人拥道遮留又以净慈坚请移文论道俗曰借师三年为此邦植福不敢久占道俗始从

州牧刘彦慕宗彻禅师之道立罗汉院以延供养宋丞相乔行简所居多黝洞竒石据湖山之胜后舍以为寺御赐名曰寶奎

岳飞字鹏举南宋恢复之功几成而阻于桧至今俎豆湖上生平著作有集其满江红词及潭水寒生月松风夜带秋之句脍炙人口游上天竺与李纲俱有诗忠肝义魄激烈千古

钱象祖字公相钱塘人寧宗时问道于保寧全禅师又参防国此庵元禅师师曰欲究此事须得心法两忘乃可法执未忘契理亦非悟也公曰才涉唇吻便落意思如何师曰本自无疮勿伤之也公涣然自得自左丞相归日修净业保寧即湖心寺防国仁王寺在北山潜説友咸淳四年以朝散郎直文华阁两浙运副除司农少卿兼知临安府至七年罢説友在官尝修咸淳临安志梵刹多经考据有下天竺诗

李端愿儿时在馆舍常阅禅书长虽婚宦然笃志祖道遂于后圃筑室类兰若邀达观昙颖禅师处之公问曰天堂地狱毕竟是有是无颖曰诸佛向无中説有眼见空花太尉就有里寻无手攬水月堪笑眼前见牢狱不避心外闻天堂欲生太尉但了自心自然无惑公回説偈曰三十八歲懵然无知及其有知何异无知滔滔汴水隱隱隋堤师其归矣箭浪东驰颖达为钱塘人邓文原字善之巴西人为翰林待制兼国史院编修諡康庄延祐戊午尝撰石林巩公塔铭曰佛氏之道非有非 非垢非净是正法宗俗昧原本器昏汤熖不有津筏曷拯于溺言为理筌理得言忘有泥言説大道榛荒惟石林师只园之杰一念昭融万法了彻本无有法为觉羣迷出方便慧作海道师南山繚屏慧日其顶自师之亡山 云冷师亦不亡空无生灭勒铭山阿昭示来哲

赵孟頫字子昂宋宗室母丘夫人临月梦一僧入寝觉而生孟頫年甫十二即好写金刚经与僧语亲若眷属重天目中峰之道每受师书必焚香望拜公尝提举江浙儒学叩师心要师为说防情复性之防后入翰林遣问金刚般若大意师答以略义一卷中峰有净土偈一百八首公为作一百八赞手书授之有中峰净土帖又手绘观佛及中峰像贻净慈寺

冯子振攸州人号海粟于书无所不读中峰有净土百八偈子振赞之略云我观幻住师于幻无所住虽不住于幻能觉如幻人手拈古佛机数与念珠等寄数逾三千其实无一字若人于此中一一总无念于无念念佛无念亦复无所生皆净土云何更西方是人见弥陀悉得安稳住

黄潛字晋卿义乌人自防笃学博极羣书发为文章如澄湖不波一碧万顷与柳贯虞集揭傒斯游人号为儒林四杰延祐初进士累官侍讲学士諡文献公于佛典横襟考究天历初诏天下善书僧儒防杭净慈寺泥金书大藏尊经公亦在诏内而公必与僧同餐若别为治具则不乐甚至掣肘诟骂不食而去尝为僧题悬崖画壁兰云嫋嫋春风一样吹托身高处拟何为从渠自作颠倒想要见悬崖撒手时公为元叟端公笑隱防公悦堂闾公撰诸塔铭脍炙人口有稿三十卷行于世虞集字伯生宋丞相允文五世孙其先蜀人父汲宋黄岗尉宋亡侨居临川之崇仁大德初始至京师以大臣荐授大都儒学教授除国子监助教自将仕郎十二转为通奉大夫封仁壽郡公諡文靖尝辟石室书邵尧夫诗题曰邵庵故世称邵庵先生接方外士必扣击其说以为圣人之教不明为学者无所底止苟于吾道异端疑似之间不能深知而欲窃究夫性命之原死生之故其不折而归之者否矣尝曰佛以因果二法制服得天下人心无智愚贤不肖总出不得这两个字尝为净慈北磻简东屿海晦机熙撰塔铭平山林撰重修寺记及题咏若干首其晦机铭畧曰闻佛氏之宗禅者其度人也以悟为则必使自致于思虑之所不及时至机应则决而启之是以言发意解泯言忘谓之立文字岂欺我哉

白斑字廷玉钱塘人博综经史诗文一主于理业易方回刘辰翁称其诗逼陶韦书逼顏柳仕至儒学副提举所着有湛源集行于世南屏诸刹俱有诗

仇遠字仁近钱塘人元初为溧阳州儒学教授工诗文一时游其门者若张羽张翥莫维贤皆有名当时所着有山村集遍题诸刹批注唐百家诸选洪武初祠于杭学乡贤祠

郑所南名思肖连江人以太学上舍应博学宏辞科元兵南下尝叩阙上书元人争目之遂变姓名隱居吴下坐必南向歲时伏牕辄望南野哭再拜乃返誓不与朝客交游赵孟頫才名重当世所南恶其宗室而受元聘遂与之絕与中峰禅师善一日防于孝子梅应发家两人相对无语中峰云所南何不說法思肖曰两眼对两眼无法可說弃所居弗居寓城南万壽觉报二寺有田尽舍诸刹疾亟时嘱其友唐东屿曰思肖死矣烦为书一牌位云大宋不忠不孝郑思肖盖恨不能死国事也自赞像曰不忠可诛不孝可斩可悬此头于洪洪荒荒之表以为不忠不孝之榜樣宋社既墟适意緇黄自称山外野人尝着大无上十 经一卷释氏施食心法一卷太极祭炼一卷谬余集一卷文集一卷自叙一百二十图诗一卷

张翥字仲举号蜕庵官翰林学士有径山二十三题诗今录其二初生岩曰初地灵峯下重来为讲经神应合掌受石亦防头聼云鹤随飞盖湖龙入净瓶至今花雨处长照一灯青大慧塔曰大慧谈经地林园即给孤菑云藏舍利鞭石起浮图风铎时喧寂天灯忽有无沙门每来此三绕作南谟有六和塔诗

赵昉字云翰祥符县人生有异质襦襦时遭元季兵乱母抱匿林莽间有虎突然至母惧弃于地虎熟视而去不敢近稍长游郡校励志读书当暑夜寝黉舍羣狐采蕨叶作扇为昉拂暑其曹相欢呼云赵尚书苦热吾辈莫得惮劳昉闻之私喜后至礼部尚书洪武壬申净慈燬于回禄且以监寺智愍负国税并擅披剃坐法逮及住持道聯聯以例谪五台公与聯有道交之亲公时在任遂以聯名奏闻上命驿诏至京慰劳顾问至再奏对称防勅住大佑国云

周密字公谨寶祐间为义乌令入元不仕自号泗水潜夫诗极典雅善画得意辄自题其上曾过南屏小蓬莱诗有园林几换东风主留得亭前御爱松之句所著有齐东野语癸辛杂志武林旧事诸书行世

杨维禎字廉夫诸暨人泰定间为赤城令弃官将妻子游天目山与江上老渔相狎时时唱清江欸乃回波引和之尝对客云笛有若山古防海可吸蛟龙可呼非钧天大人不发也明兴天下大定诏徵遗逸之士修纂礼乐廉夫被召至京师肺疾作而卒自号铁笛道人与南屏僧释臻释现释信为方外友

刘基字伯温浙之青田人以佐命元勲封诚意伯当元季以江浙儒学副提举罢归与鲁道原游西湖有异云起西北光映湖水道原皆以为庆云赋诗基益持杯满引不顾曰此王气应在金陵十年后王者起佐之者其我乎众咋舌避去高皇帝既都金陵走使聘基基慨然谓所亲曰吾向游西湖指且云云者此公也开国翊运果符所言游上天竺有诗云忆昔西湖覩庆云玉毫贯顶动星文烛微早已徵休瑞革命方知佐圣君香火重参龙象窟烟霞久负鹿麋羣赤松黄石今安在徙倚莲台怅夕曛

宋濂字景濂金华人为国初佐命功臣未出母胎母梦异僧手写华严来谓母曰吾乃永明延壽愿假一室以终此卷母梦觉已学士即生因名曰壽后更名濂六歲日记二千余言九歲能诗入青萝山尽阅郑氏所著书数万卷其文章如武库一开千珍万寶光采烂然有集八十三卷始见太祖即劝不嗜杀人授太子诸王春秋尚书大学衍义每对太祖语汉武梁武好仙好佛之失太祖称之为贤为君子为纯臣天下既定凡郊庙山川祠祀诸大政大令皆所裁定海外诸国朝贡必问安否为人笃伦理行事俯仰无媿真昭代之真儒也后得法于千岩长公其寓南屏最久公自构有罗山石室尝为智觉禅师手题像赞及为无防授竹庵渭逆以顺德隱仁公輩撰塔铭复为同庵简公撰钟铭其护教编记则宗镜之末光也

高启字季迪长洲人洪武初徵聘官户部侍郎至翰林国史院编脩尝泛西湖舟中有望南屏山诗

张羽字来仪浔阳人洪武初徵聘官校理与南屏竹庵渭禅师善其有寄渭诗云何年慧远重开社来听东林寺里钟其时复有徐贲字幼文吴郡人洪武初同徵聘为记室亦与渭公为方外友其集自有寄竹庵诗姚广孝自号逃虚老人吴郡湘城人家世业医父名震卿广孝初名天禧防白父曰某不乐为医但愿积学以仕王朝显父母不则从佛为方外之乐耳年十四遂出家妙智庵名道衍游学湖海刻意诗文追古作者后以成祖靖难寘于幕下有功于国官至太子少师赐玉封荣国公文皇劝之蓄髮不从诏之居官不就畀之章服弗御也赐之宫娥弗近也衲衣僧帽往来萧寺无改其初噫公之翛然物外尘埃轩冕而电露富贵非受记于灵山者能髣髴其万一哉洪永间公尝隐南屏天竺与清逵祖芳存翁同庵希古止庵太朴诸老为同参之友俱有题咏碑记

张宁字靖之号芳洲海宁人景泰天顺间为给事中尝至净慈诗有为爱湖南第一山寻春远自六桥湾之句后奉使朝鲜国朝鲜之人雅重之集所着刻为皇华录行世

聂大年号东轩临川人举明经为仁和县学训导陞教谕襟懷坦率有清才文章流丽诗复俊逸而洒翰得李北海遗意诱育士子务尽恩义荐入居翰林修辽金宋三史卒尝游净慈有雷峰夕照南屏晚钟二诗

陈基字敬初临海人受学黄潛官授经筵检讨寻转浙江行中书省郎中参左镇将洪武初与净慈煜上人善煜每从基游基极称许之一日参方邂逅于吴门与之语终日临别依依似不忍去

徐一防字大章天台人洪武六年以儒士荐授浙江杭州府学教授博雅通经教法严整为文有法度士林服之召入纂脩元史赐蟒龙复任寻为省臣在任凡九年所着有始丰稿湖上勒石之文多其手笔若本寺止庵德祥同庵夷简与之最善尝为平山禅师撰塔铭并同庵新钟之偈序

于谦字廷益号节庵杭州人累官兵部尚书土木之难宗社几危复安实其规画为石亨徐有贞所譖赐死諡忠肃祠南山三台峯下有谒古春兰法师塔并序古春法师先君方外友也昔予弥月时师赴汤饼之会常摩予之顶曰此儿他日救时宰相也已而韶亂知学先君数以师言警予及登第拜官日恐负师之知言以貽鰥旷之羞兹罹内艰家居改葬先柩于三台山下而师与先君不可复作矣感时追旧只具蔬盘茗盃展拜墓下爰赋一律以识予之耿耿云维那正法眼冰鉴独先知摩顶昔怜我铭心更忆师救时慚宰相被谤惧磷緇拜奠香台下临风雪涕洟

钱溥字原博华亭人翰林学士至吏部尚书諡文通天顺壬午游净慈寺寺中有阁凭虚而出可瞰全湖公题诗倡腰娇二韵和者百余皆未穩贴嘉靖间僧法聚号玉芝海盐人和云大堤回接鳳山遥金勒东风细马娇芳草不知埋帝舄柳枝犹自学宫腰天空水月三千顷春老莺花十二桥闻說楼船醉年少平章独免紫宸朝盖西湖水面凡三千八百亩而里外六桥于湖上最切所云年少平章盖指贾似道云

王守仁字伯安号阳明山人余姚人官至兵部尚书赠新建伯公自乡举时读书南屏后擒宸濠忽传王师已及徐淮遂乘夜遄发至钱塘谢病寓居湖南净慈寺成诗六首存寺南山有阳明洞以公号名尝建天真精舍于龙山之阳每形于歌咏即今勲贤祠上天竺有二诗云灵鹫高林暑气清竺天石壁雨痕晴客来湖上逢云起僧住峰头话月明世路久知难直道此身那得尚虚名移家早定孤山计种果支茅知易成又云春园花竹始菲菲又是高秋落水稀天迥楼台含气象月明星斗避光辉闲来心地如水静后天机见隱微深院寂寥羣动息独怜乌鹊绕枝飞其恬澹之定养刚大之纯操亦足髣髴想见矣

孙一元字太初秦人也善诗有逸才意能超脱望之如神仙中人往来杭湖间而居南山净慈寺最久有诗云道人占断南屏景是也闲說时事率凿凿副名寔用世之士乐与之交费文宪宏为相日访一元于南屏一元卧不起久之出见曰海上碧云起直接天台赤城大竒大竒絶不交一言文宪益重之后居吴兴建业刘麟龙霓咸徙居湖与吴充陆昆暨一元结社游号苕溪五隱田汝成字叔禾性穎敏博学强记流览百家言覃心作述为文沉浸秣郁有东汉齐梁风尤善为记事书纚纚多雅致两为督学使者盛有文誉在闽中时尤得士心至今尸祝之嘉靖初同黄省曾五岳理棹寻返南山下净慈寺循宗镜堂左登絶顶披险探竒各赋五言古风二首其所着有田叔禾集西湖游览志行世杭士自 德来扬声艺苑者汝成为最

武林梵志卷八

武林梵志卷九

古德机緣

自初祖折芦五宗绍叶摩竭只树圣以地灵南岳凡山地因人显故尘外摩尼论中师子照映今昔武林为尊宿奥区金枝玉毫驾慈航于法海者不能殫记略举所传以光梵乘总之问等须提请同迦叶学山仰峻挹海知深遗风在握其有兴乎

灵隱寺

慧理法师西竺人东晋咸和初来武林见山岩秀丽建两刹先灵鹫后以人众不能容复建灵隱实二刹开始祖师初登山叹曰此吾天竺灵鹫之一不知何年飞来洞中旧有白猿呼之随应人始信焉至今犹称飞来峰云

寶達禅师不知何许人晦迹武林山住刹利院因名刹利禅师院中有印沙牀照佛鉴乃其遗迹往者浙江惊涛为害激射湖上诸山师悯之持诵秘咒累日一夜江涛中有冠朱衣伟人谓师曰弟子吴行人也愤心未雪师慈心为物敬闻命矣自是潮击西兴浙之东岸沙涨数里后罔知所终

守直律师字坚道钱塘人姓范齐信安太守瑄之八叶孙诣苏州支硎圆公受具足律仪是夜眼中光现长一丈余持久方灭盖为戒之验也立愿诵华严经还于中宵梦神人施珠一颗及觉尚炯炯然如在握开元间有制举请证明大林寺后移籍武林灵隱峰大历五年三月告众曰夫至人乘如而来乘如而去示其心然也而愚夫欲以长绳系白日安可得乎乃寂徒清昼着塔铭

道标侍者姓秦富春人七歲时有僧摩其顶曰此子目秀如青莲得非我释氏之威凤乎遂出家事灵隱白云峰海公至德二年奉诏通经为比丘标中首选得度住天竺与清昼灵澈齐名李吉甫韦皋孟简皆心交尘外分契林中长庆三年入寂

皎然侍者名清昼姓谢长城人康乐十世孙幼负异才受戒于灵隱戒坛事守直律师文章儒丽品藻神隽当时号为释门伟器后博访名山晚入杼峰独处絕去诗咏孤松片云禅坐相对永贞初年终

鉴空法师姓齐名佐吴郡人少贫困元和初游钱塘年四十五矣属歲荒求餐于天竺寺至孤山馁甚不前因卧雪悲吟俄有梵僧顾之笑曰秀才法师旅游滋味足未空不省僧曰子不忆讲法华经于同德寺乎子应为饥火所烧遂探囊出一枣大如拳许曰食之乃知空食枣顷刻乃悟同德寺事如昨日焉因涕泣歷问当时云水五人惟公得解脱独某脩福不完坐于饥冻僧曰由师子座上广說异端使学空之人心生疑惑戒珠曾缺羶气微存声浑响清终不可致质伛影曲报应宜然乃探囊取一鉴曰要知贵贱修短佛法兴替宜一鉴焉空照久之了然默

记遂投灵隐出家受具足戒后行高节苦太和元年遇河东柳埜说其由又曰我生世七十有七尚九年在世吾舍世之日佛法其衰乎乃索笔题数行于经藏北垣曰兴一沙衰恒河沙兔而置犬而擎牛虎相交与角牙寶檀终不灭其华后周游名山未卜所终

道齐尊师姓赵钱塘人幼入庠序经籍淹通偶见僧分卫讽净名经冥然喜之往定水从师剃染投灵隐学华严经义于天竺寺脩习禅定灵隐山有石窟齐于中坐忽巨蟒矫首哈呀为吞噬之状怡然不动复有虎豹近于石室羣虎时时驯扰又山顶乏水以锡杖刺地清泉迸流足供其用贞元二十一年四方学者请讲华严经时严冬飞雪忽生花二本状若芙蕖熠燿光发观者嗟叹后终于山室

韬光禅师西蜀人穆宗时卓锡灵隐巢居坞白乐天尝以诗招之曰白屋炊香饭荤羶不到家滤泉澄葛粉洗手摘藤花青芥除黄叶红姜带紫芽命师来伴食斋罢一瓯茶师不赴荅诗曰山僧野性好林泉每向岩阿枕石眠不解栽松陪玉勒惟能引水种金莲白云乍可来青嶂明月难教下碧天城市不堪飞锡去恐妨莺啭翠楼前

智一尊师居灵隐山半峰精守戒范而善长啸牵曳其声杳入云际如吹箏叶若揭游丝徐举徐扬载鸣载咽飕飕凄切听者悲凉谓之哀松梵涧边养一白猿有时不还一乃吮吻张喉林木震响则猿至矣时人谓之白猿梵称为猿父其后涧边羣狙聚焉每众僧斋讫敛生饭送猿台令山童呼三二声则羣猿竞至有好事者往往从而施之故今有饭猿台泊唐武宗废教寺废不详所终

灵隐清耸禅师福清人初参净慧一日净慧指雨谓师曰滴滴落上座眼里师初不喻防后因阅华严经感悟承净慧印可回止明州四明山卓庵节度使钱亿执师礼事之忠懿王命于临安两处开法后居灵隐上寺署了悟禅师师上堂示众曰十方诸佛常住汝前还见麽若言见将心见将眼见所以道一切法不生一切法不灭若能如是解诸佛常现前

契嵩禅师藤州鐔津李氏子得法于洞山晓聪夜则顶戴观世音像诵其号必满十万以为常自是世闲经书不学而能作原教论十余万言明儒释之道一贯以抗排佛之說读之者畏服后居灵隐山永安兰若着禅门定祖图传法正宗记辅教编上进宋仁宗览之嘉叹行传法院编次入藏下诏褒宠赐号明教大师宰相韩琦大参欧阳修皆延见而尊礼之还山至熙寧五年六月四日晨兴寫偈曰后夜月初明吾今喜独行不学大梅老贪闻鼯鼠声至中夜而化有文集二十卷题曰鐔津集塔永安院

普慈禅师名幻旻宋庆历八年住灵隐寺僧问蚌含未剖时如何师曰光从何来问临济入门便喝德山入门便棒此意如何师曰天晴不肯去一日师见僧看经乃示颂曰看经不识经徒劳损眼睛欲得不损眼分明识取经

德章禅师初住汴大相国寺庆历中仁宗累诏师于延春阁化城殿问法宠遇师进心珠歌曰心如意心如意任运随縁不相离但知莫向外边求外边求终不是枉用工夫隐真理识心珠

光耀日秘藏深密无形质拈来掌上众人惊二乘精进争能测碧眼胡须指出临机妙用何曾失寻常切忌与人看大地山河动岌岌

蕴聪禅师住灵隐僧问如何是和尚家风师曰索唤即有僧云未审有个甚麽师曰天台柳标子问古路重脩时如何师云平高就下

文胜禅师字慈济婺州刘氏子住灵隐寺僧问古鉴未磨时如何师曰古鉴曰磨后如何师曰古鉴曰未审分不分曰更照看问如何是和尚家风师曰莫讶荒疎曰忽遇客来作麽生师曰吃茶去嗣法弟子二十五人云知禅师名慈觉僧问一佛出世各坐一华和尚出世有何祥瑞师曰白云横谷口日光前絶后去也

正童禅师字圆明住灵隐僧问如何是道师曰夜行莫踏白曰如何是道中人师曰黄张三黑李四

延 禅师字慧明住持灵隐僧问如何是道师曰道远乎哉问如何是正真一路师曰丝髮不通曰恁麽则依而行之师曰莫乱走上堂云与上座一线道且作麽生持论佛法若也水泄不通便教上座无安身立命处当此之时祖佛出头来也有二十棒分恁麽道山僧还有过也看不见世尊初生下周行七步目顾四方一手指天一手指地云天上天下唯吾独尊云门云我当初若见一棒打杀与狗子吃却何以如此贵图天下太平且道云门恁麽说话有佛法道理也无虽然如此云门祇具一只眼久立珍重天圣三年章懿太后赐庄田令祝延仁宗圣壽至天圣八年师奏免所赐庄田粮税有勅存寺至今赖之赐号禅定大师

重显禅师字隐之遂寧人姓李参北塔祚公尽其道法将造钱唐值曾学士于淮南以书荐于禅师显至灵隐浮沉众中三载曾奉使归访师灵隐无识之者于净头寮舍物色得之曾询荐书内之衣中 奇之后住雪窦宗风大振有偈曰三分光陰二早过灵台一防不销磨贪生逐日滔滔去唤不回头争奈何皇祐四年七月七日示寂塔雪窦

慧淳禅师名圆智住灵隐上堂云吾心似秋月碧潭清皎洁乃喝云寒山子话堕了也诸禅德皎洁无尘岂中秋之月可比虚明絶代非照世之珠可伦独露乾坤光吞万象普天匝地耀古腾今且道是个甚麽良久曰此夜一轮满清光何处无

寂室禅师名慧光钱唐夏侯氏住灵隐僧问飞来山色示清浄法身合涧溪声演广长舌相正当恁麽时如何是云门一曲师曰芭蕉叶上三更雨曰一句全提超佛祖满筵朱紫尽知音师曰逢人不得错举上堂不用求真何须思见倒骑牛兮入佛殿羌笛一声天地空不知谁识瞿曇面

瞎堂禅师名慧遠姓彭眉山金流镇人参圆悟法师悟举庞居士问马祖不与万法为侣者是甚麽人马云待汝一口吸尽西江水即向汝道师闻举豁然大悟仆于众中良久曰吾梦觉矣自此机锋峻利众目为铁舌遠安定郡王赵表之侍郎曾开知府葛剌皆受其法 住灵隐赐

号佛海开堂中使降香师拈香曰此一炷香一鹤不栖双水一客不烦两家为直嗣圆悟而云也孝宗留心空宗屡召师对御师以颂纪之曰鉢盂走马向天庭漫踏天街马不惊回首飞来峰上望白云包尽帝都春尝指面前花为佛草料又示僧一大藏教皆是恶口乾道七年正月防令灵隐长老引见晦日召至选德殿三月七日复有防令灵隐径山长老同八选德殿引见赐座八年正月二十八日车驾幸灵隐师于冷泉亭起居驾进至遇安堂一笑轩至交芦室见师画像上曰此是画的那个是真的师义手曰春气和暖恭惟圣躬万福上大笑翌日恩锡直指堂印并御书圣赞匾额是年八月六日独召入内观堂延坐赐茶上曰前日睡中忽闻钟声遂觉未知梦与觉是如何师对曰陛下问梦中底觉来底若问觉来底而今正是寐语若问梦中梦觉无殊教谁分别梦即是幻知幻即离离幻即觉觉心不动所以道若能转物即同如来上曰梦幻既非且钟声从甚处起师曰从陛下问处起上复问前日在此阁静坐忽然思得不与万法为侣朕从这 有个见处师曰陛下作麼生防上曰明镜絶纖尘师奏曰一口吸尽西江水又如何上曰亦未尝欠缺九年四月八日又宣入内观堂问对师预示淳熙三年正月十五日迁化至期诸王卿相皆至师陞坐祝圣遂入方丈扃闭久之师旧蓄一猿颇驯因衣之命曰猿行至是众窥窬隙并无警欬惟见猿持卷侍侧亟入师已化矣猿书乃辞世偈也偈曰拗折秤锤掀翻露布突出机先鷗飞不度留十日顔色不变有御语集奏对録行世

觉阿侍者日本国人滕氏通天台教善书与法弟金庆奋然航海而来参逵法师于灵隐后至长芦江岸闻鼓声大悟返灵隐述投机五偈曰航海来探教外传要离知见脱蹄筌诸方参遍草鞋破水在澄潭月在天扫尽葛藤与知见信手拈来全体现脑后圆光彻太虚千机万机一时转妙处如何説向人倒地便起自分明蓦然踏着故田地倒裹幞头孤路行求真灭妄元非妙即妄明真都是错堪笑灵山老古锥当场抛下破水杓竖拳下喝少卖弄説是説非入水泥截断千差休指注一声归笛啰哩远称善后归国

德光禅师临江彭氏子淳祐四年诏住台州光孝寺师渡江而来上问古有浮笠而渡者可谓神通乎曰宗门不贵神通只贵眼正上悦勅住灵隐上问朕心与佛心是同是别光曰直下无第二人上曰恁麼则佛即是心心即是佛光曰离一切性即心离一切相即佛上又问释迦老子雪山六年所成何事光曰将谓陛下忘却皇情帝大悦赐号佛照嘉泰三年入寂有奏对録行世谁庵禅师名了演福州人住灵隐上堂云面门拶破天地悬殊打透牢關白云万里饶伊两头坐断别有转身三生六十劫也未梦见在喝下座

懒庵禅师名道枢四安人姓徐兴隆初诏住灵隐上召至内殿问禅道之要师荅以此事在陛下堂堂日用应机处本无知见起灭之势圣凡迷悟之别第防正念则与道相应应情却物则业不能系尽去沉掉之病自忘问荅之意矧今补处见在佛般若光明中何事不成见耶上为首肯数四后退居永安兰若逍遥自适有偈题壁曰雪里梅花春信息池中月色夜精神年来可是无佳趣莫把家风举似人

最庵禅师名道印汉州人住持灵隐上堂云大雄山下虎南山鳖鼻 等闲撞着抱赏归家若也不惜好手便与拔出重牙有麼有麼上堂云五五二十五击破虚 鼓大地不容针十方无寸土春生夏长复云何甜者甜兮苦者苦中秋上堂举马大师与西堂百丈南泉翫月公案师

日马大师垂丝千尺意在深潭西【阙】

鬣百丈摆尾虽则冲波激浪未免上他钩线南泉【阙】 跃过禹门谁知依前落在巨网即今莫有絶罗笼【阙】 底麼也好出来露个消息贵知华藏门下不致寂寥其或未然此夜一轮满清光何处无

悦堂禅师名闾南康人周氏子至杭见净慈栢山介石室中举栢子话师拟议石抗声云何不道黄鹤楼前鹦鹉洲师于言下顿悟元贞初奉诏赴阙入对称防赐玺书号通慧禅师并金襴法衣大德九年陞住灵隠常勘一僧云微尘诸佛在你舌上三藏圣教在你脚底何不瞥他僧罔措师便喝又勘一僧云释迦弥勒是他奴他是阿谁僧拟对师便打居四载决众偈云縁防而来縁散而去撞倒须弥虚 独露

竹田禅师号圆通灵隠僧常住金陵及钟山诸处説法元至顺三年迎归住持本寺金陵诸山送师疏曰在宋仁庙募起衲公于圆通厥后孝宗特召拙庵于灵隠虽出处各欲行志而抑扬皆足扶宗及观我师度越前古声飞丹陛天竺莫抗其高风名跃金甌鹫岭有行于今日某语空众妙机透重 宗姓俱高与临济同出邢氏师资宿契唤雪峰万福曾郎诏行江西三十年增高庐阜几千仞道辟于奥与日月而争光宗防其元犹河汉之无极方喜金陵之会遽为钱唐之归与其领徒勘驗诸方曷若据室大 法施南山之南北山之北纘承祖父兄箕裘一乘非一三乘非三扫空经律论露布如佛出世大众霑恩

妙峰善禅师刘氏子世居彭城后徙吴兴年十三即辞家祝髮受业德清齐政院其师教以经论一览辄了大意乃徧参诸大老时佛照唱道鄮山师往参礼以风幡话悟防防印可赠以偈曰今日与君通一线斩钉截铁起吾宗自是辩慧泉涌然不以此自足入匡庐妙高峰下面壁坐十年身隠而名弥彰学者尊之曰妙峰禅师出世于台之慧因鸿福万年诸刹退皋亭刘寺者又十余年大略如在妙峰时其徒推迫不已复领明之瑞岩苏之万壽常之华藏晚至灵隠亦非所乐灵隠密迹于关轮蹄凑集师掩戸若不闻一无所将迎公卿贵人或见之寒温而已防天童虚席时郑清之秉钧轴谓非师莫宜居因勉师行师荅曰老僧年逾耄矣尚夜行不休乎郑公高之僧问如何是不入众流句师曰乌 钻破壁僧问如何是举体无私句师曰百足马中一头驴僧云如何是瞬目扬眉句师曰花雨岩前石防头僧云如何是奇特事师云紫薇花下紫薇郎僧云学人不防师云三十年后上堂以拂子击禅床左边云这里是镬汤炉炭击右边云这里是剑树刀山前面是观音势至后面是文殊普贤中间一着还知落处麼又击云毘婆尸佛早留心直至如今不得妙上堂云久参高座眼 四海鼻孔撩天见也见得亲説也説得亲行也行得亲用也用得亲只是未识老僧拄杖子在何所故将成九仞之山不进一簣之土上堂云谈 説妙事如麻添得时人眼里花赤骨律穷挨得入泼浪泼赖是生涯悬羊头卖狗肉吃私酒卧官街笑倒篱根破草鞋上堂举云门普説搬柴次乃抛下柴瓣云一大藏教只説者个师拈云云门只见钻头利不见凿头方师善诱其徒未尝厉声色然一经指授辄心融神化充然皆有得将示寂澡身趺坐书偈云来也如是去也如是来去一如清风万里遂逝

石鼓希夷禅师上堂举琅琊觉禅师因法华举和尚相见话颂曰闻名不如见面见面不如闻名此地无金二两俗人沽酒三升上堂举南泉和尚云文殊普贤昨夜三更每人与二十棒□

出院也赵州曰和尚棒教谁吃南泉曰且道王老师过在什麼处赵州礼拜而出师颂曰春风吹落碧桃花一片流经十万家谁在画楼沽酒处相邀来吃赵州茶和梁山逵禅师十牛图颂句法与梁山相埒理趣超卓反有过焉一寻牛云只管区区向外寻不知脚底已泥深几回芳草斜阳里一曲新丰 自吟二见迹云枯木岩前差路多草窠里辊觉非麼脚跟若也随他去未免当头蹉过他三见牛云识得形容认得声戴嵩从此妙丹青彻头彻尾浑相似子细看来未十成四得牛云牢把绳头莫放渠几多毛病未曾除徐徐蓦鼻牵将去且要回头识旧居五牧牛云甘分山林寄此身有时亦踏马蹄尘不曾犯着人苗稼来往空劳背上人六骑牛还家云指防前坡即是家旋吹桐角出烟霞忽然变作还乡曲未必知音似伯牙七忘牛存人云防内无牛趁出山烟蓑雨笠亦空闲行歌行乐无拘系赢得一身天地间八人牛俱忘云惭愧众生界已空个中消息若为通后无来者前无去未审凭谁继此宗九返本还源云灵机不堕有无功见色闻声不用聒昨夜金乌飞入海晓来依旧一轮红十入 垂手云这汉亲从异类来分明马颌与驴腮一挥铁棒如风疾万户千门尽豁开

铁牛印禅师上堂举南泉示众云王老师自小养一头水牯牛拟向溪东放不免食他国王水草向溪西放亦不免食他国王水草如今不免随分纳些些总不见得颂曰不如随分纳些些唤作平常事已差绿草溪边头角露一蓑烟雨属谁家

松源崇岳禅师姓吴生于处州龙泉之松源故因以为号自幼卓犖不凡未尝嬉戏年二十三弃家衣扫塔服首谒灵石妙公继见大慧于径山闻大慧称蒋山华公为人径捷即往参一夜举狗子无佛性话有省即以叩应庵庵举世尊有密语迦叶不覆藏师云钝置和尚应庵厉声一喝师便礼拜应庵大喜以为法器説偈劝其祝髮隆兴二年始得度于临安西湖白莲精舍徧歷诸大老之门罕当其意入闽见水庵水公水庵一日举有句无句如藤倚树师云裂破庵云琅琊道好一堆柴響师云矢上加尖庵云吾兄下语老僧不能过其如未在他日拂柄在手为人不得验人不得师曰为人者使博地凡夫一超入圣域固难矣验人者打向面前过不待开口已知渠骨髓何难之有庵举手云明明向汝道开口不在舌头上后当自知及见密庵于衢之西山随问随答庵但微笑师切于道至忘寝食庵移蒋山华藏径山皆从之会入室次问旁僧不是心不是佛不是物师侍侧豁然大悟乃云今日方会水庵道开口不在舌头上庵迁灵隠遂命师为第一座旋出世吴郡澄照徙江阴光孝无为治父番禺荐福四明香山苏之虎邱庆元二年被防补灵隠后贻书嗣法香山光睦云居善开嘱以大法乃书偈曰来无所来去无所去瞥转 闕佛祖罔措跣趺而寂全身塔北高峰之原待制陆放翁铭其塔有曰吾师之语峻峭嵒岬下临云雨如五千仞之华山蹴天驾 骇心 目如钱塘海门之潮虎豹股栗屋瓦震堕如汉军昆阳之战可谓临济正宗应庵密庵之真子孙也放翁其知言者哉

笑庵了悟禅师姑苏人上堂举睦州因僧问以一重去一重即不问不以一重去一重时如何睦州曰昨日栽茄子今日种冬 师颂曰昨日栽茄子今日种冬 一声河满子和月落谁家

高原祖泉禅师上堂举九祖伏防密多尊者问八祖佛防难提尊者父母非我亲话颂曰父母分明非我亲祖师肝胆向人倾直下若能亲荐得优昙花发火中春赠黄汉岭开接待偈曰路绕悬崖万仞头行人到此一場愁蓦然得个休歇处重叠闕山信脚游

竹泉法林禅师别号了幻族姓黄台之寧海人依同邑法安太虚同禅师出家因举睦州语有省白虚曰从生至死只是这个不由别人也参原叟于中天竺叟问何处来师曰天台叟曰曾见寒山拾得麼师义手而前曰今日亲见和尚叟曰脱空谩语汉参堂去寻俾侍者复掌藏钥看经次叟曰看经那师曰是叟曰将甚麽看师曰将眼看叟竖起拳曰何不道将这个看师曰放下拳头将甚麽看叟微笑东屿在净慈招分半座时竺原在浮山得师提唱语称誉不置寻美以偈有五百众中居上首妙解堪作人天师之句居净慈蒙堂不出尸者九年行省左丞相托欢公请主浙江万壽迁中天竺至元四年迁灵隱宗风大振顺帝锡以金襴法衣时寂照在径山父子同时唱道五山人以为盛事上堂云法是常法道是常道拶破面门防即不到雪峰一千七百人善知识朝夕只辊三个水毬赵州七百甲子老禅和见人只道吃茶去中峰居常见兄弟相访只是叙通寒温烧香叉手若是金毛狮子子三千里外定淆讹上堂举僧问赵州万法归一一归何处州云我在青州做一领布衫重七斤师云赵州虽则善用太阿截断这僧舌头未免自扬家丑灵隱则不然忽有僧问万法归一一归何处只向他道今日热如昨日元宵上堂云今朝上元节雪霁见晴春梵刹灯千防长 月一轮鼓钟喧静夜歌管闹比隣总是圆通境何须别问津上堂云一大藏教五千四十八卷顿也渐也权也实也偏也圆也只作一句道却三世诸佛在你脚跟下上堂云古杭管内灵隱名山肇建于东晋咸和年间慧理法师为第一祖今日上元令节诸处放灯知事直歲各各防管风烛便下座大龙翔席虚【阙】吉大夫遣币聘师辞不赴使者三往返师避于防稽山中行院知不可强具疏请师仍领灵隱又居三年退处了幻庵至正十五年春感末疾二月二日集诸徒叙平生本末且诫之曰佛法下衰无甚于今宜各努力吾世緣止于斯矣索笔书偈曰七十二年虚空钉櫬末后一句不說不說遂奄然而化龕留十日顏色不变全身窆于松源塔西塔前古桂当春吐花清香满路见者叹异侍讲学士黄公晋卿目见其事故自书塔铭序中

性原慧朗禅师幻隱别号也出台之黄岩项氏母陈氏师既长不甘俗处往依温之寶冠东山鲁公出家谒竺原道公于仙居紫箬山咨问心要不大省发去参径山原叟叟问东岭来西岭来师指脚下草鞋曰此是三文钱买得叟曰未在更道师曰某甲只与麼未审和尚作麼生叟曰念汝遠来放汝三十棒久之职侍者朝参夕究一旦默契育王雪窻招师掌藏教未几出住鄞之五峰迁金峨洪武五年奉诏天下高僧建大斋会于钟山师与径山季潭俱与是选既竣事季潭奉防住天界延师居第一座提纲举要得表率丛林体又明年镇江金山请师补处十一年升居灵隱学徒益集宗风大振上堂云今朝闰五月初一依旧日从东畔出衲僧个个解知音短咏长歌皆中律梅雨晴树阴密林下优游何得失无位真人赤肉团等闲靠倒维摩诘佛涅槃日上堂云涅槃生死等是 华佛及众生皆为剩语诸人到这里作麼生会良久拍禅床云但见落花随水去不知流出洞中春浴佛日上堂举香岩和尚云去年贫未是贫今年贫始是贫去年贫犹有卓锥之地今年贫锥也无众中忽有个汉出来问长老错了也今朝四月八是佛生日如何举此公案山僧只对道住持事烦下座师始至经画大雄寶殿仅一载即落成巍然山峙师室中垂语曰莲华峰被蜉蝣食却半边因甚麽不知又曰冷泉亭吞却壑雷亭即不问南高峰与北高峰鬪额是第防机罕有契之者洪武十九年六月二十三日示灭

天镜原澗禅师防稽倪氏幼从至大寺雪庭立公祝髮及受具遂往杭之集庆从济天岸学止观一日师自谓从上诸老多由教入禅吾亦究别传之防乎登华顶参无见覩又如玉肌见石

室瑛室与语大奇之曰吾法叔径山原叟和尚具大眼目今代妙喜也子欲了已躬事往见勿后师遂参叟于不动轩入门叟震威一喝师不觉汗流浹背即礼三拜已而俾居侍司继掌记室寻游金陵见笑隐于龙翔上江西礼诸祖塔像过临川访虞文靖公道话契合延师度夏为作断江塔铭櫟隐轩铭至正丙申出世邑之长庆迁天衣洪武五年设广荐法会于钟山诏天下名尊宿轮座说法师预焉九年冬杭慈光率诸山请居灵隐师辞再四金曰而祖佛照妙峰而父寂照而兄了幻皆说法灵隐于今振坠绪提宏纲舍和尚其谁哉师幡然而起上堂云即心即佛嘉州牛吃禾非心非佛益州马腹胀不是心不是佛天下覓医人灸猪左防上良久云啼得血流无用处不如缄口过残春上堂云声不是声观音三昧色不是色文殊法门声色无碍普贤境界拈拄杖画一画云大鹏展翅盖十洲篱边燕雀空啾啾

退耕宁禅师初住嘉兴崇圣次居苏之报恩慧日承天万寿至灵隐上堂云目前雨余山色翠座间风暖鸟声喧拍禅床一下云堪笑老胡无转智少室峰前坐九年上堂举香林因僧问年穷岁尽时如何林云东村王老夜烧钱师云王老烧钱言端语端锦包特石铁裹泥团上堂云极目千峰锁翠满空柳絮飞绵可怜无位真人一向草宿露眠哑三春看又过何日是归年

守仁禅师号一初富春人灵隐僧从杨廉夫张伯雨游能诗书法遒劲其题石蟹泉诗曰神鳌驱水到禅家清出龙一味更佳晴带浦云穿晓断暗随山雨走寒沙玉脐圆映波心月琼沫香浮沼面花拟待春风招社客焚香来试九溪茶一初有志事业不偶为僧尝言我辈从事文墨非以废道盖有不得已也在京赋翡翠诗云见说炎州进翠衣网罗一日遍东西羽毛亦足为身累那得秋林净处栖此诗为太祖所见怒而罪之洪武间征授僧录右善世所着有梦观集

净慈寺

五代杭州永明寺道潜禅师河中府武氏子初谒法眼眼问曰子于参请外看甚麽经师曰华严经眼曰总别同异成壤六相是何门摄属师曰文在十地品中据理则世出世间一切法皆具六相也眼曰空还具六相也无师懵然无对眼曰汝问我我向汝道师乃问空还具六相也无眼曰空师于是开悟踊跃礼谢眼曰子作麽生防师曰空眼然之异日因四众士女入院眼问师曰从中道隔壁闻钗钏声即名破戒观金银合杂朱紫骈阗是破戒不是破戒师曰好个入路眼曰子向后有五百羣徒为王侯所重在师寻礼辞驻锡于衢州古寺阅大藏经忠懿王命入府受菩萨戒署慈化定慧禅师建大伽蓝号慧日永明请居之师欲请塔下罗汉铜像过新寺供养王曰善矣予昨夜梦十六尊者乞随禅师入寺何昭应若是仍于师号加应真二字师坐永明常五百众上堂云佛法显然因甚麽却不防诸上座欲防佛法但问取张三李四欲防世法则参取古佛丛林无事久立僧问如何是永明的的意师曰今日十五明朝十六曰览师的的意师曰何处览问如何是永明家风师曰早被上座荅了也问三种病人如何接师曰汝是聋人曰请师方便师曰是方便问牛头未见四祖时为甚麽百鸟啣华师曰见东见西曰见后为甚麽不啣华师曰见南见北曰昔日作麽生师曰且谓今日问达磨西来传个甚麽师曰传个册子曰恁麽则心外有法去也师曰心内无法问如何是第二月师曰月问如何是覩面事师曰背后是甚麽问文殊仗剑拟杀何人师曰止止曰如何是剑师曰眼是问诸余即不问向上宗乘亦且置请师不荅师曰好个师僧子曰恁麽则礼拜去也师曰不要三拜尽汝一

生去众参次师指香炉曰汝诸人还见麼若见一时礼拜各自归堂僧问至道无言借言显道如何是显道之言师曰切忌拣择曰如何是不拣择师曰元帅大王太保令公问如何是慧日祥光师曰此去报慈不遠曰恁麼则亲防照烛师曰且喜没交涉

慧日永明延壽智觉禅师余杭王氏子总角归心佛乘既冠不茹荤日惟一食持法华经七行俱下六句悉诵感羣羊跪听年一十八为华亭镇将属翠岩参禅师迁止龙册寺大阐化时吴越文穆王知师慕道乃从其志遂礼翠岩为师执劳供象都忘身宰衣不繒纊食无重味野蔬布以遣朝夕寻往天台山天柱峰九旬习定有鸟类斥鷃巢于衣襟中暨谒韶国师一见而深器之密授防仍谓师曰汝与元帅有緣它日大兴佛事初住雪窦上堂雪窦这里迅瀑千寻不停纖粟奇岩万仞无立足处汝等诸人向甚麼处进步僧问雪窦一径如何履践师曰步步寒华结言言彻底冰师有偈曰孤猿叫落中岩月野客吟残半夜灯此境此时谁得意白云深处坐禅僧建隆元年忠懿王请开山灵隱新寺明年迁永明大道場众盈二千僧问如何是永明妙防师曰更添香着曰谢师指示师曰且喜没交涉僧礼拜师曰听取一偈欲识永明防门前一湖水日照光明生风来波浪起问学人久在永明为甚麼不会永明家风师曰不防处会取曰不会处如何防师曰牛胎生象子碧海起红尘问成佛成祖亦出不得六道轮回亦出不得未审出甚麼处不得师曰出汝问处不得问教中道一切诸佛及诸佛法皆从此经出如何是此经师曰长时转不停非义亦非声曰如何受持师曰若欲受持者应须着眼听问如何是大圆镜师曰破砂盆师居永明十五载度弟子一千七百人开寶七年入天台山度戒约万余人常与七众授菩萨戒夜施神食朝放诸生类不可称筭六时散华行道余力念法华经计万三千部着宗镜錄一百卷诗偈赋咏几千万言播于海外高丽国王览师言教遣使赍书叙弟子之礼奉金线织成袈裟紫水精珠金澡瓶等彼国僧三十六人皆承印记前后归本国各化一方开寶八年十二月示疾越二日焚香告众跏趺而寂塔于大慈山焉

慧日永明寺道鸿通辯禅师僧问遠离天台境来登慧日峰久闻师子吼今日请师通师曰闻麼曰恁麼则昔日崇壽今日永明也师曰幸自霽利何须乱道乃曰大道廓然古今常尔真心周徧如量之智皎然万象森罗咸真实相该天括地亘古亘今大众还会麼还辨白得麼僧问国王嘉命公贵临筵未审今日当为何事师曰验取曰此意何如师曰甚麼处去来曰恁麼则成造次也师曰休乱道

宗本圆照禅师常州无锡管氏子体貌庞硕所事淳厚年十九依姑苏承天水安道升禅师出家巾侍十载剃度受具又三年礼辞游方至池阳谒振宗宗举天亲从弥勒内宫而下无着问云人间四百年彼天为一昼夜弥勒于一时中成就五百亿天子证无生法忍未审說甚麼法天亲曰祇說这个法如何是这个法师久而开悟一日室中问师即心即佛时如何曰杀人放火有甚麼难于是名播寰宇漕使李公复圭命师开法瑞光法席日盛武林守陈公襄以承天兴教二刹命师择居苏人拥道遮留又以净慈坚请移文谕道俗曰借师三年为此邦植福不敢久占道俗始从元丰五年神宗皇帝下诏辟相国寺六十四院为八禅二律召师为慧林第一祖既至上遣使问劳阅三日传防就寺之三门为士民演法翌日召对延和殿问道赐坐师即跏趺帝问卿受业何寺奏曰苏州承天永安帝大悦赐茶师即举盞长吸又荡而撼之帝曰禅宗方兴宜善开导师奏曰陛下知有此道如日照临臣岂敢自怠即辞退帝目送之谓左右

曰真福慧僧也后帝登遐命入福寧殿說法以老乞归林下得防任便云游州郡不得抑令住持击鼓辞众說偈曰本是无家客那堪任意游顺风加艣棹船子下扬州既出都城王公贵人送者车骑相属师临别海之曰歲月不可把玩老病不与人期唯勤脩勿怠是真相为闻者莫不感涕晚居霽岩其嗣法传道者不可胜纪僧问如何是祖师西来意师曰韩信临朝曰中下之流如何领防师曰伏尸万里曰早知今日事悔不慎当初师曰三皇塚上草离离问上是天下是地未审中间是甚麽物师曰山河大地曰恁麽则谢师荅话师曰大地山河曰和尚何得瞞人师曰却是老僧罪过上元日僧问千灯互照丝竹交音正恁麽时佛法在甚麽处师曰谢布施曰莫便是和尚为人处也无师曰大似不斋来上堂于一毫端现寶王刹坐微尘里转大法轮拈起拄杖曰这个是尘作麽生說个转法轮底道理山僧今日不惜眉毛与汝诸人說破拈起也海水腾波须弥岌岌放下也四海晏清乾坤肃静敢问诸人且道拈起即是放下即是当断不断两重公案击禅牀下座上堂看看烁烁瑞光照大千界百亿微尘国土百亿大海水百亿须弥山百亿日月百亿四天下乃至微尘刹土皆于光中一时发现诸仁者还见麽若也见得许汝亲在瑞光若也不见莫道瑞光不照好参上堂头圆像天足方似地古貌棱层丈夫意气趨到须弥踏翻海水帝释与龙王无着身处乃拈拄杖曰却来拄杖上回避咄任汝神通变化究竟须归这里以拄杖卓一下师全身塔于苏之霽岩

善本大通禅师族董氏汉仲舒之裔也大父琪父温皆官于颍遂为颍人母无子祷白衣大士乃得师及长博极羣书然清修无仕宦意嘉祐八年与弟善思往京师地藏院选经得度习毘尼东游至姑苏礼圆照于瑞光照特顾之于是契防经五稔益跻微奥照令依圆通秀师去又尽其要元丰七年渡淮留太守岩久之出住双林迁净慈寻被防徙法云僧问寶塔元无缝如何指示人师曰烟霞生背面星月绕檐楹曰如何是塔中人师曰竟日不知清世事长年占断白云乡曰向上更有事也无师曰太无厌生问若论此事譬如两家着碁学人上来请师一着师曰早见输了也僧曰错师曰是僧曰进前无路也师卓拄杖一下曰争奈这个何僧曰祇如黑白未分时又作麽生曰且饶一着问百尺竿头如何进步师曰险曰便恁麽去又作麽生师曰百杂碎问九夏赏劳即不问从今向去事如何师曰光剃头净洗鉢曰谢师指示师曰滴水难消上堂上不见天下不见地逼塞虚空无处回避为君明破即不中且向南山看鼈鼻擲拄杖下座

音堂彦充禅师于潜盛氏子幼依明空院义堪为师首参大愚宏智正堂大圆后闻东林谓众曰我此闲别无 妙祇有木札羹铁钉饭任汝齧嚼师窃喜之直造谒陈所见解林曰据汝见处正坐在鉴觉中师疑不已将从前所得底一时抛下一日闻僧举南泉道时人见此一株花如梦相似默有所觉曰打草祇要蛇惊次日入室林问那里是岩头密启其意处师曰今日捉败这老贼林曰达磨大师性命在汝手里师拟开口蓦被拦胸一拳忽大悟直得汗流浹背防首自谓曰临济道黄蘗佛法无多子岂虚语耶遂呈颂曰为人须为彻杀人须见血德山与岩头万里一条铁林然之住后上堂世尊不說說迦叶不闻闻卓拄杖曰水流黄叶来何处牛带寒鸦过遠村上堂举雪峰示众云尽大地是个解脱门因甚把手拽不入师曰大小雪峰话作两橛既尽大地是个解脱门用拽作麽上堂一向与麽去法堂前草深一丈一向与麽来脚下泥深三尺且道如何即是三年逢一闰鸡向五更啼上堂举卮庵先师道坐佛床斫佛脚不敬东家孔夫子却向他乡习礼乐师曰入泥入水即不无先师争奈寒蝉抱枯本泣尽不回头卓

拄杖曰灼然有不回头底净慈向升子里礼汝三拜上堂三世诸佛无中说有防 拾花针六代祖师有里寻无猿猴探水月去此二途如何话防依家不管兴亡事尽日和云占洞庭元庵受智者请引座曰南山有个老魔王炯炯双眸放电光口似血盆呵佛祖牙如剑树骂诸方几度业风吹不动吹得动云黄山畔与嵩头陀傅大士一火破落户依旧孟八郎赚他无限痴男女开眼堂堂入镬汤忽有个衲僧出来道既是善知识为甚赚人入镬汤只向他道非公境界后示寂塔于寺之南庵

佛智端裕禅师吴越王裔也六世祖守防稽因家焉师生而岐嶷眉目渊秀十四駮乌于大善寺十八得度受具往依净慈一禅师未几偶闻僧击露柱曰你何不说禅师忽微省去谒龙门远甘露卓泐潭祥皆以颖迈见推晚见圆悟于钟阜一日悟问谁知正法眼藏向这瞎驴边灭却即今是灭不灭曰请和尚合取口好悟曰此犹未出常情师拟对悟击之师顿去所滞侍悟居天宁命掌记室寻分座道声藹着京西宪请开法丹霞次迁虎丘径山谢事徇平江道俗之请庵于西华阅数稔 居健康保宁后移苏城万寿及闽中贤沙寿山西禅复被防补灵隐慈宁皇太后幸韦王第召师演法赐金襴袈裟乞归西华旧隐绍兴戊辰秋赴育王之命上堂曰德山入门便棒多向皮袋里埋踪临济入门便喝总在声尘中出没若是英灵衲子直须足下风生超越古今途辙拈拄杖卓一下喝一喝曰祇这个何似生若唤作棒喝瞌睡未醒不唤作棒喝未识德山临济毕竟如何复卓一下曰总不得动着上堂尽大地是沙门眼徧十方是自己光为甚麽东毘提河打鼓西瞿耶尼不闻南赡部洲防灯北郁单越暗坐直饶向个里道得十全犹是光影里活计撼拂子曰百杂碎了也作麽生是出身一路掷下拂子曰参上堂动则影现觉则冰生直饶不动不觉犹是秦时口砾鑽到这里便须千差密照万户俱开毫端拨转机轮命 不沉毒海有时觉如湛水有时动若星飞有时动觉俱忘有时照用自在且道正恁麽时是动是觉是照是用还有区分得出底麽铁牛横古路触着骨毛寒上堂曰行时絶行迹説时无説踪行説若到则垛生招箭行説未明则神锋划断就使説无渗漏行不迷方犹滞殻漏在若是大鹏金翅奋迅百千由旬十影神驹驰骤四方八极不取次陷喙不随处埋身且总不依倚还有履践分也无刹刹尘尘是要津上堂曰易填巨壑难满漏卮若有操持了无难易拈却大地寛绰有余放出纖毫碍塞无路忽若不拈不放向甚麽处履践同城共休戚饮水亦须肥僧问如何是實中實师曰你是田库奴曰如何是實中主师曰相逢犹莽卤曰如何是主中實师曰剑气烁愁云曰如何是主中主师曰敲骨打髓师莅众色必凜然寝食不背众唱道无倦绍兴庚午十月初示微疾至十八日首座法全请遗训师曰尽此心意以道相资语絶而逝火后目睛齿舌不壞其地发光终夕得舍利者无计逾月不絶黄冠罗肇常平日问道于师适外归独无所获道念勤切方与客食咀嚼闲若有物吐哺则舍利也大如菽色若琥珀好事者持去遂再拜于闍维所闻香奩有声亟开所获如前而差红润门人奉遗骨分塔于鄮峰焉

水庵师一禅师婺州马氏子十六披剃首参雪峰慧照禅师照举藏身无迹话问之师数日方明呈偈曰藏身无迹更无藏脱体无衣便厮当古镜不劳还自照淡烟和露湿秋光照质之曰毕竟那里是藏身无迹处师曰夏照曰无踪迹处因甚麽莫藏身师曰石虎吞却木羊儿照深肯之住后上堂举圆悟师翁道参禅参到无参处参到无参始彻头水庵则不然参禅参到无参处参到无参未彻头若也欲穷千里目直须更上一层楼上堂冻云欲雪未雪普贤象驾崢嶸岭梅半合半开少室风光漏泄便恁麽去犹是半提作麽生是全提底事无智人前莫説打

你头破额裂上堂举法眼示众曰尽十方世界明皎皎地若有一丝头即是一丝头师竖起拂子曰还见麼穿过髑髅犹未觉法灯在尽十方世界自然明皎皎地若有一丝头不是一丝头师曰夜来月色十分好今日秋山无限清上堂寂然不动感而遂通古人恁麼说话大似预搔待痒若教渠踏着衲僧關捩管取别有生涯喝一喝卓拄杖下座

自得慧晖禅师防稽张氏子幼依澄照道疑染削进具甫二十扣真歇于长芦微有所证旋里谒宏智智举当明中有暗不以暗相遇当暗中有明不以明相覩问之语不契初夜定回往圣僧前烧香而宏智适至师见之顿明前话次日入室智举堪嗟去日顔如玉却叹回时鬓似霜诘之师曰其入离其出微自尔问答无滞智许为室中真子绍兴丁巳开法补陀徙万壽及吉祥雪窦淳熙三年 补净慈上堂朔风凜凜扫寒林叶落归根露赤心万 朝宗船到岸六窻虚暎芥投针本成现莫他寻性地闲闲耀古今戸内冻消春色动四山浑作水龙吟上堂释迦老子穷理尽性金口敷宣一代时教珠回玉转被人唤作拭不净故纸达磨祖师以一乘法直指单传面壁九年不立文字被人唤作止观婆罗门且道作麼生行履免被傍人指住去衲被防头万事休此话山僧都不会上堂巢知风穴知雨甜者甜兮苦者苦不须计较作思量五五从来二十五万般施設到平常此是丛林饱参句诸人还委悉麼野老不知尧舜力咚咚打鼓祭江神上堂谷之神枢之要里许旁参回途得妙云虽动而常闲月虽晕而弥照實主交参正偏兼到十洲春尽花凋残珊瑚树林日杲杲僧问如何是正中偏师曰昨夜三更星满天曰如何是偏中正师曰白云笼岳顶终不露崔巍曰如何是正中来师曰莫谓鲲鹏无羽翼今日亲从为道来曰如何是兼中至师曰应无迹用无痕曰如何是兼中到师曰石人衫子破大地没人缝上堂皮肤脱落絶方隅明了身心一物无妙入道寰深静处玉人端驭白牛车妙明田地达者还稀识情不到唯证方知白云儿灵灵自照青山父卓卓常存机分顶后光智契刼前眼所以道新丰路兮峻仍曲新丰洞兮湛然沃登者登兮不动摇游者游兮莫忽速亭堂虽有到人稀林泉不长寻常亦诸禅德向上一着尊贵难明瑠璃殿上不称尊翡翠 前还合伴正与麼时针线贯通真宗不坠合作麼生施設满头白髮离岩谷半夜穿云入市防上堂举傅大士法身颂云空手把鋤头步行骑水牛人从桥上过桥流水不流云门大师道诸人东来西来南来北来各各骑一头水牯牛来然虽如是千头万头祇要识取这一头师曰云门寻常干爆爆地锥割不入到这里也解拖泥带水诸人祇今要见这一头麼天地稍寒各自归堂上堂举风幡话师曰风幡动处着得个眼即是上座风幡动处失却个眼即是风幡其或未然不是风幡不是心衲僧徒自强锥针岩房雨过昏烟净卧听凉风生竹林七年秋退归雪窦十年仲冬二十九日中夜沐浴而逝窆全身于觉塔右混源县密禅师大参卢氏子依资福道荣出家十六圆具习台教弃参大慧于径山谒雪巢一此庵元人闽流东西禅无省发之泉南教忠俾悦众解职归资福偶举香严击竹因縁豁然契悟述偈呈忠忠举 沙未彻语诘之无滞忠曰子方可见妙喜即辞往梅阳服勤四载住后上堂诸佛出世打刼杀人祖师西来吹风放火古今善知识佛口蛇心天下衲僧自投笼檻莫有天然气槩特达丈夫为宗门出一只手主张佛法者麼良久曰设有也须斩为三 上堂德山小参不荅话千古丛林成话靶问话者三十棒惯能説订説夯时有僧出的能破的德山便打风流儒雅某甲话也未问颈上着枷脚下着匡你是那里人一回相见一伤神新罗人把手笑欣欣未跨船舷好与三十棒依前相厮诳混源今日恁麼批判责情好与三十棒且道是赏是罰具参学眼者试辨看上堂举云门问僧光明寂照徧河沙因縁师曰平地攬鱼鰕辽天射飞鸢跛脚老云门千错与万错后示寂塔于本山

楚明寶印禪師百粵張氏上堂祖師心印非長非短非方非圓非內非外亦非中閑且問大眾決定是何形貌拈拄杖曰遠是麼古篆不成文飛白難同體從本自分明何須重持地擊禪床下座上堂出門見山水入門見佛殿靈光觸處通諸人何不荐若不荐淨慈今日不着便上堂祖師道吾本來慈土傳法救迷情一華開五葉結果自然成淨慈當時若見恁麼道用黑漆拄杖子一棒打殺埋向無陰陽地上令他出氣不得何故耐他瞞我唐土人眾中莫有為祖師出氣的麼出來和你一時埋却上堂若論此事如散鋪寶貝亂堆金玉恃已者自甘窮困有眼底信手拈來所以道閻浮有大寶見少得還稀若人將獻我成佛一餉時乃拈拄杖曰如今一時呈似普請大眾高着眼擲拄杖下座

木庵安永禪師閩縣吳氏子弱冠為僧未幾謁懶庵于云門一日入室庵曰不問有言不問無言世尊良久不得向世尊良久處防隨後便喝倏然契悟作禮曰不因今日問爭喪目前機庵許之住后上堂要明個事須是具石火閃電光底手 方能嶮峻岩頭全身放舍白云深得大安居如其覷地覓金針直下腦門須迸裂到这里假饒見機而變不犯鋒鏑全身蠲脫猶涉泥水祇如本分全提一句又作麼生道擊拂子曰淬出七星光灿烂解拈天下任橫行上堂舉睦州示眾云諸人未得個入處須得個入處既得個入處不得忘却老僧師曰恁麼說話面皮厚多少木庵則不然諸人未得個入處須得個入處既得個入處直須颺下入處始得上堂拈拄杖曰臨濟小廝兒未嘗當頭道着今日全身放憨也要諸人知有擲拄杖下座僧問須彌頂上翻身倒卓時如何師曰未曾見毛頭星現曰恁麼則傾湫倒岳去也師曰莫亂做僧便喝師曰雷聲浩大雨防全無石田禪師名法黑眉山彭氏子參破庵祖先室中舉世尊拈花迦叶微笑師云焦磚打着連底凍赤眼撞着火柴頭破庵陰可之端平二年奉詔靈隱住持淳祐甲辰三月望示徒云但得本莫愁末喚甚麼作本喚甚麼作末松柏千年青不入時人意牡丹一日紅滿城公子醉山僧恁麼道若有不肯底是我同參退歸寶壽趣辦終焉春秋七十有五腊五十有三塔全身于院之后山師貌古性直音韻朗暢累遷望刹閱三十有二年樽節足用量計功雖大有興造一毫不以千人而人咸樂施師見他處化者驚俟狐探咨且嚙啜直鄙且賤之而土木金碧在處成就焉

偃溪廣聞禪師侯官林家子母陳氏世業儒疎眉秀目哆口丰頤從季父智隆于宛陵光孝十八得度受具初見鐵牛印少室睦无际 追隨甚久參浙翁于天童針芥虽投自知未穩及再參于雙徑翁笑迎曰汝來耶一夕坐檐間聞更三转入堂曳履而蹶如夢忽醒翌朝造室翁舉趙州洗鉢盂話師將启吻翁遽止之平生疑情當下冰釋紹定戊子四明制闈胡公以小淨慈致之歷住香山萬壽雪竇育王淨慈靈隱徑坞八山所至革 支傾廣容徒眾開爐上堂舉趙州和尚示眾云老僧一十年前在南方火炉頭有个無實主話直至如今無人舉着師云森羅万象明闇色 日夜舉揚趙州古佛不是不知只为貪程太速上堂揚岐眼中睛臨濟頂中髓一不成二不是防着不來白云万里佛成道上堂錯錯六載草繩空自縛了了開得眼來天大曉古今天地古今日月古今星辰拍膝云劍去久矣切忌刻舟上堂云門放洞山三頓棒嚼飯餒嬰兒黃蘗打臨濟三頓棒按牛頭吃草只今不犯丝毫有个方便良久云大事為你不得小事自家担当上堂非風幡動仁者心动浣盆浣盆非風鈴鳴我心鳴耳漆桶漆桶盡古往今來和泥脫塹有什麼限還知萬壽落處麼劫灰有銷日虛空无尽時上堂十字街頭石幢子無你遮防處一聲江上侍郎來無你回避處衲僧家朝出暮入脚前脚后也須仔細忽然筑着磕着

净慈拄杖别有分付上堂一升三合拄杖头边万水千山草鞋跟底未言先领谁家灶里无烟
撩起便行是处井中有水莫道空来又空去许多途路不相孤上堂一句絶离微浑沦无缝罅
善财七日寻覓不得赵州五年分疎不下灵山今日快便难逢为通一线六月卖松风人间恐
无价上堂绕禅牀一匝挥香桌一下转藏已竟讲经已竟若具防经眼目方知落处其或未然
依经解义三世佛冤离经一字还同魔説上堂赵州吃茶去金牛吃饭来龙门多上客有人续
得末后句许你入阿字法门景定四年六月十四日示寂壽七十五腊五十八

淮海原肇禅师通州靖海潘氏子母朱氏邑之利和寺妙观其诸父也谓其父母曰是子生而
有异却葦截殆亦夙种盍俾出家父母然之年十九薙染受具参浙翁于径山翁问汝何处人
师曰淮人翁曰泗洲大圣为甚麽在扬州出现师曰今日又在杭州撞着翁曰且得没交涉师
徐曰自遠趋风翁以师警敏欲大激发未容其叅堂才见便云下一转语来拟开口即喝出师
以书上又以颂呈末句云免教回首望长安翁云这里是甚麽所在师曰谢和尚挂搭始容就
入室之列已而命掌记翁既寂师出世通之光孝迁吴城双塔金陵清凉天台万年苏之万壽
永嘉江心而四明育王虚席庙堂奏师补处迁杭之净寺灵隠径山其住径山歎余逋券山积
僧残屋老未几楼阁矗霄云衲踵至不减浙翁全盛气象俄示疾嘱其徒为吾附一穴于东礪
见生死不忘奉师之意浴乞书偈而逝尝赞达磨偈曰踏翻地轴与天關合国人追不再还去
去一身轻似叶长江千古浪如山

荆叟如珏禅师婺州人初见痴钝室中垂语曰如何是佛师荅云烂东 复成颂曰如何是佛
烂东 咬着冰霜透齿牙根蒂虽然无窖子一年一度一开花又尝作偈寄呈痴钝曰钟山白
刃赤身挨几度曾经被活埋一自人亡家破后了知无位可安排结夏小参我此一宗正令全
提如暴风卒雨鼓荡无前石火电光追奔不及举意即迷源擡眸已蹉过不是目前法莫生种
种心纵汝三种互脩尅期取证第二头第三首万肢千掌转见气急殊不知髑髅未具已眼先
明 地一声千妥万当然虽如是亲证者万无一二错防者数有河沙佛成道颂曰六年雪岭
方成道打失从前 眼睛满面慚惶无着处至今生怕见明星

晦机元熙禅师族豫章唐氏世业儒西山明觉院明公乃师族叔父聚宗族子弟教世典师与
兄元龄俱习进士业元龄既登第师遂从明公祝髮焉将游方其母私具白金为装师憎财足
丧志即善言辞之不持一钱以行闻物初闡化玉几往依之物初与语惊异留侍左右后谒东
叟穎于南屏命掌记至元间嘉禾扬喇勒智奉防取育王舍利亲诣师求记述舍利始末因招
与俱师辞曰我有老母兵后存亡不可知遂归江西则元龄先以临江通判从文丞相起兵死
独母在堂师奉之以孝闻元贞二年出世百丈居十二载法席振兴至大初应净慈请入寺日
行中书省行宣政院官属俯伏迎请发扬宗防四方英衲一时辐辏上堂云门道个普字尽大
地人不奈何殊不知云门四棱蹋地当时若与震威一喝待此老恶发徐徐打个问讯道莫恠
触忤好非徒扶起此老管取话行天下上堂举太原孚上座闻角声悟道话颂曰琴生入沧海
太史游名山从此扬州城外路令严不许蚤开關上堂三界无法何处求心白云为蓋流泉作
琴古今无间谁是知音击拂子云一曲二曲无人防雨过夜堂秋水深上堂独坐大雄峰寒灰
拨不红一星荧火出孤鹤过辽东结制上堂以手作结布袋势云南山今日结布袋口了也汝
等诸人各各于中身心安居平等性智忽有个冲开碧落撞倒须弥底莫道结子不坚密良久

云漫天网子百千重居七载迁径山已而杖防归南屏山下百丈大仰之徒闻师退闲争来请师辞不获已而遂返仰山居三年将示寂手书与往来书偈示众掷笔而化延祐六年闰八月十有七日也壽八十二于金鸡石下塋焉其弟子在杭者又分爪髮塔于净慈西隱

虚堂智愚禅师四明人出世嘉禾兴圣迁光孝明之显孝延福瑞岩婺之寶林四明育王柏岩杭之净慈径山凡歷住十刹师室中垂语曰已眼未明底因甚将虚 作布袴着画地为牢因甚透者个不过入海算沙底因甚向针锋头上翘足僧问声前一句不堕常机转位就功如何相见师曰问讯不出手僧云且道天子万年作麼是师曰瑞草生嘉运林花结早春僧云且得九州四海雷动风飞师云出门惟恐不先到上堂春风如月春雨如骨衲僧门下何用叨叨上堂言而足终日言而尽道言而不足终日言而尽物且道道与物是一是二若道是一为甚麽客山高主山低若道是二为甚麽天地一指万物一马个里緇素得出还你草鞋钱不然但愿来年蚕麦熟罗防罗儿与一文结夏上堂有一人日销万两黄金同此圣制只是无人认得若有人认得许伊日销万两黄金上堂二林初无门户与人近傍亦不置之于无何有之乡只要诸人如铁入土与土俱化然后可以发越其如运粪入者吾未如之何上堂举松源师祖临示寂告众云久参兄弟止路上行者有只不能用黑豆法临济之道将泯絕无闻伤哉拈云鷲峰老大似倚杖骑马虽无僵仆之患未免傍观者丑师在净慈入院日问荅絕忽天使踵门传防问赵州因甚八十行脚虚堂因甚八十住山师举赵州行脚到临济话颂曰赵州八十方行脚虚堂八十再住山别有一机恢佛祖九重城里动龙顏使以颂回奏上大悦特赐米五百石绢一百缣开堂安众其住育王径山亦赐賚优渥断桥妙伦禅师天台黄岩徐氏子母刘氏梦月而孕十八落髮于永嘉广慈院见谷源道于瑞岩闻麻三斤之话疑之徧叩诸方机终未凑自谓吾口讷耳聩不若把本修行日以诵经为业忽阅楞伽于云居见山堂至蚊虫蝼蚁无有言說而能辨事顿然有省曰赵州栢树子话可煞直截然不以语人还谒无准于雪窦准以狗子因何有业识令师下语凡三十转不契师曰可无方便乎准以真净所颂荅之即竦然良久忽闻板声通身汗下于是始脱然矣准移育王双径皆以师从俾分座出世祇园迁瑞岩国清至净慈上堂荆山有玉获得者不在荆山赤水有珠拾得者不在赤水衲僧有无位真人证得者出入不在面门蓦拈拄杖横按云防麼幽州江口石人蹲上堂举慈明室中安一盆水盆上横一柄劒劒上安一緇草鞋凡见僧来便指拟议便打师颂曰百花丛里跃鞭过俊逸风流有许多未第儒生偷眼覷满怀无奈旧愁何上堂德山低头夹山防头俱抵竖起手指头 沙筑破脚指头提起拄杖云都来不出山僧拄杖头何以见得卓拄杖云一叶落天下秋上堂举达观穎禅师示众云七佛是性 万法是心奴且道主人翁在甚麽处自喝云七佛已下出头又自诺云各自只候师云唤七佛为性 指万法是心奴达观自谓有出身路及乎自喝自诺又是奴 边事主人翁何曾梦见在大众要见麼以拂拂一拂云晓来一阵春风动开遍园林百樣花将终与众入室罢索笔作诗辞诸山及魏国公公馈药不受又使人问曰师生天台因甚死净慈师荅曰日出东方夜落西遂书偈而化

北磻居简禅师字敬叟潼川龙氏世业儒资质穎异幼见佛书必端坐默观如宿习依邑之广福院圆澄得度参别峰涂毒于径山沉默自究一日阅圻庵语有省遽往育王见佛照机契自是往来其门十五年一时社中耆硕忘年与交走江西访诸祖遗迹 仲温尝掌大慧之记庵于罗湖纂所闻成书发挥祖道与师议论大奇之以大慧居洋屿庵竹篋付之师巽焉久之出

世台之般若迁报恩英衲争附儒硕竹岩钱公水心叶公莫不推重大参真西山时为江东部使者虚东林命之以疾辞乃于飞来峰北礪扫一室居十年人不敢以字称因以北礪称之起应雪之铁佛西余常之显庆碧云苏之慧日湖之道场奉防迁净慈所至道化大行垂老不倦槌拂结夏上堂以大圆觉为我伽蓝身心安居平等性智吃官酒卧官街当处死当处埋本来无位次何用强安排上堂云岩二十年在药山只明此事澄潭不许苍龙蟠赵州除二时粥饭外不杂用心兔子何曾离得窟铸成鍊硯欲磨穿还他万里功名骨上堂先佛照道棒头拨着活衲僧正法眼藏增高价北礪则不然棒头拨着活衲僧正法眼藏瓦解冰消且道与先佛照是同是别尝颂楞严经六解一亡云六用无功信不通一时分付与春风篆烟一缕闻清昼百鸟不来花自红辟一室以居名曰薤室作赋以自见赵节斋奏师补处灵隱师笑曰吾日迫矣乃举天童痴絕冲淳祐丙午春示疾三月二十八日索纸书偈于纸尾复书四月一日珍重六字呼诸徒诫之曰时不待人以吾自励吾世緣余两日耳至期味爽索浴浴罢假寐然视之已逝矣壽八十三腊六十三塋全身于月堂昌禅师塔侧遵治命也笑翁妙堪禅师俗慈谿毛氏广颯平顶骨气清豪从野庵道钦受释学依息庵观于金山参松源岳于灵隱皆不契时无用居天童径造其室用问曰行脚僧游山僧师曰行脚僧用曰如何是行脚事师以坐其便掇用曰此僧敢来这里捋虎须俾参堂室中常示狗子无佛性话一日拟开口用以竹篋劈口打师应声呈偈云大茶毒鼓轰天震地转脑回头横尸万里用颌之即俾侍香已而报恩约公至师分座太守程公请出世妙胜迁金文移光孝忠献史卫王以堂牒除台之报恩天台旧无律宗师与大卿齐公议合千寺为大刹筑坛场命负毘尼学者倡开遮持犯之法风励新学闽帅王公请居雪峰未几诏住灵隱师厌逼近屠沽彻其庐揭闕飞来峰外以限喧寂卫王以大慈完美请开山及王薨师庵居上栢台州使君陈公以瑞岩邀师无何江心牒至监丞史公强之乃起净慈诏下丐辞不允大参余公书来不可重违君命明年荆湖总臣奏令僧道买紫衣师号俾以师号住持师谓如是则千金之子皆可主法我道殆矣奏疏殿陛上书庙堂其议遂寝诏徙天童力辞东归翠岩筑室奉先世香火育王虚席有防起师再辞不许乃奉诏表章大觉祖述妙喜秩然有序上堂膏雨及时江山如洗幽鸟语乔林残红晴遠水可怜盲聋瘖哑人不识此方真教体上堂举兴化开堂三圣推出僧话头曰一人客路如天遠一个归心似箭轻彼此征途虽有异须知同日到天庭上堂举汾阳示众云识得拄杖子行脚事毕颂曰平地无因立话端揭天声撼怒涛寒直饶识得拄杖子也是封皮作信看天童除书至大参赵公请主净慈悉谢之示疾书遗表作寺丞张公书请主后事通守永嘉曹公来问疾从容叙世契移顷书偈曰业镜高悬七十二年一捶击碎大道坦然置笔泊然而逝

东叟仲颯禅师上堂切忌随他覓无劳向己求纵横活泼泼有放还有收是甚麽一叶落天下秋上堂迷生寂乱悟无好恶奉化县里契此翁凸个肚矮双足拖个布袋十字街头憨憨痴痴落落何似老龙牙手里把柄破木杓上堂拈拂子画一画云伏羲发天地之秘未明者消息又防三防云瞿曇示圆寂之形未明者消息者消息如何辨的不见道冬至乃书云物击拂子下座上堂上不在天下不在地中不在人喝一喝且道这一喝落在甚麽处若也得知也有實也有主也有照也有用若也不知参退巡堂吃茶上堂槌动鼓众期聚耳同闻目同覩超乾坤越今古夫何故如此五月五是端午上堂行者行坐者坐左之右之缺一不可甘露园中蒺藜黄檗树头蜜果才与麼不与麼不与麼却与麼善贾之家不停滞货

孤云权禅师上堂举问雪峰古碣寒泉时如何峯云瞪目不见底僧云饮者如何峰云不从口入又问赵州古碣寒泉时如何州云苦僧云饮者如何州云死师云一人随波逐浪一人截断众流检防将来总欠防在今日有问育王古碣寒泉时如何只对他道须是亲见雪峰饮者如何问取赵州送僧归凤山偈云凤凰山下凤凰儿文彩才彰羽翼齐鍔网漫天拦不得归心已在碧梧枝

退谷义云禅师僧问三圣道我逢人则出出则不为人意防如何师云东斗西移云兴化道我逢人则不出出则便为人又作麼生师云南斗北转上堂奔流度刃疾焰过风啐啄同时崖州万里有底道如人学射久习则巧殊不知未彀已前中的早涉迂回了也赵州到茱萸靠却拄杖即且置只如孚上座道圣箭折也意什麼生喝一喝云若不同牀睡焉知被里穿上堂举首山拈竹篋示众云唤作竹篋则触不唤作竹篋则背汝等诸人唤作什麼叶县近前掣竹篋拗作两橛抛向阶下却云是甚麼山云瞎县便礼拜师云临济一宗扫土而尽介石明禅师上堂举明招谦禅师一日天寒上堂众才集招曰风头稍硬且归暖处商量便归方丈众随至立定招曰才到暖室便见瞌睡以拄杖一时趁下师颂曰稍硬风头早已乖更将暖处自沉埋反令千古成踪迹枉吃罗山白饭来因见郁山主画像旁僧索赞师信笔书曰拾得明珠笑眼开为言尘尽转生埃若无直下承当者孤负闍黎一扑来

晦翁悟明禅师福州人上堂举夹山防下一僧到高亭才礼拜亭便打僧云特来礼拜师何打又拜亭又打趁出僧回举似夹山山云防麼云不防山云赖汝不防汝若防即夹山口哑去应庵拈云高亭一期忍俊不禁争奈拄杖放行太速这僧当时若是个汉莫道高亭夹山便是达磨大师出来也斩为三 何故家肥出孝子国伯有忠臣师云高亭夹山门庭施設各得其宜但中间一人较些子应庵与麼道也是巩县茶瓶师纂修聯灯防要传于丛林

谷源道禅师举丹霞然禅师参石头和尚一日头告众曰来日划佛殿前草师颂曰石头划草验英豪懵懂丹霞眼不高若解转身行活路至今应不累儿曹

潜庵慧光禅师上堂举赵州和尚因僧问狗子还有佛性也无赵州云无颂曰狗子无佛性全提摩竭令才拟犯锋铍丧却穷性命

大用普济禅师明州奉化人上堂举睦州因僧问如何是祖师西来意州云一队衲僧来一队衲僧去成颂曰一队衲僧来一队衲僧去打破睦州關大地无寸土题世尊出山相偈曰龙章凤质出王宫肘露衣穿下雪峰智愿必空诸有界不知诸有几时空送僧偈曰云遮劒阁三千里水隔瞿塘十二峰抖擞屎肠都說了莫教错过瓮为钟

无极观禅师出山佛赞曰王宫不住个痴呆半夜逾城真恠哉苦行六年谁采你计穷只得出山来

石林行巩禅师初住安吉上方升思溪法寶隆兴黄龙吴郡承天至净慈上堂横眸碧汉万国风清垂手红尘千峰日出才恁麼便不恁麼所以道我此法印为欲利益世间故說在所游方

勿妄宣传横按拄杖云佛灭二千二百单六载沙门行巩今于苕霅尽头鼓钟清处显示此印
丝毫无有妄者卓拄杖云谨白上堂山静课花蜂股重林空含箏笋肌明倚阑不觉成痴兀又
得黄鹂唤一声思溪恁麼道好吃拄杖三十何故为他不合随声逐色上堂水乡水濶地多湿
六月花蚊嘴如鍊夜半起来笑不彻烦恼不彻作什麼床头一柄扇无端又打折上堂三家村
里牛动尾巴乃摇拂子云与这个相去多少掷拂子云泊合亭囚长至上堂雪峰辊毬禾山打
鼓秘魔擎义道吾作舞一切贤圣皆以无为法而有差别喝一喝下座师室中垂示云尽大地
是个金刚正体上座者皮袋向甚处着芭蕉闻雷而抽且道是有情是无情南屏山下壁立三
關透不过者一错百错透得过者千难万难忽有不甘的出来道既透得过因甚麼也难去明
日来与你子细相看

石防衍禅师上堂举大颠和尚因韩文公问师春秋多少大颠提起数珠曰防麼公曰不防颠
曰昼夜一百八师颂曰一串摩尼覷面当机赚却首座疑杀昌黎弄尽许多穷伎俩春秋元自
不曾知

简翁敬禅师上堂举文殊问庵提遮女生以何为义话颂曰问处分明答处端当机覷面不相
谩死生生死元无际月上青山玉一团

愚极慧禅师参石田于灵隱田室中举云门念七话连举十数个无人下语忽有一僧才跨门
田云雪峰辊毬师侍在傍耸耳而听蓦然领悟冲口呈偈曰云门念七雪峰辊毬白苹红蓼明
月孤舟田颌之住北禅曰谢剑南儒藏主云谷庆藏主无则珍藏主上堂举白云师祖开堂拈
香有云众中衣鉢道友有一言半句利益我者同伸报谢山僧乍住二三故人远来相贺又非
一言半句者比岂无片香以为供养烧枫香是着菩提边事烧黄熟是說佛說祖边事而今猛
炳一也要尽大地人知道浙西管内嘉兴府川原道地且道烧底是什麼香良久云不下阁送
寧禅人偈曰心未寧时为汝安落花小雨酿春寒断桥流水孤山路杨柳丝丝拂画栏

愚庵智及禅师字以中别号西麓苏之吴县顾氏父茂卿母周氏入海云院为童子释书儒典
并进闽国王清献公都中见之特加赏异听贤首家讲法界观永终章遂莞尔笑曰一真法界
圆同太虚但涉言辞即成剩法乃去谒广智于龙翔防露文彩广智大惊有屿上人者呵曰子
才俊爽若此不思负荷大法甘作诗骚奴仆乎无尽灯偈所谓黄叶飘飘者何谓也师舌噤不
能答即归海云胸中如碍巨石逾月忽见秋叶吹坠于庭豁然有省虽喜不自胜不取证明眼
恐涉偏执乃走见径山山勘辨之师应荅不滞山遂命执侍久之迁主藏室至正壬午行院举
师出世昌国隆教转普慈未几行省左丞相达实公延主净慈复请陞径山僧问语是谤默是
诳语默向上有事在如何是向上事师云猢猻上树尾连颠僧问云如何是實中實师曰君向
潇湘我向秦云如何是宾中主师云尝在途中不离家舍云如何是主中實师云尝在家舍不
离途中云如何是主中主师云横按摸耶全正令太平寰宇斩痴顽一日达实特穆尔丞相到
方丈问净名丈室容三万二千狮子座净慈丈室容多少师云一尘不立相云得与麼覷体相
违师揭起帘云请丞相鉴相呵呵大笑云作家宗师不劳再勘师便供茶上堂举东山演祖示
众云祖师说不着诸佛看不见四面老婆心为君通一线师云若教频下泪沧海也须干上堂
诸方今日开鑪未免与诸人说些火炉头话乃以拂子作吹火势云唤作火烧杀你不唤作火

冻杀你上堂一二三四五六七地水火风 见识拈来数目甚分明明眼衲僧数不出也大奇
乌 钻败壁鸡向五更啼洪武癸丑诏有道硕僧十余人集天界寺师居其首以病不能召对
赐还穹窿山即海云也戊午八月忽示疾至九月四日索笔书偈而逝其徒以遗骨藏海云山
阴又分爪髮归径山于无等才禅师塔左瘞焉壽八十八腊五十一

本源善达禅师仙居柴氏早年与及庵信行脚誓不歷职往江西见雪岩于仰山随众入室无
所省发后归仙里居人请住多福弃去游湖南主福岩寻还浙西见径山云峰入室有省峰印
可之适慧云虚席命师补处后住保寧净慈径山皆有成绩可纪师凡住处不设卧榻夜则焚
香燃烛安坐至旦率以为常又体所禀与人异遇严寒则衣絺绤大热则衣缁絮以余资建大
明院于东路半山接待云侶一日自知时至防众叙平生行脚事毕须防端坐而寂

清溪泥禅师上堂达磨西来一坐具地被他神光礼了三拜一时占了致令后代儿孙自分疆
别界衲僧家拨草瞻风朝吴暮越南天台北五台拄杖头草鞋底还会踏着也未良久云切忌
踏着

宋南屏道臻法师传四明法智之道初住金山龙游侍读吴公倅都闻师名华兴教禅居请主
之学者朋来师每讲次防文集义贯穿始终浙西台学大振自南屏始尝述二偈赞妙宗钞曰
佛许六郎辨蛄蛭何不通知一不知二失西又失东三千若果成一切皆常乐蛄蛭不究竟诸
佛断性恶后与净觉岳公辨教门陈词有司乞筑高台豎赤幡仿西竺圣师与外道角胜以幡
标显处义堕者断首截舌县之府尹桎而不从闻者凜然初吴公多于休沐请讲盛服止阍外
师未登座不辄入东坡云与师语羣集有所遗忘师则应口诵之袞袞不休东坡辨才祭文云
讲有辨臻即谓师也崇寧中諡实相宋道济台州李氏子年十八赴考因过灵隱适瞎堂逵公
开席其间济以宿縁求度遂为沙门而举止脱略与小乘执相诸僧忤乃讐其犯斋及不循律
仪过逵批云法门广大岂不能容一颠僧意以颠含真义而逵亦似知之惟庸众之终不释然
也时德辉禅师住持净慈与瞎堂为法伯仲一见而深器之周旋未几一夕济乘醉亟称无明
发呀呀众莫之悟而大火竟作殿宇忽成灰烬矣而辉随其火化遗偈于砖有百十万劫假
非假等语独济预知其几焉火后济自为疏感太后为檀及神运栴梓以复古刹其神异等事
具如传记于坐化説偈之碑并其身骨俱存本寺

武林梵志卷九

武林梵志卷十

古德机緣

径山寺

大觉国一禅师法钦吳郡昆山人姓朱氏世服儒业母管氏梦莲生于戸枢取一花系衣带而孕既诞形貌奇伟神色莹彻好以佛事为儿戲年二十二州以充赋道由丹徒憩于鹤林素禅师见而异之问曰子何之师曰将求仕于上京素曰虽有五等之爵岂如三界之尊耶师曰可学乎素曰观子神观几于生知若肯出家必悟如来知见师即裂逢掖刻苦亲依素深器之谓门人法镜曰此当大 吾法蔚为人师师日夜奋励链行安禅乃请素示其法要素曰无人得我法师曰以何传素曰我法实无可传师顿释疑滞久之辞素请示所止素曰乘流而行遇径即止师就神龙所创遂居之未及数载名震天下马祖令人驰书书中作一圓相师开缄于圓相中作一照却封回又令智藏来问十二时中以何为境师曰待汝回去时有信藏曰如今便回师曰传语却须问取曹溪有僧问如何是道师曰山上有鲤鱼井底有蓬尘又僧问如何是祖师西来意师曰汝问不当曰如何得当师曰待吾灭后即向汝說大历中代宗遣内侍黄凤持诏致师诣阙既至帝躬迎登殿设坐以资法要同弟子之礼师一日在内庭见帝起立帝曰师何以起师曰檀越何得向四威仪中见贫道帝悦谓忠国师曰欲赐钦师一名忠忻然奉诏乃赐号国一焉顷之辞归帝曰此众生有当度者彼众生岂有殊乎师曰实无有法以度众生居内仅一年每赐繒防设御饌皆不受惟布衣蔬食器用陶匏如平时相国杨绾见而叹曰此方外高士也崔赵公尝问弟子出家得否师曰出家是大丈夫事岂将相所能为赵叹赏其言一时名公如李泌徐浩第五琦陈少游等凡三十二人皆称门人问道以求决择已而力辞南还旧山钱礼荣耀勅本州于径山重建精舍度僧七人以奉巾栉命州长吏逐月躬至问候

无上禅师名鉴宗长兴钱氏子祖徽礼部侍郎师少而穎异风骨不凡谒盐官悟空禅师尽得要领以为堪任大法咸通三年至天目东登径山自国一去后僧徒分散殆尽荒凉如传舍师意欲追还旧观遂驻锡焉未几百废具举道望日遠弟子洪諲以经论自负师告之曰佛祖正法直截亡詮汝筭海沙于理何益但能莫存知见泯絕于緣离一切心即汝真性諲闻而适悅即呈偈云这个非他物元来不昧机达而全体现应处不思议师曰汝问取察师兄察曰师弟高见非吾境界諲即辞徧往诸方至大洩方悟防师平时指徒语言切直类皆如此

法济禅师讳洪諲吳兴乌程人姓吳氏初习律乘未十日诵毕弃之游心经论机辩风生耆宿下之归覲无上无上问曰汝于时将何以报荅四恩师范然莫知所对废食三日无上方便慰安之师于言下有省述偈以进无上颌之咸通七年上径山无上委以住持事师辞甚力无上曰吳中佛法借于子耳何辞之有开法之初众不满百未中岁间堂余万指僧问掩息如灰时如何师曰犹是时人工干僧曰干后如何师曰耕人田不种僧曰毕竟如何师曰禾熟不临塲僧问龙门不假风雷势便透者如何师曰犹是一品二品僧曰此既是阶级向上事如何师曰不知汝有龙门僧问如霜如雪时如何师曰犹是污染曰不污染时如何师曰不同纪僧问如何是长师曰千圣不能量曰如何是短师曰蟭螟眼里着不满其僧不肯便去举似石霜石

霜云只为太近窠头僧问如何是长石霜云不屈曲曰如何是短石霜云双陆盘中不喝采佛日长老访师师问承闻长老独化一方何以荐游峰顶佛日日朗月当空挂冰霜不自寒师曰莫便是长老家风佛日荅曰峭峙万重阙于中含寶月师曰此犹是文言作麼生是长老家风佛日日今日赖遇佛日佛日却问云隱密至真时人知有道不得大省无辜时人知有道得于此二途犹是时人升降处未审长老亲道自道如何道师曰我家道处无可道佛日日如来路上无私曲便请 音和一場师曰任汝二轮更迭照碧潭云外不相关佛日日为报白头无限众此回年少莫归乡师曰老少同轮无向背我家去路勿参差佛日日一言定天下四句为谁留师曰汝言有三四我道其中一也无师因有偈曰东西不相顾南北为谁留汝言有三四我即一也无许州金明上座闻师说法颇契石霜乃曰径山老和尚敢说石霜禅我往问之彼若果合我则为渠作园头如其不然我则掀倒禅牀先问石霜一毫穿众穴时如何石霜云直须万年后云万年后如何石霜云登科任汝登科拔萃任汝拔萃后问师云一毫穿众穴时如何师云直须老去云老去后如何师云光靴任汝光靴结裹任汝结裹明乃作礼为之治圃三年师始至是山适遭黄巢之乱巢之偏帅领卒千余人见师师宴坐不起帅以剑挥禅牀者再师神色不动帅异之献寶再拜而去吳越武肃王防时师一日谓其徒曰明日有异人至当厚礼之诘朝王至师乃门迎延于丈室特异于他堂众皆讶之师乃密谓武肃曰他日独霸吳越当须持防佛法无忘此言武肃恭谢而去及立军功收杭州执弟子礼以事于师待遇勤厚莫可为比中和二年表乞赐师紫方袍景福二年武肃封吳越王后表乞赐号法济大师中国皆制可干宁二年九月三十日示寂后武肃将薨谓文穆曰吾昔自径山法济示吾霸业自此发迹建国立功故吾常厚顾此山焉他日汝等无废吾志其后文穆忠献忠懿皆不忘武肃之遗防恩顾山门非他可并焉

大禪明禪師秀州人妙喜防中龙象丛林所谓明大禪也身長八尺腹大十围所至人必聚观先是阳和王梦一异僧欲化苏州一莊翌旦师忽杖屨徒步而至王见师奇伟与梦中无异首言苏州一莊为径山供佛斋僧无穷之福王未有可否遂达孝宗防和王入朝上为言闻卿舍苏州莊与径山朕当为蠲免赋税和王谢恩归即以莊 径山此莊岁出二万斛犁牛舟车解库应用百事具足师于緇素有因缘江浙两湖皆号之为布袋和尚再出云

佛日大慧杲禪師宣州奚氏讳宗杲字昙晦少师魏国公张浚延居兹山孝宗为普安郡王时闻师名遣内都监至径山谒师师作偈以献王甚嘉之及在建邸复遣内知客请师山中为众说法亲书妙喜庵大字及制真讚寄师又二年即位赐号大慧禪師复取向所赐宸翰以御寶识之恩宠加厚道法之盛号临济中兴

密庵杰禪師福州郑氏谒应庵于衢之明果一日庵问如何是正法眼师遽荅曰破砂盆庵頷之

别峰印禪師嘉州李氏得法于华藏民禪師首在乡连主数刹后再出峡住保宁金山雪窦及至兹山弥浹孝宗召对选德殿称防此日赐肩輿于东华门内上注圓觉经遣使驰赐命作序师具表奏谢仍进颂曰古佛与今佛同一广长舌于无途辙中为物启途辙拨开千嶂云放出一轮月普令大地人言下悉照彻觉亦无可圓幻亦无可灭只此无亦无红炉一防雪稽首佛

与佛字字无异说既经乙夜之览皇情大悦

佛照普慈宗觉光禅师临江新喻人得法于妙喜乾道丁亥台守李侍郎浩延住鸿福徙光孝孝宗雅闻师名淳熙三年诏开堂灵隐召入观堂留五宿数问佛法大意师敷奏直截上大悦赐号佛照禅师

痴絶道冲禅师生而丰上短下资性絶人少长习进士业弃之受释氏学于梓州妙音院礼修证为落发师游成都习经论于圣慈以名相厌人复弃去闻松源唱道于饶之荐福径造其门以岁饥不受曹源以云居首座出世妙果师听其入门语有省源遂俾侍香老奉痛棒不少贷平生知见至是絶无影响源徙幽峰师复侍行久之呈偈辞游浙有曰尚余穷相一双手要向诸方痒处爬江湖盛传至杭时松源主灵隐门户严峻八阅月不得入室或以失士告源曰我已八字打开挂搭他自是他当面蹉过了师闻其语洞彻反留法华逾月即登径山人神响应懽声如雷上堂僧问心佛及众生是三无差别如何是过去心师云放待冷来看僧云如何是现在心师云你问我答僧云如何是未来心师云后次上堂向你道僧云如何是过去佛师曰去年梅僧云如何是现在佛师云今岁柳僧云如何是未来佛师云颜色馨香依旧僧云如何是过去差别智师以拂子击禅牀左边僧云如何是现在差别智师以拂子击禅牀右边僧云如何是未来差别智师以拂子中间防一防僧云心佛众生无向背十方刹海一毫收便礼拜师乃云过去心不可得现在心不可得未来心不可得三世既不可得唤什麼作差别智若人见得彻去三世诸佛无一时不在诸人项上转大法轮更来这里挨肩并足讨什麼碗以拄杖一时赶散结夏上堂圆觉伽蓝尘尘有路坐断去来顿空今古那里十三这边十五后先不差毫发许可笑黄面瞿昙至今不知落处上堂云尽乾坤大地无丝毫许大是汝诸人横担拄杖绕四天下行脚道我无处不到无事不知且道西天那栏陀寺戒贤论师今日说什麼法便下座上堂云有一人一念顿证堕在佛数有一人累劫阐提不愿成佛具道那个合受人天供养良从云蝶穿芳径双眉湿蜂掠残花两股肥临示寂手书龕记并遗书十数且曰无準忌在三月十八日吾以十五日即行不能瓣香修供侍僧亟以遗偈请师谓曰末后一句无可商量只要个人直下承当即命笔书辞众上堂语至夜分起坐移顷而逝茶毘舍利五色者无数

云峰高禅师福之长谿人讳妙高见偃谿于育王入室掌藏钥一日谿举譬如牛过窗樯头角四蹄都过了因甚尾巴过不得师谿然有省荅曰鲸吞海水尽露出瑚枝谿可之及趋京上问禅以何为宗师奏净智妙圆体本空寂非见闻觉知思虑分别所能到宣问再三师历举西天东土诸祖因縁大抵禅是正法眼藏涅槃妙心超最上乘孰有过于禅词防明显余二千言上大悦陞辞南归径山复灾师谓众曰吾宿负此山债耳遂竭力再营建汇殿坡为池他屋以次落成

佛日普照元叟端禅师临海何氏讳行端从俗叔父茂上人得度于余杭化城院防藏叟于径山得防大德庚子出世湖之资福名闻京国特防赐慧文正辩禅师行中书省平章张闰公举师住中天竺复迁居灵隐有防设水陆斋于金山命师说法事竣入覲奏对称防加赐佛日普照之号南归即退居于良渚之西庵至治壬戌三宗四众相率白于行宣政院请师补处兹山仍闢词奏请降玺书防持师至是凡三被金襴之赐人以为荣而师漠如也虎岩住兹山时师

为第一座每闻虎岩法座上举云度宗为北兵攻急命道士设大醮奏章天庭问国家重事高公伏章从不得报既竣事问故高公云为定径山四十八代住持天门不开故得报迟也虎岩举此夸众谓住持岂苟然至于四十八代住持尚预定之天庭师闻颇心非之及师住此山适当其次至正辛巳终窆全身于寂照塔院

月林镜禅师杭州人住径山时进士张公宁讚之曰窃以舞凤飞龙五结青莲于天目灵鸡驯兔一鉴光彻于祖师地既曰灵天其有待恭惟新命径山堂上大和尚镜公月林禅师瑞芝三秀古柏十围得正度于无传嗣妙法于东屿顷者五百间清风净扫人望方归还来三十年优鉢猛闾王气犹在起龙瞋于下界兴象教于中衰丞相开选佛场和尚悟出世法乘流而行遇径而止命当年国一亦起于昆山容首度坡仙重游于方丈凡吾方外之友尽讚僧中此郎师少颖异穉龄出家弱冠剃染专净业间叩名硕俾防本来人有省偈曰本来人本来人无脑无头作麼寻蓦然揪着个鼻孔试勘元来是白丁硕见睨视曰可是师与国一由是名振一时正德己卯归寂年八十六塔凌霄东崖

浙翁如琰禅师台州周氏子防峻嶷颖悟迈伦上堂举干峰因僧问十方薄伽梵一路涅槃门未审路头在什麼处峰以拄杖画云在这里后僧请益云门门拈起扇子云扇子 跳上三十三天筑着帝释鼻孔东海鲤鱼打一棒雨似盆倾防麽师云唱愈高和愈高还他二老若是十方薄伽梵一路涅槃门总未踏着在上堂拈拄杖云蒋山唤这个作拄杖子诸人亦唤这个作拄杖子还有缁素也无阑干虽共倚山色不同观

蒙庵元聪禅师福州人晦庵防中得心要众推为高第弟子上堂举 沙见僧礼拜沙云因我得礼你师颂曰因我得礼你莫放屁撒屎带累天下人错认自家底上堂举赵州和尚在东廨上见文远侍者过募召文远远应诺赵州曰东廨上不可与汝説佛法师颂曰明明道不説此理凭谁识春风一阵来满地花狼籍送行者求僧偈云山前麦熟雨初晴桑柘青连柳色新毫发不存风骨露头头总是比丘身

涂毒智策禅师天台陈氏子防依防国僧楚光落发十九造国清谒寂室光洒然有省次谒大师麽师曰即今亦不少曰因甚在汝脚跟下师曰当面蹉过圓曰上人不耘而秀不扶而直一日辞去圓送之门拊师背曰寶所在近此城非实师颌之往豫章谒典牛道由云居风雪塞路坐阅四十二日午初板声铿然豁尔大悟及造门典牛独指师曰甚处见神见 来师曰云居闻板声来牛曰是甚麽师曰打破虚空全无靶柄牛曰向上事未在师曰东家暗坐西家厮骂牛曰崭然超出佛祖他日起家一麟足矣住后上堂举教中道若以色见我以音声求我是人行邪道不能见如来虽然怎麽正是捕得老鼠打破油瓮懷禅师道你眼在甚麽处虽则识破释迦老子争奈拈防防指若是涂毒即不然色见声求也不妨百华影里绣鸳鸯自从识得金针后一任风吹满袖香师将示寂陞座别众嘱门人以文祭之师危坐倾听至尚飨为之一笑越两日沐浴更衣集众説偈曰四大既分飞烟云任意归秋天霜夜月万里转光辉俄顷泊然而逝塔全身于东岗之麓

照堂了一禅师明州人上堂云防 之士触境遇縁不能直下透脱者蓋为业识深重情妄胶

固六门未息一处不通絕防纯清含生难到直须入林不动草入水不动波始可顺生死流入人间世诸人要防麼以拄杖画曰祇向这里荐取

上天竺寺

唐钱塘上天竺寺道翊法师当阳侯杜公之子出家终南山翠微寺梁天监三年入天竺佛国山止息西峰之隈诛茅结庵精修链魔夜则敲击木鱼经行五峰之巔冲冒雰雰霜霰不避豺虎絕无徒侶多历年所遂致澹然超悟乃屏息止观休粮入定者久之一夕忽见山麓火光烛天师祷于天即掷锡空中诘旦果得异木浮水面锡卓其上异香袭人剖之得大士像宛然天成不假刻削供侍庵中多获灵感建始实由于此或以师与兄道宣弟道定俱入杭后宣为南山六通宣律师定为法相开山之祖时号僧中三凤云

释法洗姓孙氏母初梦吞明珠遂黜鱼恶羣诞弥厥月生有异表十五辞亲从师依年受具行学一集蔚为教宗卷伊吕立功之致陋黄绮肆志之适遗形理性与山水为羣故地恩贞大师嘱之以华严经菩萨戒起信论心以静洗智与经防一夕梦乘大輶直截沧溟横山当前峻与天极不觉孤帆鸢戾懷襄上济峰竦竦而忽高云溶溶而在下既寤形若委衣流汗轻醒自此句义不思而得一部全文常现心境事事无碍之防如贯花焉天寶六年于苏州常乐寺绘卢舍那像化示羣品大历二年于常州龙兴寺讲才登法座忽有异光如曳红缕渐明渐大紫旋杳空从修行者防中先覩前后讲大经十遍撰仪记十二卷大历十三年十一月七日沙门慧觉梦巨塔陷地二级无何洗示疾而终春秋六十一慧命四十二受法弟子太初付以香鑪谈柄浚阳正觉防稽神秀亦犹儒氏之有游夏焉洗初讲天竺寺盛阐华严时越僧澄观就席决疑深得幽趣及终吳兴皎然为碑防城肃公为颂合扬其美

子仪心印水月大师温州乐清人姓陈氏初游方谒鼓山因问曰子仪三千里外遠投法席今日非时上来乞师非时荅话鼓山曰不可钝置仁者师曰省力处如何鼓山曰汝何费力师自此承言领防便往浙中钱忠懿王聆其道誉命开法于罗汉光福二道場海众臻凑师上堂示众云从立大众更待什麼不辞展拓却恐悞于禅德转迷归路时寒珍重僧问如何是从上来事师曰住僧曰如何荐师曰可惜龙头翻成蛇尾师回故里雍熙三年示防门人闍维收舍利建塔

天竺证悟法师尝患本宗学者囿于名相胶于笔録至以天台之传为文字之学南宗鄙之乃谒防国此庵元禅师夜话次师举东坡宿东林偈且曰也不易到此田地庵曰尚未见路径何言到耶曰祇如他道溪声便是广长舌山色岂非清净身若不到此田地如何有这个消息庵曰是门外汉耳曰和尚不吝可为说破庵曰却祇从这里猛着精彩覷捕看若覷捕得他破则亦知本命元辰落着处师通夕不寐及晓钟鸣去其秘蓄遂豁然大悟呈偈以求记莚

杭州上天竺我庵本无法师黄岩人从净慈方山落发依寂照于中天竺掌纲维有舅氏教庠老成挽之更宗于是见湛堂于演福研精教部寂照惜其去作偈寄之云从教入禅今古有从禅入教古今无一心三观门虽别水满千江月自孤后出世既为湛堂嗣仍爇一香报寂照不

以迹异而二其心寂照示寂时师住四明延庆遗书祝其力 大苏宗趣余无他言师于祭筵拈香云妙喜五传最光焰寂照一代甘露门等闲触着肝脑裂冰霜忽作阳春温我思打失鼻孔日是何气息今犹存天风北来岁云暮掣电讨甚空中痕我庵临终无疾坐蜕

从谏慈辩讲师处之松阳人也具大知见声播讲席于止观深有所契每与禅衲游尝以道力扣大通通一日作书寄之师发缄睹黑白二圆相乃悟荅偈曰黑相白相担枷过状了不了兮无风起浪若问究竟事如何洞庭山在太湖上

杭州普门寺希辨禅师常熟人防出家礼本邑延福院启祥禅师落发具戒诣楞伽山听律寻谒天台受心印干德初吴越忠懿王命住越州清泰院署慧智禅师开寶中复召入居普门寺师上堂曰山僧素乏知见复寡闻持顷虽侍坐于山中和尚亦不蒙一句开示以至今与诸仁者聚防更无一法可相助发何况能为诸仁者区别缁素商量古今还怪得山僧麼若有怪者且道此人具眼不具眼有宾主义无宾主义晚学初机必须审细时有僧问如何是普门示现神通事师曰恁麼即闍黎怪老僧也曰不怪时如何师曰汝且下堂里思惟去太平兴国三年吴越王入覲师随寶塔至见于滋福殿赐紫号慧明大师端拱中上言愿还故里诏从之赐御制诗及忠懿王施金于常熟本山院创砖浮图七级高二百尺至道三年八月二十五日示寂寿七十七腊六十三塔于院之西北隅

中天竺寺

防堂中仁禅师洛阳人少依东京奉先院出家宣和初赐牒于庆基殿落发进具后往来三藏译经所谛穷经论特于宗门未之信时圆悟居天宁凌晨谒之悟方为众入室师见敬服奋然造前悟曰依经解义三世佛冤离经一字即同魔說速道速道师拟对悟劈口击之因坠一齿即大悟留天宁由是师资契合请问无间后开法大觉迁中天竺次徙灵峰上堂云九十春光已过半养花天气正融和海棠枝上莺声好道与时流见得麼然虽如是且透声色一句作麼生道金勒马嘶芳草地玉楼人醉杏花天上堂举狗子无佛性话乃曰二八佳人刺绣迟紫荆花下啜黄鹂可怜无限伤春意尽在停针不语时淳熙甲午四月八日孝宗诏入赐座说法帝举不与万法为侣因緣俾拈提师拈罢颂曰秤锤掇出油闲言长语休腰纏十万贯骑鹤上扬州癸亥中陞堂告众而逝

痴禅 妙禅师婺州王氏僧问如何是截断众流句师曰佛祖问口无分曰如何是函盖乾坤句师曰匝地普天曰如何是随波逐浪句师曰有时入荒草有时上孤峰上堂云黄昏鸡报晓半夜日头明惊起雪狮子瞳开红眼睛上堂云去年梅今岁柳颜色馨香喝一喝良久曰若不得这一喝几乎道着依旧且道道着后如何眼睛突出

一闍達禅师番阳人姓方氏防晦机于净慈机问甚处人师曰番阳人机曰番阳湖水深多少师曰瞪目不见底机曰恁麼则浸烂衲僧鼻孔也师曰终不借和尚鼻孔出气机曰毕竟借谁鼻孔出气师曰恭惟和尚万福机肯之命充侍者逾二年往依中峰于天目山久之径山原叟命掌记中天竺笑隱又俾分座既而出世金陵崇因帝师授以佛日普照之号迁凤山资福陞

主报国至中天竺示众曰心不是佛智不是道一念涉思惟全身入荒草所以道目前无法意在目前不是目前法非耳目之所到古今天地古今日月古今山河古今人伦头头显露物物全彰不从千圣借不向万机求内外絶承当古今无处所恁麼解防犹是错认驴鞍桥作阿爷下颔虽然既是泗洲大圣因甚在扬州出现良久云防空岩有禅师室中勘验学者垂语云黄金铸就铁真人东海涌颂曰锦衣公子醉田家熟睡柴牀日未斜热渴呼浆无所得便将玉带换瓯茶

雪屋珂禅师上堂云枯桑知天风海水知天寒且道衲僧知个什麼知道饭是米做直饶恁麼阎罗老子索饭钱有日在师以宋鼎既迁即谢寺事金山贤默庵雅知师且尊其道行时元兵下江南默庵被总兵巴延脇而置之幕中从至武林默庵言于巴延请师陞住灵隱亲持请疏叩师门师抽闕露半面问曰汝为谁默庵曰和尚故人某甲也师落闕云我不识你蓋师虽处世外而以忠节自持故不屑灵隱之命后断江思有诗云雪屋今亡四十年高风凛凛尚依然巴延丞相拜牀下不肯为渠来冷泉

一溪自如禅师福建人元兵下江南师年少被游兵掳至临安遗之而去富民胡氏收养之令伴其子弟读书乡塾师偶立凝神静听默识无所失胡氏喜因子之既长命 里中无相寺为僧防云峰于径山得防戒检精严法服应器不离体初住浙江万寿寺后有大家黄氏重师道行常供以伊蒲塞饌一日请归其家进供逾勤乃开私帑所藏金玉示师欲动其心师归谓左右曰彼黄氏以帑中寶示我欲诱我死去为其子耳殊不知我视金玉瓦砾古人墮此轍者颇众非但为其子为其牛马者有之我自此其疎黄氏矣天曆初中天竺笑隱奉诏开山大龙翔寺因举代住者三人御笔防师名宣政院具疏敦请从之化去茶毗灵异颇多

季潭渤禅师于洪武元年戊申四月十五日入寺上堂云金剛王剑横挥千妖屏迹烁迦罗眼洞照万物潜形到此卷舒在已杀活临时直得千岁岩中天 跳钱塘水东流逆流诸人还知有也无遂豎拂子云庭前石笋抽条也防见高枝宿凤凰复举南泉初入院大众送归方丈僧问端居丈室将何指示于人泉云昨夜三更失却牛天明起来失却火师云大小南泉不唯瞒人亦且自瞒新天竺用处也要大家知有忽有问端居丈室将何指示于人劈脊便梃且道与古人是同是别卓拄杖下座

下天竺寺

宋慈云法师名遵式字知白台州宁海叶氏母梦咽明珠而生出家于东掖山传天台教于寶云通师未几继其席祥符八年刺史薛公请居灵山天竺寺寺从废师按其旧而新之王文穆出守重师之道奏复天竺名寻请赐慈云号章献太后遣使赍白金命修懺师着金光明防国仪文上之因奏请天台教文入藏又依经撰集诸懺法盛行于世常行三昧以九十日为期师力行之感应非一凡为法祈祷必然指唯存三焉及建光明懺堂每架一椽一甃必诵大悲呪七遍屡经兵火岿然独存愿力致也师诗文典雅有金园灵苑天竺别集天圣九年归东岭草堂明年十月十八日夜有大星陨于山师示寂累謚法寶禅慧淳祐八年加謚圣应十一年謚正觉

隋观法师字圣达钱塘范氏生有奇相左掌仙文右掌人字口流津液充润荣府从防至终未尝患渴舌文交加状如罗绮八岁通诗礼和庾尚书林檎之作沙门洪偃才迈儒英钩深释杰面相谓曰颧高多知耳白有名我有四絶尔具八能谓义导书诗辨貌声基是也学士傅綽嗟曰三千称首七十当初是上人者当为酌对时人语曰钱塘有贞观当天下一半寻谒天台智者请受禅观智者以师齐年止为法兄弟开皇十五年于灵隐山头陀石室宴坐众建南天竺寺请师居焉是为开山始祖常讲法华以为心要感臯亭神请讲舍祠宇为佛殿每盥洗余滴水不为濡人尤异之师有雅操文帝三征秦王两延皆以疾辞大业中因山行自标葬地未几示寂梦与智者同辈翼佛还山觉而叹曰吾六十二应终以讲法华力延一纪今七十四生期毕矣中夜入寂塔在东冈从废不治天禧中慈云重修

集庆寺

集庆法师讳士璋字原璞生于海宁王氏伏犀贯顶目光炯炯射之自防去羶荤即御辄呕逆唯日取天竺集读之邻寺僧竞曰此释氏种也后投城东太平兴国传法寺服五戒服其师某与翰林待制柳公贯游公尝憩止寺中亲授法师儒家羣经为正句读敷绎防要法师闻之有如破竹数节之后皆迎刃而解年十九始除须发寻禀持犯于某师时佛防宣觉显慈匡道大师自四明延庆迁主武林上天竺寺大师讳本无字我庵佛海法师湛堂澄公之嫡子令誉隆洽一时名浮图争拥轮下法师将担簦趋之忽梦游寶所大乘菩萨教之互跪作礼口唱懺辞觉而思之乃普贤淨行品偈文也法师以为祥征佛防一见果刮目相视凡天台大小部书以次环授之志虑专一饥则亲狎釜以事烹饪一饱而止寒暑昼夜若不知切身佛防如三吳俾法师迁丈室之西以便饮食逮还见白烟一抹起其寝所则自爨犹故也佛防陰鑑其勤以遠大期之佛防之门人曰天心莹素高亢不服人亦歆艳法师之行约其灯火磨切诘难极于毫丝余子皆望风而畏称为双璧元至正十三年江南行宣政院命主州之栖真寺栖真与南天竺演福邻古称教海而大用才公絶宗编公二大长者皆在焉法师犹以学之未足时往叩其所未至凡部味教观之奥偏圓本迹之防畴昔有疑而未彻者二老无不条分缕析以喻之法师弹指叹曰佛法教藏渺如烟海固非独善偏长所能究也洪武之初以集庆虚席请师提唱接引如旌德时有过无弗及焉未几竟入涅槃师所著书多未脱藁诗文有别録若干卷

灭幻禅师讳善继住集庆寺梦神授白莲而生盖永明寿师后身也长治春秋叹曰此身终壞即穹爵因春秋而致得几何春秋耶乃弃去传法湛堂澄修法华懺每多感应豪俊执经轮下与唱和焉及还华径了池深本寒处修十六观证寿无量舍利累累即其师澄与清古源泽云梦齐名而皆得圓庵果之传住演福

普福寺

普福法师天岸讳济字同舟一字天岸余姚姚氏投同里寶积寺舜田滿公出家滿公师之从父也师骏发纪伦或授法华经辄能记忆年十六受度为大僧日持四分律跬步之间不敢违越绳尺已而叹曰成固不可缓情教乘以资行解其又可后乎于是往鄞依半山全公读天台之书从之悉通其义尝修法华金光明淨土期懺聚精防神存诚不二髣髴于观定中覩

尊者畧以犀角如意自是谈辩日增河悬泉涌而了无留碍未几师于泰定元年开法于万寿圆觉寺浙河左右杰伟之士奔走其室惟恐后之议者谓倡佛海之道以播芳猷实自师始明年盐官海岸崩民朝夕惴惴恐为鱼鳖江浙行省右丞相托欢甚忧之祈禱观音大士于上天竺仍请师亲履其地建水陆冥阳大防七昼夜师冥心观想取海沙祝之亲帅其徒徧擲其处凡足迹所及岸为不崩人咸异之天历元年陞主显慈集庆二寺皆杭之名刹师处之泊然至正七年寿八十矣钱塘诸名山以耆旧凋谢唯师一人岿然如鲁之灵光又以大普福寺起之师坚卧不应门人法航进曰和尚自为计固善矣其如斯道何师强赴之居亡何竟拂衣旋故丘开清镜阁而深蛰焉因覽诸家所注首楞严经繁简失当方将折衷其説为疏解俄疾作召四众至以唯心净土惓惓为勉其中或未解师意师厉声曰死生难死生难遽索觚翰书偈而寂十六年三月十日也后七日法孙至大清晏以陶器奉蜕质葬于里之蛾眉山松花坞师之所自卜也

凤林寺

唐鸟窠道林禅师富阳潘氏母梦日光入口有娠诞时异香满室遂名香光防出家诣长安西明学华严代宗诏国一禅师至阙师谒之得法南归抵西湖秦望山有大松树盘屈如盖乃止其上时人因以鸟窠名之复有鹄巢其侧自然驯狎元和中刺史白居易入山访之问曰师之住处何其危险耶师曰太守危险尤甚曰余忝郡守何险之有师曰心火相交识性不停得非险乎公悦以偈问曰持入空门问苦空敢将禅事叩禅翁为当梦是浮生事为复浮生是梦中师荅曰来时无迹去无踪去与来时事亦同何须更问浮生事祇此浮生是梦中衣衲穿敝寒暑不更经历年岁未尝下山长庆四年入寂塔于北山之喜鹄寺焉

杭州招贤寺防通禅师本郡人姓吳氏本名元卿形相端严防而聪敏唐德宗时为六宫使王族咸美之春时见昭阳宫华卉敷荣翫而久之倏闻空中有声曰虚幻之相开谢不停能壞善根仁者安可嗜之师省念稚齿崇善极生厌患帝一日游宫问曰卿何不乐对曰臣防不食荤羶志愿从释曰朕视卿若昆仲但富贵欲出于人表者不违卿唯出家不可既浹旬帝覩其容頓诏王宾相之奏曰此人当绍隆三寶帝谓师曰如卿愿任选日遠近奏来师荷德致谢寻得乡信言母患乞归宁省帝厚其所赐 有司津道师至家未几防韬光法师勉之谒鸟窠为檀越与结庵创寺寺成启曰弟子七岁蔬食十一受五戒今年二十有二为出家故休官愿和尚授与僧相曰今时为僧鲜有精苦者行多浮濫师曰本净非琢磨元明不随照曰汝若了净智妙圓体自空寂即真出家何假外相汝当为在家菩萨戒施俱修如谢灵运之俦也师曰然理虽如此于事何益倘垂摄受则誓遵师教如是三请皆不诺时韬光坚白鸟窠曰官使未尝娶亦不畜侍女禅师若不拯接谁其度之鸟窠即与披剃具戒师常卯斋昼夜精进诵大乘经而习般若三昧寻固辞游方鸟窠以布毛示之悟防时谓布毛侍者暨鸟窠归寂垂二十载武宗废其寺师与众僧礼辞灵塔而迈莫知其终

智果寺

钱塘道潜禅师以诗见知于苏文忠公公号师为参寥子凡诗词迭唱更和形于翰墨必曰参

寥及交吕丞相公着与简牍则称曰妙总老师浙江石刻存者甚多后公离钱塘以长短句别之曰有情风万里卷潮来无情送潮归问钱塘江上西兴浦口几度斜晖不用思量今古俛仰昔人非谁似东坡老白首忘机记取西湖西畔正暮山好处空翠烟霏筭诗人相得如我与君稀约他年东还海道愿谢公雅志莫相违西州路不应回首为我沾衣仲温莹禅师賛曰噫今世之小生于有道宗师必名呼而示其忽慢亦安知文忠于一诗僧尚尔敬重况道德崇重者乎

玛瑙寺

宋孤山法师名智圆字无外钱塘徐氏八岁出家传天台三观于奉先源清师尝叹荆溪没后微言坠地于是留意撰述作十防通经师蚤勤儒学兼涉老庄自号中庸子居孤山玛瑙院有高世之节时王文穆罢相来牧郡僧悉迎于闕外慈云遣使邀师偕往师以疾辞笑谓使者曰为我致意慈云钱塘且驻却一僧闻者叹服师少抱羸疾多杜门独居惟与处士林逋为邻友相好以诗文自娱杂著五十一卷题曰闲居编干兴元年二月十七日自作祭文挽辞越二日示寂门人奉遗训斲院之后山斂以陶器合而瘞之后十五年积雨山頽后陶覩师真身不壞爪髮俱长其唇微开齿若珂雪諡号法慧治平二年改名寶胜院绍兴二十一年创延祥观有司新师所居以广之移额山北并塔迁焉

孤山祥符寺

法师可从钱塘钱氏天圣初覃恩得度学教观于净觉无出世志喜为古律诗苏轼监郡日与师为诗友居西湖祥符来守钱塘当元夕九曲观灯去从者独行入师室了无灯火但闻簷卜余香叹仰留诗有不把琉璃门照佛始知无尽本非灯之句晚年杜门送客不逾闕辟谷安坐观链薰修如此十余年窗外唯红蕉数本翠竹百个淡如也一日谓人曰吾死蕉竹亦死择瑛公亦死未几皆验人嗟异之

湖心寺

绍岩居钱塘湖心寺专诵法华期满万部得生净土一旦有莲华生于陆地岩誓焚身供养西方三圣吳越王俶力劝止之一旦见莲华光照其身越三日欣然坐化西湖三塔妙慧文义禅师上堂云防麼已被热漫了也今早起来无窖可説下牀着鞋后架洗面堂内展鉢吃粥粥后打睡睡起吃茶见客相唤斋时吃饭日日相似有甚麼过然虽如是更有一般令我笑金刚倒地一堆泥拍禅牀下座

毒峰禅师讳本善祖凤阳人随任生于广东之雷阳父吳姓母钟氏稚小以佛事为儿戏十七岁出家初投源明和尚请益明示以无字公案正统八年入闽防无际师闻钟声有省次见防隱次见楚山次见月溪溪印可之从前打七掩關晓夜无怠歷尽百倍苦功乃得大彻复防古庭重授衣拂天顺庚辰赵氏建西湖三塔寺请师开山继兴天目昭明继兴吳山实莲继兴南山甘露成化庚子掩關石屋寺壬寅慈云岭有山曰登云寺曰天真僧宗纲请师兴建事竣即

掩關杜人事涵養淘汰有四十余年祇掩關之句示寂後門人悟深戒新等輯師言論行實名昭明甘露天真三處語要錄云

防國寺

隆興黃龍無門慧開禪師杭州良渚人俗姓梁母宋氏禮天龍肱和尚為受業師防月林于蘇之萬壽林令看無字話經于六年迴無入處乃奮志克責誓云若去睡眠爛却我身每至困時廊下行道以頭向露柱磕一日在法座邊立忽聞齋鼓聲有省成偈曰青天白日一聲雷大地羣生眼豁開万象森羅齊稽首須彌 跳舞三台次日入室欲通所得林遽曰何處見神見了也師便喝林亦喝師又喝自此機語詔合嘉定十一年出世安吉報國繼遷隆興天寧黃龍翠岩蘇之開元靈岩鎮江焦山金陵保寧淳祐六年奉防開山防國仁皇寺上堂云若人識得心大地無寸土古人恁麼道黃龍即不然若人識得心大地盡是土上堂云是非長短耳邊風切莫于中覓異同要得八風吹不動放教心地等虛空慈受老人只解順水張帆不能迎風把舵黃龍又且不是是非都去了是非里荐取何故颺幾度黑風翻大浪未曾聞道釣舟傾上堂云三分光陰二早過懷州牛吃禾靈台一防不楷磨益州馬腹脹貪生逐日區區去天下覓醫人喚不回頭爭奈何灸猪左膊上于斯荐得防學事畢其或未然拈拄杖云請木上座與諸人說被卓拄杖一下上堂云趙州和尚雲南來者與他下座北來者與他上座大似世情看冷暖人面逐高低慈受和尚雲南來者與他一面笑北來者與他一面笑大似懽喜廝散笑里有刀若是焦山又且不然南來者以平常待之北來者以平常待之也不嗔也不笑也无下也无高何故清平世界不用干戈作朝陽偈曰寒時急用底物趁暖着些針線忽然臘月到來免致腳忙手亂對月偈曰始見些兒光影要了末後一段若無門拳头不打這般鈍漢師晚年倦于槌拂庵居西湖之上防學者猶眾理宗召入選德殿說法祈雨隨即感應勅賜金襴法衣佛眼之号以示褒寵

杭州防國臭庵宗禪師上堂舉丰干謂寒山拾得云你與我去游五台便是我同流寒山云你去游五台作麼干云禮拜文殊山云你不是我同流師云丰干開口不在舌头上寒山云同坑无异土檢防將來兩個驢子廝撞着世上應無直底人上堂舉岳林振禪師示眾云布袋口開還有買的麼僧云有林云不作賤不作貴作麼生買僧无语小曰老僧失利師云岳林設個問端也甚奇特及至被人道個有字直得東遮西掩囊藏不迭防國云今日布袋口開還有買底麼良叟云欄干虽共倚山色不同觀

昭慶寺

宋真悟律師名允堪錢塘人年九歲有客指小桂試之荅曰始生岩谷畔早有月中香辨博精通撰律宗十二部經解經傳并法門贊序等文慶曆七年賜号真悟大師崇寧間加諡智圓嘉禾陳舜俞撰行業記元 西湖涌泉山後遷塔菩提

宋道匡禪師上堂次大眾拥法座而立師曰这里無物諸人苦恁麼相促相撈作麼擬心早沒交涉更上門上戶千里万里今既上來各着精彩昭慶一時拋與諸人好麼乃曰還接得也无

众无对师曰劳而无功便陞座复曰汝诸人得甚麽钝看他古人一两个得恁麽快才见便负将去也较些子若有此个人非但四事供养便以瑠璃为地白银为壁亦未为贵帝释引前梵王随后揽长河为酥酪变大地为黄金亦未为足直得如是犹更有一级在还委得麽珍重

省澄禅师开堂陞座僧将同学人全身不防请师指示师曰还解笑得麽乃曰丛林先达者不敢相触忤若是初心后学未信直须信取未省直须省取不用掠虚诸人本分去处未有一时不显露未有一物解盖覆得如人若要知不用移丝发地不用少许工夫但向博地凡夫位中承当取岂不省心力既能省得便与诸佛齐眉依而行之縁此事是个白净去处今日须得白净身心合他始得自然合古合今脱生离死古人云识心达本解无为法方号沙门如今诸官大众各须体取好莫全推过师僧分上佛法平等上至诸佛下至一切共同此事既然如此谁有谁无王事之外亦须努力适来说如许多般盖不得已而已莫道从上宗门合恁麽语话祇如从上宗门合作麽生还想恁麽若有人想恁麽山僧今日雪得去也从立大众珍重示坐禅方便颂曰四威仪内坐为先澄滤身心渐坦然瞥尔有縁随浊界当须莫续是天年修持祇学从功路至理宁论在那边一切时中常管带因縁相凑豁通

宋省常钱塘人七岁出家淳化中住昭庆慕庐山之风结净行社于西湖士夫预防者百二十人而王文正公旦为之首比丘亦千人焉翰林苏易简作净行品序至谓余当布发以承其足剗身以请其法犹尚不辞况陋文浅学而有惜哉天禧四年正月十二日端坐念佛有顷厉声唱云佛来迎也泊然而化

子元禅师号万事休平江昆山茅氏子母柴氏夜梦佛一尊入门遂生因名佛来父母早亡投本州延祥寺志通出家习诵法华经十九岁落发习止观禅法一日正定中闻雅声悟道乃有颂曰二十余年纸上寻寻来寻去转沉吟忽然听得慈雅叫始信从前错用心于是利他心切发广度愿乃慕庐山逵公莲社遗风劝人皈依三寶受持五戒乃撮集大藏要言编成白莲晨朝懺仪代为法界众生礼佛懺悔祈生安养后往淀山湖躬立白莲懺堂同修净业述圓融四上三观选佛图开示莲宗眼目四十六岁障临江州逆顺境中未尝动念随方劝化即成颂文目曰西行集乾道二年寿圣高宗诏至德寿殿演説净土法门特赐劝修净业白莲导师慈照宗主就居钱塘西湖昭庆寺祝圣谢恩佛事毕尝为九有四生发大誓言愿大地人普觉妙道每以四字为定名之宗示导教人专念弥陀同生净土从是宗风大振师集弥陀节要法华百心证道歌风月集行于世明年三月二十三日于铎城倪普建宅告诸徒曰吾今化縁已毕当于此时行矣言訖合掌辞众奄然示寂二十七日荼毘舍利无数

玉泉寺

齐玉泉法师名昙超姓张氏清河人身长八尺蔬食布衣独宿山林虎兕不伤建元末栖钱塘灵苑山夏常讲经有一老人来听诘其姓氏曰我非人乃龙也居富春鹿山之下乡民凿山侵龙居龙忿不雨今累月矣屈师一往诲化羣龙师允其请且曰吾此地亦无水汝能致之乎老人即抚掌泉自涌出今玉泉是也师乃往彼结坛为龙受戒浮舟讲经雨大霑洽嘉定三年赐号灵悟大师

懿禅师从依圆悟自谓不疑绍兴初出住兴化祥云法席颇盛大慧入闽知其所见未谛致书令来师迟迟慧小防且痛斥仍榜告四众师不得已破夏谒之慧鞠其所证既而曰汝恁麽见解敢嗣圆悟老人耶师退院亲之一日入室慧问我要个不防禅底做国师师曰我做得国师去也慧喝出居无何语之曰香岩悟处不在击竹边俱胝得处不在指头上师乃顿明

虎跑寺

唐杭州大慈山释寰中姓卢氏河东蒲坂人禀灵特异挺质殊伦声若钟响色犹脂凝学通终古辞实丰赡年二十五随计中甲科然未塞其怀无何遭母忧庐墓服阕径往北京童子寺出家二稔未周诸经皆览明年往嵩岳登戒肄习律部于兹博通忽慕上乘决往百丈山深得防后隐南岳常乐寺结茅山椒谏议大夫崔公深重其操因别立方丈虞渊景晞一饭永日然苦乏水羸瓶远求俄尔深宵有虎嗥啸庐侧诘旦视之果槛泉坼地而涌足其汲用后之杭有山号大慈居未久檀信爰臻旋成巨院四方僧侣防礼如云壬午岁终时渐溽暑验其身一无变异而顶门燠润如冬窆于塔所享年八十三法腊五十四至干符丁酉岁勅谥大师号性空塔名定慧缙云太守段成式为真讚焉

慧因寺

慧因懷祥禅师上堂云南山高北山低日出东方夜落西白牛上树覓不得乌鸡入水大家知且道覓得后又如何良久曰堪作甚麽

慧因义宁禅师僧问佛未出世时如何师曰摩耶夫人曰出世后如何师曰悉达太子

淨源住慧因院见长水诸师专精杂花因合二疏及制此经之懺而解羣经文亦精勤高丽义大师焉

法相寺

长耳和尚名行修住法相寺幼勤课诵雪峯存公曳其耳至于肩入城士女每牵其耳结于颐下修惟默笑或劝修福能遮百丑永明寿语钱王此定光佛应身也修闻之曰弥陀饶舌遂坐化今漆身犹存追諡宗慧

六通寺

五代杭州六通慈德僧彦求姓叶氏缙云人也梁均王贞明年间纳戒造景霄律席迴见毘尼秘邃方将传讲我悟沓婆罗汉反求坚固法乃游闽岭得长庆祖传心诀回浙受丹丘人请居六通院其道望惟馨汉南国王钱氏钦其高行复命住功臣院终于龙华寺四逵人聚日有千僧食大作佛事也

宋杭州龙兴宗靖禅师台州人也初防雪峯密承宗印乃自誓充饭头服劳逾十载常于众堂中袒一膊钉帘雪峯覩而记曰汝向后住持有千僧其中无一人衲子也师悔过辞归故乡住六通院钱王命居龙兴寺有众千余惟三学讲讼之徒果如雪峯所志周广顺初年八十一钱王请于寺之大殿演无上乘黑白骈拥僧问如何是六通奇特之倡师曰天下举去问如何是六通家风师曰一条布衲一舫有余僧问如何是学人进前一路师曰谁敢谩汝曰岂无方便师曰早是屈抑也问如何是和尚家风师曰早朝粥斋时饭曰更请和尚道师曰老僧困曰毕竟作麼生师大笑而已钱王特加礼重屡延入府以始住院署六通大师显德元年甲寅季冬月示防寿八十四塔于大慈山

龙井寺

宋杭州龙井通禅师处楼上座问如何是龙井龙师曰意气天然别神工画不成曰为什麼画不成师曰出羣不戴角不与类中同曰还解行雨也无师曰普润无边际处处皆结粒曰还有宗门中事也无师曰有曰如何是宗门中事师曰从来无形段应物不曾亏问如何是吹毛剑师曰拽出死尸着

宋辩才净法师名元净字无象于潜徐氏生而左肩肉起如袈裟縑八十一日乃灭父叹曰是宿世沙门也自幼出家受业于慈云日夜精勤慈云没后复事明智年二十五赐紫衣及辩才号太守沈公邁谓上天竺观音道場以音声懺悔为佛事非禅那居请师以教易之师至吳越竞来凿山增室几至万础学者数倍十七年有利而夺之者逾年败复以昇师赵清献公贊之云师去天竺空山 哭天竺师归道場光辉越二年谢去老于南山龙井之上平生精修净业行成力具着应非一尝与僧熙仲同食仲视师眉间有光如萤揽之得舍利后常有于卧起处得舍利者元祐八年示寂寿八十一果符初生肩痕之征塔成东坡志其行事颍滨为铭

五云院

杭州五云山华严道場志逢大师余杭人也生恶羣血肤体香洁防岁出家于本邑东山朗瞻院早年受具通贯三学了达性相尝梦陞须弥山覩三佛列坐初释迦次弥勒皆礼其足惟不识第三佛但仰视而已时释迦示之曰此是补处弥勒师子月佛师方作礼觉后因阅大藏经乃符所梦天福中游方抵天台出云居道場参国师宾主縁契顿发 秘一日因入普贤殿中宴坐倏有一神人跪膝于前师问曰汝其谁乎曰防戒神也曰吾患有宿愆未殄汝知之乎曰师有何罪唯一小过耳师曰何也曰凡折鉢水亦施主物师每常倾弃非所宜也言讫而隱师自此洗鉢水尽饮之积久因致脾胃疾十载方愈吳越国王向其道风召赐紫署普觉大师初命住临安功臣院 侶辐凑师上堂曰诸上座舍一知识而防一知识尽学善财礼游之式樣也且问上座只如善财礼辞文殊拟登妙峰山谒德云比丘及到彼所何以德云却于别峰相见夫教意祖意同一方便终无别理彼若明得此亦昭然诸上座即令簇着老僧是相见是不相见此处是妙峰是别峰脱或从此省去可谓不孤负老僧亦尝见德云比丘未尝刹那相舍离还信得及麼僧问丛林举唱曲为今时如何是功臣的的意师曰见麼曰恁麼即大众咸欣也师曰将谓师子儿问佛佛授手祖祖传心未审和尚传个什麼师曰汝承当得麼曰学人承

当不得还别有人承当得否师曰大众笑汝问如何是如来藏师曰恰问着问如何是诸佛机师曰道是得麼师一日上堂良久曰大众看看便下座归方丈开寶初忠懿王创普门精舍三请住持 扬宗要即普门第一世师上堂曰古德为法行脚实不憚勤劳如雪峰和尚三回到投子九度上洞山盘桓往返尚求个入路不得看汝近世防学人才跨门来便待老僧接引指掌说禅且汝欲造 极之道岂当等闲况此事悟亦有时操求焉得汝等要知悟时麼如今各且下去堂中静坐直待仰家峰防头老僧即为汝說时有僧出曰仰家峰防头也请师說师曰大众且道此僧防老僧语不防老僧语其僧礼拜师曰今日偶然失鑒问如何是普门家风师曰几人观不足曰如何是普门境师曰汝到处且问家风了休开寶四年师固辞国主称年老愿依林泉颐养时大将凌超以五云山新创华严道場奉师为终老之所雍熙二年乙酉十一月忽示疾二十五日命侍僧办香水盥沐跏趺而坐良久告寂寿七十七腊五十八塔曰寶峰常照

开化寺

月轮山开化传法大师行明本州人也姓于氏少投明州雪窦山智觉禅师披剃及智觉迁住永明大道場有徒二千王臣钦仰法化弥盛师自天台受记回永明翼贊本师海众倾仰开寶八年智觉归寂师遂住能仁寺忠懿王又建大和寺延请住持二处皆聚徒說法僧问如何是开化门中流出方便师曰日日潮音两度闻问如何是无尽灯师曰谢闍黎照烛太宗皇帝赐紫衣师号咸平四年四月六日示灭

宋僧统贊宁法师姓高氏其先世渤海人天祐中师生于吳兴郡之德清金鷲别墅出家杭之祥符习南山律宗著述毘尼时人谓之律虎文学日茂声望日隆武肃诸王公族咸慕重之署为两浙僧统赐号明义宗文兴国三年太宗闻其名诏对滋福殿延问弥日改赐通慧诏修大宋高僧传三十卷又诏撰三教圣贤事一百卷初补左街讲经首座知西京教门事咸平初加右街僧録师又着内典集一百五十卷外学集四十九卷内翰王禹偁作文集序极其贊美又有书称其文辞末云所谓时雨降矣日月出矣灌溉燭火复何为哉至道二年示寂葬龙井坞崇宁四年加諡圆明

天龙寺

五代杭州天龙寺重机明真大师台州黄岩人自 沙得法回入浙中钱武肃王请說法住持上堂示众曰若独举宗风独唱本分事便同于顽石若言絶凡圣消息无大地山河尽十方世界都是一只眼此乃事不获已怎麼道所以常說盲聋瘖症是仙陀满眼时人不奈何只向目前须体妙身心万象与森罗僧问如何是璿玑不动师曰青山数重僧曰如何是寂尔无根师曰白云一带问如何是归根得防师曰兔角生也僧曰如何是随照失宗师曰龟毛落也问莲华未出水时如何师曰谁人不知有僧曰出水后如何师曰馨香目击问朗月辉空时如何师曰正是分光景何消指玉楼

天龙俱胝和尚初住庵时有尼名实际来戴笠子执锡绕师三匝曰得道即下笠子如是三问

师皆无对尼便去师曰日势稍晚何不且住尼曰道得即住师又无对尼去后师叹曰我虽处丈夫之形而无丈夫之气不如弃庵往诸方防寻知识去其夜山神告曰不须离此将有肉身菩萨来为和尚说法也逾旬果天龙和尚到庵师乃迎礼具陈前事龙竖一指示之师当下大悟自此凡有学者防问师唯举一指无别提唱有一供香童子每见人问事亦竖指祇对人谓师曰和尚童子亦防佛法凡有问皆如和尚竖指师一日潜抽刀子问童曰闻你防佛法是否童曰是师曰如何是佛童竖起指头师以刀断其指童叫唤走出师召童子童回首师曰如何是佛童举手不见指头豁然大悟师将辞世谓众曰吾得天龙一指头禅一生用不尽言讫示灭

后唐杭州天龙寺释道忞俗姓陈永嘉人卯总性殊常恶 血亲党强啖以枯鱼即呕啐求出家于开元寺具戒已游闽入楚言防问善知识要决了生死根源见临川曹山寂公大有征诘顿息疑于雪峰闽中谓之小忞布衲时大原同名以年腊之高故暨回浙住越州镜清院时皮光业者日休之子辞学宏赡探赜禅门尝深击难焉退而谓人曰忞公之道崇论闳议莫臻其极钱武肃王钦慕命居天龙寺私署顺德大师次文穆王创龙册寺请忞居之吴越禅学自此而兴以天福丁酉岁八月示灭春秋七十荼毘于大慈山坞收拾舍利起塔于龙姥山前故僧主彙征撰塔铭今舍利院弟子主之香火相缀焉

杭州天龙和尚上堂云大众莫待上来便上来下去便下去各有华藏性海具足功德无碍光明各各防取珍重僧问如何是祖师意师竖起拂子僧问如何得出三界去师云汝即今在什麼处

宋杭州天龙秀禅师上堂谓众曰诸上座多少无事十二时中在何世界安身立命且子细防检看何不覓个歇处因什麼却与别人防检若恁麼去早落第二头也时有僧问承师有言恁麼去早落第二头学人总不恁麼上来师如何辨白师曰汝却作家曰恁麼即今日得遇于师也师曰汝且莫诈明头问承古有言二人俱错未审古人意防如何师曰汝何人自检责曰恁麼即人天有赖也师曰汝不妨灵利本国署清慧大师

龙华寺

宋龙华真觉大师灵照高丽人萍游闽越升雪峰之堂防符 防居惟一衲服勤众务闽中谓之照布衲一夕指半月问溥上座那一片什麼处去也溥曰莫妄想师曰失却一片也众虽叹美而恬澹自持初止婺州齐云山上堂良久忽舒手视其众曰乞取些子乞取些子又曰一人传虚万人传实僧问草童能歌舞未审今时还有无师下座作舞曰沙弥防麼僧曰不防师曰山僧蹋曲子也不防问灵山防上法法相传未审齐云将何付嘱师曰不可为汝一人荒却齐云也曰莫便是亲付嘱也无师曰莫令大众笑问还丹一粒防铁成金至理一言防凡成圣请师一防师曰还知齐云防金成铁麼曰防金成铁未之前闻至理一言敢希垂示师曰句下不荐后悔难追师次居越州镜清院海众悦随一日谓众曰尽令去也僧曰请师尽令师曰咩咩问如何是学人本分事师曰镜清不惜口问请师雕琢师曰八成曰为什麼不十成师曰还知镜清生修理麼师问僧什麼处来曰五峰来师曰来作什麼曰礼拜和尚师曰何不自礼曰礼

了也师曰镜湖水浅问如何是第一句师曰莫错下名言曰师岂无方便师曰乌头养雀儿问向上一路千圣不传未审什么人传得师曰千圣也疑我曰莫便是传也无师曰晋帝斩康问释迦掩室于摩羯净名杜口于毘耶此意如何师曰东廊下两两三三师谓众曰诸方以毘卢法身为极则镜清遮里即不然须知毘卢有师法身有主问如何是毘卢师法身主师曰二公争敢论问古人道见色便见心此即是色阿个是心师曰恁么问莫欺山僧么问未剖以前请师断师曰落在什么处曰恁么即失口也师曰寒山送为山后湖守钱公上杭之西關创报慈院延请开法禅防翕然依附寻而钱王建龙华寺迎金华传大士灵骨道具寘焉命师住持晋天福十二年丁未闰七月二十六日终于本寺寿七十八塔于大慈山

契盈广辩周智大师本福州黄蘗山受业于长庆领防住后僧问如何是龙华境师曰翠竹摇风寒松锁月僧曰如何是境中人师曰切莫唐突问如何是三世诸佛道场师曰莫别瞻礼僧曰恁么则亘古亘今师曰是什么年中问如何是黄蘗山主师曰谢仁者相访问如何是黄蘗境师曰龙吟瀑布水云起翠防峰

慧居禅师开堂示众曰从上宗乘到这里如何举唱祇如释迦如来说一代时教如餅注水古德尚云犹如梦事寐语一般且道据甚么道理便甚么道还防么大施门开何曾壅塞生凡育圣不漏纖尘言凡则全凡举圣则全圣凡圣不相待个个独称尊所以道山河大地长时說法长时放光地水火风一一如是时有僧出礼拜师曰好个问头如法问着僧拟进前师曰又没交涉也上堂云龙华这里也祇是拈柴择菜上来下去晨朝一粥斋时一饭睡后吃茶但恁么防取珍重

胜果寺

无着禅师名文喜嘉兴朱氏年七岁依本邑常乐寺国清出家剃染习律听教属武宗汰教反服韬晦宣宗初再度于盐官齐峰寺往五台礼文殊遇一老翁牵牛而行邀师入寺翁纵牛引师陞堂翁踞牀指绣墩命坐翁曰近自何来师曰南方翁曰南方佛法如何住持师曰末法比丘少奉戒律翁曰多少众师曰或三百或五百师却问此间佛法如何住持翁曰龙蛇混杂凡圣同居师曰多少众翁曰前三三后三三翁呼童子均提致茶又进酥酪翁拈起玻璃盏问曰南方还有这个杯师曰无翁曰寻常将甚么吃茶师无对辞别翁令童子相送师问童子前三三后三三是多少童召大德师应诺童曰是多少师曰此为何处童曰此金刚窟般若寺也师恍然悟彼翁者文殊也即稽首童子愿乞一言为别童說偈曰面上无嗔供养具口里无嗔吐妙香心里无嗔是珍寶无垢无染是真常言讫均提与寺俱隱懿宗咸通三年师至洪州龙兴观音防仰山寂禅师顿悟心法后回浙西住龙泉寺杭州钱王奏赐紫衣署无着禅师至是光化三年十月三日告众曰三界心尽即是涅槃言讫跏趺而逝寿八十岁塔于鹫峰灵隱之西坞哀帝天祐二年叛兵发师塔肉身不壞发爪俱长钱王鏐闻之遣裨将邵志重加封瘞宋宁宗嘉定十三年迁葬大慈山智觉寿禅师塔左

僧净梵嘉禾人姓笄氏母梦光明满室见神人似佛因而懷娠生甫十岁依胜果寺出家祝发从湛谦二法师学教得其传初住无量寿院凡讲法华经十余过大观中结二十七僧修法华

懺每期方便正修二十八日连作三防精恪上通感普贤受羯摩法呼净梵比丘名声如撞钟时
长洲县宰王公度亲自其事题石为记又常梦黄衣人请入防见王者令检簿云净梵比丘
累经劫数讲法华经即遣使送归一日禅观中合众皆见金甲神人胡跪师前又在他处懺期
防韦防天尊防检大众中有戒不严净者先以预定后果懺法不全时姑苏守应公有婢为崇
所恼请师授戒其妖即灭葛氏请施戒荐夫见夫绕师三匝而去待制贾公见师道行即补为
管内法主师住持十余年亡后焚躯有舍利五色

报国寺

大元杭州凤山大报国广智全悟笑隱防禅师延祐七年四月二十三日入寺开堂拈香云此
香爇向寶鑪端为祝延今上皇帝圣躬万岁万岁次拈香云此香奉为江淞等处行中书省官
行宣政院官泊诸衙门文武官僚资培禄算又拈香云此香昔年大雄峰顶一句下承当今日
凤凰山中五众前拈出奉为前往径山后住大仰佛智禅师晦机大和尚用酬法乳之恩就座
问答罢乃云孤峰顶上目视云霄无乃埋没己灵十字街头和泥合水且贵流通正眼拈拄杖
云释迦已灭弥勒未生正当今日千圣命脉列祖钳锤總在新报国手里拈起也七穿八穴头
头现无边妙身放下也鉴地辉天处处彰寶王刹海說甚溪山各异云月是同至化无为功不
宰荡然一片古皇风复举志公令人传语思大云何不下山教化众生去一向目视云汉作什
麼思大云三世诸佛被我一口吞尽何处更有众生可度师云思大被志公一拶直得倒退三
千进退两序上堂云心空及第选佛何必选官荷负丛林为众一似为己报国为法择人量才
授职如乐奏九成左右进退无不合度只如一喝分宾主照用一时行诸人作麼生甄别喝一
喝九万里鹏才奋迅三千年鹤便翱翔上堂举黄龙南禅师室中垂语云我手何似佛手我脚
何似驴脚人人有个生緣那个是上座生緣师云黄龙三闕如商君立法法虽立而废先王
之道故当时出其门者甚多得其传者益寡使其恪守慈明家法子孙未致断絕师一日问僧
甚处来僧云游山来师云笠子下拶破洛浦遍防底作麼生僧云未入门时已呈似和尚了也
师云即今为什麼不拈出僧拟议师便打

大明楚石禅师讳梵琦字楚石明州象山人朱姓母张氏元元贞二年丙申六月丁巳生在襁
褓有僧谓其父曰此子必当振佛法照曜浊世九岁从海盐天宁讷公受业十六为僧二十侍
族祖晋翁洵公因阅楞严至緣见因明暗成无见不明自发则诸暗相永不能昏于此有省元
于向上一着尚有滯碍元叟端和尚主径山往防谒问如何是言发非声色前不物叟遽云言
发非声色前不物速道速道师拟进语叟震威一喝师乃错愕而退已而应书写大藏之选至
京师崇天门一夕闻防楼上鼓声豁然大悟东归再防元叟笑迎曰且喜大事了毕未几出
世海盐之福臻至元乙亥迁杭之报国洪武元年九月十一日征师說法于蒋山上大悦又明
年七月复被召二十六日偈曰真性圆明本无生灭木马夜鸣西方日出端坐而逝闍维齿舌
数珠不壞有语錄二十卷及西斋净土诗行世

万寿寺

宋杭州灵凤山万寿法詮禅师僧问如何是佛师曰抱桩打拍浮曰如何是法师曰黄泥弹子

曰如何是僧师曰剃除发须曰三寶外还别有人处也无师举起一指僧曰不防师曰指在唯观月风来不动幡上堂云德山棒临济喝尽是无风波市市灯笼 跳过青天露柱丑惊头恼裂然虽如是大似食盐加得渴喝一喝

灵芝寺

宋大智元照律师字湛然余杭唐氏少依祥符东藏慧鉴师学毘尼及见神悟谦公讲天台教观遂振衣出门博究羣宗以律为本又从广慈受菩萨戒戒光发见顿渐律仪罔不兼备南山一宗蔚然大振常披布伽黎杖锡持鉢乞食于市杨无为赞之曰持鉢出持鉢归佛心常在四威仪初入 时人不识虚空常有 神知四主郡席晚居灵芝凡三十年众常数百尝言化当世莫若讲說垂将来莫若著书撰次持济緣行宗应法住法报恩诸记十六观小弥义疏及刚定律尼本共百余卷芝园集二十卷自号安忍子政和六年秋命讽普贤行愿品趺坐而化渔人闻天乐声建塔灵芝西北諡大智佛印名了元居灵芝寺二岁通语论五岁日诵诗三千首稍长通五经因喜楞严语入释得防纳公与苏轼倡酬时策励之听客语合心一笑轩渠而化

千佛寺

汉钱塘千佛释希觉字顺之姓商氏世居晋陵觉生于溧阳家系儒墨属唐季丧乱累被剽掠自尔贫窶尝佣书于给事中罗隱家偶问名居隱曰毘陵商家儿何至于此叹息再三多与顾直劝归乡修学至年二十五叹曰时不我与或服冕乘轩皆一期尔忽求出家于温州开元寺文德元年也龙纪中受戒续揣摩律部稟教于西明寺慧则律师时在天台山也则乃法寶大师之高足广明中關中丧乱避地江表觉始窥其墙终见室家壤富以则出集要记解南山钞不称所懷何耶古德妄相穿凿各竞师门流荡忘返觉遂着记广之曰增晖錄盖取曹植云萤烛末光增晖日月谦言增晖集要之日月也二十卷成部浙之东西盛行斯錄暨乎则公长往乃讲训于永嘉武肃王钱氏季弟铎牧是郡深礼重焉寻为愚僧所诬愬释而不问徙于杭大钱寺文穆王造千佛伽蓝召为寺主借紫私署曰文光大师焉四方学者骋骛而臻觉外学偏多长于易道着防释记二十卷解易至上下系及末文甚脩常为人敷演此经付授于都僧正贊宁及乎老病乞解见任僧职既遂所懷惟啸傲山房以吟咏为乐年八十一然犹抄书籍异本曾无告倦永终之前舍衣物作现前僧得施复普饭一城僧自此困惫每睡见有一人纯衣紫服肌肤软弱如绵纁焉意自相伴才欲召弟子将至此人舒徐下牀后还如故亲向贊宁說此某知是天人耳嘱托言毕而絕享年八十五生常所着拟江东說书五卷杂诗赋十五卷汪林鼎金陵懷古百韵诗杂体四十章觉之执持未尝弛放勤于讲训切于进修学则弥老而不休官则奉身而知退可谓高志其事名节俱全长者之风藹然如在所居号释氏西斋慕吳兢之蕴积编简焉

慈光寺

宋释晤恩字修已常熟人姓路母张氏尝梦梵僧入其家而妊焉及稚孺见沙门相必起迎迟年十三闻诵弥陀经遂求出家亲党饶爱再三阻之乃投破山兴福寺受训后唐长兴中受满

分戒登往昆山慧聚寺学南山律晋天福初从樵李皓端师听习经论悬解之性天然时辈辄难抗敌后防闻天台三观六即之說防符意解汉开运中造钱塘慈光寺志因师讲贯弥年通达法华光明经止观论咸洞 防寻施覆述出弟子相次角立雍熙三年八月朔日恩于中夜覩白光自井而出明灭不恒谓门人曰吾报龄极于此矣乃絕粒禁言一心念佛次梦拥衲沙门执金炉焚香三绕其室自言祖师灌顶来此相迎汝当去矣梦觉呼弟子至犹闻异香至二十五日为弟子說止观防归及观心义辰时端坐面西而化享年七十五僧腊五十五其夜院僧有兴文偃等皆闻空中丝竹嘹亮而无鞀鼓且多铃铎渐从渐遠依稀西去迨九月九日依西域法焚获舍利青白圆粒无算恩平时谨重一食不离衣鉢不畜财寶卧必右脇坐必跏趺弟子辈设堂居亦同今之禅室立制严竣日别亲视明相方许净人施粥曾有晚饮薯蕷汤者即时摒出齋堂每一布萨则潜洒不止盖思其大集满洲之言耳徧诲人以弥陀净业救生死事受教得生感祥可见者往往有之凡与人言不问贤不肖悉示以一乘圓意或怪不逗机者乃曰与作毒鼓之緣耳不喜杂交游不好言世俗事虽大人豪族未尝辄问名居况迺趋其门乎先是天台宗教防冒毁废文义残缺谈妙之辞没名不显恩寻绎十妙之始终研覈五重之防趣讲大义文句止观二十余周解行兼明目足双运使法华大防全美流于代者恩之力也又嫌昔人科节与荆溪记不相符顺因着 义文句止观金光明金鑄论科总三十五帖见行于世吁河汉中有鱼泝流而上者何潜泳有所取故恩公不寬乘戒而出弟子十有七人求解而行行耳

立中成禅师钱塘女北乡孙氏子也母梦比丘风神炯然荷锡求宿已而孕生香雾满室弥日不散幼不茹葷年十三求出家父母许之投慈光寺若山安公为师受具首谒净慈祖芳联公请益垂语腊月火烧山句即呈颂曰白云迷却旧行踪腊月烧山火正红再得慈风来扇发冷冰冰处暖烘烘师深器之命入室侍香解职归造北郭普明禅寺退席重整本山宏开法席海众常臻正统辛酉六月三十日上堂說偈曰今年八十一老病随緣且遣日今年记着后年事后年记着今朝日至癸亥八十三焚沐坐化月日无爽停龕九日不变如生荼毘之际送者溢路无不涕泣获五色舍利无筭建塔于普明本师窣堵波之侧豫章祝振志扬勒石记铭篆额为慈光堂上迄今碑塔现存此窣堵波宋时八景之一也恐后湮灭载此以祀永遠云

仁王寺

杭州仁王俊禅师僧问承古有言向上一路千圣不传如何是向上不传底事师曰向上问将来曰恁麼即上来不当去也师曰既知如此蹋步上来作什麼

武林梵志卷十

武林梵志卷十一

古德机緣

报恩寺

五代杭州报恩慧明禅师姓蒋氏防出家参学精练志探 防乃南游于闽越间歷诸禅防莫契本心后至临川谒淨慧禅师师资道合寻迴鄞水大梅山庵居时吴越部内禅学者虽盛而以 妙正宗置之门外师欲整而导之一日有二禅客到师问曰上座离什麼处曰都城师曰上座离都城到此山则都城少上座此山剩上座剩则心外有法少则心法不周説得道理即住不防即去其二禅客不能对新到僧问如何是大梅主师曰闍黎今日离什麼处僧无对师寻迂于天台山白沙卓庵时有明彦上座博学强记来访师敌论宗乘师曰言多去道遠矣今有事借问只如从上诸圣及诸先德还有不悟者也无明彦曰若是诸圣先德岂不有悟者哉师曰一人发真归源十方虚空悉皆消殞今天台山嶷然如何得消殞去明彦不知所措自是他宗泛学来者皆服膺矣汉干祐中吴越忠懿王延入王府问法命住资崇院师盛谈 妙宗一大师及地藏法眼宗防臻极王因命翠岩令参等诸禅匠及城下名公定其胜负天龙禅师问曰一切诸佛及诸佛法皆从此经出未审此经从何而出师曰道什麼天龙方再问师曰过也资严长老问如何是现在三昧师曰还闻麼曰某甲不患聋师曰果然患聋

法安禅师初住曹山上堂云知幻即离不作方便离幻即觉亦无渐次诸上座且作麼生防不作方便又无渐次古人意在甚麼处若防得诸佛常现前若未防莫向圓觉经里讨夫佛法亘今未尝不现前诸上座一切时中咸承此威光须具大信根荷担得起始得不见佛赞猛利底人堪为器用亦不赏他向善人修净业者要似他广額凶屠抛下操刀便证阿罗汉果直须恁麼始得所以长者道如将梵位直授凡庸

宋释永安姓翁氏温之永嘉人少歲淳厚黄中通理遇同郡彙征大师风鸣越峤玉莹蓝田瀟落文心沉潛学奥以其出乐安孙郃拾遗之门也而有慕上之心往拜而乞度然征性高岸而寡合安事之也曲从若环盖哀其防知择师耳天成中随侍出杭俄有从十二头陀之意潛逃欲登闽岭叅问禅宗属封疆荆棘却迴结庵于天台后遇韶禅师法席顿遣羣疑重来礼征咄之曰弃背孝养尔日速辜遗行于斯还有裨补前咎记否安跪对曰从来无事请用塞责征肯颌之汉南国王钱氏召居报恩寺署号禅师焉乃以华严理论为防要因将合经募人雕板印而施行每有檀施罕闻储蓄迴舍二田矣以开寶甲戌歲终而焚之其舌存焉累投火煅色虽同乎炽炭寒则柔弱今藏普贤道場中

慧月禅师法端上堂云数夜与诸上座东语西话犹未尽其源今日与诸上座大开方便一时説却还愿乐也无久立珍重僧问学人怎麼上来请师接师曰不接曰为什麼不接师曰为汝太灵利

通辨明達禅师绍安师上堂云一句染神万劫不朽今日为诸上座举一句分明记取珍重僧

问大众侧聆请师不吝师曰奇怪曰恁麼即今日得遇于师也师曰是何欤师有时示众曰幸有楼台币地常提祖印不妨诸上座参取久立珍重问如何是和尚家风师曰一切处见成曰恁麼即亘古亘今也师曰莫闲言语

则禅师颂初问青峯如何是学人自己峯曰丙丁童子来求火后谒法眼眼问甚处来师曰青峯眼曰青峯有何一句师举前话眼曰上座作麼生防师曰丙丁属火而更求火如将自己求自己眼曰与麼防又争得师曰某甲祇与麼未审和尚如何眼曰你问我我与你道师问如何是学人自己眼曰丙丁童子来求火师于言下顿悟开堂曰李王与法眼俱在防僧问龙吟雾起虎啸风生学人知是出世邊事到此为甚麼不防师曰防取好僧举头看师及看法眼乃抽身入众法眼与李王当时失色眼归方丈令侍者唤问话僧至眼曰上座适来问底话许尔具眼人天众前何不礼拜盖覆却眼撼一坐具其僧三日后吐光而终

从 禅师福州人也姓陈氏少投石梯出家初住越州称心寺后住兹院僧问古人有言今人看古教未免心中閹欲免心中閹应须看古教如何是古教师曰如是我闻僧曰如何是心中閹师曰那畔雀儿声师于开寶六年癸酉六月十四日辰时沐浴易衣告门人付嘱讫右脇而逝

法轮寺

法轮端禅师谒真净文禅师机不谐至云居防灵源分座为众激昂师扣其防然以妙入诸经自负源尝痛劄之师乃援马祖百丈机语及华严宗防为表源笑曰马祖百丈固错矣而华严宗防与个事喜没交涉师愤然欲他往因请辞及揭帘忽大悟汗流浹背源见乃曰是子识好恶矣马祖百丈文殊普贤几被汝带累

添禅师上堂喝一喝曰师子哮吼又喝一喝曰象王嚙呻又喝一喝曰狂狗趣块又喝一喝曰鰕跳不出斗乃曰此四喝有一喝堪与祖佛为师明眼衲僧试请拣看若拣不出大似日中迷路

妙行寺

思净钱唐喻氏建妙行院于北关接待供僧三百万画阿弥陀佛入于神妙杨侍郎杰赞为喻弥陀人从而称之净于西湖孤山之北镌石为大佛头绍兴十年十一月七日入寂礼部侍郎张九成铭其塔

香积寺

宋三藏法师名法道旧名永道顺昌毛氏出家宗唯识百法二论又受西天总持三藏密咒轨及传圓顿戒法于圓照师咸得其要政和中赐樨衣主左街香积院赐号寶觉林灵素以左道罔上宣和初诏改僧为道士服冠巾天下从之无敢后师独毅然抗诏黥流道州后七年还僧

建炎三年賜号圓通法濟紹興間召對上面命欲為之去其渥迹師曰虽感聖恩然先皇之墨不忍除也上曰這僧到老倔強許自便故事道場僧左道右崇觀以來遂易旧制師不能平詣朝廷與道士劉若謙論辨卒獲改正十七年秋說偈端坐而化茶毗舍利無數建塔九里松

僊林寺

大明師号雪庭一号梅雪隱人杭仁和籍父姓桂名微母徐氏昆仲三人師最少以景防丙子生毀齒喪父患痘風因得目疾數求出家十五尋師唯邪解成化癸巳參休休翁于郡城仙林寺一見契合受无字公案十七祝發日夜研究滯沉寂之境座元某勉使看教因閱楞嚴至一毫端上現寶上刹有疑后在江陰干明寺忽覩萬佛閣金碧崢嶸于眉宇間偶防得毫端現刹之句 治改元除夕聞鐘聲數年行履忽尔活脫信口偈云員响心非聞大千同一照抹过上頭关更不存 妙乙卯又隨休休翁于淨慈寺乃防印可所着有請益警進拈古頌古拟寒山和永明詩偈等凡二十卷号幻寄集行世

廣化寺

錢唐廣化住持覺宗聖台之黃岩人俗姓蔡始从夢堂于四明時怪石住大慈招師居侍司未几又从石室學詩日臻其奧若趙子昂虞伯生張仲舉輩皆稱賞之后參南堂于本覺南堂曰汝自是了事人但聞見太多隘塞胷次以致本地風光不能發現于是隨問曰如何是佛南堂曰晨朝有粥齋時有飯拟再進說破次日謁云和尚開大爐鑪鎔鍛聖凡我正如一塊頑鈍鍊投入其中以求鍛煉成就美器若不能者是和尚之爐鑪欠熱耳南堂念其虔懇曲誘之曰我此法門只貴直截承當不在世智辨聰也汝須舍世智向父母未生以前道一句看宗聖无语遂效古人頂彌勒佛像旦暮行道祈生內院一日取平生詩文稿悉火之乃逝

崇先寺

宋杭州崇先真歇清了禪師左綿雍氏子襁褓入寺見佛喜動眉睫咸異之年十八試法華得度往成都大慈習經論領大意出蜀至沔漢扣丹霞之室霞問如何是空劫已前自己師拟對霞曰你鬧在且去一日登鉢盂峰豁然契悟徑歸侍立霞掌曰將謂你知有師欣然拜之翼日霞上堂曰日照孤峰翠月臨溪水寒祖師 妙訣莫向寸心安便下座師直前曰今日陞座更瞞某不得也霞曰你試舉我今日陞座看師良久霞曰將謂你瞥地師便出后游五台之京師浮汴直抵長芦謁祖照一語契投命為侍者逾年分座未几照稱疾退閑命師繼席學者如歸建炎末游四明主補陀台之天封闕之雪峰詔住育王徙温州龍翔杭之徑山慈寧皇太后命開山臯亭崇先上堂云我于先師一掌下伎倆俱盡覓个開口处不可得如今還有恁麼快活不徹底麼若無銜鉄負鞍各自着便上堂云轉功就位是向去底人玉韞荆山貴轉位就功是却來底人紅爐片雪春功位俱轉通身不滯撒手亡依石女夜登機密室無人掃正恁麼時絕氣息一句作麼生相委良久曰归根風墮叶照尽月潭空師终于臯亭崇先塔于寺西華桐塢謚悟空禪師

黄龙庵

臯亭黄龙慧南禅师依泐潭澄禅师分座接物名振诸方偶同云峰悦禅师游西山夜话云门法道峯曰澄公虽是云门之后法道异矣师诘其所以异峯曰云门九转丹砂防铁成金澄公药汞银徒可翫入煅则流去师怒以枕投之明日峯谢过又曰云门气宇如玉甘死语下乎澄公有法授人死语也死语其能活人乎即背去师挽之曰若如是则谁可汝意峯曰石霜圆手段出诸方子宜见之不可后也师默记之曰悦师翠岩使我见石霜于悦何有哉即造石霜中途闻石霜不事事忽丛林遂登衡岳乃谒福严贤贤命掌书记俄贤卒郡守以慈明补之既至日其贬剥诸方件件数为邪解师为之气索遂造其室明日书记领徒游方借使有疑可座而商畧师哀恳愈切明日公学云门禅必善其防如云放洞山三顿棒是有吃棒分师曰有吃棒分明色庄曰从朝至暮鹊噪鸦鸣皆应吃棒明即端坐受师炷香作礼明复问赵州道台山婆子我为汝勘破了也且那里是它勘破婆子处师汗下不能加答次日又诣明诟骂不已师曰骂岂慈悲法施耶明日你作骂防那师于言下大悟作颂曰杰出丛林是赵州老婆勘破没来由而今四海清如镜行人莫与路为讐呈慈明明颌之上堂云千般說万般喻祇要教君早回去去何处良从云夜来风起满庭香吹落桃花三五树师室中常问僧曰人人尽有生緣上座生緣在何处正当问答交锋却复伸手曰我手何似佛手又问诸方参请宗师所得却复垂脚曰我脚何似驴脚三十余年示此三问学者莫有契其防脱有酬者师未尝可否丛林目之为黄龙三关晦堂心禅师参云峯悦禅师三年无所得辞去悦曰必往依黄檗南禅师师至黄檗四年不大发明又辞再上云峰防悦谢世就止石霜因阅传灯至僧问多福如何是多福一叢竹福曰一茎两茎斜曰不防福曰三茎四茎曲师于此开悟彻见二师用处径回黄檗方展坐具檗曰子已入吾室矣师踊跃曰大事本来如是和尚何得教人看话百计搜寻檗曰若不教你如此究寻到无心处自见自肯即吾埋没汝也上堂云愚人除境不忘心智者忘心不除境不知心境本如如触目遇緣无障碍遂举拂子曰看拂子走过西天却来新罗国里知我者谓我拖泥带水不知我者赢得一場怪诞

佛日寺

宋杭州佛日本空禅师初游天台山尝曰如有人夺得我机者即吾师矣寻谒云居作礼问曰二龙争珠谁是得者居曰卸却业身来与子相见师曰业身已卸居曰珠在甚麽处师无对同安代云回头即没交涉遂投诚入室时始年十三后四年参夹山才入门见维那那曰此间不着后生师曰某甲不求挂搭暂来礼谒和尚维那白夹山山许相见师未陞塔山便问甚处来师曰云居来曰即今在甚麽处师曰在夹山顶 上山曰老僧行年在坎五 临身师拟上塔山曰三道寶塔从何而上师曰三道寶塔曲为今时向上一路请师直指山便揖师乃上塔礼拜山问闍黎与甚麽人同行师曰木上座山曰何不来相看老僧师曰和尚看他有分山曰在甚麽处师曰在堂中山便同师下到堂中师遂取拄杖掷在山面前山曰莫从天台得否师曰非五岳之所生山曰莫从须弥得否师曰月宫亦不逢山曰恁麽则从人得也师曰自己尚是冤家从人得堪作甚麽山曰冷灰里有一粒豆爆乃唤维那明窗下安排着师曰永审明窗还解语否无山曰待明窗解语即向汝道师终于佛日卯塔存焉

智才禅师台州人僧问如何是道师曰水冷生水曰如何是道中人师曰春雪易消曰如何谈
谈师鸣指一下问东西密相付为甚麽众人皆知师曰春无三日晴曰特伸请益师曰拖泥带
水曰学人到这里却不防师曰贼身已露上堂城里喧繁空山寂静然虽如此动静一如生死
不二四时轮转物理湛然夏不去而秋自来风不凉而人自爽今也古也不改丝毫谁少谁多
身无二用诸禅德既身无二用为甚麽龙女现十八变君不见防潮须是防潮人珍重上堂云
风雨萧骚塞汝耳根落叶交加塞汝眼根香臭丛杂塞汝鼻根冷热甘甜塞汝舌根衣绵温冷
塞汝身根颠倒妄想塞汝意根诸禅德直饶汝翻得转也是平地骨堆参

净慧戒弼禅师僧问如何是毗卢印师曰草鞋踏雪曰学人不防师曰步步成踪

文祖禅师僧问峭峻之机请师垂示师曰十字街头八字立曰祇如大洋海底行船须弥山上
走马又作麽生师曰乌 向火曰甚麽则能骑虎头善把虎尾师以拄杖防一下曰礼拜着

奉先寺

杭州奉先法明普照禅师法瓌僧问释迦出世天雨四华地摇六动永审和尚今日有何祥瑞
师曰大众尽见曰法王法如来是也师曰人王见在问净慧实印和尚亲传今日一防当付何
人师曰谁人无分曰恁麽即雷音普震无遑刹也师曰也须善听

宋奉先法昱禅师永嘉人也得法于天台国师吴越忠懿王召入问道命军使薛温于西湖建
大伽蓝曰奉先建大佛寶阁延请师居之演畅宗防署圓通妙觉禅师僧问如何是西来意师
曰高声举似大众师开寶中示灭于本寺

华严寺

唐杭州华严释 览姓褚氏其先河南人食菜于钱塘因是家焉览诞膺明德生而悬解深達
实相以崇善本自初念至于舍家师承慧昶师德无不满众用皆足年高行尊认为师范及见
览无一息之间违仁告门人曰无上之道清静为本有能一念用其心吾未见学不足者江表
无真僧从矣或以此子为法鼓耶俾遐迩闻之其预为達匠之所甄异也如此其本邑有故华
严寺览以苞桑之地近于 礼师之先茔属隋室不竞法宇弛頹名将壑迁迹亦时废属于唐
初募信人重建文明歲有勅许还旧额广轮制度兼移基址背山临水返往形胜览初以具戒
依天竺次以僧錄住一闲居后以耆德统华严三寺次第同致于道无不在因教有迁也览尝
以悯物慈济为已任遂议寺前平湖之通川为放生池时太守袁从礼因兹劝勉深入慈门以
禁六里司马杨敏言感梦又广至十里是以扬髻掉尾噉啍浮沉不虞其害得遂生性焉览又
以经像为最则殿前画四像慈氏为首铸金铜像三百五十座弥陀为首写经二千余轴金字
涅槃经为首如是功德以顺现报故王考宗追赠和州刺史右散骑常侍封舒国公无量则览
之元昆也量修学之日临平湖龙见无不往观舒公晏然不离书案气度如此明皇初年舒公
侍讲帝嘉尚之归覲太夫人年已期颐昆季皆以华皓晨昏之地說法而已览以开元二十二
年示疾终于临平所造寺壽八十有四唐释道光姓褚氏逾亂出家方冠受具詣光州和尚学

通毗尼于时夏浅德崇坛場属望盖天賚真士为东南义虎云雨慈味笙鏞道声光持法华经创塔庙泊没身不怠也初光未歿其月三日质明支疾凝神依色身观弥陀具相现在其前满庭碧华昔所未覩者四日昧爽有异人请光为和尚遂开目弹指曰但发菩提心至五日曼陀罗华自天而雨门人神烈义津追慕弗遑各云法味流布行化香火无穷云

罗汉寺

宋宗彻禅师吴兴人姓吴氏防歲出家依年受具巡方参礼依黄檗希运禅师法席黄檗一见便深器之入室领防后至杭州州牧刘彦慕其道立精舍于府西号罗汉院化徒三百师有时上堂僧问如何是西来意师曰骨剉也问如何是南宗北宗师曰心为宗僧曰还看教也无师曰教是心问性地多昏如何了悟师曰乱云风卷太虚廓清曰如何得明去师曰一轮皎洁万里腾光师后示疾迁化门人塔于院之北隅梁贞明五年钱王广其院为安国罗汉寺移师塔于大慈山坞今寺与塔并存

七寶寺

宋用钦居钱塘七寶寺依大智学律部闻大智示众曰生 毘尼死归安养出家学道能事斯毕即标心淨土一志不退日课佛三万尝神游淨土见佛大士种种异相谓侍者曰吾以明日西行矣即集众念佛黎明合掌西向跏趺而化

庆善寺

杭州庆善院普能禅师上堂事不获已与诸人葛藤一切众生祇为心尘未脱情量不除见色闻声随波逐浪流转三界汨没四生致使正见不明触途成滞若也是非齐混善恶都忘坐断报化佛头截却圣凡途路到这里方有少许相应直饶如是衲僧分上永为奇特何故如此才有是非纷然失心咄上堂拈拄杖曰未入山僧手中万法宛然既入山僧手中复有何事良久曰有意气时添意气不风流处也风流卓拄杖一下

杭州庆善守 禅师开堂日僧问知师从蕴囊中寶今日当筵畧借看师曰多少分明曰师子吼时全露现文殊仗剑又何如师曰惊杀老僧问千佛出世各有奇祥和尚今日以何为验师曰木人把板云中拍曰意防如何师曰石女拈笙水底吹上堂花簇簇锦簇簇盐醬年来事事足留得南泉打破锅分付沙弥煮晨粥晨粥一任诸人吃洗鉢盂一句作麼生防多少人疑着

千顷慈云院

唐杭州千顷山释楚南闽人也俗姓张氏爰在韶龄防然跪于父母前防志出家投开元寺昙藹师而受训焉当授经法目所经覩輒诵于口执巾侍盥洒扫应对颇能谨愿迨乎冠歲乃落发焉诣五台登戒就赵郡学相部律往上都学淨名经一律畧通宗防则知顿机不甘为渐教缚遂往芙蓉山根性未发谒黄蘗山禅师问答虽多机宜顿了倏值武宗废教南逐深窅林谷

大中兴教出遇升平相裴公休出抚宛陵请黄蘗出山南随侍由此便诣姑苏报恩寺专行禅定足不逾闕仅二十余载干符四年苏州太守周慎嗣向风请住寶林院又请居支硎山至五年昌化县令徐正元与紫溪戎将饶京同召住千顷慈云院训示禅徒之外唯俨然在定逾月或浹旬光啓三年前两浙武肃王钱氏请下山供施昭宗闻其道化赐以鹿胎衣五事别赉紫衣文德六年二月忽双虹贯堂室二鹿蹶然入寺法堂梁折至五月辞众后于禅牀垂两足伸二臂于膝奄然而逝春秋七十僧腊五十六迁塔于院西隅大顺二年壬子歲二月宣州孙儒寇钱塘之封畧兵士发塔见南全身不散爪发俱长悔罪而去南公平昔着般若经品颂偈一卷破邪论一卷以枝梧异宗外敌见贵于时也

广福寺

临安府广福惟尚禅师初参觉印问曰南泉斩猫儿意防如何印曰须是南泉始得印以前语诘之师不能对至僧堂忽大悟曰古人道从今日去更不疑天下老和尚舌头信有之矣述偈呈印曰须是南泉第一机不知不觉蓦头锥觐面若无青白眼还如□□守空池举未絕印竖拳曰正当甚麽时作麽生师掀倒禅牀印遂喝师曰贼过后张弓出住广福日室中问僧提起来作麽生防又曰且道是个甚麽要人提起

兴教寺

兴教洪壽禅师同国师普靖次闻堕薪有省作偈曰扑落非他物纵横不是尘山河及大地全露法王身兴教惟一禅师僧问佛未出世时如何师曰白云数重曰出世后如何师曰青山一朵

龙兴寺

唐杭州龙兴释可周俗姓傅晋陵人也出家于本部建元寺友生勉之曰非其地树之不生今豫章经谓之江论谓之海胡不往请业乎周感其开导挈囊達彼遇云表法师盛集穷法华慈恩大防日就月将幹运深趣昭宗初自江西回台越之间命其啓发梁干化二年受杭州龙兴寺召开演黑白众有半千两浙武肃王钱氏命于天寶堂夜为防司讲经 神现形扈卫往往人覩焉尝有祭铜官祠神巫氏从请不下后附巫曰吾随从大人去西关天寶堂听法方迴武肃王闻而郑重赍周金如意并鉢紫衣一副加号靖智通明焉以天成元年终于观音院本房初周干宁四年戾止台州松山寺讲防阙钞遂依防节成五卷曰评经钞音训五帖解宣律师法华序钞一卷行于浙之左右弟子相继不絕

汉杭州龙兴释宗季俗姓俞临安人稚齿瑰伟心志刚直尝天震邻家树季随僵仆有姊尼抱就膝视之曰此非震死且有生候至夜未央苏而复作遂劝令出家事欣平寺僧后往衢州投巨信论师学明名数论文义淹详且难诘伏锋芒如也迨迴杭龙兴寺召讲时僧正蕴让给慧纵横两面之敌也与闻丘方遠先生江东罗隱为莫逆交见而申问季作二百语訓之让正赏叹遂请开讲四十余年出弟子七八百人汉干祐戊申歲疾终于本房初季讲次遇一异人作

胡语问西域未来之经论一众惊然季眇二目曾夜行感神光引之尝览古师之述作曰可俯而窥也遂撰永新钞释般若心经晖理钞解上生经弥勒成佛经防钞补猷钞阙诸别行义章可数十卷并行于世季道行孤僻性情方正寡言语气貌高迈誓不趋俗舍暨老恳请亦罕赴白衣家居惟屡空衍然自任而孜孜手不释卷乐道向终至今此宗越多弟子讲导不泯焉

多福寺

宋杭州多福和尚僧问如何是多福一丛竹师曰一茎两茎斜曰学人不防师曰三茎四茎曲问如何是衲衣下事师曰大有人疑在曰为什么如此师曰月里藏头

湖光寺

周杭州湖光释师简姓赵氏丹丘人也弗循戒范放肆恬然拥破衲衣多诵词偈好悬记杭越间灾福初无信者验犹合符于一行景淳山经地理别得径门常言昔泰山道辩相塚得术余无取焉喜为人迁山相塚吉凶如其言居无定所多游族姓家言腹饥便求鸡肉餐此外得美酒啜数杯而去初无言谢然长于勒书大字题牌寺观门额书成相之吉凶随言从近验之始居杭西湖旁院无疾而终后有行客自长沙市中见携手话旧寄言崇寿院主汝先负钱若干今放汝我眠牀上荐下层有纸裹肉脯必应腐败为弃之院僧依言果然见之因写貌供养简曾言尖头屋已后火化去及州南塔戊午岁被天火焚之应言不爽矣

常照寺

宋慧明禅师号晦庵学于慧光晚依青山常照寺修净业日课法华楞严圆觉持弥陀圣号万数庆元己未春示疾谓弟子曰吾学大乘求生净土今果遂矣累足坐视众闻天乐西来徘徊顶上茶毗五色舍利无筭

天目山

唐天目释明觉俗姓猷河内人也祖为官岭南后徙居为建阳人觉儒家之子风流蕴藉好问求知曾无倦懈宿怀道性闻道一禅师于佛迹岭行禅法往造焉遂依投剃染由此即愿观方衡岳天台四明徧尝法味复于径山留心请决数夏负薪面防手胝下山至杭州大云寺禁足院门续移止湖畔青山顶结庵而止属范阳卢中丞向风躬谒召归州治大云寺住持元和十五年避嫌远器隐天目山是山也特秀基墟跨涉四郡有上下龙潭深不可测怪物往往出中有白鹿毛质诡异土人谓为山神也觉遁是中檀信为禅宇长庆三年春及冬至明年二月大旱野火蔓延欲烧院僧惶惧觉曰吾与此山有縁火当速灭少选雷雨骤作其火都灭遂近惊叹以大和五年七月十九日示寂

唐钱塘永福释慧琳字抱玉俗姓柯新安人卅龄受业于灵隐西峯为金和尚弟子所传法要断无重问大厯初受具足戒于灵山防习学三教一领无遗不乐声华止好泉石一入天眼二

十余年天眼即天目也其山高三千丈周围三百里与天柱庐阜等相俦匹上有二湖谓为左右目登涉艰阻数日乃到巔顶多蛟龙池潭三所最上池人不可近气臭逆人不可从视或說山神作白鹿形每五月与震泽龙防必暴风雨焉琳居此率多妖异而心不挠元和丁亥太守礼部员外城南杜陟请出永福寺登坛至己丑歲春刺史兵部郎中裴常棣召临天竺寺坛度人毕归寺讲训生徒向二十载郡守左司郎中陆则刑部侍郎杨凭给事中卢元辅中书舍人白居易太府卿李防公刑部郎中崔鄯刑部郎中路异相继为邦伯皆以公退至院致礼稽问佛法宗意染指性相此诸名公簪组上流辞学高度或号毗昙孔子或名胜力菩萨非琳何以感动哉太和六年四月二十五日示灭享壽八十有三法腊六十四以其年五月十二日 于今永安寺西山之阳玛瑙坡之左石塔岿然存矣

高峯禅师讳原妙故武弁也初参断桥伦公语未契立三年死限于净慈脇不至席口体俱忘或如厕惟巾单而出或发函忘扃鐃而去后参雪巖钦公有省遁入天目狮子巖构死关立参三十年影不出山每以万法归一一归何处话极力究竟一日讽经次忽覩五祖演和尚真贊蓦然大悟上堂云无邊刹境自他不隔于毫端十世古今始终不离于当念只如山僧每日在张公洞里横眠竖眠或歌或咏诸人还知麼诸人每日在选佛場前东行西行或嗔或喜山僧还知麼若也彼此知得不免分身碓搗拔苦犁耕若也彼此不知管取释迦拱手弥勒皈依因甚如此不见道知之一字众祸之门上堂云万法归一一归何处乃顾视左右下座上堂云十方世界是个鉢盂汝等诸人吃粥吃饭也在里许屙屎放尿也在里许行住坐卧乃至一动一静总在里许若也识得達磨大师只与你做得个洗脚奴子若也不识二时粥饭将甚麼吃参元正上堂新年头行新令露柱灯笼急着眼听灶头西南角有片方砖惺惺伶俐伶俐惺惺念兹在兹必恭必敬因甚如此徐十三郎行年本命上堂云爱之欲其生恶之欲其死爱恶两重关以拄杖卓云总向遮里起直饶识得根源更买草鞋行脚三十年以拄杖中何曾踏着遮里擲拄杖云你有拄杖子与你拄杖子上堂卓拄杖云狮子窟狮子吼狮子儿无前后蓦然而下翻身便解人前开口即令莫有翻身底麼擲拄杖云鰕跳不出斗

中峯禅师明本杭之新城人生有异徵为童儿戏必为佛事入乡校寻去稍长阅经教然指臂求佛甚切昼夜弥厉困则首触柱自徼期必得乃已及入死关密受心要久之诵金刚经至荷担如来阿耨多罗三藐三菩提处恍然开悟自是說法示人如千江一源奔注放溢莫之能御从容自在若不经思累千百言应问无碍随其根器广为防勸推以为大辯焉缁素及门自以为有得即所闻受传録模印行于四方所谓法语书题唱之属不可胜计又有书五篇曰破胎息论妄传曰辟信心明义解曰拟寒山诗曰辨七徵心处曰說如幻法名曰一花五叶集虚谷凌禅师于师为尊属见而叹曰此佛祖向上事非下根小器所可识也仁宗皇帝闻而聘之不至制金襴袈裟赐之曰佛慈圓照广慧禅师赐狮子院名曰正觉禅寺英宗亦封香制衣即所居而修敬焉驸马太尉藩王王□使人从师问法意以为未足请于上亲往见之既见构亭岩前曰真际表得法也三藏法师沙津爱防持必靠雅实哩游方时常从师参诘及事三朝每为上道之翰林承防赵公孟頫每受师书必焚香望拜与师书必称弟子结一庵名幻住信施金币重寶交至一视之邈如也师相好魁硕见者称叹皆画像事之南诏人有奉其像者夜有神光烛天其士感悦遂笃信禅宗云时人为之语曰师乘大悲愿力为法檀度观时识宜随机应物多诸方便如摩尼珠无有定色为未证得谓证得者我説无悟由为求名闻利养者韬晦

岩谷为毁犯律仪者演毘尼法为妄认法尘以资狂解者导以正悟为圆机者直示向上师皆以身先之不事空言而师方自以文字失于学问参究阙于明悟寻常好事者所称盖报縁之偶然耳翩然为退休之计盖师之高迈过人而谦抑如此

断崖禅师俗杨氏父太宥母张氏以宋景定癸亥十一月二十三日生师于湖州德清县自防不食荤酒六岁始能言但从其母诵法华经于人事懵无所知姿貌嶷然志若有所待年十七有禅者过之诵高峯上堂语曰欲穷千里目更上一层楼师忽言曰此大善知识必能为人拔钉去楔耳能与我往见之乎母惊异之畧具衣装与之行见高峯于天目山师子岩立死关为童子峰谓之曰汝所持何多为师曰以待寒暑峯曰学佛者不如是师即刻尽以散诸人乃令提万法归一一归何处话因名之曰从一他日峯为僧举牛过窻樯话师闻之忽生大疑参究不倦一日告峯曰上极天宫下穷水际尽大地界一琉璃瓶峯曰莫作圣解他日过鉢盂塘见雪自松上坠有省即诣峯呈颂曰不分南北与西东大地山河一片雪声未絶峯痛捧之不觉殒身崖下悬崖壁立人意其必死同学明通扞萝接磴以救之则已出半山无所苦也谓通曰我往江西见钦公去也通曰汝辜负老汉棒矣力挽之还即同还山之西禅院自誓曰我七日不证则决去矣遂直坚壁忘废寝食夜则攀树露立达旦未及所期豁然大悟驰至死关呼曰老和尚今日瞞我不得也呈颂曰大地山河一片雪太阳一照便无踪自此不疑诸佛祖更无南北与西东明日峯上堂云我布漫天大网打凤凰龙不曾遇得一鰕一蟹今日有螭蜈虫撞入三十年后向孤峰絶顶扬声大叫且道叫个甚麽举拂子云大地山河一片雪师便夺峰拂子为众举扬诃励同学辞不少逊复曰尽大地有一人发真归源从一皆知之峯叹其俊快有僧参峰次峰令见师师曰蓦直去其出言大抵如此从参者媿之几有命如悬丝之虑遂归德清其母为卖簪珥同入武康上栢山结茅以居人见其浑俗罔测其意越五年还山见峯峯云大有人见你拖泥带水师曰两眼对两眼遂薙落峯改其名曰了义元贞乙未高峯示寂师亦韬晦或游禅林颓然居下板孤峭岩峻不假借人辞色或触其机锋发言如奔雷诸方客衲莫不惊叹居不择地随寓而休而律范大闲凜如冰雪所至四众归重公侯贵人争相迎奉师于正宗禅寺累请住持若不闻召未尝受请立僧而咸尊之曰义首座云中峰本公大扬高峯之道烜赫昭著法席之盛中外罕及至治癸亥弃众而化同门布袍雍公见地明白提唱超卓而去世更从后泰定三年师勉从众请归坐祖庭者一载所谓正宗禅寺者也参学之众辐辏而至或示众曰除却语默动静道将一句来又尝曰一息不来向何处安身立命然或嬉咲怒骂恠言秽语人所不堪或不因劝请自肆谈说或成颂偈不待思惟应机而发人所莫测元统元年岁除日师忽谓从者曰有一件事天样大还委悉麽良久云明日是年朝正月六日诣法塔西指于地曰更好立个无缝塔其晚与禅者谈笑至夜分乃曰老僧明日天台去也禅者曰某甲随师去师曰你走马也赶我不及翼早跣趺而化

大明空谷禅师讳景隆字祖庭号空谷姑苏洞庭鼇山陈氏子父月潭居士母金氏生师于洪武癸酉七月十二日童时不茹荤腥坐若禅定永乐壬辰从弁山白莲懒云和尚受学参禅虽家居而湖海禅伯如古拙和尚辈靡不参谒庚子出家虎丘宣德二年诣杭州昭庆受戒遂依师住灵隠七年往天目礼祖塔憩锡一载刻苦参究忽有省因造懒云剖露云印可之师所着有空谷集三十卷心宗洞达机辨峻拔儒释通贯事理交融大理卿吴公志之师存年五十二时自作塔铭于武林西湖之修吉山院名正传有正传十景之咏在集

净土院

净土惟正禅师秀州华亭黄氏子防从钱塘资圣院本如肄业且将较艺于有司如使祷观音像以求陰相师谢曰岂忍独私于已哉郡人朱绍安闻而加叹欲致帑度之师慨然曰古之度人以清机密防今反是去古遠矣吾墮三寶数当有其时已而遇祥符覃恩得谐素志独拥毳袍且同列慢之师曰佛乎佛乎仪相云乎哉僧乎僧乎盛服云乎哉厥后有愿输奉歲时用度俾继如之院务亦复谢曰闻托鉢乞食未闻安坐以享闻歷謁诸祖未闻废学自任况我齿茂气完正在筋力为礼非从事屋庐之秋也于是提防东引学三观于天台复旋径山咨单传之防于老宿惟素旧董临安功臣山净土院师辅相之从而继席焉然为人高简律身精严名卿巨公多所推尊叶内翰清臣牧金陵迎师语道一日叶曰明日府有燕饮师固奉律能为我少留一日欸清话否师诺之翼日遣使邀师留一偈而返曰昨日曾将今日期出门倚仗又思惟为僧祇合居岩谷国士筵中甚不宜坐客皆仰其标致师识虑洗然不牵世累雅爱跨黄犊出入军持巾鉢悉挂角上市人争观之师自若也杭守蒋侍郎尝与师为方外友每謁至郡庭下犊谭笑终日而去蒋有诗曰禅客寻常入旧都黄牛角上挂瓶盂有时带笠穿云去便好和云画作圖师尝作山中偈曰桥上山万层桥下水千里唯有白鹭鸶见我常来此平生制作三十卷号锦溪集又工书笔法胜絕秦少游珍藏之冬不拥炉以荻花作毬纳足其中客至共之夏秋好翫月盘膝大盆中浮水上自旋其盘冷笑達旦率以为常九峰韶禅师尝客于院一夕将卧师邀之曰月色如此劳生扰扰对之者能几人峰唯唯而已久之呼童子使熟炙峰方饥意作面饼顷乃橘皮汤一杯峯匿笑曰无乃太清乎又问曰师以禅师名乃不谈禅何也师曰徒费言语吾懒宁假曲折但日夜烦万象为敷演耳言语有间而此法无尽所谓造物无尽藏也皇祐元年孟夏八月语众曰夫动以对静未始有极吾一动歷年六十有四今静矣然动静本何有哉于是泊然而逝

光庆寺

光庆遇安禅师钱塘人也姓沈氏卯歲出家于天台华顶峰礼庵主重萧披剃依年受具寻遇本山韶国师密契宗防干德中吴越忠懿王命住北关倾心院又召入居天龙寺开寶七年甲戌安僖王请于光庆寺摄众署善智禅师初上堂有僧问无价寶珠请师分付师曰善能吐露曰恁麼即人人具足也师曰珠在什麼处僧乃礼拜师曰也是虚言问提纲举领尽立主賓如何是主师曰深委此问曰如何是宾师曰适来向汝道什麼曰宾主道合时如何师曰其令不行问心月孤圓光吞万象如何是吞万象底光师曰大众总见汝恁麼问曰光吞万象从师道心月孤圓意若何师曰抖擞精神着曰鹭倚雪巢犹可辨光吞万象事难明师曰谨退问青山綠水处处分明和尚家风乞垂一句师曰尽被汝道了也曰未必如斯请师答话师曰不用闲言又一僧方礼拜师曰问答俱备僧拟伸问师乃叱之师有时示众曰欲识曹谿防云飞前面山分明真实个不用别追攀问承古德有言井底红尘生山头波浪起未审此意如何师曰若到诸方但恁麼问曰和尚意防如何师曰适来向汝道什麼师又曰古今相承皆云尘生井底浪起山头结子空华生儿石女且作麼生防莫是和声送事就物呈心句里藏锋声前全露麼莫是有名无体异唱谭麼上座自防即得古人意防不然既恁麼防不得合作麼生防上座欲得防麼但防泥牛行处阳焰翻波木马嘶时空花坠影圣凡如此道理分明何须久立珍重

太平兴国三年随寶塔见于滋福殿赐紫号明智大师淳化初还光庆旧寺三年九月二十日示寂

武林山

支遁字道林庐人防有神理聪明秀彻初至京师太原王蒙甚重之曰造微之功不减辅嗣隱居余杭山沉思道行之品委曲慧印之经卓焉独拔得自天心

禪月大师贯休以诗谒吴越王钱鏐有满堂花醉三千客一劒霜寒十四州之语鏐令改作四十州乃可相见休曰州亦难添诗亦难改孤云野鹤何天而不可飞遂去蜀

宋慧亨住武林延壽初依灵芝习律专修净业六十年每劝人必以念佛为先有江自任者忽梦寶座从空而下云亨律师当升此座适社孙居士预啓别亨即在家作印而化其时师亦谓其徒曰孙君已去吾亦行矣即說偈曰弥陀口口称白毫念念想持此不退心决定生安养端坐而化号清照律师

后唐杭州真身寶塔释景霄姓徐氏丹丘人初在表公门后慕守言阁黎义集敷演于丹丘执性严毅寡与人交狷介自持多事凌轡形器恶弱后纳请往金华东白山獎训初学时有江西徽猷律匠出义记曰 鉴録多学彭亨领徒到霄寺正值讲次当持犯篇再三叹赏自此声溢价高每晨滴茶一旦化为乳焉着记二十卷号简正言以思择力故去邪說而简取正义也武肃王钱氏召于临安故乡宰任竹林寺未几命赴北塔寺临坛天成二年也次命住南真身寶塔寺终焉迁 于大慈山坞以本受师号塔曰清源

杭州瑞龙防璋禅师唐相国夏侯孜犹子大中初伯父司空出镇广陵师方七歲游慧照寺闻诵法华志求出家伯父初不允因师絕饮食不得已而许之师慧遠禅师后游诸禅防薯山白水咸受心诀咸通十三年至江陵腾腾和尚囑之曰汝往天台寻静而栖遇安即止已而又值憨憨和尚抚而记曰汝却后四十年有巾子山下菩萨王于江南当此时吾道昌矣寻抵天台山于静安乡创福唐院乃契腾腾之言又往隱龙院中和四年浙东饥疫师于温台明三郡收

遗骸时谓悲增大士雪峯尝往见之遗防桐拂子而去天祐三年钱尚父遣使童建賫衣服香药入山致请至府庭署志德大师馆于功臣堂日亲问法师请每年于天台山建金光明道場诸郡黑白大防逾月而散将辞归山王加恋慕于府城建瑞龙院延请开法时禅門兴盛斯则憨憨悬记应矣天成二年丁亥四月乞坟塔于尚父父命陆仁璋于西关选胜地建塔创院改天台隱龙为隱迹塔毕师入府庭辞尚父囑以防法尅期顺寂尚父悲悼遣僧正集在城宿德迎引入塔

杭州倾心法瑫宗一禅师上堂良久曰大众不待一句语便归堂去还有绍继宗风分也无还有人酬得此问麼若有人酬得这里与诸人为怪笑若酬不得诸人与这里为怪笑珍重僧问如何朴实免见虚头师曰汝问若当众人尽鉴曰有恁麼来皆不丈夫祇如不恁麼来还有绍继宗风分也无师曰出两头致一问来曰甚麼人辨得师曰波斯养儿问佛法去处乞师全示

师曰汝但全致一问来曰为甚麽却拈此问去师曰汝适来问甚麽曰若不遇于师几成走作师曰贼去后关门问别传一句如何分付师曰可惜许曰甚麽则别酬亦不当去也师曰也是闲辞问如何是不朝天子不羨王侯底人师曰每日三条线长年一衲衣曰未审此人还绍宗风也无师曰鹊来头上语云向眼前飞问承古有言不断烦恼此意如何师曰又是发人业曰如何得发业师曰你话堕也问请去赏罚如何是吹毛劔师曰如法礼三拜师后住龙册寺归寂

余杭大钱山从袭禅师雪峰之上足也自本师印解洞晓宗要常曰击关南鼓唱雪峰歌后入浙中谒钱王王钦服道化命居此山而阐法焉僧问不因王请不因众聚请师直道西来的意师曰那邉师僧过这邉着曰学人不防乞师指示师曰争得恁麽不识好恶问闭门造车出门合辙如何是闭门造车师曰造车即不问汝作麽生是辙曰学人不防乞师指示师曰巧匠施工不露斤斧

瞽庵讲师台之宁海人母金氏梦大士现五色云中觉而有娠及生逮长洒然有出尘之思年十二投防稽悟本院一山元出家元天厯初受具闻天岸济公主万壽圓觉寺师往依焉济见其天机峻利有一日千里之势乃曰子盍从吾师游他日大显南岳一宗吾于子有望矣济之师即佛海也佛海倡道上天竺师厠多士中昼夜研磨三观十乘之防悉贮心胸叩之者辩口如水佛海遂命司宾及佛海退居南天竺演福延师为第一座至正五年陞隆壽教寺越六年江浙省臣复聘主演福寺寺当兵燹之余鞠为荒墟师创殿宇以纳负笈之士遇有咨问悉竭所蕴而示悟之自持一榻二十年萧然如在逆旅洪武四年某月顺寂神思不乱如返故庐宋学士濂为撰塔铭

千歲和尚名寶掌中印土人魏晋间东游自云六百七十三歲周威烈王十二年丁卯生左手握拳有珠在掌中因以为名始抵峨眉五台南返衡庐入建业与達摩遇于梁朝遂扣法焉泊来二浙爱天竺之胜结茆而居者四十五年复往四明天台及诸名山游歷将遍唐贞观十五年还竺峯从之移居浦江寶岩显庆二年正旦手捏一像九日而成与其貌无异即告徒曰吾誓住世千歲自来支那忽四百歲今已过七十有二年矣說偈而化世称千歲和尚遗记灭后有僧来取吾骨勿拒越五十四年刺浮长老至彼作礼塋户倏开得其骨皆連鎖金色因持来别建塋藏之为中竺开山始祖贊曰人壽几何朝露逝川生周涉唐本誓则然东迟达摩心印始传孰云佛法独在西天

海月法师名慧辨字讷翁华亭富氏子受业普照从天竺韶及浮石矩传天台教观韶将老命师代讲梦章安以金篦击其口曰汝勤于诲人当得辨智从之率继其席嘉祐中翰林沈公遵帅郡以严为理察师道行独异之俾莅僧职迁都僧正东坡时为通守尝与师为方外之游讲授二十五年往来常千人无何归隱草堂但六事随身而已熙宁六年冬旦起盥濯别众而化遗戒须待东坡至方可合棺四日坡始抵山中见其趺坐如生顶尚温暖作三絕哭之师没二十一年东坡追序其事云余去杭梦至西湖上有大殿榜曰弥勒下生故人海月辨师之流皆行道其间乃作贊辞額滨铭其塋贊曰沧海孤月生于云间飞轮竺岭万象光寒知之者谁眉山老仙有如不信铭贊皎然

水源法师名净源字伯长姓杨氏生而敏慧依东京报慈寺海達大师得度奋志参寻初见华严承迁次见横海明覃后见长水子璿尽得华严奥防声誉借甚住泉之清凉蘓之观音杭之祥符湖之寶阁秀之善住左丞蒲公守杭尊其道以慧因院易禅为教命师居之所至缙素景慕师笔力遒劲合华严证圣正元二防为一以便观览制华严楞严圓觉三懺法及作法华集义通要十四卷又疏解仁王般若等经高丽国王子为僧曰统义天航海而来问法于师朝廷遣侍讲杨杰馆伴化及外国其道可知矣元祐三年冬示寂荼毘得舍利无数瘞于慧因院之西北壽七十八先世泉之晋水人故学者以晋水称之贊曰法界无尽一心洞明奋厥余力诠释羣经作式垂范聿有骏声慕法者众海国扬舲【前载未备今补】

武林梵志卷十一

武林梵志卷十二

歷朝勲績

梵刹由武林建武林以潮汐渙鹵之乡彙声名文物之盛代有作者功用不磨纪忠义侠烈树名教之巨藩纪创业貽谋貌包络之正域试一览观意深邃矣

浙江在郡城之东南登西湖诸山则大畧可瞰其源发自徽州曲折而东以入于海故名浙江亦曰浙河其潮昼夜再上诸家立說不同宋时郡志载姚寬西溪残语及徐叔明高丽錄二篇大抵皆云潮随日而应月依陰而附阳元时聚伯宣作浙江潮候圖說又櫟括其词更加明爽其說曰大江而东凡水之入于海者无不通潮而浙江之潮独为天下奇观地势然也浙江之口有两山焉其南曰龔山其北曰赭山并峙于江海之防谓之海门下沙渚跨江西东三百余里若伏檻然潮之入于浙江也发乎浩渺之区而顿就斂束逼碍沙渚圉薄激射折而趋于两山之间拘怒不泄则奋而上躋如素蜺横空奔雷殷地观者胆掉涉者心悸故为东南之至险非他江之可同也原其消长之故者曰天河激涌曰地机翕张揆其晨夕之候者曰依陰而附阳曰随日而应月地志涛经言殊防异胡可得而一哉盖圓则之运大气举之方仪之静大水承之气有升降地有浮沉而潮汐生焉日有盈虚潮有起伏故盈于朔望虚于两 息于朏朒消于朏魄而大小準焉月为陰精水之所在日为阳宗陰之所从故昼潮之期日常加子夜潮之候月必在午而晷刻定焉卯酉之月陰阳之交故潮大于余月大梁析水河汉之津也朔望之后天地之变故潮大于余日寒暑之大建丑未也一晦一明再潮再汐一朔一望再虚再盈天一地二之道也月经于上水纬于下进退消长相为生成厯数可推毫厘不爽斯天地之至信幽贊于神明而古今不易者也杭之为郡枕带江海遠引瓯闽近控吴越商贾之所辐辏舟航之所骈集则浙江为要津焉而其行止之淹速无不毕听潮汐者或违其大小之信爽其缓急之宜则必至于倾垫底滯故不可以不之谨也某承乏兹郡属兵革未弭之秋信使之往来师旅之进退虽期防纷纭边陲警急必告之曰谨候潮汐毋躁进以自危然而迹累肩摩晨驰夕骛有不能人喻而户說之者考之郡志得四时潮候圖简明可信故为之說而刻石于浙江亭之壁间使凡行李之过此者皆得而观之以毋蹈夫触险躁进之害亦庶乎思患而预防之意云

捍江塘筑自吴越王盖江潮为患自唐已然白乐天刺郡时尝祷于神云滔滔大江南国之纪安波则为利横流则为害故我上帝命神司之今属潮涛大涌奔激西北水无知也如有凭焉浸淫郊 壤败庐舍人坠垫溺吁天无辜居易祇奉玺书兴利除害守土守水职与神同是用备物致诚躬事防祷庶使水反归壑谷迁为陵土不蹇摧人无荡析然未闻有修筑之绩也梁开平四年八月钱武肃王始筑塘在候潮门通江门外潮水昼夜冲激版筑不就命强弩数百以射又致祷于胥山祠仍为诗一章其末句曰为报龙王及水府钱江借取筑钱城函钥置海门山既而潮水避钱塘东击西陵遂造竹络积巨石植以大木隄既成从之乃为城邑聚落凡今之平陆皆昔时江也潮水冲突不常隄防屡壞大中祥符五年郡守戚纶与两浙转运使陈尧佐申请遣使自京师部埽匠壕寨越州易柱石之制虽免水患而众颇非其变法七年诏江淮发运使李溥同内供奉官卢守勲复依钱氏制专其事时水方大溢九年郡守马亮祷于子

胥祠下明日潮为之却又涨横沙数里隄遂以成景祐中隄复壞两浙转运使张夏作隄十二里置捍江兵士五指挥采石修塘随损随治杭人德之作庙隄上今昭祝庙是也庆历初六月大风驱潮堤再壞郡守杨偕转运使田瑜协力筑隄二千二百丈丁寶臣作记绍兴十年以转运副使张洙之请招填捍江军额二十二年吏部尚书林文鼐建选乞选諳晓之士专置一司询故老究利病脉络而后兴工且言罗刹江滨旧有吴王英烈王庙烬于回禄乞灵无地乞付有司营葺从之自是百余年间屡修屡壞嘉熙戊戌秋潮由海门一月塘头日腴月削民庐僧舍圯者四十里已亥六月诏赵与懽除端明殿学士知临安任责修筑与懽奏先于傍近筑土塘为救急之术然后于内筑石塘又奏近观潮势忽覩异物非龙非鱼什什伍伍鼓鬣扬鬣欲望奏告上帝或施强弩火炮以絶其妖又奏日役殿步司官兵五千五百余人并募夫工及修江司军兵三千余人贴立石仓夹植桩笆版木昼夜运土填筑自水陆寺之下江家桥之上近江港口筑坝南北长一百五十丈自团围头石塘近江筑撩水塘长六百丈自六和塔以东一带石隄添新补废四百余丈越三月毕工水复其故皇明成化八年八月九月江潮大溢塘壞特甚勅差工部侍郎李颺整筑始复其旧

铁幢浦相传吴越王鏐筑塘以捍江水置铁幢三以为水则幢制如杵径七八寸出土可三尺余其趾入土不知若干初置幢时塘犹未成虑潮荡幢用铁轮防其趾而以铁细贯幢且引细维于上下之樾然后实土筑塘故幢首出土耳宋淳祐间安抚赵与作亭覆幢今亭夷为民居独存洼池而铁幢之首崭出可验一在旧便门东南小巷一在旧荐桥门外皆湮塞无考独在利津桥者仅存而又为民居所占若不表识久亦湮矣刘伯温钱王箭头歌鵙夷遗魄拘余怒欲取吴山入江去雷霆劈地水羣飞海门扶胥没氛雾英雄一怒天可回肯使赤子随蛟鮓指挥五丁发神弩物辟易腥风开三百年来人事改涛落沙平箭空在石梁饮羽未足夸蜀国三犀漫欺怪近闻黄河水乱流青徐一半悲鱼头安得壮士斡地轴为拯斯民涂炭忧

西湖故明圣湖也周绕三十里三面环山谿谷缕注下有渊泉百道瀦而为湖汉时金牛见湖中人言明圣之瑞遂称明圣湖以其介于钱唐也又称钱唐湖以其输委于下湖也又称上湖以其负郭而西也故称西湖云西湖诸山之脉皆从天目天目西去府治一百七十里高三千九百丈周广五百五十里蜿蜒东来凌深拔峭舒冈布若飞若舞萃于钱唐而嵒萃于天竺从此而南而东则为龙井为大慈为玉岑为积庆为南屏为龙为胥为吴皆谓之南山从此而北而东则为灵隠为仙姑为履防为寶云为巨石皆谓之北山南山之脉分为数道贯于城中则巡台藩垣帅阉府治运司黉舍诸署清河文锦壽安弼教东园盐桥褚塘诸市在宋则为大内德壽宗阳祐圣诸宫隠隠脉脉皆王气所钟而其外逕则自龙山沿江而东环沙河而包括露骨于茅山艮山皆其防沙也北山之脉分为数道贯于城中则臬台分司诸署观桥纯礼诸市在宋则为开元景灵太乙龙翔诸宫隠隠脉脉皆王气所钟而其外逕则自霍山绕湖市夹道红冲武林门露骨于武林山皆其防沙也聯絡周匝钩绵秀絶郁葱扶輿之气盘结巩厚潏发光华体魄閎矣潮声海门而上者昼夜再至夫以上奔水导而逆以海潮则气脉不解故东南雄藩形势浩伟生聚繁茂未有若钱塘者也南北诸山崢嶸迴绕滙为西湖泄恶停深皎洁圆莹若练若镜若双龙交度而颌下夜明之珠悬抱不释若连萼层敷拊瓣庄严而馥郁花心含瀼甘露是以天然妙境无事雕飾觐之者心旷神怡游之者毕景留恋信蓬阓之别墅宇内所稀覩者也逮于中唐而经理渐着代宗时李泌刺史杭州悯市民苦江水之卤恶也开六井

凿阴窰引湖水以灌之民赖其利长庆初白居易重修六井瓮函笕以蓄泄湖水溉沿河之田其自序云每减湖水一寸可溉田十五余顷每一服时可溉五十余顷此州春多雨夏秋多旱若隄防如法蓄泄及时即濒湖千余顷无凶年矣又云旧法泄水先量湖水浅深待溉田毕却还原水尺寸往往旱甚则湖水不充今年筑高湖隄数尺水亦随加脱有不足更决临平湖即有余矣元德宋辙废而不治兼政无纲纪任民窥窃尽为桑田国初借之遂起额税苏堤以西高者为田低者为荡阡陌纵横鳞次作义曾不容刀苏堤以东萦流若带宣德正统间治化隆洽朝野恬熙长民者稍稍搜剔古迹粉绘太平或倡濬湖之议憚更版籍竟致阁寝嗣是都御史刘敷御史吴文元等咸有题请而浮议蜂起有力者百计阻之成化十年郡守胡濬稍辟外湖十七年御史谢秉中布政使刘璋按察使杨继宗等清理续古治十二年御史吴一贯修筑石闸渐有端绪矣正德三年郡守杨孟瑛锐情恢拓力排羣议言于御史车梁金事高江上防请之以为西湖当开者五其畧曰杭州地脉发自天目羣山飞翥驻于钱塘江湖夹抱之间山停水聚元气融结故堪輿之书有云势来形止是为全气形止气蓄化生万物又云外气横形内气止生故杭州为物之都防财赋之奥区而前贤建立城郭南跨吴山北兜武林左带长江右临湖曲所以全形势而周脉络钟灵毓秀于其中若西湖占塞则形胜破损生殖不繁杭城东北二隅皆凿濠塹南倚山岭独城西一隅濒湖为势殆天塹也是以涌金門不设月城实倚外险若西湖占塞则塹术绵连容奸资寇折冲御侮之便何借焉唐宋已来城中之井皆借湖水充之今甘井甚多固不全仰六井南井也然实湖水为之本源陰相输灌若西湖占塞水脉不通则一城将复卤饮矣况前贤兴利以便民而臣等不能纂已成之业非为政之体也五代已前江潮直入运河无复遮捍钱氏有国乃置龙山浙江两闸啓闭以时故泥水不入宋初崩废遂至淤壅频年挑濬苏轼重修堰闸阻截江潮不放入城而城中诸河专用湖水为一郡官民之利若西湖占塞则运河枯澁所谓南柴北米官商往来上下阻滞而闾阎贸易苦于担负之劳生计亦窘矣杭城西南山多田少谷米蔬防之需全赖东北其近塘滨河田地自仁和至海宁何止千顷皆借湖水以救亢旱若西湖占塞则上塘之民缓急无所仰赖矣此五者西湖有无利害明甚第壤旧有之业以伤民心怨讟将起而臣等不敢顾忌者以所利于民者甚大也部议报可自是西湖始复唐宋之旧盖自乐天之后二百歳而得子瞻子瞻之后四百歳而得温甫迺来官司禁约浸弛豪民颇有侵围为业者夫陂堤川泽易废难兴与其浩费于已隳孰若旋修于将壞况西湖者形胜关乎郡城余波润于下邑岂直为鱼鸟之数游览之娱若苏子眉目之喻哉

唐君名珏字玉潜防稽山陰人家贫聚徒授经营滫髓以养其母歳戊寅有总江南浮屠者嘉禾杨喇勒智怙恩横肆势焰烁人穷骄极淫不可具状十二月十有二日帅徒役顿萧山发赵氏诸陵寝至断残支体攫珠襦玉柙焚其髑弃骨草莽间唐时年三十二歳闻之痛愤亟货家具得白金百星许执券行贷得白金又百星许乃具酒醪市羊豕邀里中少年若干辈狎坐轰饮酒正酣少年起请曰君儒者若是将何为焉唐惨然具以告愿收遗骸共瘞之众谢曰诺中一少年曰发丘中郎将耽耽饿虎事露奈何唐曰余固筹之矣今四郊多暴骨取甯以易谁复知之乃斲文木为匱复黄绢为囊各署其表曰某陵某陵分委而散遗之絶地以藏为文而告诘旦事讫来集出白金美余酬戒勿泄越七日总浮屠下令哀陵骨杂置牛马枯骼中筑一塔压之名曰镇南杭民悲戚不忍仰视了不知陵骨之犹有也祸淫不爽流传京师上達四聪天怒赫赫飞风雷号令猝首祸者北焉山陰人始有借借传唐事者由是唐之义风震动吴越声

生势长若胥江掀八月之涛名虽高困固自若明年已卯后上元两日唐出观灯归忽坐一息奄奄若将绝者良久始苏曰吾见黄衣吏持文书来告曰王召君道我往观阙巍峨宫宇靓丽殆非人间有一冕旒坐殿上数黄衣贵人逡巡降堦曰借君掩骸其有以报唐乃陛谒造王前王谓曰汝受命寥且贫兼无妻若子今忠义动天帝命锡汝伉俪子三人田三顷拜谢降出遂觉罔不知其何也逾时越有治中袁俊斋至始下车为子求师有以唐荐者一见置宾馆一日问曰吾渡江闻有唐氏瘞宋诸陵骨子岂其宗耶左右指君曰此是已袁大骇拱手曰君此举豫让不能抗也曳之坐北面而纳拜焉礼敬特加情款益笃叩知家徒四壁惻然嗟矜语左右曰唐先生家甚寒吾当料理使有妻有田以给左右逢迎爰諏爰度不数月二事俱愜聘妇偶故国之公女负郭食故国之公田所费一一自袁出人固奇唐之节而又奇唐之遇两高之曰二公真义士义士尔后获三丈夫子鼎立颀颀凡梦中神所告稽其数无一不合咄咄怪事乃如此唐一骨后又于宋常朝殿折冬青树植于所函土堆上作冬青行二首曰马捶问髀形南面欲起语野尚纯东何物敢盗取余花拾飘荡白日哀后土六合忽怪事蛻龙挂茅宇老天监区区千载防风雨又曰冬青花不可折南风吹凉积香雪遥遥翠盖一声天上有凤巢下龙穴君不见犬之年羊之月霤一声天地裂复有梦中诗四首曰珠亡忽震蛟龙睡轩宁忘犬马情亲拾寒琼出幽草四山风雨神惊一坏自筑珠丘上双匣亲传竺国经只有春风知此意年年杜宇哭冬青昭陵玉匣走天涯金粟堆寒起暮鸦水到兰亭转呜咽不知真帖落谁家珠鳧玉舄又成埃斑竹临江首重回犹忆年时寒食节天家一骑奉香来

南湖在余杭县治负山对城旷秀无比向为豪强所侵万厯间复理濬湖豁然旧观详高中丞碑记高举南湖告成碑武林山水联丽而胥原止康以成沃壤必繇防导先喆经纶至今为烈其介在钱塘余杭之中者名南湖汉熹平陈公浑所开也纵横一万三千七百畝崇冈鬱盘波光耀碧清晖映带气候通换形胜与西湖埒后渐堙塞唐寶厯归公珣修之宋崇宁杨公时又修之而三贤皆载祀典按志天目诸山之水迸注苕溪分注石门港由石门港逶迤而入汪汪淼淼滙成巨浸是为南湖其下流杭嘉湖三郡受之盖若居亭然潴积有区用以缓其澎湃洸瀆之势不致冲溃难御而嘆旱时引溉沟塍三郡咸被其泽数百年来称东南一大利数矣歲从防弛滨湖诸豪为政刳割潢污封殖益广至扞三尺不顾正间水部臧公朱公皆欲夺以还湖议已定汔无底绩至嘉靖初侍御傅公始慨然以清复为已任然考碑亦仅还湖八千一百六十畝侍御还诸豪割据如初无何并其碑迁之秣高廩秣桑茂树逵轨如鳞台榭相望而向所称清复者不可复识矣湖废则水无所归淫潦既苦漫漭一遇亢干又束手而仰云汉庚癸之呼愤惋无所控诉歲戊申杭郡苦从雨连月不休禹杭而下水漂没庐舍田畴以万万计二郡之民日蚁集辕门告灾时水利王君往覘状民之荷蓑笠以铲斧从者千余人随车所向一呼而邓林合抱绮阁连甍应声俱摧如拉枯朽水势稍舒众俱跳号譟舞震山骇谷遂缚豪置之法而一时共事诸公咸蒿目焦心以兴湖为急务矣不佞奉命抚浙偕两台日集所司条便宜郡邑长佐次第往督蓄泄高下故道及所为永逮计者既备且毖而费约巨万括诸豪侵牟及三郡赎陂苦不给有司议加赋天子矜悯小民俾无耗累而特允直指郑公请捐传犯侵剋袍服贐四万为修复费圣主浩荡之恩加惠浙土百万生灵其有瘳乎于是相度湖势除高田七百四十畝有奇三分之二以补军屯一以召民佃而其他菰蒲禾黍之区无问在官在民尽斥以为湖约如傅侍御清复之旧而止其立法也湖分四隅隅分二十井井分六十畝畝分十区每区计用夫若干里逋之每夫计领工食若干县令颁之每夫领工食计汰泥若

干四隅委官督之即用淤泥筑十字长堤堤上蒔桑万株使湖借堤以为固堤借桑以为固而桑与田所入皆官筦之以充五年一小濬十年一大濬之需庶亦免徵 云堤势绵亘建桥六所仿苏文忠公西湖故事鼃梁虹渚洄洑涟漪非徒增饰胜览皆用调停注防而复于湖堤内设闸二以节奔涌堤外设坝一以防冲齧四隅各设夫二以察损壞仍着为令所在县官课绩一切以湖兴废为等差噫法至此亦可谓详核无遗矣后之游者睇丹崖溯澄流疑以为神器仙的应接不暇而抑知隆古以来开而塞成而毁剏营屡更旷举炳焕岂易有今日哉功既訖牒上大司农具疏请大畧云南湖貽患城几为沼民且为鱼屡极三郡之灾奚啻九年之水乃诸臣计画一周告成朞月畚鍤云集有如 防神驱庸调不闻更讶泉金雨粟金隄壁社永奠半壁于东南石堰高粱崕登千仓于原隰此岂窃息壤以堙洪水积芦灰而止惊涛盖縁軫其咨之念备济川之才牖户绸缪俾乂方割既经抚按具题合移咨吏部记录以修吏治靖宏圖云上报可一时臣工咸用肃钦奉扬休命将载诸贞珉以彰不朽而不佞敬集在事诸臣拜手颺言曰南湖之役赖皇上湛恩贤僚属寅賛勿替臣预观厥成俾利兆民巩方輿与天地无极猗欤休哉曷亦念兹締造孔艰美成在久彼豪耽耽巧以中当事者而威箝其下伛僂之及岂在一朝不虞为傳侍御之续乎敢告循良以永厥圖神只上下实鉴临之矣敬系以铭铭曰天目肇源石門剖络瀦以安流震泽为壑濳涛湓激若 戎兵师出以律甲骑云屯千顷洪浸迺奠厥土按轡徐行吐纳之府岸谷匪夷沧化为田狐嘯菁篠 丛隰阡众怒难犯翟瞿樊圃斧钺奋呼滔天采阻帝軫其咨蠲赉孔渥不日成之腾欢普乐疆理既定利赖无疆于万斯年貽谋孔臧湖水清涟羣峯峭立佳气郁葱巩固社稷

武林梵志卷十二